



BIBLIOTECA NAZ.  
Vittorio Emanuele III


XXIII

F

60

LI








2

MICHAELIS ANGELI CHRYSOLII

DE PRINCIPE

LIBER UNUS.



*Principi summum rerum arbitrium Dii  
dederunt*

Tacit. Ann. L. 6. c. 6.



NEAPOLI MDCCLXXXIII.



APUD VINCENTIUM ORSINI.



*Superiorum permissu.*



*Cara Deum soboles, magnum Jovis  
incrementum.*

*Virg. Egl. 4.*

# MARIÆ CAROLINÆ

AUGUSTISSIMÆ

SICILIARUM ET HIERUSALEM REGINÆ

*MICHAEL ANGELUS CHRYSOLIUS.*



Ene ac sapienter, Serenissima  
DOMINA, fuit id in more  
positum, institutoque Ma-  
jorum Tuorum, quos æternus colit An-  
narium honos, ut quos priorum tem-  
porum immanitas exiliis puniebat, eos  
maxime haberent in complexu, Sapientes  
nimirum, pacis ornamentum præcipuum,

a 2

mi-

## IV

miserisque subsidium temporibus, qui studio, industria, improboque labore publicæ rei commoda obstinate curarent, eos foverent quam maxime, in suamque reciperent Fidem longe tutissimam, iisque minores tamquam in terris Dii, otia facerent ampliora. Ad Majestatis enim culmen evecti, quæ in illis erat animi celsitudo, intellexere, esse se in Terris Supremi Numinis cuncta sospitantis effigiem, lectosque se Administros, qui ipsius Dei vice in regendis hominibus fungerentur; ut publicæ felicitatis instrumenta præcipua, Magnos nempe viros, haberent sibi maxime commendatos, eorumque studium & laborem, & tamquam vigilantes intenderent exactores, & veluti participes sociique relevarent. Felices, quorum studia, & singularis industria non per internuncios, & interpretes, sed ab ipsis Principibus, nec auribus tantum suis, verum probata oculis fuere! Hujusmodi institutum Magno Principe, ad immortalitatem nato dignissimum, maxime commendavit Mariam Theresiam Austriacam, optimam Parentem Tuam, atavis editam Imperatoribus, quæ ubi vera Principis,

ubi

ubi sempiterna gloria sita est, probe novit; cujus ingentia in litterariam Rempublicam merita in omnium adhuc hominum ore, animoque versantur. Quem honorem dicendi Magistris? Quantoque in pretio Sapientiae Doctores habuit? Quis non ejus obitum lacrymis honestavit? Quantis illam encomiis, licet non satis pro merito, litterarum praesertim cultores extulere? Ejus Tu potissimum REGINA Clarissima, optimis incitata exemplis, quae immortalis Parentis vestigia premiens viam ad Olympum virtute affectas, statim faustissimis hymeneis FERDINANDO IV. Borbonio Siciliarum Regi Serenissimo jugata viro, & in Regni, in magnarum scilicet curarum consortium divino munere accita; moris Majorum tenacissima custos nihil antiquius habuisti, quam ut saeculo nostro, ne sterile omnino esset, & effoetum faveres, Pacis, artes, hominum generi maxime utiles litterasque tuerere jam labantes, litteratosque potissimum tantoque animi conatu proveheres, ut Auspiciis Tuis quam laetissimis spiritum, & sanguinem, ac patriam propriam sedem recepisse litterarum studia videan-

## VI

deantur. Versis jam tum animis ad publicam curam, Te maxime impellente, adjuvante Te, Clementissimus REX noster, urbis, & ædificiorum magnitudine aucta Civitate, cunctis Domi ad belli, pacisque usus dispositis, Re militari, Ærario ac Foro recte constitutis, Academiam ingenuarum Artium, Opus vere Regium adjuvandis ingeniis excitavit, & suo Ære admiranda animi magnitudine Neapolitani nominis gloriam amplificavit; Liberos tandem suos iis artibus erudiendos dedit, quibus eorum ingenia ad magnæ fortunæ cultum excitata beandis Populis paria efficerentur. His, aliisque plurimis, a quibus recensendis abstineo, maximis in litterariam Rempublicam meritis, Libellus hicce *de Principe*, qui Te annuente, augustum nomen Tuum inscribere sibi audet, Tibi potissimum a me, Serenissima DOMINA, debebatur. Quæ enim ad solam Majestatem utcumque pertinent, soli Majestati debentur; Regiæque Potestatis Propugnatio, cui peropus est prævalido Mæcenate, nec meliorem desiderabat tutelam quam Reginæ Sapientissimæ, nec opem poscebat sibi potentiorē. Quod si vel

ar-

argumenti dignitate, non satis impelleris, ut libellum, ea qua soles facilitate excipias, excipe quæso illum munusculi loco, quod offert Tibi novus jam Auctor inter gratulationis officia de proxime superata morbi vi, qui Te in commune periculum urgebat in exitum. Nam cum recentem proximo in partu esses præbitura populis Tuis lætitiæ occasionem subito, eoque vehementi effusi sanguinis impetu correpta, cum extremum Te jam fere exanguem, exanimemque fatum urgeret; gaudio repente in marorem verso, acerboque funere jam instante, extinguî videbare, publicamque fœdare tranquillitatem. Oh triste discrimen, ipsaque morte indignius, quo grande Neapolitanarum decus rerum, columenque occidere, magnamque secum trahere ruinam parabat! Cum Civitas tota luctu sordida, Proceres, Equites, viri nobiles, ipsaque multitudo subito instantis funeris nuntio perculsa, quantum animo vulnus acceperit, quantum dolori, Tuæ Incolumitati diffusa, indulserit, dici vix potest. Tu autem Serenissima DOMINA, non modo Nestorea vita, sed immortalitate

## VIII

quoque dignissima, ipsa Te corporis viribus destitutam, vigore animi, metu mortis haud infracta, sustinuisti. Oh animi in ipso mortis discrimine excelsi vigorem, quo numquam immutato, doctissimis peritissimisque Medicis obsecuta, pretiosam vitam, qua Subditis Tuis nihil erat optatius, invita vi morbi retinuisti! Quare omni converso luctu in lætum cultum, læti redierunt dies, publicique Urbis ludi restituti, & cives universi lætitia perfusi, Matronæque honestissimæ, præclare secum actum putantes, quod Te viderent a tanto periculo Incolumem, maximas, immortalesque D. O. M. gratias (\*) egere, & ipsi Boni omnis Largitori thura largiter dederunt. Inter hujuscemodi, inquam, gratulationis officia, sine, quæso Te, Clementissima DOMINA, ut munusculi loco libellum hunc fistam *de Principe*. Ne Te indignum putares opus hoc qualecumque operisque Auctorem Tua benignitate complecti. Magnis

(\*) Cuius facti memoria, ut Posteritati quam remotissimæ commendaretur, collibitum tunc animo fuit, Inscriptione quadam de veterum more eam con-



gnis enim non magna, ne certare cum  
 ipsis videaris, sed vilia decet offerre,  
 quæ magna facere ipsi possint. Libellum  
 hunc, quem argumenti dignitas Tibi  
 valde commendat, non sui, non Aucto-  
 ris gratia, sed summæ Clementiæ Tuæ  
 munere in fidissimam Tutelam Tuam ac-  
 cipere ne graveris. Supplex Tibi iisdem  
 Plutarchi verbis, quibus Apophthegmata  
 Trajano Cæsari dicavit, orationem hanc  
 concludam: *Artaxerxes*, inquit, *Persa-*  
*rum Rex*, *Trajane Cæsar Imperator ma-*  
*xime*, *existimans* non minus Regiam Ma-  
 jestatem decere, & Humanitatem parva  
 beni-

condere, ne umquam, in æterna rerum apud ho-  
 mines fama, intercideret. Ea vero est hujusmodi.

*Indictis Sacris sollempnibus in Ædibus S. Severini.*

D. O. M.

PRO . IMPETRATA . SALUTE  
 MARIÆ . CAROLINÆ . AVSTRIACÆ  
 QVOD . PER . EAM  
 VTRIVSQVE . SICILIÆ . REGNUM  
 IN . AMPLIORI . ATQVE . TRANQVILLIORI  
 STATV . EST  
 PATRICII . POPVLVSQVE . NEAPOLITAN.  
 COMMVNI . CONSENSV  
 VOTVM . SOLVUNT .

x  
benigne, alacriterque accipere, quam  
magna largiri, cum sibi iter facienti ope-  
rarius quidam, ac plebejus homo utra-  
que manu haustam e profluente aquam,  
quia nihil habebat aliud, obtulisset, hi-  
lari vultu accepit, munus non usu rei  
oblatae, sed studio dantis metiens. Et  
Lycurgus minimi sumptus sacrificia Spar-  
tae constituit, ut Deos immortales hono-  
randi semper in promptu esset copia.  
Eo consilio ipse quoque tenue Tibi mu-  
nus, ac strenas, & primitias Philosophiae  
communes cum offeram, Auctoris juxta  
studium, & Commentarii utilitatem ut  
probes rogo.

Datum Neapoli Idibus Septembris An.  
MDCCLXXXIII.

MONITUM

LECTORI

**P**rope jam erat, ut is liber publicam  
viseret lucem, cum Augustissimus (quem  
Deus vere sospitet) Rex noster Regia  
Jurisdictionis Delegato extra ordinem man-  
davit, ut libro attente perlecto consulere,  
utrum Reipublica Principisve pervulgari  
interesset. Regio audiens præcepto Delega-  
tus (Turiti nempe Dux clarissimus) eo,  
quò hisce in rebus perpendendis pollet, acri-  
que uti solet iudicio, librum perlegit,  
Regique auctor fuit, ut quanto ocius pu-  
blica luce sineret uti-frui. Quam quidem  
consultatio anxios ne fugiat lectores, simul-  
que grave, quò usus est Delegati pateat  
supercilium, non abs re erit eam hic na-  
ta τὸδα apponere.

S.R.M.

SIGNORÈ.

**E**ssendosi degnata V. M. di rimettermi l'Opera intitolata *De Principe, sive De Ortu & Progressu Regiæ Potestatis*, si è compiaciuta comandarmi con Regal Carta degli 11. Ottobre del corrente anno, che io la rivegga, e quindi informi col parere con dire nel tempo stesso in ispecialità se si possa pubblicare colle stampe. Adempiendo il Regal comando, ho l'onore di far presente a V. M. che l'anzidetta Opera è stata da me letta, e ponderata, e mi par degna del comun plauso per più riguardi, e massimamente per lo particolar zelo dell'Autore verso il Sovrano, per lo intrinseco merito dell'Opera istessa, e per li molti pregi de' quali si vede adorna, e che possono renderla al Pubblico accettevole, e grata: e perciò la stimo degna di esser pubblicata colle stampe. Ma siccome il degno, e conosciuto Autore del sopracennato libro intitolato *De Principe, sive de Ortu & Pro-*

*Progressu Regiæ Potestatis*, ebbe intendimento di ragionare dell' origine della Regal Podestà; così divisa la contesa, che si agitò negli andati tempi intorno a tale argomento, egli si risolse di ripetere la Regia Sovranità da Dio, non per la via seguitata dall' Ornio, e dall' Arcivescovo Pietro de Marca, ma in una nuova maniera, che siccome non è ripugnante alla pubblica ragione, così dee riputarsi conforme alla Sacra Scrittura, alla voce della Chiesa, al consenso de' Padri, e all' avviso de' migliori Teologi e Canonisti. E poichè il libro verrebbe a publicarsi dopo una disamina fatta per Sovrano comandamento, dove la M. V. si compiaccia darne il permesso, egli conviene, che si facciano tre correzioni, o siano spieghe, la prima nel Titolo, la seconda nella pag. 8. e la terza nella pag. 251. infine. Il Titolo *De Principe, sive de Ortu & Progressu Regiæ Potestatis*, potrebbe dimostrare, che la Regal Podestà nel suo nascimento fu piccola, e che nel progresso di tempo, secondo che si stabilì in potenza, acquistò quella grandezza, che da principio non avea. Quindi

di farebbe luogo a congetturare , che la Regia Podestà non nacque da Dio fornita di tutte quelle parti , che il Pubblico Dritto le ascrive , ma che le tolse dal Popolo per violenza . Adunque fa di mestieri , che ritenendosi il titolo *De Principe* , si sopprimano le seguenti parole , *De Ortu & progressu Regia Potestatis* . Nella pag. 8. esponendosi la contesa , che riguarda l' origine della Regia Podestà si dice : *In eam duram incidunt questionem, qua magnis animorum motibus tractata olim a multis, dubia adhuc, aut ego fallor, incertaque manet, sit nempe Regia Potestas auctus a Deo, an vero a Populo, ita ut Reges plenum Imperii sui beneficium non Deo tantum, sed Populo acceptum ferre debeant?* Se i migliori Scrittori di Pubblico Dritto , e i più sapienti Teologi non dubitano , che l'unico Autore della Regia Podestà sia Iddio , perche la Ragione , la Scrittura , e la Chiesa così insegnano , non debbono lasciarsi le parole : *dubia adhuc incertaque manet* , se non si soggiunga , *apud Monarcomachos, o pure, apud Regia Potestatis hostes* . Nella pag. 251. si leg-

legge : *Summa Regiaeque Potestatis est , fidem Disciplinamque tueri &c.* Il Principe è difenditore della Fede, ma è Direttore, e Moderatore del buon ordine nella Chiesa, e della Disciplina . Adunque stà ben dirsi, *Regiaeque Potestatis est Fidem tueri* ; ma bisogna aggiungere, *Disciplinamque dirigere, vel regere, vel moderari*. Questo è, S. R. M., il giudizio, che ne ho formato, leggendo il detto libro, e che eccita in me il desiderio di vederlo prestamente recato a termine in tutta la estensione dell' idea formatafene, e propostane dall' Autore . E con tutto il rispetto maggiore &c. Di V. M. a 6. Dicembre 1783. Il Duca di Toritto.

*Cui Consultationi statim benignissimus  
Res adnuere non est dedignatus.*

S.R.M.

S. R. M.

SIGNORE

**V**incenzo Orsino pubblico Stampatore di questa Vostra Fedelissima Città, supplicando espone alla M. V., che desidera dare alle stampe un libro intitolato: *De Principe &c. Autore Michaelangelo Chrysolio*. Percio spera dalla clemenza di V. Maestà, che glie si assegni un Revisore, chi meglio stimerà, e l'avrà a grazia quam Deus &c.

*U. J. D. D. Marinus Guaranus in hac Regia Studiorum Universitate Professor revideat. Autographum enunciati Operis, cui se subscribat, ad finem revidendi ante publicationem, num exemplaria imprimenda concordent ad formam Regalium Ordinum; & in scriptis referat. Datum Neap. die 15. mensis Maji 1783.*

I. AR. SALERNITANUS C. M.



S. R. M.

**A**Rgumentum discors sententiis, opimum jurgiis pertractandum suscepit Michael Angelus Chrysolius in libro, cui titulus : *De Principe, sive de orsu, & progressu Regia potestatis*. In eo, Domine, nil ego deprehendi, quod aut Christianorum fidei, & moribus, aut Majestatis juribus adversetur. Quin, cum in opere suo diligentissimus Auctor eo omnia ferme collineet, ut reverentiam adversus Principes animis lectorum instillet, cito evulgandum censeo, modo Majestatis Tuz assensus accesserit. Neapoli pridie idus Septembris A.D. MDCCLXXXIII.

Majestatis Tuz

*Humillimus devotissimus S.*  
Marinus Guaranus.

b

Die

Die 19. Decembris 1783. Neap.  
 Viso Rescripto S. R. M. sub die 13.  
 currentis mensis, & anni, ac relatione  
 U. J. D. Marini Guarano, de commissio-  
 ne Rev. Reg. Cappellani Majoris ordine  
 prefata Reg. Maj.

Regalis Camera S. Clare provider,  
 decernit, atque mandat, quod imprimatur  
 cum inserta forma presentis supplicis li-  
 belli, ac approbationis dicti Rev. Revi-  
 soris, ac servata forma supradicti Realis  
 Rescripti, cum conditionibus tamen in eo  
 contentis, & expressis; cujus copia hic  
 inseritur; Verum non publicetur, nisi opus  
 enunciatum revideatur a circumspetto a  
 Secretis dicta Realis Camera; an editio  
 fiat servata forma supradicti Realis Re-  
 scripti, nec non in publicatione servetur  
 Regia Pragmatica. Hoc suum.

PATRITIUS Avena  
 CARAVITA TARGIANNI  
 VIDIT FISCUS REG. COR,

Illustris Marchio Citus P. S.R.C.,  
 temp. subscrip. imp., & Ill. Mar-  
 chio Salomone non interf.  
 Reg. Carulli Athanasius.

Copia &amp;c.

Avendo lo Stampatore Vincenzo Orfini supplicato il Re di potere stampare un Opera intitolata : *De Principe , sive de ortu , & progressu Regiae Potestatis* , S. M. inerendo al sentimento del Cappellan Maggiore , che ha rimesso l'approvazione del Regio Revisore , si è degnata di permettere l'edizione di tal libro con la solita condizione, che prima di pubblicarsi se ne debba ottenere il *concordat* di proprio carattere del Revisore medesimo , e si debbano osservare gli altri ordini generali in materia di stampe . Aggiunge S. M. tre altre condizioni , la prima , che il libro si debba intitolare assolutamente *De Principe* senza altr'aggiunzione . La seconda , che nella pagina ottava , in cui si espone la contesa dell'origine della Regia Potestà , scrivendosi , *in eam duram inciderunt quaestionem , quae magnis animorum motibus tractata olim a multis, dubia adhuc , aut ego fallor , incertaque manet ; sit nempe Regia Potestas aucta a Deo , an vero a populo , ita ut Reges plenum Imperii sui*

xx

*beneficium , non Deo tantum , sed Popu-  
lo acceptum ferre debeant ; Vuole S. M.,  
che dopo la parola dubia adhuc ; incer-  
taque manet , si debba soggiungere apud  
Monarchomachos , ovvero apud Regiæ pote-  
statis hostes . La terza , che nella pagina  
251. leggendosi , summæ Regiæque pote-  
statis est fides , disciplinamque tueri , si  
debba dire , Regiæque potestatis est fides  
tueri , disciplinamque dirigere , vel rege-  
re , vel moderari . Perciò di Real Or-  
dine lo partecipo alla Real Camera , con  
rimetterle l'approvazione del Regio Re-  
visore , affinchè prenda cura dell'esecu-  
zione delle notate condizioni , e quindi  
proceda al solito decreto per la publica-  
zione dell'Opera. Palazzo 13. Dicembre  
1783. Carlo de Marco . Sig. D. Gia-  
cinto Dragonetti .*

## EMINENTISSIMO SIGNORE

V Incenzo Orfino pubblico Stampatore di questa Fedelissima Città di Napoli , con umili suppliche espone all' Em. Vostra , come dovendo stampare un Libro intitolato : *De Principe &c. Autore Michaelangelo Crysolio* . Desidera perciò che l' Em. V. si compiaccia assegnarli un Revisore ; e lo spera a grazia , quam Deus .

*Admodum Rev. Dom. D. Franciscus Rossi S. Tb. Professor , revideat , & in scriptis referat. Datum Neap. Idibus Augusti 1783.*

PUCCI V. G.  
Joseph Rossi Can. Dep.

**J**Ussu tuo legi libellum, cui titulus *De Principe &c.* a Michaelangelo Chrysolio sat eleganter conscriptum. In eo vir Cl. spinosissimas juris publici tractationes ad legum explorata principia non indiligenter revocavit, & impeditissimum negotium tam apta methodo, tantaque eruditione expedivit, ut summis plerisque viris palmam præripuisse videatur. Opus hoc nulla sui parte aut Orthodoxa Fidei dogmata, aut bonos mores attentat. Neapoli Idibus Septembris an. 1783.

Eminentiae Tuæ

*Addictissimus, & Obsequentissimus F.*  
Franciscus Rosli

*Attenta Relatione Domini Revisoris imprimatur. Datum Neapoli 14. mensis Novembris 1783.*

PUCCI V. G.

Joseph. Rosli Can. Dep.

IN.

## INDEX CAPITUM

## CAPUT I.

*Scribendi occasio. Libello materies comparatur. Clariss. P. De Marca sententia de Summa Principum Potestate perpenditur. In qua excipienda temperamentum adhibetur.* pag. 5.

## CAPUT II.

*Rei difficultas. Hornius, Boëclerus, Strauchius, Bosius, Granswinkeliuss, Zieglerus, Osiander, Dupinus, ac ipse de Marca nimiae assentationis acousantur. Contra hæc Buchananus, Stephanus Junius Brutus, Jo: Milton, Raynallius impietatis nimiae. Auctoris sententia proponitur, methodusque, quam sequitur.* 14

## CAPUT III.

*Proposita sententia ex Sacris litteris confirmatur. Pauli verba cum Petri verbis conferuntur, & congruentia propositæ sententiæ explicantur. Refutantur potissimum, quæ de Petri Textu, Grotius sentit. Της διαταγης η, της κτισιως notiones exponuntur distinctius. Chrysostomi Auctoritas Auctoris interpretationes* nes

nes adjuvabit . Difficultas quædam ex  
vetusti fœderis tabulis petita , qua Re-  
gum Majestas imminui nonnullis vide-  
tur , differtur paucis . 25

## CAPUT IV.

Auctoris sententia Patrum auctoritatibus  
firmatur . Eadem Scriptorum quoque  
profanorum dictis , ac historia antiqui &  
medii ævi fulcitur . 44

## CAPUT V.

De Caussis homines primum in Civitatem  
cogentibus . Nova hac de re fertur opi-  
nio . Eloquentiam nempe , ac Barbariem  
caussas Civitati facit Auctor , positivam  
unam , alteram negativam . Pluribus  
de primo Gentium positu differtur .  
Firmandæ debine Auctoris sententia ,  
de summa Principum potestate a Deo  
potissimum derivanda , sumitur argumen-  
tum . 60

## CAPUT VI.

De Lege Regia differtur . Nonnihil hic  
etiam novi offertur . Gravina sententia  
non minus , quam Hotomani refutatur .  
Eam vero , licet ponatur a Pop. Rom.  
latam , Auctoris sententiæ minime repu-  
gnare , demonstratur pluribus . Pufen-  
dorffius refellitur . Hobbesii notiones quæ-  
dam ,



*Eam, rei, qua de agitur, accomodantur. Themistii insignis locus propositam sententiam exornabit.*

84

## CAPUT VII.

*J. F. Hornii sententia, de Summæ Potestatis Civilis cum Potestate Divina, refellitur. Id Pantheisticum esse demonstratur. Pluribus autem profanorum Scriptorum testimoniis, ac Sacrarum Litterarum auctoritate, Potestatum υπαλληλις, quem asserit auctor, confirmatur. Augustini sententiæ commendantur præcipue, factumq. quod narrat Herodotus.*

105

## CAPUT VIII.

*De Summæ Potestatis Cumulatione circa Sacra cum Summæ Potestate Civili apud veteres. Hujusce cumulationis ratio redditur potissima, quæ Auctoris congruat sententiæ, quam propugnat. Petri Janonii sententia elevatur.*

122

## CAPUT IX.

*De populi declaratione pluribus differtur. Eam haud ipsam Summam Potestatem afficere, verum Summæ Potestatis habendæ modum, demonstratur. Plures hujusmodi exponuntur modi. Bodinus, Hotomanus, ac Pufendorfius refelluntur.*

141.

## XXVI

*tur . Senti Empiriei caussarum efficien-  
tium partitio proponitur , eaque confir-  
manda Auctoris sententiæ accommoda-  
tur.* 136

## CAPUT X.

*Scholia quadam, quibus eorum argumenta,  
Vasquii, Hotomani, Junii Bruti &c.  
solvuntur, qui Summam Potestatem esse  
contendunt penes Populum. Auctoris sen-  
tentia roboratur magis. Grotius etiam  
in pluribus refutatur.* 155

## CAPUT XI,

*Reliqua exponuntur momenta, quibus ma-  
gis evincitur, Potestatem Summam Ci-  
vilem non a Populo, verum a Deo de-  
rivandam. Ea ex omni Jure, omni-  
naque Historia repetuntur, Barbeyra-  
cius refellitur.* 174

## CAPUT XII,

*Ex Superioribus Corollaria: qua Principes  
subditis, subditos Principibus maxime  
devinciant. Ea vero clarissimorum Au-  
ctorum sententiis roborantur.* 221

## CAPUT XIII.

*De Summæ Regiæque Potestatis origine,  
ac progressu, sive de Juribus Principis.  
Quorum divisio per summa Capita pri-  
mi est hujusce libelli clausula, alte-  
rius-*

riusque proponitur veluti argumentum  
maximè proprium. Herodoti atque Thucidi-  
didis de Summæ Potestatis Juribus  
sententiæ sugillantur. Dionysii Halicar-  
nassensis ea de re, ac Aristotelis divi-  
siones ostenduntur perfectiores. Omnium  
summam eam esse demonstratur, quam  
Grotius tradit. Eam vero Auctor sequi-  
tur, quam Pufendorfius ac Heinecius  
tradidere. Jura demum Principis om-  
nia, Tabulis decemviralibus condun-  
tur.

228

## CAPUT XIV.

Temperamenta circa Summæ Potestatis Ju-  
ra proponuntur. Fidelia Monita deinde,  
eaque vetustissima, Principibus in me-  
moriâ revocantur.

262

Commentariolum in L. un. C. Si quis Imp.  
maledixerit.

275

De Regum juribus apud Lacedæmonios &  
Athēnienses Dissertatio, qua Herodo-  
tus illustrantur & Thucydides.

291

## ERRATA

## CORRIGE

pag. 55. duplicando	Deprecando
51. ad Julian. orat.	Ad Julian. orat.
104. Regium	Regum.
106. Quid Deus ho-	Deus homini quid
mini quid præstet.	præstet.
115. Congrui	Congruit.
138. Sarthis	Parthis.
ibid. Βεβαιούντες	Βεβαιούντες
128. πολιταν	πολιτιαν
186. επαταζειν	επαταζειν
190. ακρωτοπο	ακρωσωποι
190. æque	æquo.
230. hominum	hominem
242. Regis	Reges
ib. Coria singulis	Coria: singulis
250. Sacrocrum	Sacrorum
Sæpe Puffendorf.	Pufendorf.

*Cætera suppleat Lectoris humanitas.*

# LECTORIBUS

**N**E quam fortasse mihi creet invidiam, quem e scriniis meis elabi nunc patior *Libellum*; juvat me nunc paucis in vestram, humanissimi Lectores, revocare memoriam, quod memoriae prodidit Gramondus (1). Habitis nempe apud Gallos universi Cleri Comitiis; eidem postea Clero hanc fuisse propositam quaestionem: Reges auctoritatem suam omnem immediate a Deo haberent, nec ne? Plerisque visum, Galliae salutem inde minime pendere, adeoque hujusce quaestionis discussionem Scholis permittendam. Quod praeter Gramondum ipse Thomasius testatur (2). Id unum vos monitos, Lectores, volui, ut sciatis, me nullo amore, aut odio impulsam,

A quo

(1) Gram. Hist. Franc. Lib. I.

(2) Thomas. Jurisp. Div. Lib. III. cap. VI. §. 68. & seq.

quorum causas procul habeo, hujusmodi  
 questionem pertractandam suscepisse; at  
 potius, ut philosophandi genio nonnihil con-  
 cederem: philosophandum enim paucis equi-  
 dem quoque censeo, ut Neoptolemus olim  
 apud Ennium; nam omnino haud place-  
 ret (3). Id autem propterea Politicis de re-  
 bus philosophandum mihi tantisper e re  
 mea potius esse censui; quod jampridem  
 in eorum pedibus ivi sententiam, qui cre-  
 dunt Naturæ peplum detegi ab homini-  
 bus numquam posse: Contra vero, quem-  
 quam, dummodo in rerum humanarum hi-  
 storia mediocriter sit versatus, posse de re-  
 bus humanis, cum & ipse homo sit, cla-  
 rius certiusque differere. Quum autem &  
 idem negotii sibi quamplures etiam dede-  
 rint, ac e nostratibus præsertim clarissimus  
 Jovianus Pontanus libellum solito pretiosio-  
 rem De Principe ad Alphonsum Calabriæ  
 Du-

(3) Vid. Cicer. Lib. II. quæst. Tuscul. Cap. I.

Ducem inscripserit; non abs re erit, imperitiores ( quibus plerumque præstantur scribentes ) admonere ; Jovianum , uti & Nicolaum Macchiavellium , Virtutes potius Principis , quam potestatem persecutos : paucis , cum Scholæ inquam philosophis , Principem moraliter potius , quam physice, sive κατ' ἀνάγκην, considerasse . Quod monuisse oportebat , ne eadem inscriptione se falli facile sinerent , ac ne prima fronte tristis huic libello inutilitatis nota a sciolis inureretur . Quem , quò utilior evadat , duo alii , secundum eam methodum , quam inferius (1) vobis sistam , sequentur . Is vero ita sunt facti , ut quisque per se subsistat ; licet omnes ad Principem , Regiæque Potestatis progressum pertineant . Genuinam habebitis hujusce prioris libelli scribendi causam , & occasionem in capite , quod in una vel altera ad summum ejusdem libri pagella , vobis se primum offeret.

A 2

feret.

feret. Nihil est itaque, quod præfari magis  
magisque oporteat, vobisque, de more scri-  
bentium, pluribus præfando, caput obtunde-  
re. Si quid autem est, quod restat: æqua-  
nimitas vestra scribentis adaugeat indu-  
striam. Valete.





D E

## PRINCIPE

## C A P. I.

*Scribendi occasio . Libello materies comparatur . Clariss. P. De Marca sententia de Summa Principum Potestate perpenditur . In qua excipienda temperamentum adhibetur .*

§. I.

**A**utumnales modo Feriæ (1) intensissimam litterarum studiorumque curam relaxaverant ; cum animi , ab assidua eaque duriuscula Canonum Legumque

A 3 ci-

(1) Statas autem Autumnales Ferias cum clarissimo Marchione Regioque Consiliario Josepho Mauri,

ca-

Civilium lectione solito demissioris, recipiendi ac oblectandi simul causa, non-nihil interdum legere, remissius tamen, mihi proposui, quod amoenitate quadam ac elegantia apprime conditum, omnino mihi ad palatum foret. Senferam enim ipse, difficilioris lectionis exeuntis anni curriculo perpetuo institutæ, animum prope jam obsaturatum, quidlibet statim fastidire, quod per se mihi non saperet, neque eleganter foret egregieque factum ad fastidium depellendum, simulque animum postea consuetis lectionibus revocandum. Non enim, quamvis feriatus, dies noctesque omnino stertere animus erat: at jucundiori le-

Etio-

ejus mellita diu fruor consuetudine, *Pululca*, oppidi ab Urbe non longe distiti, celebrabam. Has vero, quod jucundiores evaderent, gratissima juvabat clarissimi P. Elisæi consuetudo, qui nobiscum, una cum pluribus candidioribus animis, quos, ne longior sim, non nomino, rusticabatur. Vix autem temperare mihi possum, quin reminiscar hic clarissimum Franciscum De Alitto, virum singularem, hominemque antiqua sane fide ac virtute insignem; qui, dulcissimus rerum, ferias nobis reddebat quam jucundissimas. Quam vellem, feriis in orbem redeuntibus, cum iisdem singularibus viris, feriatum iterum a studiis, otio tantisper indulgere! Quod si fiet, Diis vitam, eorumque proprias voluptates, ut vetus ait verbum, non invidebo.

7  
ditioni tempus operamque ab animi relaxatione subsecivam impendere. Quid namque gravius accidere umquam poterit τῷ φιλομαθεῖ, homini nempe discendi cupido, ac sapientiæ studioſo, quam otioſum animo vel diem unum marceſcere, ac ſiderari? Quamobrem non omiſſis crepundiis, quæ pomifer non minus, quam nugiger. Autumnus hiſce in Regionibus abunde fert, quibuſque cum amicis candidioribus, virilitati jam proximus, repuerſcere mihi aliquando videbar; manum interea, cum vacivi aliquid temporis a nugis mihi ſupereſſet, paucis libellis meis, qui dominum brevi ruſticantem ſecuri jucundiores fuerant, admovebam volutandis, pro ut quiſque forte fortuna ſe mihi offerret; ut queis bellum hoc tempore indixeram, in gratiam cum iis hoc veluti pacto redirem. Perpetuæ namque lectioni tunc temporis vacare in votis haud erat: ſed tantum propero oculorum intuitu unum & item alterum feſtivum elegantiorẽque libellum legendo percurrere; ac ſi quĩ in manus incideret induſtria fortasſe elaboratior, cujuſque capitiſ ſummam perlegere, lectioneſque animo

retentâs, aliis aliisque cogitationibus intermissâs, in memoriam revocare.

§. II. Reliquos inter libellos, Poëtas præsertim ac Historicos, quibus legendis nullus mihi dies vacuus excidit; (ad linguam enim formandam apprime factos censeo); duo rerum non minus quam styli præstantia florentes, elaboratiore mecum libri rusticabantur, celeberrimi *Hugonis Grotii* clarissimique viri *Petri de Marca*: quorum ille *de Bello ac Pace* tam alte, hic vero *De Sacerdotio & Imperio* tam apte congruenterque scribunt. Et hosce quoque libros latino sermone scriptos elegantissimo, ac succipleno (furtim quandoque liceret ab institutis ludis, socios fallendo, in cubiculum me recipere) sine fastidio iterum iterumque volutare haud mihi temperabam.

§. III. Forte alterum evolventis opus festinantes oculi, in eam duram inciderunt quæstionem, quæ magnis animorum motibus tractata olim a multis (1), venit etiam nunc, ut, gliscente in diem recentium Monarchomachorum adversus Principes invidia, studio non minori tractetur; sit nempe *Regia Potestas aperiens a Deo, an vero a Populo*, ita ut Reges

(1) Hæc antea scripseram, dubia adhuc &c. plo-

*plenum imperii sui beneficium non Deo tantum, sed Populo acceptum ferre debeant?* (1)  
 Neque satis modo habui quæstionis summam in summo Capitis vertice prælibasse tantum; at insuper, legendi quadam intemperantia abreptus, vix me continui, quin tanti viri sententiam, qui se tandem haberet, quam attente pensarem. Procul dubio hominis ingenium obstupui, qui paucis, iisque bene compositis ea se opinione extricavit, quæ quamplurimorum animos implicaverat olim; quique fortis asseruit, Principatum politicum a Deo per insitam naturæ legem manasse quidem, sed non ita ut Populi quidem suffragiis in Reges postea conferatur. Quæ quidem sententia tanti viri auctoritate suffulta, valde sane mihi arrisit, homini nempe quam pio ac devoto Regum cultori. Jampridem enim refugerat animus in eorum ire sententiam, qui omnium impudentissimi, unicuique Regum Potestatem Regiam a divino Numine conferri negarunt. Quippe non ignorabam eam sententiam, pro qua olim  
 alia

(1) Hanc quæstionem attingit *De I. Marca. Lib. II. De Conc. Sac. & Imp. §. I. & II.*

alia de causa acriter, at dubio Marte (1) pugnatum; Regum libertatem nonnihil imminuere, violare dignitatem, fovere factiones, quo serius ocius erumpant, ac in ipsa tandem ipsius summi Numinis peccare testimonia, quibus clare conficitur (2), a Deo singulis adscribi Principibus Imperium. Illa, inquam, sententia, homini, qui virtutem jampridem (numquid etiam gloriam?) in obsequio posuerat, haud poterat se non probare.

§. IV. At dum magis magisque cogito, ita uti fit, ubi mens aliquo agitata consilio, magis magisque incalcescit, atque rem aliam ex alia puto; aliquid continuo in mentem venit, in quo jure meritoque clarissimi *P. De Marca* non minus, quam *Hornii*, ceterorumque illustrium virorum, culpari sententia posset. Juvabat interea quod putabam, rusticationis jucunditas, otiumque litterarium solito minus negotiosum. Quare non solum, uti dixi, inter nugas, cum per tempus, ac Sociorum negligentiam, furtim liceret; sed etiam per vias, cum in-

(1) Inter Ludovicum Bavarum, & Pontificem. Vide Goldastum *De Monarch. Imp.*

(2) Paul. ad Rom. XIII. Sap. 6.

stitutas ad animum recipiendum deambulationes pergerem, plura egomet mecum, iter fallens, aliosque ex aliis appetens apricos colles, adversus illorum sententiam conijcere. Quæ quidem conjecturæ non eò profecto vergere, ut aut Sancta Principum Numina nefando impeterem flagitio, quæ supplex adoraverim; aut sanctam eorum auctoritatem sanctam tectam ab omni subjectione minime tuerer: at verba spectabant illa præcipue *immediate*, ac *mediate*, quæ non recte ex Philosophorum mente, pergravi huic quæstioni aptari sentiebam.

§. V. Habent nempe philosophorum Disciplinæ ab ipsis vocabula, ut vetus ait Comædia (1), quibus non alia licet sub potestate uti, quam ea, quæ inventoribus primum arrisit. Quid autem illud est, nisi fallor, quod ultro concedit superius adducto loco *P. de Marca*, cæterique omnes *Hornium* secuti, Regum nempe personam, vel suffragiis Populorum *specialiter eligi*, vel *generaliter* translato regnandi Jure hereditario in aliquam generosam stirpem, natalium sorte in regium culmen assurgere; ac deinde

*im-*

(1) Tereat. *Eunuch. Act. II. Sc. II.* licet alio collineet.

*immediate* a divino Numine summam Regum Potestatem repetere: quid, inquam, illud est, nisi me animus fallit, quam pessime vocabulis abuti, ac *immediate* a Deo Summum Imperium repetere, quod Deus sine dubio ipsismet fatentibus, qui Summæ Potestati favent, per suffragiorum sortitionem, ac per eligentium vota, tamquam per *medium* maxime opportunum, Regibus elargitur? Vidit rei difficultatem Boëhmerus (1), qui aperte scribit, Dogma, quod Majestas *immediate* a Deo sit, dubiis non carere. Non itaque *immediate*, sed *mediate* per Populum Regibus Deus confert Imperium.

§. VI. Quod, quomodo accipiendum sit, ne Regia Potestas aliquo pacto imminuatur, ac Princeps *αυτοκρατης και αντεδου* statuatur, uti Plutarchus de Rege Persarum loquitur (2); sincere inferius, sine cavillationum fraudibus, sophismatumque involucris, nova quadam methodo, quam frustra in aliorum libris quæsieris, osten-

(1) Observat. III. ad Lib. II. Cap. II. *De Concord, Sac. & Imp.* Ipse autem cl. Ever. Otto, *Petrum de Marca* frustra, inquit, ad pietatis prætextum confugisse. Vid. Not. ad §. XIV. Lib. II. Cap. VI. Sam. Puff. *De Offic. Hom. & Civ.*

(2) Plut. De trib. gen. Rerump. p. 326.



ostendam : En pura putaque scribendi occasio. Quæ quidem eô acrius mihi suavit, ut calamus arriperem, scriptisque mandarem, quæ hac de re rusticando olim cogitaveram; quod nuper sensi, perfunctorie nonnullos momentosam hanc tractasse quæstionem : vel enim eandem trivere viam, quam veteres tenuere; vel ad fastidium usque multas veterum congefferunt auctoritates, quibus constat *generatim* esse auctores locutos. Et mihi etiam antiquiorum auctorum valde sese sententiæ probabunt; verum numquam iis utar, nisi perspicue faciant ad propositum. Age itaque quod ad methodum in diverticulo tantisper consistamus ! A via porro, quod pertinet ad rem ipsam, pervulgata longius abire, & opellæ, quam statui lex, & ipse vetat pudor.

*Rei difficultas. Hornius, Boëclerus, Strauchius, Bosius, Granswinkeliuss, Zieglerus, Osiander, Dupinus, ac ipse de Marca nimia assentationis accusantur. Contra hæc Buchananus, Stephanus Junius Brutus, Io: Milton, Raynallius impietatis nimia. Auctoris sententia proponitur, methodusque, quam sequitur.*

§. I. **E**St igitur ad hunc, quem dixi, modum, disceptatio mihi isthæc instituta, & a tali quodam levi exordio inducta. Oportet nunc, quando res ita tulit, ut omnes nervos illuc intendam, ac oratione tantæ disceptationi non impari, rem ipsam pro virili exequar. Nolim ego in alterutrum scopulum evitatu quidem difficillimum illidere, in quem tot illustres viri, quibus non sum profecto neque ingenii acumine, neque eruditione comparandus, misere admodum fregere. Assentatio nimirum non minus ex huiusmodi disputatione timenda unicuique philosophantium est, quæ nihil Philosopho indignius; quam effrænis de Summa Potestate judicandi licentia, quæ privato homini non congruit. Quam igitur methodum ingrediar, ne, cum sim in eadem na-  
vi,

vi, eodem forte cum cæteris naufragio per-  
eam? Assentationi nempe haud serviam, ne  
alioquin projectæ, scribentis æque ac ser-  
vientis, patientiæ, Reges ipsos, ut Tibe-  
rium olim, pertædeat. At neque de Sum-  
ma Potestate pro lubricine judicaverim. *Hor-  
nio*, cæterisque, ipsi etiam clarissimo *Boë-  
clero* (1) propriam hanc gnatonicæ adu-  
lationis labem; *Georgio* autem *Buchanano*  
*Stephano Junio Bruto*, *Johannique Milton*, *Ray-  
nallio* tandem, fatuæ impietatis adversus  
Principes notam rectissime inufferis (2). Ra-  
tioni equidem dumtaxat, non amoris aut  
odio,

(1) Vide *Hornium de Civitate*; & *Boëclerum*  
*De Auspicio Regio*, Dissert. Acad. Vol. I. & *Tho-  
mam Creech* in notis Anglicis ad versionem *Lu-  
cretii*, quæ prodiit 1683. Adde *Granswinkel*.

(2) Clarissimus G. Buchan. Dialogum scripsit *de*  
*Jure Regni apud Scotos*; quo vulgi & subditorum  
jura adversus Principes enixe asseruit. Cujus ta-  
men scripti serio Buch. pœnituit. Vid. *Zieglerum*  
ad *Grot.* Lib. I. Cap. III. in notis ad illa verba,  
*quis te corripiet &c.* *Stephanus Junius Brutus Vin-  
dicias* secundum libertatem scripsit *contra Tyrannos*.  
Conf. *Petr. Bayle Dissert. Concernant le Livre d'*  
*Etienne Junius Brutus*, imprime l' an. 1579. dans  
*le Dictionnaire Historiq. & Critiq.* Tom. quatriem.  
in fol. a *Leide* 1730. Celebris quoque est *Defensio*  
*Joh. Milton* pro *Populo Anglicano*, qui per sum-  
mum nefas Regem obruncaverat; adversus *Defen-  
sionem Regiam* Cl. *Salmasii Pro Carolo I. Raynallius*  
tandem pluribus in locis sui operis, cui titulum inscrip-  
sit: *Histoire Philosophique & Politique des etablis-  
mens*

odio, pessimis agendi judicandique auctoribus; rationi, inquam, Gentiumque cultiorum consensui, doctiorum hominum sententiis, pietati potissimum debitisque adversus

*mens & du commerce des Europees dans les deux Indes Par Guillaume-Thomas Raynal. Geneve 1780.*  
 veluti aliud agens, Summam Principum potestatem impetere sibi non temperat. Ita Tom. IV. in 4. p. 275. & in 8. Tom. IX. p. 21. Pensilvaniæ prosperitatem graphice describens, ait; Gentes tandem omnes sibi persuasisse, quod felicitatem in Terris homines facile consequantur, etiamsi nullus sit Principibus honos, nullus Sacerdotibus. Homo, ibidem scribit, justus ac liber, Deum dumtaxat colat, qui sit unus omnium sibi mutuo æqualium Pater, tutorque legum, quæ publicam tueri queant tranquillitatem. Alibi autem, ut Tom. IV. in 4. p. 646. & in 8. T. X. p. 362. aperte scribit, neminem alicui præstare, vel pluribus ex Dei ordinatione, at ex electione sive ex consensu. Item Tom. III. in 4. p. 26. & in 8. T. V. p. 233., scribit maxime fuisse Caraibes in admirationem raptos, cum vidissent Europæos Principibus sibi natura æqualibus parere. Qui quidem imperantium ac parentium justus ordo ita repugnare ipsis visus est, ut pro vere mancipiis habuerint, qui adeo inertes essent sibi que degeneres, ut alterius hominis jussa facile exciperent, facileque deinde exequerentur. Clarius autem Tom. IV. in 4. p. 116. & in 8. Tom. VIII. p. 223. eos irridet, qui sentiunt, Reges omnem suam Potestatem a Deo accepisse. Quam sententiam Religionis custodibus ac uni assentioni servientium ingeniorum, per summam fraudem tribuit. Eandem deinde sententiam catenæ comparat ferreæ, quæ unius sæpe domina-  
 tio-

sus Principes officiis , auscultabo . Per-  
video rem difficilem . Facilia vero incoe-  
ptu , exitu facilia , laudem vix ullam me-  
rentur . Faxit Deus , res voto respondeat !

§. II. Ne me autem implicata hujus-  
modi quæstione , quam ultro institui , for-  
te implicem , in antecessum ajo , non de-  
cere magna ingenia putare , in verbis il-  
lis *αμεσως* ac *mediate* , totius rei cardi-  
nem verti . Satis enim est , quod clarif-

B. . . . . fini

tioni integram Gentem contra omne Jus devincit . Cur-  
querit alibi , Tom. IV. in 4. p. 118. & in 8. Tom.  
VIII. p. 226 , aliud Principes sibi præsidii postu-  
lant validius ; neque summam auctoritatem homi-  
nibus potius , quam Deo acceptam . ferunt ? Cum  
omnes a Populo obsequii ac reverentiæ percipiantur  
fructus , quidni uni Populo omnia summæ Potestatis  
jura se debere profiteantur ? Quid Sacra profanis  
misceri oporteat , Deusque auctor rei fiat , quæ ab ho-  
minibus facile derivabitur ? Quæ sæculorum infeliciam  
tribuit rubigini , ac Religioni , quæ tunc temporis  
tantum suadere potuit malorum . Demum . Tom. I.  
in 4. p. 118. & in 8. T. I. p. 232. scribit , facile  
unumquemque populum in eam animi dejectionem  
ruere , a qua numquam surget , si Principi ac Do-  
mino Patris nomina tribuatur . . . . . Quidnam ,  
quæso , apud omnes Gentes ab inducta hujusmodi  
civili dominatione , factum est ? Populus nimirum  
fractus , dejectus , omnibus valedixit virtutibus ,  
quæ extinctæ deinceps apud eundem jacuere . Quæ  
Raynalli sententiæ , nemo non videt , quam facile  
seditionibus locum præbeant . Legatur Censura ,  
quam Facultas Theologiæ Parisiensis hujusmodi pro-  
posi-

simi quamplures præstiterunt viri, Summam Principum Potestatem a Deo repetere, neque magni postea facere, an illa a Deo *immediate* sit, an *mediate*. Quod Clerus olim præstitit Gallicanus. Fuit iste veteris Scholæ genius, qui adhuc nonnullos ejus alumnos gubernat, mostros quibusdam vocibus, cavillationumque fraudibus, rebus alioquin clarissimis tenebras obducere. Verum, quoniam inde tractatio isthæc *de Principe* instituta mihi est: paucis modo asserere non dubito, Potestatem Summam, qua Principes pollent, non *αμεσως* a Deo manare, at *primario*; a Populo autem *αμεσως*, at *secundario*. Id, inquam, modo asseram, quod pluribus infra sum postea ostensurus; dummodo Summa Potestas *in concreto*, ut Scholæ loquuntur, sive prout est in uno & item altero Rege, intelligatur: *in abstracto* enim verum est, quod *αμεσως*, sive *immediate* a Deo sit, sicut & omnes aliæ Potestates, quæ summæ Potestatis Dei sunt profecto *participationes*, ut Scholæ eadem loquuntur. Quamobrem, cum multum inter duas hæc enunciationes inter-  
sit,  
positionibus inussit Art. IV. De Summo Regimine.  
Tit. I. De Summæ Potestatis origine. Prop. 68.  
& 69. 70. 71. 72. 73. & 74.

fit, *causam nempe immediatam, & immediatum constituendi modum*: dehinc porro fit, ut affirmem, omnis Potestatis, non solum Summæ, *causam in abstracto immediatam* esse Deum; Summæ vero Potestatis Civilis *in concreto*, cum illa a Deo constituatur, *immediate per electionem Populi*, *causam proximam & immediatam* esse Populum. Nihil enim Deus per se *ad extra*, ut Scholæ inquit Theologi, servato sanctissimo & immutabili Naturæ ordine, nisi per *causas secundas immediatas*, easque non remotas, sed *proximas*, efficere potest.

§. III. Electio autem, a qua Summa Potestas *immediate* pendet, nihil præterea est, nostra quidem sententia, quam *immediatus* Regiæ Potestatis constituendæ *modus*. Ab ea vero Summa Potestas non pendet, neque Jus inde summum Principes sibi comparant; at est veluti meatus nescio quis, per quem a genuino fonte Summa Regum, Imperantiumque Potestas, tamquam perennis rivulus, derivatur. Cum autem sollemnis Populi electio, actio sit corporis haud sane *mechanici*, sed *moralis* videntis, ope rectæ rationis, Summæ Potestatis ordinationem a Deo: fieri hinc

B 2

non potest, quin, quem Populus eligit ex voluntate ac jussione Dei, ipse non probet; adeoque probando per consentientem vocem, ( ex cœco magis animi impetu, quam ex consilio (1) erumpentem ), sive per electionem, quod Deus *antecedenter* jussit ad Civitatem tutandam augendamque, conferre nonnihil in Summa Potestate Principibus tribuenda videtur. Quamobrem, si Summa Potestas a Populo *immediate ac secundario* pendet; tum quod Deus naturæ ordinator justissimus, Populi electionem, *proximum* summæ Potestatis constituendæ *modum*, eumque *immediatum*, constituerit; tum quod Populus, Dei imperium talia hujusmodi publico bono jubentis exequendo, ratum nomen imperiumque ( consequenter nempe ) Regibus facit: Summa, inquam, Potestas nullo pacto dici poterit, a Populo vim rei com-

(1) Ad rem Plinius inconsultam hanc vocem, quam prædico, memorat in Trajani electione: *Tibi*, inquit, *ascendenti de more Capitolium, quamquam non id agentium Civium clamor, ut jam Principi occurrit. Siquidem omnis turba, quæ limen infederat, ad ingressum tuum foribus reclusis, illa jam quidem ut tunc arbitrabatur Deum; cæterum ut docuit eventus, te consalutavit Imperatorem; nec aliter a cunctis omen acceptum est.* Plin. Panegyr. in Trajan. Pag. 206. edit. in 8. Lugd. apud Seb. Gryph. 1547.



communis tutandæ, augendæ, ampli-  
ficandæque accipere, nisi *secundario*, qua-  
tenus nempe Populus per *consequentiam*  
probationis Summæ Potestati jam consti-  
tutæ sese voluntate dedit regendum tu-  
tandumque. Paucis: quod jus Populum co-  
git, idem porro Populus voluntate exe-  
quitur. Quare Jus Populi *electionem* an-  
tevertit. Hic autem oppido erroris Gro-  
tius (1) accusatur, qui aperte scribit, id  
propterea Summam Potestatem Civilem,  
*Divinam ordinationem* a Paulo appella-  
ri (2), quod hominum tam salubre insti-  
tutum Deus probaverit.

§. IV. Ex quibus conficitur, non  
mihi se illorum probari sententiam, qui  
Regiam Majestatem a Deo ~~aqueam~~ repe-  
runt, ut negent ullas in ea quidem ma-  
xima re, esse Populi partes, ut Hornius,  
Zieglerus, Strauchius, Bosius & Granswin-  
kius, Bœclerus, Osiander, Dupinus ac ip-  
se de Marca cum cæteris (3) asseruere;  
eò usque progressi, ut *Majestatem*, ve-  
luti

(1) Grot. Lib. I. De I. B. & P. Cap. IV.  
§. VII. n. 3.

(2) Ad Rom. XIII. 1. & seq.

(3) Vid. Horn. De Civit. Lib. II. Cap. I.  
Osiandram observ. ad Grot. Lib. I. Cap. III. §. 7.  
& Ziegler. ibidem. Dupin. De antiq. Eccles. Di-  
scipl. Dissert. VII. Cap. II. §. I.

uri Ens Phyticum , Regibus a Populo electis , a Deo *immediate* infundi , tamquam fidei articulum tueantur (1). At neque ea ex adverso mihi nefaria arridet sententia , quæ Summam Potestatem populo tribuit ; atque ab eo , cui Deus eam primum concessit , Principes eandem veluti precariam consequi . Quare porro inferunt hujusce sententiæ patroni , posse Populum pro lubidine eam Potestatem cui velit tribuere , eandem rapere cui velit ; eumque non minus , quam quemque de Populo , posse pro lubitu e servitute sese in libertatem asserere . Quod male conceptis votis , satisque inauspicato impius Willielmus Thomas Raynallius postremis hisce temporibus optavit , infano quodam primævæ libertatis (2) , quam Natura jamdiu sensim abdicavit , desiderio abreptus .

§. V. Itaque , ut e multis me paucis colligam , sepositis cavillationibus verborum illorum *αμεσως* ac *mediate* , assero , Potestatem summam a Deo *primario* quidem manare , ac indefinenter ; a Populo autem *secundario* pendere per *electionem* Di-

(1) Vid. Everard. Otton. ad Puffend. De Hom. & Civ. Lib. II. Cap. VI. §. XIV.

(2) Raynal. locis supra adductis.

Divinæque ordinationis probationem. Est nempe modus in rebus. Populus hinc mihi erit summi conferendi Imperii causa cum Deo *συνεργῶν*; quæ tamen non ejusdem nec paris sit potestatis cum *caussa prima*, quæ in conferenda Summa Principibus Potestate, non solum ut *caussa universalis* agit, sed etiam ut *particularis*. A quibus libello præstitutis finibus non egrediar: ita enim mihi prorsus persuasum est, non posse rectum citra hosce fines consistere.

§. VI. Nobilitandæ autem Scholasticæ huic quæstioni, quæ per se ipsa angustis, quos dixi, cancellis concluditur ac finitur, quæque sterilis est atque inelegans: varia eandem ac multiplici ornavero suppellectili, integramque, ac pro virili ornatam, instituam tractationem *de Principe*, cujus Potestatem contra Monarchomachorum audacem impiamque sententiam, a Deo præcipue derivabo. Omnia hinc, quæ contra hæc facere existimantur, pro virili discutiam, atque ex illis ipsis argumentis, quibus ipsi urgent adversarii, argumentum persæpe mihi sumam, magis magisque sententiam, quam tueor, confirmandi. Præsertim vero de *Lege Regis* dicam,

B 4

quam

quam nullatenus meæ repugnare sententia, luce clarius ostendam. Ne autem tractatio isthæc omni frustretur utilitate, officia præcipua subditorum adversus Principes percurram, Principumque in subditos; cuncta illuc collineans, ut Principum Summâ Potestas sacra recta, ab omni Populi tumultu, seditioneque sive justa sive injusta, servetur. A quibus omnibus, prior hocce me expediam Libello. Altero autem, Principum Jura universa a me quoque paucis tractabuntur; sive *Enchiridium* a me de iis instituetur, quod sui magnitudine ac mole non absterreat studiosos, illosque faciat nobilioris hujusce *της πολιτικης* Partis, desertores. Quis enim ignorat ad ravim usque *De Juribus Majestatis* tractasse, ac disputasse *Zieglerum*? Nonnullæ demum tertio in lucem emittentur Libello Commentationes in celebriores Constitutiones, quæ in Codice prostant Fridericiano, qui hocce in Regno, ubi auspice ac volente Deo vivimus feliciter, adhuc obtinet. In cake postea cujuscunque libelli, pro re nata, nonnullæ etiam addentur Dissertationes. Quæ quidem est totius operis, quod meditor, summa, ut puto, non infelix. *Cedano*.

*dant interea privatorum studiorum ignobiles curæ, inquam cum Eumenio (1): perpetua mihi erit materia dicendi, qui me probaverit, Imperator.*

C A P. III.

*Proposita sententia ex Sacris litteris confirmatur. Pauli verba cum Petri verbis conferuntur, & congruentia propositæ sententiæ explicantur. Refutantur porissimum, quæ de Petri Textu, Grotius sentit. Της διαταγης η, της κτισεως notions exponuntur distinctius. Chrysostomi Auctoritas Auctoris interpretationes adjuvabit. Difficultas quædam ex vetusti fœderis tabulis petita, qua Regum Majestas immi-  
nui nonnullis videtur, differtur paucis.*

§. I. **J**AM vero ordinis ratio suadet, quò gravissimæ huic quæstioni fiat satis, ab ipsismet Dei eloquiis propositæ sententiæ confirmandæ luculentiora arcescere argumenta. Quodnam autem in novi fœderis (nam veteres nunc multum non moror) Libris, luculentius illo testimonium ad rem nostram magis facit, quam illud Pauli ad Romanos? Is autem  
ita

(1) Eumén. Panegy. in Constant. August.

ita inquit: *Non est Potestas, nisi a Deo, & quæ sunt potestates, a Deo ordinatæ sunt: itaque quisquis obsistit Potestati, Dei ordinationi obsistit* (1). Profecto, nisi fallor, nullam præterea interpretationem verba isthæc patiuntur, quam eam, quæ nostræ conveniat sententiæ. Quis non videt hic, Deum ipsum, tamquam principem omnis ordinis ordinatorem, Summas Potestates ea maxime de causâ parentibus Populis *electionis* ope præficere, ut accepta a se *primario* Potestate Summa, nihil porro supersit, quod Imperantes accipiant a Populo, quam ut se ex ordinatione Dei gubernari facile patiantur? Verum enimvero, cum Deus in hujusmodi Principum electionibus, hominum eligentium animos præcipue moderetur; nullus dubitandi locus relinquitur, quin Electio a Deo *primario* procedat, *secundario* autem & *quædam* a Populo, per consentientem vocem, ex cæco magis ( ut sæpe fit in multitudine ) animi impetu, quam ex consilio erumpentem (2). Quare persuasum omnibus est, Populi vocem inconsultam, maxime vero in Electionibus, esse Dei vocem, qui

(1) Ad Rom. XIII. v. 1. & seq.

(2) Confer verba Plinii superius adducta Cap. II. in not. ad §. III.

qui Naturæ est, auctor efficacissimus, qui-  
que *ubi vult, spirat*, ac omnia interius,  
pro summo rerum arbitrio, efficaciter  
movet. Quamobrem Cicero cum vere di-  
xisset, nihil esse illi principi Deo, qui  
omnem hunc Mundum regit, Civitati-  
bus acceptius, hæc præterea sapienter ad-  
dit: *harum rectores, & conservatores hinc*  
(a Deo scilicet) *profecti, huc revertun-*  
*tur* (1). Qui autem ab aliquo proficisci-  
tur, tamquam ejus vicarius censeretur  
oportet.

§. II. Ex quibus conficitur, *Electio-*  
*nem*, quæ per Populum fit, esse occasio-  
nem nescio quam, qua posita, princeps  
Deus, motum Populi animis ciendo,  
Regem creat per Populum: ita ut Po-  
pulus in hac specie, nisi me fallam, sit  
quædam *occasionalis* causa, ut cum Ma-  
lebrankio loquar, qua remota, Imperium  
Deus non elargitur. Ex vetustis sane fœ-  
deris Libris constat, Deum, qui beatio-  
ri veterum nostrum Patrum ævo, divi-  
no plane regimine, Populum Israeliticum  
curabat, etsi dixerat antea Samueli (1);  
*ecce vir, quem dixeram tibi, iste domi-*

na-

(1) Cic. in Somn. Scipion. Cap. III.

(2) Lib. I. Reg. Cap. IX. v. 17.

*nabitur Populo tuo: Deum, inquam, constat, Saulem Regem inaugurasse, at non ipsum per se, verum per Samuelem, sive mavis, Samuelem Dei nomine. Adeo verum est, numquam Deum per se in Terris versatum, ipsumque per se humana curasse! quæ quidem cum ita se habeant, dici numquam potest, causam constitutionis Summarum in Civitate Potestatum immediatam esse Deum, vel motum eligentium animis, ipso movente Deo, excitum; cum aliquid antè utrumque sit, ac remotius ipsa electione. Contra hæc, immediata hujusce, quam dixi, constitutionis causa, eaque proxima est electio, quæ & a Deo & a motu in eligentium animis excito, est quid sane distinctum.*

§. III. Ex quo excursu ad Pauli verba protinus revertor. Ea vero sunt: *αντιτασσομεν* *τῇ ἐξουσίᾳ, τῇ τῷ Θεῷ διαταγῇ ἀνδρῶν* (2); *Quisquis obsistit Potestati, Dei ordinationi obsistit.* Rationem reddiderat antea: *ὅτι γὰρ ἐστὶν ἐξουσία οὐ μὴ ἀπὸ Θεοῦ; non est enim Potestas, nisi a Deo, & quæ sunt Potestates, ὑπὸ τοῦ Θεοῦ*

τῷ

(1) Nota hic, illud *ἀντιτάσσειν* proprie significare, *ordini me oppono.*



τεταγμεναι εστιν ; & *Deo ordinatae sunt*.  
 Animadvertendum hic in Pauli verbis,  
*ordinationem*, dici διαταγην ( quam Petrus  
 de *ordinatione* hominum loquens, genera-  
 liori quodam vocabulo κτισιν appellat )  
 & illud item *ordinatae sunt*, scribi τεταγ-  
 μεναι ; quod quidem, ut bene Græcæ Lin-  
 guæ periti norunt, α τασσω deducitur. Τασ-  
 σω autem in Deo quid sibi proprius vult,  
 quam *prædestinare*, parare scilicet in an-  
 teceßum quæcunque media fini jam consti-  
 tuto intelliguntur pernecessaria? Deus ita-  
 que O. M. Mundi Moralis æque ac Physici  
 ordinator justissimus, cum primum de Civi-  
 tate constituit, Summam quoque Potesta-  
 tem primum intendit, qua posita homi-  
 num Societas Civilis confisteret, qua sub-  
 lata, statim rueret. Quare hoc Dei san-  
 ctissimum propositum, *ordinationem* sapien-  
 ter Paulus appellat. Ex quo explora-  
 tum est, Deum *primario* summam Pote-  
 statem ex alta & sempiterna quadam  
 animi destinatione, Civitati tranquille  
 regundæ, feliciterque augendæ, compa-  
 rasse : at non *absolute* a se & ex nihilo  
 ut ex nihilo cuncta *absolute*, atque  
 αμετωs creavit ; verum ordinatis mediis,  
*electione* Populi nimirum, vel tacito ejus-  
 dem

dem consensu. Quibus etiam pater, quam absurde Summum Imperium, tamquam Ens Physicum a Deo *immediate* repetatur. Creatio sane hujusce Mundi adspectabilis *autors* a Deo est; nisi cum illis insanire alicui placuerit, qui per inferiores quosdam administros, Mundum quoque Deum creasse (1) autumant: at quæ post Mundi creationem ex nihilo, viribus causarum secundarum, creare pergit; ea vero, si asseris, *immediate* Deum creare, nonne cum ratione insanias?

§. IV. Ex qua *ordinatione* Dei recte Paulus infert, non licere privatis obistere Principibus; qua de re pluribus suo loco dicemus. Verum non resistendi necessitatem, haud ex *ordinatione* Dei dumtaxat Paulus derivat: at insuper aperte scribit eodem loco, Populos ad obediendum Regibus perpetuo *propter conscientiam* obligari. Quare mihi videtur, Paulum pro certo habuisse, *ordinationem* illam Dei habere vim quamdam præcepti omnino Populos obligantis ad parendum. Perpendamus itaque paucis *conscientiam* istam,

(1) Vide Natal. ab Alex. Diss. XXIV. in Sæcul. I.

de qua Paulus loquitur; ut inde etiam magis constet, quod jam mihi proposui. Profecto quidnam est conscientia isthæc, propter quam Paulus nos monet, imo præcipit nobis, cunctoque Christiano Populo, ut *τῇ ἐξουσίᾳ*, Summæ scilicet Potestati pareamus, nisi sensus ille interior officii nostri, ex certis indubiisque rationibus, ex ipsa natura petitis, manans, qui nos Deo præcipue obligat, deinde hominibus? Satis nempe rectæ rationis primigenio lumine, cujus quisque sibi conscius est, unde & conscientia conflatur, homini innotuerat Summæ Potestatis Civilis necessitas, quò Civitas bene tranquilleque ageret. Itaque Deus mihi videtur, ipsa prælucente ratione, Summam Potestatem ordinasse, quam deinde homines colerent, ne contra conscientiam peccarent. Porro, licet nullum sit Dei præceptum positum, quò constet homines segreges in societatem coisse, ad quam sponte se adduci siverunt; nulli tamen dubium esse potest, quin præceptum de Patribus-familias extra Societatem Civilem a domesticis honorandis excolendisque, illud quoque Cives omnes, quos unaquæque Civitas complecteretur, obligaret ac

devinciret, ut Civitatis custodi, ac Patriæ Patri obtemperarent. Imperium enim civile, quod herili succrevit, eandem habet erga Cives rationem, quam herile ad familiam. Apposite inquit Henricus De Cocceii (1) Summam Potestatem Civilem ideo Divinam ordinationem a Paulo appellari, quod Patribus-familias Imperium a Deo ab initio concessum est. Accessit tum rectæ rationis præcepto, quod sane a Deo est, ipsius Dei mandatum de Regibus excolendis: præcipue enim Dei jussu apud Judæos primum judicia constituta sunt; apertis deinde verbis præcepit quoque Christus in Libris novi foederis, dari *Cæsari, quæ Cæsaris*; quod Grotius haud negat (2). Cum itaque recta primum ratione Reges excolendos Deus præcepisset, ipsiusque Dei mandatum postea accesserit: nemo sanus hinc dubitaverit, quin subjectionio Populi adversus Principes ex eo potissimum

(1) Comment. ad Hug. Grot. Lib. I. Cap. IV. §. VIII. Fortasse summa Potestas Civilis *Divina* dicitur *ordinatio*, quod ea consistit in suum cuique tribuendo, adeoque in exequenda voluntate Divina.

(2) Lib. I. De J. B. & P. Cap. IV. §. IV. n. 1. in prin.

tissimum derivetur, quod Reges Deus ipse *primario* jusserit, non probaverit tantum, uti Grotius affirmat, veluti *ex post facto*.

§. V. Quamobrem falsa est ejusdem Grotii sententia, quam ex Apostoli verbis detorquet, quod *conscientia* nimirum, sive officii nostri sensus interior, Principibus obedire nos obligat, eo quod Deus ordinem illum *imperandi & parendi approbaverit* (1). Quod si enim Deus approbasset tantum ordinem illum, non item jussisset; Populi ipsi non ex Jure *præceptivo*, at potius *permissivo* Jure, Principibus obtemperare tenerentur; ita ut liberum cuique foret obedire vel non; neque conscientiae scrupulus aliquando metuendus esset, qui inde nos male haberet. Quod magis falsum. Grotii autem sententia cum ipsis Pauli verbis valde repugnat. Deum namque ipsum Summam Potestatem *ordinasse* Paulus scribit, non *probasse*; *ordinare* vero, nisi fallor, plus profecto notat, quam *probare*. Qui *ordinat* enim, *primario* parat opportunis mediis aliquid confici, quod *ordinem*, qui

C

per-

(1) Grot. Lib. I. De J. B. & P. Cap. IV. §. IV. n. 1. & alibi.

perpetuo antecedit, consequatur. Quare & Philosophi (1) ajunt, *ordinem non dari, nisi cum relatione ad aliquid primum*. Quod non solum Pauli verba superius descripta innuunt; verum etiam quamplurima Divinarum Litterarum vetera documenta in illustrioribus posita monumentis (2), ut Sapientiarum, ac Proverbiorum: ubi facile quisque legerit, *datam a Domino Principibus εξουσιαν*, Potestatem nempe, ut equidem interpretor, summam & *independentem*; itemque *Reges per Deum regnare*; clariusque, Principes imperare per Deum, potentesque *per Deum justitiam decernere*. Quod ad nudam Dei referre probationem, quæ hominum factum fit consecuta, non hominis est recta utentis ratione.

§. VII. Verum nihil me magis movet, ut contra Grotium (quem divini ingenii virum alibi sæpius, incredibili quadam animi admiratione commotus, magis laudo fortasse, quam oportet) ita censeam; quam ipsius Dei de Principibus anxia sollicitudo, quæ non exinde ortum tra-

(1) Aver. V. Metaphys. Com. 6.

(2) Sap. VI & Proverb. Cap. VIII. v. 15: & 16.

trahit, quod hominum factum Deus probaverit tantum, at profecto ex eo, quod Reges *primario* jusserit. Quod non solum ex eo patet, quod Deus profiteatur per se Reges regnare, justitiamque decernere, ut superius dictum modo est: verum etiam, quod Regum dignitati a Deo potissimum caveatur. Et sane ipse Deus procul dubio scribi jussit in lege veteri: *Diis, idest Judicibus summis, ( penes quos in Theocratia Judaica, Res Judæorum publica primum fuit ) non maledices, & principi in populo tuo non maledices. (1).* Quæ quidem cautio satis jam satis ostendit, Deorum idest *Summarum Potestatum* personam ac dignitatem, Deo apprimè esse curæ. Quod Grotius quoque profitetur, qui haud negat, *aliquid hic præcipi speciale*, eminentium præcipue Potestatum facta mentione (2). Quare haud ex sublimiore aliquo consilio, quod nonnulli hic comminiscuntur Interpretes; sed ex officii necessitate, pro ratione nimirum obligationis ex Jure tum naturali, cum

(1) Exod. XXII. v. 23.

(2) Grot. De J. B. ac P. Lib. I. Cap. IV. §. VII. n. 6.

positivo deducendæ, recte idem Grotius putat, Davidem (1), cum commode posset Saulem hostem necare, indignum illud non admisisse scelus. *Obstabat* quippe, ait Optatus Milevitanus (2) de hocce Davidis facto loquens, *plena Divinorum memoria mandatorum*. Quam quidem officii necessitatem adversus Saulem ex eo quamplures tuentur, quod Deus ipse Saulem inauguraverit Regem: eandem mihi adversus omnes Reges tueri etiam lubet; quod censendum est, eos quoque Deum inaugurasse, quos *primario jusserit*, ac *ordinaverit*. Quare inter cætera Essenorum verba, illud quoque Grotius recenset, *Reges sanctos esse habendos*, nempe *pro Diis* (3).

§. VIII. At videamus modo, priusquam aggrediamur ad cætera, quæ nostræ confirmandæ sententiæ egregie facta videntur, ecquid sapientissimum Grotium Regii Imperii alioquin fortissimum assertorem, in eam induxerit sententiam, ut crederet, ideo Summam Potestatem *Divinam ordinationem* a Paulo dici, quod Deus tam salubre hominum institutum ap-

(1) Samuel. Lib. I. Cap. XXVI. v. 9.

(2) Lib. II.

(3) Grot. Lib. I. ibidem.



approbaverit, eique postea suam impertitus auctoritatem fuerit. Præsto est Petri Ecclesiæ Coryphæi auctoritas, quæ procul dubio ansam Grotio (1) dedit, quare ita sentiret: *Subjæcti estote*, Petrus inquit (2), *κατὰ ἀνθρώπινην κτίσιν, omni humanæ ordinationi propter Deum*. Equidem hic aliquantisper subsisto. Primum autem haud nego, Petri textum ita quidem ab aliquibus verti, ut *κτίσις ordinationem* denotet: At non ignoro, vulgo pro *ordinatione*, *creaturam* quoque (3) verti; ita ut sensus sit, *subjæcti estote omni humanæ creaturæ propter Deum*, nempe propter Dei *ordinationem*, quam clare Paulus innuit loco superius adducto; clarius autem Petrus paulo post; *ὅτι ὡς ἐστὶ τὸ θελημα τοῦ θεοῦ: quoniam ita est voluntas Dei*. Quam rationem id propterea reddidit Petrus, ne homines æqualitatis memores, quam a natura fuerant aliquando consecuti, Principibus a Deo constitutis, (quare addit *propter Deum*), qui & ipsi homines sunt, (*creaturas humanas* hic Petrus

## C 3

(1) Leg. Lib. I. De J. B. ac P. Cap. IV. §. VII. n. 7.

(2) Petr. I. Cap. II. v. 13.

(3) *Κτίσις* enim a *κρίω*, quod *condere* potest atque item *creare* derivatur.

trus appellat) parere umquam gravarentur. Quamobrem rectius mihi videtur vulgatam se lectionem habere, quam eam, quæ a nonnullis cum Grotio obtruditur. Quid ni? Ipse namque Petrus Apostolus hanc tueri lectionem videtur; addit enim, *sive Regi, tamquam præcellenti, sive Ducibus tamquam ab eo missis*. Miror itaque Grotium, qui sibi persuaserit, legi potius hic debere, *humanam ordinationem*, quique non dubitaverit postea asserere, Summam Potestatem Civilem a Populo proxime quidem ac *primario* ordinari, Deo autem probari postea tam salubre institutum (1). Quæ quidem Grotii lectio si tuenda foret, sensus verborum illorum, *humane scilicet ordinationi*, non is esset, quem Grotius urget, quasi Summæ Potestatis *ordinatio* homines habuerit auctores; verum sensus erit, quem clarissimus urget Salmasius (2), qui illud Petri *omni humane ordinationi* ita interpretandum esse autumat, *omni nimirum Potestati, quæ in homines constituta est*.

## §. IX.

(1) Grot. Lib. I. De J. B. & P. Cap. IV. §. VII. n. 3.

(2) Claud. Salm., Cap. III. Defens. Reg. pag. 60.

§. IX. Quamquam neque illud hic prætereundum, *την κτισιν*, *ordinationem* scilicet apud Petrum significare etiam universaliori quodam sensu, quam *διαταχην*, quæ de *Divina* nominatim *ordinatione* a Paulo asseritur. *Κτισις* nimirum, cum denotare queat quodvis opus quoquo modo patratum, recte de Populi quoque *electione* prædicatur: quippe & Populus *secundario*, ut infra uberius, Regibus Imperium confert. Quare & *ordinatio* erit latiori quodam sensu, quæ, cum nullo sui momento valitura foret, nisi *Electionem* antevertens, Deus *primario* Regem legeret; ideo Petrus addit, *propter Deum*, quasi diceret, *subjecti estote omni ordinationi humane*; *ordinationi* nempe, quæ in homines constituta, ac firmata a Deo *antede* fuerit: *Divina ordinatione*. Hinc *διαταχην*, sive *διαταξιν*, qua voce utitur etiam Chrysostomus, *ordinationem* notat, ex qua non quoquo pacto, sed veluti ex propria & principi causa, Summa Potestas primordium sortiatur. Plane hoc sensu Chrysostomus adversus illos scribens, qui sua etiam ætate, ad Imperium omne convellendum, Summa nonnullos Potestate summisque in Rep. honoribus male

ufos, regerebant; ita quidem sententiam suam, postquam in meliorem partem pluribus perorasset, concludit: ΑΛΛ' αὐτῆς βλέπε τῆς διατάξεως τὴν ἰκονομίαν καὶ τὴν πολλὴν ὀφεί τὰ αὐτὰ ἐξ ἀρχῆς νομοθετήσαντ' & σοφίαν: *sed ipsius instituti vide pulchritudinem, & multum sapientiam ejus admiraberis, qui primus ejus auctor fuit* (1). Quæ quidem Chrysostomi verba, erant huc transferenda, tum ut hinc pateret clarius διατάξεως, ordinationis scilicet divinæ notio, tum etiam ut ex verbis postremis cuique innotesceret, quam vere dixerim, Summam a Deo Potestatem *primario* constitutam manare. Quid namque clarius ad propositum meum, quam divini vere hominis & eloquentissimi verba illa, *multumque admiraberis sapientiam τὰ αὐτὰ ἐξ ἀρχῆς νομοθετήσαντ' & ? qui a principio ( sive primario ) hoc institutum, legem quasi ferendo, ordinavit ?* Jam vero id gaudeo.

§. X. Non omnino autem a proposito meo alienum videtur, illam quoque hic occupare, quæ maximi habetur momenti, difficultatem : qua eminentior Regum Di-

(1) Verba hæc Chrysost. extant apud Grot. in Notis ad §. IV. n. 2. L. I. De J. B. & P. Cap. IV. Ea vero ex VI. De statutis citat Grotius ; at cl. Barbeyr. ibidem extare negat.

Dignitas ac Potestas magnopere censetur collabescere. Ex vetusti nempe Testamenti tabulis nonnulli arguunt, vel arguere saltem credunt, Deum Hæbreorum Populo Reges in pœnam dedisse (1), adeoque non eam semper fuisse Dei voluntatem, ut Reges Populo imperarent, eundemque perpetuo gubernarent. Quæ difficultas non id probat, quod ponitur, neque nostræ omnino pugnat sententiæ: posito namque, quod falsum est, Deum Regem Judæis tribuisse in pœnam, non inde sequitur, Deum Summam Potestatem aliquando non probasse; at sequitur; potius jucundiorē Deo fuisse illam regiminis formam, quæ tamdiu viguerat apud Judæos, ut a Judicibus nempe regerentur, quibus Summam Deus Potestatem largitus ab initio fuerat. Temere autem asseritur, Deum Judæis Reges in pœnam dedisse; ac si verum est, nihil est, quod ex eo capite Regibus imminuatur Majestas. Jamdudum enim observavit Moses Maimonides apud *Canaum*, *Sigoniumque*, ipsumque *Petrum de Marca* (2), Judæos

(1) Sam. Cap. VIII.

(2) Con. De Rep. Jud. & Petr. de Marca Lib. II. de Conc. Sacerd. & Imp. Lib. IV. §. IV. Conf. Cl. Salmas. Def. Reg. p. 43.

tria olim mandata a Deo accepisse. Unum scilicet, ut Regem aliquando constituerent, alterum ut Amalekitas delerent, tertium ut Templum conderent. Quare nemo, si sapit, in dubium revocabit, Judæorum res ab initio ita quidem constitutas a Summo Divinoque Numine fuisse, ut eas tandem aliquando Reges moderarentur. Sane cum universus Oriens Regibus olim fuetus (1) esset, ac omnes in proximo gentes sub unius Imperio viverent, sapienter Deus de Rege Israelitis dando cogitavit, ut nempe optime Publicæ Judæorum Rei creatis Regibus consuleretur. Apposite hic facit quod de Romanis Imperatoribus tradit Pomponius (2): *Per partes evenit, ut necesse esset Reipublicæ per unum consuli*. Ea nimirum Divina erat ordinatio, ut Rex aliquando Israelitis constitueretur: at illud vere Deus indigne tulit, summam rerum a *Samuele* in Regem aliquem conspiratis factionum partibus transferri debere. Nulla itaque ex Regis creatione metuenda Judæis Dei erat indignatio, si Regem creare optassent, quò Legis præcepto fieret satis. Non igitur

(1) Tacit. Lib. IV. Histor.

(2) L. 2. De Orig. Jur.

tur Israelitis exprobativ Samuel nudam Regis optionem ; neque ea de causa , quod Regem petiissent ex Dei præcepto , poenam quodammodo Samuel , Regem concedendo , comminatus est ; at illud gravate sensit , Deusque indignatus etiam est , Judæos Samuelis imperium tandem exosos , ac ad omnia extrema paratos seditiosis vocibus Regis urgere creationem . Quod non potuit se Deo omnino probare . Quamobrem puniendæ petulanti Judæorum turbæ , Regem Deus creat ; ut , constituto Rege , tanti facinoris in Deum perpetrati , poenas luerent (1). Quæ quidem nullatenus pugnant nostræ sententiæ : qua ponitur , Deum Reges creare , sibi que , præmiis ac poenis moderandæ multitudini , Reges ipsos , veluti summos legere administratos.

## CAP.

(1) Profecto qui primus ad petitionem Judæorum Rex illis fuit datus , neque Tyrannus fuit , neque Rex de pessimis unus . Bonus electusque ab ipso Samuele Cap. IX. Saul appellatur ; *neque fuisse in filiis Israel quemquam meliorem illo* . David qui proxime Sauli successit optimus fuit ; sapientissimus autem omnium Regum Salomon filius ejus . Itaque reipsa falsos esse patet , qui ex Cap. VIII. Samuelis Jus Regis constituentis , inferunt , Deum Reges in poenam Judæis tribuisse . Nos infra pluribus hujusce Capituli sententiam exponemus .

## C A P. IV.

*Auctoris sententia Patrum auctoritatibus  
firmatur . Eadem Scriptorum quo-  
que profanorum dictis , ac  
historia antiqui & medii  
ævi fulcitur .*

§. I. **N**Eque vero præterea quidquam antiquioribus Patribus in animo sedit , cum ab ipso Christianæ Ecclesiæ primordio , summam Deum Potestatem contenderint Principibus largiri . Perlegebant scilicet & in vetusti foederis tabulis & in novis , datam a Domino omnium Potestatem Regibus & *virtutem*, eosque ob Potestatis plenitudinem appellari *Deos*; quam *primario* a Deo jam accepisse æternumque accepturos sentiebant . Hic autem est plane verborum sensus, quibus Divi Patres utuntur , licet alius obtrudi ab illis soleat , qui Majestatem a Deo *immediate* derivant . Et re quidem vera Irenæus , ut ab omnium vetustissimo incipiam , Pauli Apostoli vestigiis inhærens , cum Potestates , quæ sunt , a Deo ordinatas fuisse , scripserit , addit in-



insuper (1): *cujus Jussu homines nascuntur, hujus jussu & Reges constituuntur.* Quæ quidem comparatio erit prorsus insulsa, si putetur umquam Reges a Deo *αμεσως* constitui ex Irenæi sententia, ut homines a Deo *αμεσως & immediate* nascuntur. Quo quid insulsius? Nam homines ab hominibus *immediate* nasci ac generari, non autem a Deo, quis caudex ivit umquam inficias? Non itaque *immediate* ex Irenæi sententia Reges a Deo Potestatem consequuntur, at *primario*. Convenit Irenæo Tertullianus (2): *Inde, inquit, Imperator, unde & homo, antequam Imperator: Homo autem immediate a Deo non est.* Multo minus pro eorum sententia, qui Regiam Potestatem a Deo *αμεσως* derivant, obtrudi etiam potest Dionysii Alexandrini auctoritas. Hic enim generali quadam oratione, quæ apud omnes obtinet, vetustos Patres æque ac apud recentiores, asseruit (3):  
 Τον ἐκ θεοῦ καὶ δημιουργοῦ τῶν ἀπχτων, τὸν καὶ τὴν βασιλειαν ἐχειρητάντα τοῖς θιοφιδεστα-  
 τοῖς οὐκληρεχνῶ καὶ γαλλικῶν σεβαστοῖς; *μημνη*  
*Deum*

(1) Irenæus adv. Hæres. V. 24.

(2) Tertul. Apolog. Cap. XXX.

(3) Dionys. Alex. apud Euseb. Hist. Eccles. Lib. VII. c. 11.

*Deum omnium rerum opificem, qui Valeriano & Gallieno, sacratissimis Augustis, Imperium dedit. A qua Dionysii sententia, ut ceteros missos faciam, non abhorret Augustinus, qui aperte iisdem fere verbis, Deum, qui Augusto, ipsum & Neroni; qui Vespasianis vel Patri vel filio, suavissimis Imperatoribus, ipsum & Domitiano crudelissimo, Imperium dedisse, affirmat (1). Sexcentos invenies, qui in eandem sententiam, quæ a nostra non abit longule, euntes, generatim fuerunt locuti, ut quisque de Populo; tantum abest, ut ab eorum auctoritatibus certi quidquam colligi pro Summa Regum Potestate possit, quæ a Deo derivanda.*

§. II. Equidem nolo, ne infinitus fiam, per omnia vagari veterum Patrum scripta, eorum huc transferens sententias, quæ illud aliorum verbis evincam, quod reipsa certissimum est. Satis erit illas legisse, ut quisque mihi consentiat, statimque in animum inducat suum, non posse cum illis sententiam, quam refuto, promovere.

(1) Aug. De Civit. Dei Lib. V. Cap. XXI

moveri (1). Unum hic non distadet Chrysostomi referre fragmentum, quod mirifice meam juvat sententiam. Illud autem sic se habet (2): *Quid dicis? Omnis ergo Princeps a Deo constitutus est? Istud non dico. Non enim de quovis Principe sermo mihi nunc est, sed de ipsa re. Quod enim Principatus sunt, quodque hi quidem imperant, illi vero subiecti sunt, quodque non simpliciter, ac temere cuncta feruntur, nec fluctuum instar, Populi huc atque illic circumaguntur, Divinæ sapientiæ opus esse dico. Propterea non dicit: non enim Princeps est, nisi a Deo; sed de re ipsa differit, dicens, non est enim Potestas, nisi a Deo. Lippitudine profecto laborat, qui ex hoc allato Chrysostomi Homiliæ frustulo, non videt, quod initio dicebam: non Potestatem quidem Summam in concreto a Deo esse constitutam; ita ut in ea conferenda nullæ sint Populi partes, at in abstracto. Quare factum porro est, ut illud mihi probandum suscep-*

(1). Lege veterum Patrum sententias hac de re apud clarissimum Carminum Eimiani in animadvers. ad observ. Justi Hen. Boehm. Lib. II. de Conc. Sacerd. & Imp. Cap. II. Observ. III. Vide etiam Dupin. Diss. VII. Cap. II. §. I. & *Traité de la Puissance Eccles. & Temp.* Art. II. Pag. 78. & seq. edit. in 8.

(2) Chrysost. Homil. XXIII. in Epist. ad Rom.

perim, quod pro virili nunc exequor, Potestatem Summam in *concreto*, scilicet prout est in hoc vel alio Principe, non *αμεσως*, verum *primario* a Deo, *αμεσως* autem & *secundario* a Populo manare. Quod ex Constitutionibus quoque, quæ vulgo Clementis dicuntur, satis patet. Is autem ita: Τον Βασιλεα φοβηθητη, ειδως οτι τα κυρια εστιν η χειροτονια: *Regem timebis, gnatus, quod a Domino est electio*; nempe *primario* a Deo, ut qui την χειροτονιαν, proprie creationem per *suffragia*, promoveret, ac moderatur.

§. III. Superest nunc profanorum quoque Scriptorum, Patrum auctoritatibus, sententias adjicere luculentiores, quod major undique nostræ fiat fides sententiæ. Age, primus omnium esto Divinus Homerus, qui pluribus in locis celeberrimi sui Poëmatis clare cecinit, Διοτρεφεις Βασιληας, a Jove educatos Reges. Idemque in Iliade (1).

„ Τιμη δ' εκ Διου εστι.

„ Ab Jove summus Honos.

Et apud Salmasium (2), unum Regem in populo oportere esse, idem Homerus

(1) Iliad. Lib. II. v. 197.

(2) Apud Salmas. Def. Reg. Pag. 38.

ait, quem ἰδωκε Κρονὸς παῖς, *constituerit Saturni filius*, nempe Jupiter. Clarius autem Callimachus; ἐκ δὲ Διὸς Βασιλῆς, *ex Jove esse canit Reges* (1). Et Aischylus in Prometh. inquit;

„ Τρῆχ' οὐκ ἔστιν ὅστις ἀνὴρ ὑπευθύνῃ κριτῇ  
 „ Rex est suo utens jure, nulli obnoxius.

Sophocles autem (2).

„ Ἀρχόντες εἰσιν, ὡς δ' ὑπεικτεόν; τί μιν;  
 „ Principes sunt: obsequendum. Quippe nisi

Aischylus autem & Sophocles somniarent, Reges nulli obnoxios suoque Jure utentes, si fieri umquam posset, ut Reges a Populo, non autem a Deo Summum Imperandi Jus *primario* acciperent. Inter Essenorum quoque placita memorat Porphyrius (3): αὐτὰρ θεὸς περιγινέσκει τισὶ τοῖς

D

(1) Vid. Lipsium Lib. II. Polit. Cap. II. Hinc Minos Jovis filius Homero habitus Iliad. XIII. ut Eacus, Radamanthus, alique Legum conditores; quia nonnisi a Deo, mente æterna ac infinita, vera est sapientia, a qua optimæ leges manant. *Per me Reges regnant & legum conditores justa discernunt*. Itaque Pindaro Reges laudantur tamquam *ἐκ θεῶν ὡς ἀπὸ τοῦ οὐρανοῦ, inspirati divinitus*.

(2) In Ajace v. 677.

(3) Porphy. Lib. IV. De Abstia. Pag. 389.

αρχεν ; non obstringere cuiquam Imperium ;  
*sine Dei cura speciali* . Consentit Diodo-  
 rus , qui (1) de Ægyptiis loquens , eos ,  
 ait , existimare , non sine Divina quadam  
 Providentia , Reges *summam de omnibus*  
*Potestatem consecutos* , αὐτὲς τετευχέναι τῆς  
 τῶν ὅλων ἐξουσίας . Uno tandem ore unaque  
 mente reliqui consentiunt omnium æta-  
 tum Gentiumque Scriptores . Hinc pro-  
 fecto Tacitus (2) : *Principi summum re-*  
*rum arbitrium Dei dederunt ; subditis ob-*  
*sequii gloria relicta est* . Plinius vero in  
 Panegyrico , Trajanum *Divinitus constitu-*  
*tum* dicit (3) ; itemque Principem Diis  
 simillimum , castum , sanctum , præstabi-  
 lius ac pulchrius Deorum munus appellat .  
 Deinde contendit ibidem , Trajanum haud  
 occulta fatorum potestate , sed ab Jove  
 ipso coram ac palam repertum , electum .  
 Quæsierat primum utrum forte casuque  
 rectores Terris , an aliquo Numine da-  
 rentur ? Quod profecto ad propositum  
 meum facit (4) . Curtius quoque scri-  
 psit

(1) Diodor. Sicul. Lib. I. De Ægypt.

(2) Tacit. annal. Lib. VI. Cap. VIII.

(3) Plin. Panegy. in Trajan. in princ.

(4) Idem Paneg. Pag. 320. edit. Lugd. ap. Seb. Gry.

plrit (1) Regium nomen, Gentes, quæ sub Regibus sunt, pro Deo, colere. Vitis etiam apud Cassiodorum haud contra (2) sentiebat: *omnis Profectus*, aiebat ille, *maxime Regius, ad Divinitatis munera referendus est*. Omnis autem profectus (adeoque & Regius) non *ἀμεσως* a Deo est, ut antea dicebam, sed *primario*. Hinc Titus Imperator apud Svetonium (3), *Potestates fato dari*, aiebat: Fatum autem apud veteres Gentes, illa ipsa erat Divina *ordinatio*, de qua antea pluribus, quam tamen a Jove necessario pendere, a profanis, Homero auctore, credebatur; in quo a fato Christiano distat, si loqui ita fas est, nempe a Providentia. Hinc tandem in nummis *Providentia Deorum* legitur (4); & Imperatores Orientis *θεοσέγεis*, Occidentis vero a *Deo coronatos*; quique hodie publi-

D 2

bli-

Gryph. 1547. Trajani electionem Dei opus appellat: *quin etiam Deum ipsam præcipuam voluptatem operis sui percepisse crediderim*: quare inferius pag. 347. *At postquam ad te Imperii summam, & cum omnium rerum, tum etiam tui potestatem Dii transfulerint, tertium consulatum recusasti.*

(1) Lib. X. Cap. III.

(2) Cassiodor. Var. Lib. X. Cap. XXXI.

(3) Sveton. in Tit. Cap. III.

(4) Leg. Spanhem. adnot. ad Julian. Or. 22

blicis Europæ rebus ac ditionibus præfunt, easque feliciter moderantur, se Reges *Dei Gratia* profitentur. Neque vero ob aliam causam Reges & Imperatores post hominum memoriam, Diis ipsis comparati, ac post mortem, facta immortalitatis fide ab ipso Populo, inter Cœlicolas numerati, dignique habiti, qui Deorum mensis adessent, propriis eorum voluptatibus fruituri. Percelebris est Juliani sublestæ fidei Imperatoris *de Cæsari-  
bus sermo*; ubi Romulus Saturnalia celebrans, omnes Deos & Cæsares ad convivium invitat (1).

§. IV. Infinitum esset omnia persequi, quæ ex profanis Scriptoribus Græcæ Latinæque Gentis facile mihi suppeterent. Itaque, quod ad institutum meum modo pertinet, pauca potius ex Historia Romana, & Langobardica, quæ ad sententiam meam fulciendam facta potissimum reor, paucis attingam; eaque illustriora, quò major meæ lux affulgeat sententiæ, in contractum veluti orbem cogam. Primum autem quod mihi succurrit, est ab inauguratione Romuli peti-

(1) Jul. Imp. *de Cæsar. sermo* ex vers. Canto-  
clari Pag. 25. Tom. 1. in 8.



titum . Is regia indole adolescens , Numitori Albana permiffa re , a Regni cupidine fibi non temperavit ; deque nova in iis locis , ubi fimul cum Remo expofitus , ubique educatus fuerat , Urbe condenda , magna cœpit confilia agitare . Cum gemini effent , Regnique cupido , avitum nempe malum , utrumque tetigiffet , conftitutum ; ut *Dii* quorum in tutela ea loca effent , *auguriis legerent* , qui nomen novæ Urbi daret , qui conditam Imperio regeret (1) . In luce meridiana cœcutit hîc , qui non videt , novi Regis electionem non quidem a Populo , fed a *Diis* potiffimum expectari . Neque regerat quis fortaffe morofior , ex evanida Religionis Gentium fuperftitione non defumenda homini effe argumenta vere chriftiano , cui perfuafum fit , veterum auguria præftigiis haud multum abfuiffe . Id faltem enim exinde patet , veteres Gentes ita fibi ab inveterata Patrum traditione , perfuafiffe , a *Diis* præcipue Imperia deferri . Redeo nunc ad geminos Fratres quos nunciato difpari augurio (2) , utrum-

D 3

que

(1) Liv. Lib. I. Hift. Rom. Cap. 5. ex edit. ad ufum Delph.

(2) Liv. Lib. I. Cap. VI. ex ead. edit.

que Regem sua multitudo consalutaverat. Utrisque nempe sui fautores aderant, qui uni potius, quam alteri novæ Urbis Imperium deferri mallent. At de delatione Imperii jam nunc non quæro. Satis sit ex Romuli inauguratione, duo tantum observasse, *Deorum nempe electionem*, & *consalutationem* multitudinis; quarum illa *primario*, hæc vero *secundario* Romulum novæ Urbi præfecit. II. Romulum procella sublimem raptum, sive, quod verius est, Patrum manibus ob sævitiam impie discerptum, excepit Numa Pompilius: cujus electionis eadem fere leguntur apud Livium (1). Cæteris de Interregno missis, quæ non sunt hujusce loci, in variis voluntatibus, Regem tamen omnes, libertatis dulcedine nondum experta, volebant. Quod autem inclyta justitia religioque ea tempestate, Numæ Pompilii erat; isque omnium ætatis suæ vir erat omnis divini humanique Juris consultissimus; audito ab omnibus nomine Numæ, ad unum omnes ei deferendum Regnum decernunt. Quò aperte vero posteritati innotesceret, non

(1) Liv. Lib. I. Cap. XVI. & XVII.

quidem a Populo Summam deferri Majestatem Principibus, at *primario* a Deo; nonnisi missus ab Augure, pro more Gentis, auspiciis, Rex declaratus de templo, Numa descendit. Notanda profecto sunt, quæ Augur Jovem Patrem supplicando, verba fundit supplicia hujusmodi: *Jupiter Pater, si est fas* (nempe. si tua est ordinatio) *bunc Numam, cujus ego caput teneo, Regem Romæ esse, uti tua signa nobis certa & clara sint inter eos fines, quos feci.* Quæ Numæ electio meæ sententiæ magis confirmandæ, alterum argumentum est primo fortasse validius. Namque accitus Numa non prius Rex a Populo declaratur, quam Diis auspiciato consultis: ut inde nimirum ostenderetur, non a Populo Summam proficisci Potestatem, nisi *secundario*, quatenus nimirum & Populus Dei ordinationi pareret Regem declarando, quem Deus antea jussit sive expressis. sive tacitis signis; & quatenus solemnibus quamplurimis institutis, iisque postea non omisis, at summa cum religione servatis, Regem perpetuo declarat. III. Eundem semper in creandis legitimis Romanis Regibus morem obtinuisse censendum est; neque ul-

lum dubitationi locum relinquendum ex eo, quod Livius aliquando isthæc omittat sollemnia. Haud me sane piget, monumentum unum ex Livio (1) recitare, ex quo patet, quod Numa mortuo, *Tullum Hostilium* Regem Populus, auctoritate Patrum, jussit. Ubi sollemnia Livius omittit, quæ alibi singillatim memoraverat, quæque hic non minus intelligendum est, Romanos summa cum religione misisse. Neque negotium alicui faceßat, quod Regem Populum jussisse, persæpe Livius narret: frequentior enim apud Latinos Scriptores eam reperias dictionem; quæ non eo plane sensu accipienda est, qui indoctioribus sedit, quasi *jubere* idem sit ac *præcipere*, cum auctoritate summa. Patres reipsa apud Romanos Populi jussionibus auctores persæpe fiebant; quin sexcenties apud Comicos legas, ut apud Terentium (2), *jubeo Cbremetem*, ubi *jubeo*; latiori nonnisi sensu accipiendum est.

§. V. Illud etiam hic non prætereo, quod sæpe Populus Regem jubebat, quem antea intellexerat forte, vel claro aliquo  
fa-

(1) Liv. Lib. I. Cap. XXII. ex cit. edit.

(2) Ter. in Andr. Act. III. Scen. III. v. 1. & alibi.

facinore , vel mirabili aliquo viso portento , Diis cordi magnopere fuisse , vel futurum . Ita sane ad regnum euectus Hostilius ; ita ad Regiæ dignitatis culmen excitatus Servius Tullius ; ad quem propterea moribundus Tarquinius ait (1): *Erige te, Deosque duces sequere, qui clarum hoc fore caput, divino quodam circumfuso igni portenderunt. Nunc te illa cælestis excitet flamina. Nunc expergiscere vere.* Quare Lipsius, cum probasset (2), quampluribus petitis exemplis ab Historia antiqua , Regna & Reges a Deo tribui , ac deinde memorasset , Romulum & Tullum Hostilium utrumque ex Pastore , Tarquinium Priscum e peregrino & exule, Servium Tullium, quod ipsum nomen præfert, e vernula & servo ad sceptrum pervenisse ; insuper addit: *quid hæc aliud sunt, quam*

„ Sidus & occulti miranda potentia fati?

Neque Romani tantum ex præclaro aliquo signo Dei voluntatem conjiciebant,

ut

(1) Liv. Lib. I. Cap. XXII. & Cap. XI. & XII.

(2) Just. Lips. In Monit. & Exempl. Polit. Monit. I. 9. II. Tem. IV. oper. in Fol. edit. Antwerp. 1637.

ut aliquem Regem juberent : verum video etiam vetustissimas Gentes ex hujusmodi signo aliquo externo , Dei voluntatem conjecisse , ac elegisse Reges. Profecto ex Herodoto (1) constat , quod *Æthiopes , quem e popularibus maximum & pro magnitudine validum judicant , hunc Regem deligendum censent* . Plinius quoque (2) dum Taprobanem describit , ibi eligi ait Regem a Populo *Senecta clementiaque , liberos non habentem* . Langobardi etiam apud Sigonium (3) , Ticini , universi convenere , ac *Clephonem , insignem nobilitatis virum* , Regem consalutarunt. Signum Dei voluntatem conjiciendi , *Æthyopibus fuerat corporis magnitudo & validitas ; Taprobanensibus senecta clementiaque ; Langobardis autem nobilitas* .

§. VI. Redeo iterum ad id , quod modo dicebam . Livius itaque non semper scribit , Populum *jussisse* Regem , at sæpe etiam *creasse* comitiis habitis , Patrumque accedente auctoritate , nempe per Populi suffragia , quæ ut superius dictum est ,  
De

(1) Lib. III. Cap. 20. ex edit. Gronovii Lugd. Batav.

(2) Plin. Hist. Nat. Lib. VI. pag. 324 v. 10. ex edit. Jo. Harduin. in fol. Paris. 7041.

(3) Lib. I. De Reg. Ital. Pag. 22. Tom. II. in fol. edit. Mediol.

Deus potissimum moderatur. Hinc fortasse clarissimus Sigonius numquam in suis Libris *De Regno Italiae*, Langobardos Regem scribit *jussisse*, verum *declarasse* ac *salutasse*; ut inde nempe conjiciendi cuique daretur occasio, ad Populum tantum *declarationem* pertinere, aut *consolationem*; *electionem* vero *intrinsecam*, five *Jussionem* proprie dictam, esse ipsius Dei, qui solus potest, eam potestatem, qua pollet, Principibus elargiri. Quo Sigonius scribendi utitur genere in *Alboini* I. Langobardorum Regis ac in *Clephonis* creatione, atque ita deinceps (1). Quamobrem Plinius: *quam peculiare gaudium eorum, qui te primi eodem loco salutaverint Imperatorem* (2)? Quæ in unum congeffi omnia, non ut inde huic libello augetur moles; sed ut rebus ipsis ac factis potius antiquiorum Gentium, proposita magis magisque sententia firmaretur. Antiquiorum autem Nationum facta & consensus procul dubio, Jus illud formant, quod Jus Gentium dicitur: itaque non solum jure Divino positivo ac

na-

(1) Sig. ibidem Pag. 16.

(2) Plin. Paneg. in Trajan. edit. Seb. Gryph. 1547. simul cum Epistolis; pag. 320. Conf. quæ alibi ex eodem Plinio descriptissimus.

naturali, ut antea ostensum est, verum etiam, ipso Jure Gentium, constat, Summam Principum Potestatem a Deo præcipue manare.

## C A P. V.

*De Caussis homines primum in Civitatem cogentibus. Nova hac de re fertur opinio. Eloquentiam nempe, ac Barbariem causas Civitati facit Auctor; positivam unam, alteram negativam. Pluribus de primo Gentium positu differitur. Firmandæ debinc Auctoris sententiæ, de summa Principum potestate a Deo potissimum derivanda, sumitur argumentum.*

§. I. **E**X hætenus dictis satis constat, Deum ipsum Summæ in Cives constituendæ Potestati, primum Auctorem factum: Populum vero, ne in Deum suamque conscientiam peccaret, Regibus jam constitutis volentem, idest non repugnantem, paruisse. Cui sententiæ multam puto lucem ex antea dictis affulsisse: quam ne eidem foenerari fortasse alicui videar, majorem nunc reddere conabor, prioribus inde arcessitis argumentis,



tis, unde vulgo putatur, Potestatem Summam *proxime* originem duxisse. Multas hinc tenebras, quibus proposita sententia obsepta nonnullis videtur, discutiam. Quare a causis homines in Civitatem cogentibus, in tanto auctorum dissidio, qui de hominis natura, Naturæque statu, diligentius quæsiwerunt, quantum in me est, propositæ sententiæ fidem facere majorem, hoc capite aggrediar.

§. II. De causa vero homines in Civitatem cogente, quid sentiam, prius non aperiā, quam Juris Naturæ ac Gentium opiniones (eæ autem hac de re quamplures concurrunt) consultorum, singulas retulerim. Hominis ipsius Naturam plerique, Duce Aristotele (1), causam hominibus in Civitatem cogendis aptiorem faciunt: natura enim ipsa, inquiunt, hominem ad Societatem Civilem desiderio rapi vehementissimo. Cui opinioni confirmandæ, argumenta potissimum a solitaria vitæ miseriis, a solitudinis tædio, a sermone, qui extra societatem homini esset nulli usui futurus, ab in-

na-

(1) Aristot. Lib. I. Polit. Cap. II. ubi hominem, Natura Civile animal, φύσει ζῷον πολιτικόν, sua sponte ad Civitatem impelli putat, ut piscis ad natandum, avis ad volandum.

nata, consueſcendi cum aliis hominibus cupiditate, a ſocialis vitæ commodis, pluribuſque huiuſmodi, deducuntur (1). Quorum argumentorum cumulum ſtatim quiſpiam demat, ac hominis naturam penitius perſcrutetur. Medies deficiet, ſi plena manu hæc perſequar. Paucis vero non ſuperſedeam. I. Nemo ſane dubitat, hominem ita natura comparatum eſſe, ut nihil perinde amet, atque utilitatem ſuam (2). Quare ſi relictæ naturæ libertate primæviſque ſocietatibus, in Societatem Civilem homines ultro convenere: certe non ſocietatem primum ipſam reſpexerunt, at maiorem inde ſibi proventuram utilitatem (3). Neque ſi ponatur innata iſthæc Societatis cupiditas in homine, ſtatim hinc ſequitur, hominem natura rapi ad Societatem Civilem. Ingenti quippe illi deſiderio fieri ſatis per primas ſocietates potuit, junctasque cum æqualibus primum ami-

(1). Vid. Puff. De J. Nat. & Gent. Lib. II. Cap. IV. & Lib. VII. Cap. I.

(2). Conf. Arrian. in Epict. Lib. II. Cap. XXII. & Hob. De Cive Lib. I. C. I.

(3). Conf. Puffend. De Hom. & Cive Lib. II. Cap. V. §. II.

amicitias . Quod ex Aristotelis quoque sententia innotescit magis; qui alibi scripsit (1) ἄνθρωπος τῇ φύσει συνδυαστικὸν μᾶλλον ἢ πολιτικόν: *homo nempe conjugale magis, quam Civile animal est* . Posita itaque innata societatis in homine cupiditate, non statim sequitur, inde se hominem Civili Societati composuisse: quem admodum non bene quis inferret, hominem ad litterarum studia natura ferri, quod irrequieta ejus animi natura *aliquid* perpetuo studeat, circa quod versetur. Animus namque litterarum studiis sæpe abhorrens, infinita sibi comparat a litterarum studiis aliena, quibus quantus quantus est occupatur. II. Innatis quoque desideriis hominumque egestati, abunde per primas Societates & per officia, quæ homini ab hominibus, aut ipso jure, aut humanitate, aut pactis mutuo præstabantur, fieri satis potuit. Unde patet, quam falso ex naturæ status miseriis ac indigentia, homo ad Civilem Societatem factus censeatur, Insulsius autem ab iisdem asseritur, sermonis facultatem, qui extra Civitatem sese non exereret, natura.

(1) Aristot. Lib. VIII. ad Nicom. C. XIV.

turam hominis Civili Societati egregie factam ostendere : siquidem & in Societate conjugali, aliisque *adventitiis*, quæ conjugalem sunt postea consecutæ, satis commode divina prope sermonis facultas, quam homini præ brutis Natura tribuit, potuit exerceri. III. Nullo autem magis validiori argumento istius ratio sententiæ elevatur, quam eo, quod ex ipsa hominis Natura, quæ vitæ Civili valde repugnat, desumitur. Nullum sane animal homine immanius, aut indomitum magis, & quod ad plura vitia, quæ Civilis Societatis rationes omnes perturbant, sit proclivius (1). Proferendarum sane opum cupido, atque honorum immoderata ambitio, cujus sensus hominem quotidie vellicat, hominum animos in Civitatibus enutriunt, eaque malorum omnium *σοφισμα*, hominem omnium pessimum, nedum bonum civem reddunt. Ex opum namque cupidine ingentissima fit, ut fides, probitas, cæteræque bonæ artes subvertantur, ac pro his superbia, crudelitas,

(1) Conf. Puffend. De Hom. & Civ. Lib. II. Cap. V. §. VI. & Op. Maj. Lib. VI. Cap. I. §. IV.

tas, Deum negligere, omnia venalia habere, animum irrepant. Ex ambitione autem mortalium plerique veritati bellum indicunt, falsique fiunt, aliudque in pectore clausum, aliud lingua habent promptum: *amicitias inimicitiasque non ex re, sed ex commodo aestimare, magisque vultum, quam ingenium bonum habere* (1). Quamobrem hominum quotusquisque natura est bonus civis? Lippis profecto tonsoribusque pernotum Archytæ *apophtegma* apud Ælianum (2), qui, sicut difficile, ait, inveniri piscem, qui sit sine spinis, ita hominem, qui innata vecordia, dolis, aliisque vitiis Civitati pugnantis, minime scateat.

§. III. Cum Aristotelis exposita modo sententia, cæteris Philosophis haud bene arrideret; rem porro maiorem postulare indaginem, reliqui sibi in animum induxere Naturæ Sacerdotes. Hinc quamplures Platonis (3) sententiam secuti, qui homines censuit, ut in Civitatem coirent,

E ab

(1) Sallust. De B. Catil. Cap. X.

(2) Ælian. Var. Lib. X. Cap. XII.

(3) Conf. Platon. Lib. II. De Rep. pag. 193. edit. Weech.

ab *indigentia* fuisse permotos. Cui sententiæ illud valde repugnat, quod *Natura sit parvo contenta*; neque eò usque in illo positu, *indigentiam* processisse censendum, ut infelicitas inde hominì crearetur. Ad rem sane facit, quod Grotius noster ait (1): *Letos parvo atque agiles, non deliciae enervant, non cura macerat. Ita omnia habent, qui nihil concupiscunt.* Satis autem, cum segreges adhuc agebant homines, vitæ incommodis (quæ nimis pauca tunc existerent) ac egestati cautum erat, inventa agricultura & pecuaria, venatione piscationeque, cæterisque primævis artibus, quas *primæ necessitatis* appellant Philosophi (2). Quamobrem nec, quæ ab his, qui Platonem secuti sunt, *indigentia* ponitur (3), hominibus in Civitatem cogendis propriorem fuisse causam, apparet. Dies profecto me deficeret, si omnes singillatim, plenaque manu hac de re naturæ Sacerdotum opiniones vellem percensere. Epicurus *casum*; vim Lucretius; (unde

(1) Grot. Lib. IV. Hist. Belg. ad An. MDXCV.

(2) Conf. Genes. XII. v. 2. XXIV. v. 35.

(3) Refutat opinionem hanc quoque Seneca Lib. I. de Benef. Cap. 1. & Lib. IV. Cap. XVI.

de fortasse Hobbesius opinionem suam de bello mutuo deprompsit ) ; rerum suarum custodiam Cicero (1) ; Sanctum Naturæ ordinem J. F. Hornius (2) ; Familiarum Segregum infirmitatem adversus violentiam Grotius (3) ; multum cum Puffendorffio causam Civitati aptiorem constituendæ viæ securitatem reposuere (4). Quæ Puffendorffii sententia, licet fautorum satis habeat, cæterisque sit dignior, cui plaudatur, suis tamen, ad cæterarum instar, non caret difficultatibus ; uti ex doctissimo Titio (5) observare est.

§. IV. In tot interea tantisque erroribus, age, si qua, viam fortuna dederit, sequamur. Equidem velim dumtaxat, ut opinio, quam fero, mihi tantisper, uti mera hypothesis, concedatur. Alioquin scio, quid de hominis ortu, instit-

E 2

tutis-

(1) Cic. Lib. II. De Offic. Cap. XXI.

(2) Horn. De Civit. Lib. 1. Cap. IV. §. 6.

(3) Grotius Lib. I. de J. B. & P. Cap. IV. §. VII. n. 3.

(4) Puff. Lib. VII. de J. N. & Gent. Cap. I. §. 7. & Lib. II. de Hom. & Civ. Cap. V. §. 7.

(5) Titius Observ. ad Cap. V. §. 7. Lib. II. de Hom. & Cive.

tutisque primum Societatibus, christiano vere homini, litterarum divinarum documentis ab ipsis unguiculis bene imbuto, sentiendum sit. Ad rem Cicero (1): *licet, ut vos quoque soletis, fingere aliquid, docendi causa*. Reminiscantur autem lectores instituti mei; me nempe de causa homines in Civitatem cogente, id propterea nunc querere, ut Summæ constitutio Potestatis clarius inde pateat; & quatenus in ea constabilienda Populus etiam nonnihil conferat. Rem autem omnem ita reputo.

§. V. Fuit quoddam tempus, cum homines, experti nondum consuetudinis cum reliquis dulcedinem, in agris bestiarum more vagabantur passim, sibi que foedo victu propagabant vitam; nec ratione animi quicquam, sed pleraque corporis viribus administrabant. Nemo tunc temporis divinæ Religionis, nemo humani officii rationem colebat: nemo sibi nuptias, ex quibus certi a quoquam expectarentur liberi, conciliarat: nemo tandem jus æquabile, quid utilitatis in se haberet, acceperat.

(1) Lib. IV. de Finib. Cap. XIV.



perat. Quæ quidem, ne a me sine exemplo afferi, quis putet: nonnullarum Gentium hic meminisse non piget, quæ hujusmodi vitam jampridem vixere, vel adhuc vivunt. Aborigines profecto apud Sallustium (1), Genus hominum agreste, sine legibus, sine imperio, solum atque liberum, memoratur: Gætuli & Libyes apud eundem (2) asperi incultique neque moribus, neque lege aut imperio cujusquam regebantur: & ex eadem Africa multos Mela (3) commemorat, qui in Familias passim & sine lege dispersi, nihil in commune consultabant. Neque vero mihi se Tesmari sententia probat (4), qui sibi persuasum habuit, Aborigines, Gætulos, Cyclopes apud Euripidem (5) exleges liberosque dici; non quod revera sine omni imperio & lege vixerint, sed sine hujusmodi regimine, quo Gentes utebantur moratiores. Adversus Tesma-

E 3 rum,

(1) Sall. Bel. Catil. Cap. VI.

(2) Idem. Bell. Jugurth. Cap. XVIII.

(3) Pomp. Mela Lib. I. Cap. VIII. n. 11. ex edit. Voss.

(4) Tesm. ad Grot. Lib. I. de J. B. & P. Cap. I. §. I.

(5) Eurip. Cyclop.

rum, virum alioquin eruditissimum, facit apprimere, quod quamplures etiam nunc Africæ atque Americæ Populi, multique Arabum (1) sine Magistratibus, sine ulla regiminis forma, vagantur exleges.

§. VI. Redeo ad id, quod hujusce meditationis caput mihi fuit. In illo itaque, quem dixi, statu, error dumtaxat atque inertia dominabatur: unde coeca omnino ac temeraria animi cupiditas crepero rationis lumini tenebras offundens spissas, ad se explendam corporis abutebatur viribus, satellitibus nempe quam perniciosissimis. Conflata hinc est quam maximâ inimicitia, cædium quotidiana causa efficacissima. Quæ silvestris vita, tota fere sensus, victuque ferino deterior, dum viveretur, peropportune inter homines (homines ne dicam an feras?) magnus aliquis vir, Deique munere sapientissimus in publicum prodiit, qui videns quanta opportunitas ad maximas

(1) Conf. Hertium ad Puffend. Lib. VII. Cap. I. §. 7. & Hein. Elem. J. N. & G. Lib. II. §. 100. Conf. etiam *Continuat. des Pensées diverses de M. Bayle* artic. 118. & tandem historiam clariss. Robertson.

mas res, hominum animis inesset, id maxime studuit, quâ homines ipsos a silvestri averteret consuetudine, ac ad diversas vitæ rationes traduceret. Quod sane difficillimum negotium, idem ille sensit magnus vir perfici non posse, tacita omnino dicendique inopi sapientia. Quare omnibus dicendi virtutibus, sapientia autem ducem usus est, quò *Eloquentiæ* copia, jucunditate, fulminibus obstinatos homines a ferino victu deterreret, palantes in agris, lustrisque abditos, in unum cogeret locum, eosque honesta utiliaque jubens meliores redderet. Tanta vero fuit *Eloquentiæ* vis, ut gravi ratione, suavique silvestres homines oratione commoti, licet primum propter insolentiam aliquantisper reclamassent, studiosius deinde audientes, ex feris & immanibus, mirifice sint committigati. Hinc factum primo est, ut illi parere homini vere sapienti ac eloquentissimo, ei sese, puerorum in morem, dedere, ejus obsequi studiis, adsuescerent: illius deinde jussu, illo auspice ac ducem, Urbes sibi metari, fidem colere ac justitiam retinere discerent: æquari vires, volentesque, id est non repugnantes, ad Jus descendere;

E 4 com-

communisque commodi causa, non modo labores omnes suscipiendos, at vitam etiam amittendam, existimarent. Omne autem commodum vel incommodum ex illius magni viri iussibus metiri. Quod, omisis sexcentis aliis, Romuli potissimum exemplo confirmatur; qui primus Gentis Romanæ parens, postquam a Diis auspiciatō lectus fuerat, qui nomen Urbi daret, conditamque Imperio regeret, *ut libitum, imperitasse* dicitur Tacito (1); *omniaque manu* (scilicet pro arbitrio) *a Regibus gubernata*, tradit Pomponius (2).

§. VII. Quæ aperta brevisque modo exposita narratio, ne commentum alicui fortasse omnino videatur, in memoriam hic lectoribus meis revocare non gravor, Græcos aliquando vitam illam vixisse silvestrem; eosque divinum certe virum magnumque Orpheum (3) singulari quadam orationis suaviloquentia, ad civilem vi-

tam

(1) Tacit. Lib. III. Annal. Cap. XXVI.

(2) Pomp. L. 2. §. I. ff. De O. J.

(3) Scitissime itaque, uti solet, Baconus De Verulamio, Fabulam de Orpheo vulgatam, nec tamen interpretem fidum per omnia fortitam, Philosophiæ universæ imaginem præferre putavit. Itaque Philosophia, inquit, tantæ rei (de naturali philo-

loso-

tam ex fœdo victu , truces , feros , inhumanos adduxisse . Mites inde facti , ac in omnibus Orpheo morigeri : quare Horatius noster vere scripsit (1);

- „ Silvestres homines , sacer , interpret-  
que Deorum
- „ Cœdibus & fœdo victu deterruit  
Orpheus ;
- „ Dictus ob hoc lenire Tigres , rabi-  
dosque Leones.

Quamobrem & Manilius de Orpheo quoque cecinit (2);

„ Et

*Iosophia loquitur ) fere impar ; atque idcirco merito mœsta versit se ad res humanas , & in animos hominum , suasu & eloquentia , virtutis & æquitatis & pacis amorem insinuans populorum cœtus in unum coire facit , & iuga legum arcipere , & imperiis se submittere , & affectuum indomitorum oblivisci , dum præceptis & discipline auscultant , & obtemperant : unde paulo post ædificia extruuntur , oppida conduntur , agri et horti arboribus conferuntur , ut lapides & sylvas non abs re convocari & transferri dictum sit . De Sap. Veterum Cap. XI. Tom. I. in fol. Pag. 1263. edit. Francof. ad Moen. An. 1665.*

(1) Horat. in Arte Poetica .

(2) Manil. Lib. V. Astronom.

„ Et sensus scopulis & silvis addidit  
aures .

Hinc apud eosdem Græcos homines, quibus unaquæque olim Civitas erat Respublica, Civitatem ii sæpe curabant, qui forent eloquentissimi, quique Populo rationibus æque ac oratione imponebant. Is procul dubio fuit Lycurgus, Solon, Draco, cæterique. Unde apud eos nata & progressa longius Eloquentia, maximis postea in rebus Pacis & Belli, cum summis hominum utilitatibus, versata perpetuo fuit. Quæ utinam feliciora tempora ad nos tandem remearent, quibus Eloquentia adeo vilesceat, ut quisque nebulo vappaque eam pili faciat! Fortasse tunc singuli, qui Eloquentiæ operam dedimus obstinatam, Populus, fruges nati consumere, non effemus.

§. VIII. Ex qua dilucida antea actæ hominum vitæ narratione, consilium in Civitatem coeundi, non ab ipsis patet hominibus captum, qui tantæ coeptandæ rei impares omnino erant; at ab externa quadam causa, singulari Dei munere supra mortales cæteros, per sapientiam e-  
vecta; quæ *Eloquentiæ* ope silvestres ho-  
mines

mines segeſque in Civitatem coegerit. Quare mihi facile perſuadeo, *originariam cauſam* in Civitatem coeundi; fruſtra in iſtis hominibus quaeri; ex conſultatione aliqua inter ipſos primum habita, cui per ſe ipſi non ſufficiebant: eam vero eſſe ſine dubio *externam*, neque potioreſ aliam *Eloquentia*, aut efficaciore� comminifci ullum poſſe. Quamobrem puto, poſtquam hominum ratio excoli cœpit, Civitate jam bene compoſita ex voluntate Dei omnia ſuaviter diſponentis; homines deinde veluti *ex poſt facto*, tam ſalubri inſtituto plauiſſe, multasque porro *derivativas*; ut ita dicam, commentos fuiſſe rationes, quibus Civitas ipſis magis magisque probaretur. Hinc putarunt alii, experimento *infirmiſſimæ* familiarum ſegregum, Civitate jam compoſita, bene ſibi adverſus *violentiam* cautum; alii vero, alia aggredientes via, *vitaſ ſecuritatem*, rerumque ſuarum *cuſtodiam*, pro tam ſalubri confirmando inſtituto, rationes felici conatu reddiderunt. Quæ quidem, niſi me animus fallit, non ſunt cauſæ ex parte Populi, quæ Civitatem anteceſſerint; at ſunt potius Civitatis jam bene conſtitutæ conſectaria.

§. IX. Fateor autem , magnum illum quem dixi , virum , cuius ope Deus homines in Civitatem nolentes traxit volentesque duxit , omnes hasce animo causas reputare secum potuisse . Quippe erat ille omnium maxime sapiens , Deique numine afflabatur propiori . Quod , ne commentum quoque alicui fortasse videatur , placet hic nonnullas meditatam afferre rationes , quibus fiat verosimile . Deus itaque O. M. Naturæ auctor , qui homines creavit , noluit eos perpetua infelicitate macerari ; curavit autem aliquando , eosdem a misera silvestris vitæ conditione sublevare , consociare mutuo inter sese , ac in unum congregare locum . Quæ profecto divina ordinatio hominum generi profutura diversis de causis , ut effectum tandem suum consequeretur , id curavit quoque perfecitque , ut aliquo temporis intervallo magnos aliquos ex humili extolleret viros , quorum ope multitudinis commoda compararet . Et sane quâ fieri alioquin potuisset , ut dominante inter populos crassissima omnium inscitia , aliquis tamen inter ipsos sapientia floreret , quo duce Populus quisque de malis minima pateretur ? Hinc credidere veteres e Jovis cerebro Miner-



nervam, sapientiam scilicet, prognatam; quasi nimirum nemo sapiens esse umquam possit, nisi Dei spiritu affletur. Quare Cicero scripsit (1): *Nemo magnus sine aliquo afflatu divino umquam fuit.* Homerus quoque (2)

„ . . . . . ἢ νῦν τ' αἰδοί  
 „ Λιπτοί, ἀλλὰ ποθὶ Ζῆς αἵτις, ὅς ἐ δίδωσιν  
 „ Ἀνδράσιν ἀλφειήσιν ὅπως ἐθέλῃσιν ἐκαστῷ.

„ . . . . . Non sane Poëta  
 „ In caussa sunt; sed interdum Ju-  
 „ piter in caussa est, qui suggerit  
 „ Viris Ingeniosis, ita ut vult, unicui-  
 „ que.

Poëtarum verò nomine apud Gentes non ii solum, qui carmina pangebant, sed viri quique sapientes, procurandæ hominum facti beatitudini intelligebantur; iique pro sacris, vulgo *inspiratis*, habiti. Quod de Homero ipso creditum a veteribus (3) & Orpheo potissimum, quem ex vetusta tra-  
 di-

(1) Lib. II. De Nat. Deor.

(2) Lib. I. Odyss. v. 345. et seq.

(3) Vid. Philostrat. Lib. II. Imag. & alibi;

ditione , ἀνδρᾶ ὁμολογημένως ὁσιῶ χρηταίμενον  
 πνεύματι , *virum sine controversia sancto af-*  
*flatum spiritu* , Celsus vocabat apud Ori-  
 genem (1). Horum procul dubio magno-  
 rum virorum ope , ac valde sapientum  
 usus est Deus , Populorum commodis con-  
 sulturus . Quare & Plato (2) de hujus-  
 modi sapientibus loquens ; ο δε θεος , in-  
 quit , δια πάντων τούτων ελην τῶν ψυχῶν οποι-  
 αιν βουληται τῶν ἀνθρώπων ; *Deus autem per*  
*omnes istos trahit hominum animum quo-*  
*tumque vult* . Quod ut clarius explicet ,  
*Magnetis* utitur exemplo ibidem . Hinc  
 Tullius (3) , omnes , inquit , *antiquæ Gentes*  
*Regibus quondam paruerunt* . Quod genus  
*Imperii primum ad homines justissimos &*  
*sapientissimos deferebatur* . Quæ omnia  
 paucis observare collibitum modo fuit ,  
 tum utne commentum omnino crederetur ,  
 quod de *magno illo viro* , quem nemo  
 fortasse novit , antea dicebam ; tum ut  
 hinc facile constaret , Deum *primario Ci-*  
*vitatem curasse* . §. X.

(1) Orig. Lib. I. c. Cels. P. 14.

(2) Platon in Jon. Pag. 363. ex edit. Marf. Fi-  
 cini .

(3) Cic. Lib. III. De Leg. §. II. ex edit. Er-  
 nesti .

§. X. Luce interim clarius patet ex iis, quæ hæcenus sum brevi commentus, Civitatis causam haud in ipso populo quærendam, qui per se in societatem Civilem coiverit ex antecedenti aliqua animi consultatione: sed potius in causa aliqua externa, quæ Dei Numine excita, Populum, illo, quo dictum est, modo, in unum ex tectis silvestribus, locum cogeret, ac in mutuam amicitiam dissociatum antea, conciliaret. Quod non modo *Eloquentiæ* ope perfectum, at ipsa quoque adjuvante natura, quæ homini erga hominem magnum amorem iniecit. Quamobrem ex magna inimicitia, maxima hinc pedetentim coorta est familiaritas. Ad rem vetus ait Comædia (1)

. . . . . sæpe ex huiusmodi re quapiam, &  
„ Malo ex principio magna Familiaritas  
„ Conflata est . . . . .

Quod Romanorum Sabinorumque perspicuo patet exemplo (2). Hominum porro inimicitia, minime ex Natura hic derivatur, uti Hobbesius censet; verum ex mala sil-

vestris

(1) Eunuch. Act. V. scen. II.

(2) Liv. Lib. I. in Vita Romuli.

vestris vitæ consuetudine , quæ homines ipsos in barbariem pessumdedit , officiis cujuscumque generis valde adversam. Quare rationes mihi melius subducenti duæ præcipuæ videntur , Civitatis constituendæ , fuisse causæ , quas appellarem *originarias* , *positivam* unam , alteram *negativam* . Illa nempe ex parte causæ externæ homines in Civitatem cogentis : hæc vero ex parte populi ; cujusmodi fuit *Barbaries* , quæ se *Eloquentiæ* nativis , non fucatis illecebris , subigi passa tandem est , ut populus in Civitatem aliquando coiret.

§. XI. Hinc vero maxime constat , quam male Grotius (1) scripserit , Civitatem esse *ordinationem humanam* , uti & Summam Potestatem Civilem , quam ex Civitate originem duxisse , cum multis censuit . Ex hætenus dictis clarissime colligitur , Civitatem non minus , quam Summam Civilem Potestatem esse opus Dei , qui utraque , singulari cura ac divina vere industria , ordinavit . Ea vero Summa primum Civilis Potestas angustis limita-

(1) Grot. Lib. I. De I. B. & P. Cap. 4. §. VII. n. 7.

ta cancellis , non ex vi quidem ipsius Potestatis , quæ valde ex Dei consilio porrigitur , sed ex rerum gerendarum inopia , cum Civitate ipsa longius tandem progressa est . Nam quemadmodum Civitate factum , ut Gentes ex mutua inimicitia , quæ propter vetustatem , naturæ vim jam fere obtinebat , defatigatas , mutuus isque vehemens exciperet amor ; ita de obsequio , Principi illi magnoque viro , qui primus Civitatem instituit , ac maximorum bonorum auctor extitit (1), quique ex antea actæ vitæ meritis in beatiorē homines vitam evexerat , præstando , inter se veluti certarent atque ad eum sese converterent , illudque unum inter se pacisci , ipsa parendi consuetudine sibi viderentur ; præcelenti nempe viro illi , tamquam a Deo misso facile in omnibus obtemperare . Quid enim præterea ab hominibus præstari ignavis rudibusque poterat , quam obsequium ? Obsequium autem est declaratio quædam , quæ fit rebus ipsis ac factis , subiectione nempe voluntaria , sive

F non

(1) Conf. Aristot. Polit. I. Cap. II.

non repugnanti, adversus eum, cui creditur, ex voluntate Dei, tamquam præcellenti, Summam in Populum Potestatem, competere. Ad rem Augustinus (1): *Generale*, inquit, *pactum est societatis humanae, Regibus obedire*. Unde Livius (2): *Imperii vis omnis in consensu (consequenti, scilicet, non antecedenti) obedientium est*. Quod recte se habet: obedire namque societatis est, cum quisque sociorum per se obedientiam Regibus præstare possit ac teneatur; ac *Plebs nascatur parendo*, ut sæpe Plato inquit (3). Unde patet quod antea dicebam, Regem proprius loquendo, Populum numquam *jubere*. Cum itaque Civitas non quidem a Populo ortum habeat; Summa etiam Potestas Civilis non a Populo, at a Deo *primaria* manabit. Quamobrem Summæ Potestatis Civilis subjectum proprium erit Princeps; subjectum autem commune non erit Civitas, nisi eo quidem sensu, quod

e Ci-

(1) Augustinus. Lib. III. Confess. Cap. VIII. Conf. Grat. Dist. 8. Can. 2.

(2) Liv. Lib. II. Cap. LIX.

(3) Conf. Arist. Lib. I. Pol.

e Civibus unus in Principem eligendus  
 sit ex Dei consilio, qui rem publi-  
 cam administret. Falsus itaque est Gro-  
 tius, qui Civitatem eo quidem sensu  
 Summæ Potestatis *commune subjectum* (1)  
 appellat, quod Civitas sit proprius fons,  
 unde Principalis scateat Potestas. Pluri-  
 bus autem hæc non moror. Ad reliqua  
 aggrediar.

F 2

CAP.

(1) Grot. Lib. I. De I. B. & P. Cap. III.  
 §. VII. n. 3.

## C A P. VI.

*De Lege Regia differitur . Nonnihil hic etiam novi affertur . Gravina sententia non minus , quam Hotomanni refutatur . Eam vero , licet ponatur a Pop. Rom. latam , Auctoris sententia minime repugnare , demonstratur pluribus . Puffendorfius refellitur . Hobbesii notiones quædam , rei , qua de agitur , accomodantur . Themistii insignis locus propositam sententiam exornabit .*

§.1. **E**orum plerisque , qui Regiæ Potestati favent , a Deo <sup>aperius</sup> eadem repetentibus , negotium *Lex Regia* (1) , qua Populus Romanus Augusto suum Imperium & Potestatem omnem concessit , maximum faceßere videtur . Ipsemet vir clarissimus Petrus De Marca (2) ingentis rem esse difficultatis vidit ; neque dubitavit tamen asserere ,  
Po-

(1) Instit. Lib.I. Tit. II. De I. N. &c. §. 6. & Ulp. L. I. D. De Constit. Princip. Conf. Polyb. §. 6.

(2) Lib. II. De Concord. Sac. & Imp. §. II.



Populum R. juri suo cessisse, quod in Augustum transcripsit. Quæ si vera forent, non video, quî suæ inhæreat sententiæ, quam superius exponebam. Neque si verum est, quod ibidem ex Augustini ac Tertulliani sententia idem Auctor affirmat, Denm nempe pactionem illam Populi ratam habuisse, eumque potius, quam Populum, fessæ bellis Civilibus Reipublicæ administrationem Augusto detulisse: poterit inde confici, quod Summum Imperium Deus *αμεσως* detulerit; cum non idem sit, ratum aliquid habere, ac per se ipsum, aliquem *αμεσως* nonnihil patrare. Profecto, si Deus ratam Populi R. pactionem habuit, probavitque, ut unum corpus unius spiritu regeretur, Populi factum, Dei ratihabitionem probationemque antecessit, adeoque non a Deo *αμεσως* Imperatoria Majestas, verum a Populo originem trahet. Quibus positis equidem non intelligo, quî sibi vir constet clarissimus, nec quî ingentem difficultatem exorbuerit. Quamobrem liceat mihi, quæ hac de re etiam rusticans olim ego met mecum, paucis exponere.

§. II. Enimvero, si in eorum ivissem sententiam, qui ajunt Summam

Potestatem a Deo *apertis* manare; id mihi dedissem dumtaxat negotii, ut *Legem Regiam*, impudentissimum veluti Triboniani commentum, traducerem. Quamplura mihi adjuvandæ huic sententiæ argumenta suppeditissent, quæ cuivis de trivio clarissimi suppeditant Martinus Schookius (1) & Janus Vincent. Gravina; cujus præcipue clarissimum in refutanda hujusmodi Lege (quam *Regiam* commentus est Pomponius, sive quisquis Pomponii ac Ulpiani nomine, eam primus servientibus jam ingeniis imperitisque obtrusit), illuxit ingenium. Neque a me ipso impetrassem umquam, ut Ulrici Huberi (2) sententiæ, ejusque fautorum aliquo concederem pacto; qui ut Gravinæ ingenii famam auferrent, *Legem Regiam* sub Augusto latam quovis pignore contenderunt.

§. III. Ne me autem longiorem fortasse faciam, quam oportet; quæ fieri umquam potuisset, ut nullus veterum Rei  
Ro.

(1) In Diatrib. De Leg. Trib. & Gravina Lib. sing. De Rom. Imp. Cap. XXIII.

(2) Ulr. Hub. Observat. Jur. Civ. Lib. I. Cap. XVI. & seq.

Romanæ Scriptorum, qui in minutissimis quibusque rebus describendis, nimia, & ut cum Comico loquar, *obscura* usi sunt *diligentia*, de hujusmodi Lege, quæ Civitatis statum penitus immutaverat, nulum verbum, ineptum saltem, falsum, iniquum mutiisset? Neque, si apud unum Dionem Cassium mentio de *Lege Regia*, aliquo injici pacto videatur; recte illinc conficietur, revera Dionem de *Lege Regia* prolocutum. Namque, etsi nobilissimus hicce Historiæ Romanæ Scriptor, Imperium ad Augustum rediisse (1) scribat, postquam hic se tantæ regendæ imparem moli, in senatu professus palam fuerat, ab eoque tempore *ακριβην μοναρχιαν κατεστην* *perfectam Monarchiam constitutam*: ab eodem tamen Romanarum rerum Scriptore nobilissimo, Imperium patet fuisse postea ad decem annos, eoque temporis intervallo exacto, per lustra, tum demum rursus per decennia, quo usque vitam vixit, ab Augusto receptum. Quæ frustra Augustus callidas compa-

F 4

ran-

(1) Leg. Dion. Cass. Hist. Lib. LIII. Patet ex Alex. ab Alex. Gen. Dier. Lib. I. cap. XXVIII. *Cæsares diademate minime usos*; quod Romæ omne decus Regium perpetuo intolerabile fuit. Hæc *Legi Regiæ* quæ convenient? Conf. Cic. Philip. 2.

randi sibi Imperii Artes adhibuisset, ne P. R. unius dominatum perpetuo exosus, sibi forte viam ad Regnum sub Libertatis imagine affectanti, pro virili adversaretur aliquando; si sponte sua ac nemine cogente ( nisi communi, quam nonnulli cum Tacito jactant, utilitate ) Populus ipse, ordoque simul Senatorum amplissimus, Augusto summam rei gerendæ Potestatem detulissent. Quod magis quidem ex eo patet, quod Populi comitia sub Augusto integra mansere usque ad Tiberium; qui licet fero, comitia tandem e campo transtulit in Curiam (1): quod P. R. satis aucto, difficile erat, comitia apud Forum amplius agitari, ait Pomponius (2). Accedit ad hæc, quod Senatusconsulta ad Divum Hadrianum usque, imo ad Antoninum usque Caracallam condita: cujus ætate Senatusconsulta de Jure etiam privato condi desierunt, ac Imperatores Edictis suis Rempublicam jam servientem serviendoque suetam, in Regnum, invita certe Republica, convertere sunt conati. Hisce, in-

(1) Tacit. Lib. I. Annal. Cap. 15.

(2) L. 2. §. 9. D. De Orig. Jur.

inquam, quas brevi exposui, aliisque rationibus non minoris momenti, *Petri de Marca* sententiam amplexus, *Legem Regiam* e medio sustulissim, ne ullum inde mihi sententiæ meæ tuendæ negotium crearetur; neque lex me ipsa facile distulisset: ast aliam mihimet viam implicationi extricandæ quæstioni jam ingresso, ipsam *Legem Regiam* ex usu mihi fore reputavi, neque ullum volui mihi in ea, sententiæ, quam proposui, confirmandæ, commodum claudier. Quamobrem, ut rei alioquin obscurissimæ aliquid affulgeat luminis, rem ita studeo componere.

§. IV. Nullus mihi primum dubitandi relinquitur locus, *Legem Regiam*, non ex Romanorum quidem institutis, quibus antea, ut Gravina (1) inquit, *vel ignorabatur prorsus, vel vera sub specie, nempe sub facie veteris Reipublicæ atque sub libertatis imagine, offerebatur, originem duxisse*: at sensim rebus ipsis ac factis, Summa Potestate in unum translata Imperatorem, nomine tenus Tribonia-

(1) Lib. Sing. De Rom. Imp. Cap. XXIII.

nianum eam finxisse, vel, si mavis, Ulpianum. Ecquid enim Ulpianus Alexandri Severi ætate, Principatu jam quaquaversum obfirmato, nequivit Populi *consuetudinem*, qua unius Imperatoris providentiæ tutelæque innixus, ei & in eum, omnem Reip. bene gerendæ curam, reipsa Populus transtulerat, pro scribentis vel potius de jure respondentis arbitrio, præsentem nota signato nomine; nequivit, inquam, illam *consuetudinem*, *Legem Regiam* nominare? Alioquin & *consuetudo* lex est; nam *diuturni mores consensu utentium comprobati legem imitantur* (2).

§. V. Quæ ne aliquis fortasse me omnino comminisci etiam putet; liceat ea modo paucis, perspicuis historiæ monumentis confirmare. Ulpiano itaque (nam Tribonianum hujusce legis auctorem non facio) exinde *Legis Regiæ* fingendæ occasio forte nata; quod Senatus, in quem ex Tiberii calliditate (quam antea arguebam) Populi omne jus, sublati e campo Comitiis, translatus, Imperatores Imperii curam suscipientes, animo

fer.

(2) Lib. 1. Instit. Tit. II. §. 9.

servituti jam affueto ac degeneri, multis augere *prærogativis* consueverat (1). Apposite de Vespasiano Tacitus (2), inquit : *tum Senatus, omnia Principibus solita, Vespasiano decrevit*. Quamobrem ex hujusmodi Senatusconsultis, quæ longo temporis intervallo in magnam excrevere molem, factum censeo, ut omnibus sensim Imperatoria Majestas honoribus muniisque aucta, armis decorata foris, legibus armata domi, summa tandem evaserit ac infinita, neque extinctæ jam libertatis simulacrum aliquod, nec ullum Civitatis omnipium liberrimæ vestigium manserit. Inde *Lex Ulpiano*, nisi fallor, primum *Regia* composita; qua recenti indicio sive novo vocabulo, rem Populo jampridem servienti notissimam, monstravit. Itaque non intelligo prorsus, cur misellus Tribonianus, Gravinæ cæterisque de Hoto-

man-

(1) Leg. Gronov. In Orat. De Leg. Regia.

(2) Tacit. Hist. Lib. IV. Cap. III. Senatuscons. pro Vespasiano conditum, primus, quem sciam, ex Tab. Æneâ Capitolina in lucem edidit *Franciscus De Albertinis De Mirand. Vet. Rom. Lib. II. & ex eo Grut. in Vet. Inscript. corpus transtulit*. Gravinâ tandem citato lib. Cap. XXV. & seq. accurate ac per membra idem Senatusconsultum perpendit.

manni grege, vapulet tam acriter; nec quî ( multis licet præterea nominibus inter perfrictæ frontis homines Suidæ habeatur in *Lexico*, ac Procopio in *ανειδοτοις* ) hujusce Legis obtentu, tamquam assentatorum omnium impudentissimus a Gravina præcipue traducatur.

§. VI. Ex eo tandem ( ut reliqua misfa faciam, quæ non sunt hujusce loci, quæque alibi a nobis, auspice Deo ac volente, fusius tractabuntur ) hujusce Legis *fictionem* Triboniano equidem non appingo: quod Triboniani ævo, Summa Potestate jam Imperator Romanus pollebat, neque amplius erat, qui viderat Rempublicam. Tum condendarum Legum facultas, propria jampridem Imperatorum evaserat; & ab ipsa feliciori Theodosii ætate, Imperiales Sanctiones in unum corpus collectæ, facultati Imperatoris *νομικῆς*, præsidium satis tutum comparaverant. Quinimmo & Imperatores omnes Ethnici ab Adriano ad Constantinum Augustum usque, hujusmodi facultatem, nemine profecto adversante, fecerant suam. Quare nihil erat, cur hanc *Legem Regiam* fingeret Tribonianus, quam in Librorum Juris vestibulo præfigeret, ut aliquid



quid hoc mendacio, novæ legum lationi  
 suoque Principi, cujus Imperium jampridem  
 æterna fuerat in basi constitutum, præ-  
 sidii, compararet. Quod si vero um-  
 quam simile foret, de Ulpiano potius  
 rectiusque affirmaretur, sive de quovis  
 Reipublicæ temporibus proximiori Juris-  
 consulto; qui hanc *Legem Regiam* ea ra-  
 tione poterat effingere, ut Juris amato-  
 res veteris Legislationis obliti, Principum  
 placita, tamquam Leges suspicerent, ac  
 præter opinionem hamum vorarent, no-  
 vorumque Legislatorum fraudes, veteri  
 Jurisconsultorum doctrina contempta, ad  
 recentioris Regni Imperiique usus imbi-  
 berent. Quod de Triboniano temere as-  
 feritur.

§. VII. Quibus positis, quivis facile  
 inferet, Populum Romanum, quæ nostra  
 quidem sententia est, *Legem Regiam*,  
 minime tulisse; at ex Jurisconsultis ne-  
 scio quem, ut impudentiam, cum exta-  
 ret adhuc publicæ libertatis memoria, ali-  
 quo colore suffunderet, antecedentibus  
 ipsius Populi factis ac rebus, eandem  
 nomine tenus ac de industria ut publicæ  
 rei firmaretur mutatio, quæ sensim pro-  
 cesserat, Principum causâ effinxisse. Qua  
 posi-

posita sententia, nihil inde fraudis, alteri nostræ sententiæ de Summa Potestate Civili a Deo derivanda struetur, ut *Petrus de Marca* putasse mihi videtur superius adducto loco. Populus namque Romanus, cum Summam Potestatem in Principem contulit, non considerandus omnino venit, quâ Populus; (quod pergravi huic quæstioni caput est); at habendus potius, uti Populus Summa Potestate præditus, qui ex dominii natura, Summam ipsam Potestatem, ut cæteras Imperii res, poterat in eum, cui vellent, transferre, sive etiam alienare, per *actum nempe negativum*. Quod, quâ fieri potuerit, ita nunc ab ipsa Summi imperii divisione, quam Lipsius tradit, aggredior explicare.

§. VIII. Imperium nempe triplex est, *Principatus, Optimatus & Populi status* (1): namque ut bene Tacitus (1) inquit; *cunctas nationes & urbes, Populus, aut Primores, aut Singuli regunt*. Procul autem omni dubio, quo primum tempore in Augustum, vel in alium quemvis Imper-

(1) Lips. Polit. Lib. II. Cap. II.

(2) Tacit. Lib. III. Histor.

peratorem a Romanis Summum Imperium translatum est, Romana Gens a cuncto Populo, penes quem Summa rerum erat, regebatur. Quamobrem pro summo, quo pollebat jure, potuit Populus R. Summa semetipsum Potestate viduare, virumque designare tanto Imperio non imparem gubernando; in quo statim Deus, priori extincta, qua Populus gaudebat, summam de integro Potestatem crearet. Itaque sic censeo, Populum Romanum, cum e re publica visum fuit, a Rep. administranda abstinuisse, Augustique personam designasse dumtaxat, in quem præeunte Dei consilio ac voluntate, omnis Populi potestas transferretur. Ad rem Ammianus Marcellinus (1): *Ideo Urbs venerabilis post superbas efferatarum Gentium cervices oppressas, lataeque leges, fundamenta libertatis & retinacula sempiterna, veluti frugi parens & prudens & dives, Caesaribus, tamquam liberis suis, regenda Patrimonii jura permisit. Et re quidem vera, quomodo Populus Summam Augusto Potestatem tribueret, quam ipse per se non*

(1) Amm. Marcell. Lib. XLV.

non possidebat æternum duraturam, quæque ad tempus tantum utebatur? Quare Ammianus inquit, *permisit*. Facit hîc Scholasticorum illud: *nemo dat, quod non habet, neque plus quam habet*. Pop. itaque Rom. Summa recte usus est Potestate, quò usque Principi illi Deo, qui cuncta in Mundo gubernat, *qui rerum vicissitudines ordinesque* (1) *conservat*, *hominum commoda vitasque tuetur*, quique omnis Potestatis genuinus ipse fons est ac scaturigo; quò usque, inquam, principi illi Deo ac sapientissimo, summam Reip. curam, Populo arrisit committere. Cum vero a parvis incepta initiis Res Romana adeo crevisset, ut magnitudine jam laboraret sua, suisque viribus ipsa rueret; factum demum est, ut Pop. a Rep. gerenda abstinendum sibi putaverit, Principemque statim designaverit, qui Summa a Deo rei communis administrandæ Potestate accepta, Rempublicam unus ipse, *οὐχ ὑπερβύς*, gubernaret.

§. IX. Deus itaque Augusto Imperium *primario* concessit, *secundario* autem

ac

(1) Cic. Lib. I. De Nat. Deor.

ac *quiescent* Pop. R. tum *designando*, cum  
*abstinendo* : per actum videlicet *negativum*  
 ac *positivum* simul. Quos duo Populi a-  
 ctus *Lex Regia* complectitur : posita nam-  
 que hac Lege, Pop. R. Summa Potesta-  
 te sponte ipse sua, sibi deinceps *abstinen-*  
*dum* imperavit, ( in quo *alienationem*  
 pono, ut pluribus infra ) simulque Im-  
 peratorem *designavit*, qui posthac Reip.  
 præesset. Quæ quidem *designatio*, licet  
 sit quid *positivum*, ut cum scholis loquar;  
 non hujusmodi causa tamen est, quæ  
 Augusto Summum una Imperium contu-  
 lerit. Quod illinc equidem arguo. Sum-  
 ma Potestas, quam Populus moderandi  
 ac regendi sui gratia, Augusto, quasi  
 quasdam habenas, tradidisse putatur, non  
 potuit sane in Augustum transferri prius  
 quam eâ se Populus privaret, quia tunc  
 Populi status integer adhuc manebat, ne-  
 que uni adhuc totius ratio rei constabari  
 eandem vero Augustus a Populo, post  
 abdicationem, consequutus profecto non  
 est, cum nemo quod amplius non habet,  
 alicui tribuere facileque possit elargiri.  
 Quæ quidem *dilemmatis* rationes, quæ  
 utrinque Monarchomachis pariunt incom-

G

mo.

modum, clarissimo licet Puffendorffio (1) ad palatum non sint, magnopere me tamen juvant. Inde namque non sequitur, quod ipse putat, dominia rerum ab uno transire in alium non posse. Siquidem cæteræ res, quarum quisque dominium per se *absolute* habet, jure alienari in alium possunt, accedente nimirum traditione, qua fit, ut dominium ex Jure occupationis translatum censeatur. Res enim statim ac traditur, a novo Domino occupatur: contra hæc summo abdico Imperio, nemini tradi illud potest, cum res incorporea sit, neque traditioni obnoxia, ex Stoicorum disciplina. Quare Deus in novum Imperatorem Imperium contulit, quem Populus, movente interius ac jubente Deo, designavit. Itaque per designationem Populi Augusto facta non est Summa Reip. gerendæ Potestas: eam vero Imperator felicissimus a Deo præcipue

(1) Lib. VII. Cap. III. De generat. Sum. Imp. Civ. §. VIII. Obiter hic notandum, & Sam. Puffend. proxime ad Monarchomachorum sententiam accessisse. Posita siquidem, ait, sententia de Potestate Regum a Deo derivanda, omnes convelluntur leges *Fundamentales*. Puff. Lib. VII. D: J. N. & G. Cap. III. §. 3. Quod falsum esse, inferius abunde ostendetur.

pue recepit; ejusque porro nutu ac potestate ad posteros usque transmisit. Alioquin ex vetusti etiam fœderis patet monumentis, Samuelem (1) Regem Saulem designasse, Deum vero antea eundem elegisse. En ipsamet Dei verba: *Er ait Samuel ad omnem Populum, certe videris (Saullem autem indigitabat), quem elegit Dominus.* Unde Seneca (2) in Thyeste: *Nec abnuendum est, si dat Imperium Deus;* & Cicero adversus Catilinam vere etiam dixit (3): *Urbem Deorum immortalium nutu atque potestate administrari.*

§. X. Quæ de alienatione vero superius indicabam, liceat nunc mihi præfinito loqui. Ad pauca ut redeam, haud dubium est, Summam Potestatem a Deo præcipue manantem, veluti e fonte rivulum, ejus propriam fieri, cui Deus, quæ sua est beneficentia singularis, largitus semel fuerit. Quare & Populus Romanus Summæ Potestatis arbiter dominusque maxime proprius, eadem a Deo accepta pleno utebatur dominio. Itaque

G 2 Li-

(1) Reg. I. cap. 11. & Reg. 4. cap. 9.

(2) Act. III. v. 471.

(3) Cic. III. in Catil. XVIII.

Livius sæpe scribit (1) : *Non in regno Pop. Rom. sed in libertate esse* ; & Tacitus (2) : *Urbem Romam ab initio Reges habuere ; libertatem & consulum L. Brutus instituit* . Cicero autem dixerat (3) : *Aut exigendi Reges non fuerant , aut Plebi re , non verbis , danda libertas* ; unde & Livius alibi quærit (4) : *Est ne Populus Collatinus in sua potestate ?* Quamobrem cum Pop. Rom. nemini obnoxius, liberque esset, jure poterat eandem Summam Potestatem aut totam, aut ex parte in alium transferre, jus nempe perpetuum semet regendi, qua Populus erat, alienare (5) ; cum ea sit proprietatis indoles, uti Aristoteli placet (6), *οταν εφ αυτω η αποκλλοτριωται* ; *ubi penes nos jus est alienandi*. Illud autem, nisi fallor, Pop. Rom. interest aliumque Populum, qui Summa Potestate non fruitur ; quod hicce nequit, neque per *actum negativum* , **Summam Potestatem alioni concedere** , quam

(1) Lib. II. cap. XII.

(2) An. I. Cap. I.

(3) Lib. III. de Leg. cap. X.

(4) Lib. I. Cap. XXXVIII.

(5) Grot. Lib. I. Cap. III. §. XII. n. 2.

(6) Arist. Lib. I. Rhet. V.



quam non habet: Pop. vero Rom., penes quem summum erat Reip. regimen curaque, potuit saltem *indirecte*, se ab Imperio abstinendo, alienationi cuidam præbere locum, quæ in patiêdo poneretur unius dominatum: quam quidem alienationis speciem Jurisconsultis Rom. probari etiam intelligo. Profecto, pater ex Paulo (1), eum quoque alienare, qui patitur Jus suum ab altero usucapi, nec non, qui, non utendo, amisit servitutem.

§. XI. Populus itaque Romanus eo quod passus est, Summum Imperium ab Augusto usucapi, illud mihi videtur alienasse. Quæ *indirecta* quidem alienatione, de jure suo tantum decessit, quod Augustus subito occupavit; illudque præstari a Populo sane poterat, cum esset *actus negativus*. De Jure nempe suo decedere quis dicitur, qui vel *simpliciter* juri suo renuntiat, vel qui illud in alium transfert. Age autem videamus, quæ intelligatur, aliquem, duobus hisce, quos dixi, modis, de jure suo decessisse. *Simpliciter renuntiat, qui signo vel signis de-*  

G 3

cla.

(1) L. 28. D. de Verb. signif. & L. 3. D. De Fund. dot.

clarat idoneis, velle se, non licitum sibi amplius fore, certum aliquid facere, quod jure antea fecisse poterat: transfert autem in alterum, qui signo vel signis idoneis illi alteri, id juris volenti ab eo accipere, declarat, velle se, non licitum sibi amplius fore ipsi resistere, prout ei resistere jure antea poterat. Quæ quidem definitiones rectissime rei, quam tracto, conveniunt; licet earundem definitionum auctor (1) aliò easdem convertat. Profecto P. R. hæc duo simul præstitit, *Legem Regiam* condendo; simpliciter nimirum juri suo *renuntiavit*; illudque in Augustum *transfudit*; qui signo etiam idoneo (cum in alienatione actus voluntatis internus non sufficiat, ceu Grotius (2) observat) illud juris velle se etiam accipere monstraverat. *Transferendo* autem Imperium, P. R. signis idoneis declaravit, velle se non licitum sibi amplius fore, illi uni resistere, cui antea resistere jure poterat. Quæ de P. R. Summa prædico Potestate bene asseruntur, non autem de quo-

(1) Hob. de Cive Cap. II. §. 4. pag. 10. edit. in 12.

(2) Grot. Lib. II. De J. B. & P. Cap. VI. §. I.

quovis Populo, five de diffociata quavis  
multitudine, quæ illud juris non habet.

§. XII. Clare interea ex hætenus di-  
ctis conficitur, *Legem Regiam* nostræ  
sententiæ fraudi non valde futuram.  
Posito siquidem, quod P. R. Summam in  
Augustum transtulerit Potestatem, jure  
potuit illud efficere, at per *actum nega-*  
*tivum*, quatenus nempe a summo Jure,  
quo fruebatur, abstinuit, ac quatenus  
passus est, illud Jus ab Augusto usucapi,  
ex Dei consilio, a quo dumtaxat Pote-  
stas Summa est Principibus expectanda.  
Qui nempe Imperium alienat, Summa  
de Potestate decedit, juri suo renuntiat,  
eumque tantum designat, ( five per  
testamentum, five per donationem, five  
per pactum, five per occupationem Im-  
perium transferatur ) in quem Summa  
conferatur Potestas: Deus autem præsto  
est, qui eandem Personæ tribuit designa-  
tæ. Apposite Themistius ad Imperatorem  
alloquens (1): Μη οϊδε τις σφελτιωτας κυριος  
ειναι τηλικαυτης χειροτονιης, αλλ' ανωθεν αυτη  
πικτεινι η ιηφος, ακωθεν η αναρρητης τελειηται  
ταις τωι ανθρωπων διακονιαις. *Neque vero exi-*

G 4

ssi.

(1) Them. Orat. XVI.

*stimetis, vestra hujus electionis milites esse auctores. E superis illa suffragatio descendit; e superis illa Imperii renunciatio, hominum dumtaxat opera accedente, perfecta est. Ad rem quoque Augustinus (1): Qui Augusto Imperium dedit, ipse & Neroni &c. elegantius autem, magisque perspicue Tertullianus: Inde est Imperator, unde & homo antequam Imperator; inde potestas illi, unde & spiritus. Quæ sententia eo magis exemplo confirmatur, quod ab electione Magistratuum petitur. In plurimis nempe municipiis Magistratus a Populi ordinibus eliguntur: illi tamen potestatem suam non ab istis consequuntur ordinibus, sed a summo quidem Imperante. Ubi notandum oppido est, Summum Imperantem hac in specie non immediate, at primario; Populi vero ordines <sup>quærens</sup>, at secundario per ipsam electionem; Magistratibus conferre potestatem. Quæ sufficere quidem puto propositæ enodandæ difficultati, quæ ex *Lege Regia* nonnullis creatur; ex qua non crediderim quemvis Regionum devotum cultorem, alia via expeditius emersurum.*

CAP.

(1) Aug. Lib. V. De Civ. Dei Cap. XXI.

*J. F. Hornii sententia, de Summæ Potestatis Civilis cum Potestate Divina, refellitur. Id Pantheisticum esse demonstratur. Pluribus autem profanorum Scriptorum testimoniis, ac Sacrarum Litterarum auctoritate, Potestatum υπαλληλις, quem asserit auctor, confirmatur. Augustini sententiæ commendantur præcipue, factumq. quod narrat Herodotus.*

§. I. **E** Quidem, cum ad eam propugnamdam saluberrimam sententiam, quam seu ratio, seu sors mihi obtulit, seu erga Principes debita persuasit pietas, animum acerrimus propugnator appuli; nihil assentatorie me pro Summa asserturum Potestate, professus antea fuit indignum namque mihi visum semper est, præstanti viro, vel qui ad præstantiam cuncta studet componere, veritatis in primis studioso, cujusvis hominis, vel ipsorum Principum, blanditiis & assentationibus gratiam aucupari. Quamobrem, licet mordicus fluctuantem confirmaverim hactenus sententiam de Summa Regum Potestate

a Deo *primario* derivanda, qua nulla potior est, nullaque Civitati salubrior; imperare tamen mihi numquam potui, ut quæ de Summæ Potestatis cumulatione cum Potestate Divina, temere nimium Hornius (1) asseruit, ad assentationem ipsa temporum calamitate eruditus (2), animo imbibere. Profecto nonne, qui per summam impudentiam illud asseret, omnia semet assentari jubens, ut Hornius olim, ipsis quidem stomachum Principibus movebit? Principes namque, ut qui divinæ magis participes mentis, non eò usque Summæ eorum Potestatis fastigium extolli sentiunt, ut ex Potestate Summa, qua pollent, unicus cum infinita Dei potestate cumulus statuatur. Bene scilicet consciunt, quid Deus homini quid præstet. Hanc modo Hornii sententiam, quam impudentissimam puto, jam pensare, pensatamque deinde frangere, pro virili aggrediar.

§. II. I. itaque F. Hornius, uti superius indicabam, inter eos, qui Summam Potestatem a Deo *apertis* repetunt, princeps

(1) J. F. Horn. De Civ. Lib. II. Cap. I.

(2) Hertius ad Puffend. Lib. VIII. Cap. III. §. III.

ceps profecto est accensendus. Is igitur maximo cum errore posuit, *Civitatis causam non item esse causam Reipublicæ & Imperii summi: Civitatis vero causam proximam & immediatam*, hominum pacta in Civitatem coëuntium esse putavit; *Summi autem Imperii causam immediatam esse Deum*, qui ~~quos~~ Principibus illud conferat. In qua hypothesi illud sine dubio peccat, quod Civitatem, hominum ex pactis consilioque derivat. Quod si enim ex singulorum pactis civium inter se se Civitas coalescit, quæ sane singulis ipsis majus quiddam est: falsum erit, quod inferius eodem capite asserit, *non posse singulos homines neque multitudinem dissolutam, Majestatem, quam non habent, eandem in Regem conferre*. Est namque *Majestas, sive Potestas summa Civilis*, morale quidpiam, non *Ens Physicum* (1), sicut est ipsa etiam Civitas, quæ corpus quoddam morale est, si-  
ve coetus perfectus liberorum hominum,  
Ari-

(1) Vid. Puff. Lib. VII. Cap. III. §. IV. Quare Grotio Lib. I. De J. B. & P. Cap. III. §. VI. n. 1. *Potestas Civilis* definitur *facultas moralis Civitatem gubernandi*.

Aristoteli *αὐταρχὺς* (1), communis Juris fruendi, communisque utilitatis causa sociatus. Utcumque autem sese res habeat, quam Hornius ponit; atqui etiam si ponatur parumper, quod falsum esse ex superioribus clare patet, Summam Potestatem *ἀπείρους* esse a Deo; illud ferendum tamen haud est, Deum videlicet *transcribere in Principem jus regendi hominem, quod ipse vi creationis solus tenet*, ita nihilominus, ut Deus pristinum quoque suum Jus adhuc retineat, ac propterea id *per cumulationem, haud per omnimodam abdicationem*, Potestatem Regibus concedat.

§. III. Ea vero primum Hornio mecum conveniunt, quod Summam a Deo Potestatem, equidem non minus, quam ille, arcessam; licet valde discrepet arcessendi modus. Ego namque *primario*, ut ordo naturæ servetur; ipse autem cum cæteris, omni sublato Naturæ ordine, *ἀπείρους* repetit. Mihi met porro Hornii deinde sententia, quæ de *cumulatione* exposita modo est, stomachum mover, sicut & ipsis Principibus recta ratione utentibus, qui *bene*

(1) Arist. Lib. III. Polit. Cap. VI.



bene norunt, aera lupinis quid distent :  
 Quibus autem rationibus adducor, ut Hor-  
 nium projectæ nimis criminer impuden-  
 tiæ, jam nunc paucis exponam. Nul-  
 las primum equidem eo inficias, Deum  
 ipsum, cum Principem aliquem, cujus  
 vicaria regendis Populis utatur opera, ad-  
 ministrum sibi in Terris constituit, tran-  
 scribere in ipsum Principem Jus homi-  
 nem regendi, quod solus ipse ex vi crea-  
 tionis tenet : at rotunde nego, Deum,  
 Potestatem suam, quæ simul cum ejus  
 Natura, quam pervadit, infinita est, quæ-  
 que toti Naturæ factæ dominatur, cum  
 Potestate, quam Principibus elargitur,  
*cumulare*. Quod *cumulationis* commentum  
 si ponatur, illud quoque poni oportebit,  
 Summam Regum Potestatem a Deo per  
*essentialem emanationem* prodire, ita ut  
 una sit ac indivisa Potestas. Quod pro-  
 cul dubio est *panteisticum*. Neque enim  
 si fieri posset, ut Deus ejusque Potestas  
 alicui totius Mundi particulæ impertita  
 per *cumulationem* intelligatur ; pugnabit  
 amplius, Deum divinamque ejus rationem  
 toti Mundo & partibus ejus insertam  
 concipere: quod Seneca ex Stoicorum sen-  
 ten-

tentia reputavit (1). Posito item, quod sit una eademque Potestas, sequetur inde, quod nemo præter Spinozam concesserit, Potestatem Principum nihil esse præterea, quam substantiæ æternæ *modificationem*.

§. IV. Tum nemo dubitat, quicquid creatum est, nempe *Essentias* omnes, quas Metaphysici appellant *factas*, earumque *proprietas*, in quarum complexu a recentioribus Philosophis *essentia* ipsæ rerum ponuntur, a Deo, tamquam ab aliquo *Principio activo & extrinseco*, sive a Deo, tamquam a *caussa*, quæ semper quid extrinsecum est, ( in quo a *principio* distat ), pendere. Nullum itaque dubium est, quin tum rerum *essentia*, cum earum *proprietas viresque* ab eadem *caussa*, tamquam *prima* pendeant, atque ad agendum determinentur, per *creationem* primum, deinde per *conservationem*, quæ perpetua etiam ipsa creatio est (2). Quamobrem Summa Potestas, qua de agimus, etiam ipsa creata erit; adeoque cum æterna non sit, nec ipsa se moveat, alterius

vi

(1) Sen. Lib. IV. De Benef. Cap. VII.

(2) D. Thom. P. I. q. 104. artic. I. ad 4.

vi indiget, ut sit, ut conservetur, ut agat. Quæ quidem frustra affirmabuntur, si forte ponatur, quod Hornius censet, Potestatem Divinam Summæ Potestati Principum cumulari. Quæ ut clarius intelligantur, eodem tantisper utar exemplo, quo utitur D. Thomas loco superius adducto. Ita enim censeo, exemplum illud & libentius ad confirmationem nostræ sententiæ nos perduciturum, & cum ibi venerimus, evidentiore præstiturum intellectum. *Sic se habet*, (inquit acutissimus omnium Philosophus, qui sæculi rubiginem, ingenii saltem acumine decoravit), *omnis creatura ad Deum, sicut ær ad Solem illuminantem. Sicuti si Sol est lucens per suam Naturam, ær autem sit luminosus participando lumen a Sole, non tamen participando naturam Solis: ita solus Deus est per essentiam suam, quin ejus esse est suum esse; omnis autem creatura est Ens participative, non quod sua Essentia sit suum esse. Quare Summa Potestas, quam ipso fatente Hornio, Deus Principibus impertitur, cum & ipsa quid creatum sit, ita se ad Deum habebit Divinamque Potestatem, ut ær ad Solem: Nulla itaque essentialis communio duas*  
 ha-

hæc inter Potestates intercedit, nulla *cumulatio*, at potius integra priori manente, posterior de integro a Deo creatur, Principibusque jam electis infunditur, omnibus illis admixta *imperfectio- nibus*, quas subjectum creatum secum necessario fert, ex malo, quod clarissimus Leibnitius recte appellat *Metaphysicum*. Si excipias igitur, quod Summa Potestas a Deo, tamquam ab unico proprioque **omnis** ordinis principio pendeat, eamque ipse moderetur; tum si excipias, quod sit una ac per se indivisa, præditaque sit *summitate*, idest τῷ αὐτοῦτον, ut Aristoteles ait (1), cætera vero & ipsa nonnihil creatum est, ut singulæ hujusce Mundi res, quibus undique circumvallamur. Nulla propterea est hujusmodi, quam somniat *Hornius*, Summæ Potestatis Divinæ *cumulatio* cum Summa Potestate Principum sive Civili: at præstantiorem quamdam sibi Deus potestatem regendi perpetuo Populos Regnaque moderandi retinuit, quæ reipsa, atque κατὰ ἐξουσίαν *essentiale*, quod Scholastici appellant, a Sum-

(1) Aristot. IV. Politic. C. X. & Grot. Lib. I. de J. B. & P. Cap. III. §. XVII. n. 1.

**Summa Principum Potestate** procul dubio seceratur. Apposite Tullius: *Itaque necesse est illud etiam, in quo sit totius Naturæ Principatus, esse omnium optimum, omniumque rerum potestate dominatuque dignissimum* (1). Æquo mihi animo Principes ignoscite, si causam Dei, vobis profecto non repugnantibus, adversus impudentiam perorare, egomet mihi modo imperavi.

§. V. Ponamus autem tantisper, *cumulationem* hanc esse veram. Sequetur inde, Principes, tamquam minores aliquos Deos, pro lubricine rem communem propriamque posse moderari, neque debere aliquando, vel ipsi D. O. M. gubernationis suæ omnino reddere rationes. Quo posito, hujusmodi rerum status inducetur, quem veteres fabulati olim sunt, in Cælo quondam obtinuisse, quo tempore ferunt, minores Deos Jovi non concessisse. Ajo itaque Summam Potestatem Civilem Potestati divinæ servire, non secus ac Magistratum Potestas Summis Principibus servit, cæterique omnes e Civitate lubenter serviunt Magistratibus.

H

Fa.

(1) Lib. II. De Nat. Deor. Cap. XXIX.

Faciunt ad rem Tullii illa : *Noster vere Plato Titanum e genere statuit eos , qui ut illi cœlestibus , sic hi aduersentur Magistratibus* (1) . Et illud etiam Euripidis (2) .

„ Νομαδες , ακραι δ' ουδεν ουδεις ουδενος .

„ Confusa turba , nemo ubi audit neminem .

Idemque Tullius (3) : *Gigantum more bellare cum Diis , est Naturæ repugnare* . In verbis autem Tullii priori loco adductis , clare ordinis ratio illa perspicitur , qua factum est , ut Summam ego Principum Potestatem a Deo tamquam omnis ordinis Principio repeterem , nec eam eminentiori Potestati Divinæ cumulare . Quæ ne temere aliquis putet , veluti ægri species , me somniare ; multis nunc veterum etiam scriptorum testimoniis , eum , quem dixi , ordinem & υπαλληλισμον confirmabo . Ita cuique exploratum fiet , sensum quemdam communem sententiam  
meam

(1) Cic. de Leg. Lib. III. §. II. ex edit. Ernesti.

(2) Eurip. Cyclop. v. 120.

(3) Cic. de Sen. cap. V.

meam sanctam testamentam tueri. Ad rem,  
puto, magis facit, quod Horatius hisce  
verbis (1):

„ Regum timendorum in proprios greges  
„ Reges in ipsos imperium est Jovis „

Congrui quoque Senecæ illud (2):

„ Omne sub Regno graviore, Regnum  
„ est;

& illud etiam Papinii (3):

„ . . . . . Vice cuncta reguntur  
„ Alternisque regunt . . . . .

Augustini dictum illud celebre est apud  
Gratianum (4). *Sicut enim in potestatibus  
societatis humanæ major Potestas minori ad  
obediendum proponitur, ita Deus omnibus.*  
Ejusdem vero Augustini celebrius illud  
est, (ex quo clarius *υπαλληλισμῶς*, quem  
H 2 dixi,

(1) Hor. Lib. III. Od. I.

(2) Sen in Thyeste v. 612.

(3) Papin. III. Sylv. 3. v. 49. & 50.

(4) Grat. Dist. VIII. can. 2.

dixi, patet) quod alibi extat apud eundem (1). Ipsos humanarum rerum gradus advertite: si aliquid jusserit curator, nonne faciendum est? Tamen, si contra Proconsul jubeat. Non utique contemnis Potestatem, sed eligis majori servire: nec hinc debet minor irasci, si major praelata est. Rursus si aliquid ipse Proconsul jubeat, & aliud jubeat Imperator; numquid dubitatur, illo contempto, illi esse serviendum? Ergo si aliud Imperator, aliud Deus, quid judicatis? Solve tributum: esto mihi in obsequium: recte, sed non in idolio. In idolio prohibet. Quis prohibet? Major Potestas. Quis non videt hic, Potestates ab Augustino non cumulari mutuo, at per quosdam veluti gradus attolli, aliamque alia censerī sublimiorem; multoque minus Potestatem quamcumque ad Divinæ Potestatis gradum ex Aug. sententia evehi posse, quæ est omnium præstan-

(1) Idem Can. *Qui resistit* 97. Caus. XI. q. 3. Ita hunc Canonem sistunt Corr. Rom. apud Pithæum; aliter vero eum exhibet Grot. Lib. I. De J. B. & P. Cap. IV. §. VI. n. 2. paucis nempe quibusdam mutatis. Eadem fere Aug. habet Serm. VI. in verba Dom. & Serm. LXII. c. 8. n. 13. col. 253. Tom. V. edit. Bened. Antwerp.



stantissima? Alioquin in collisione *Legum Civilium*, quas Principes ferunt, & *Naturalium*, sive etiam *Positivarum divinarum*, cur hæ, quæ Deum auctorem habent, illis præferrentur? Bene itaque Augustinus idem apud Gratianum (1) alibi: *Quicumque vero legibus Imperatorum, quæ contra veritatem Dei feruntur, obtemperare non vult, acquirit grande præmium*. Hinc etiam Apostoli (2) dixere, Deo magis, quam hominibus obediendum. Quæ sane regula omnium certissima, universorum hominum mentibus inscripta, totidem ferme verbis apud Platonem reperias (3). Repetenda hic omnino sunt, quæ cum Tullio superius: *Itaque necesse est, illud etiam, in quo sit totius Naturæ Principatus, esse omnium optimum, omniumque rerum potestate, dominatuque dignissimum*.

§. VI. Operæ nunc pretium omnium maximum facturum arbitror, si ab ipsiſ sacris litteris exempla petens, Hornii sen-

H 3

ten-

(1) Grat. Dist. IX. Can. Imperatores I.

(2) Act. Ap. IV. 19. v. 29.

(3) Plat. Apolog. Socrat. Pag. 29. D. Tom. I. Edit. Steph.

tentiam magnopere labefaciam. Quibus testimoniis hæc liceat præfari. Si Regum Imperium Imperio divino cumlaretur unquam, non liceret fortasse Deo, pro suæ eminentioris potestatis ratione, Principibus Regnum eripere, eosque pro lubitu de folio dejicere. Nemo enim sibimet, nisi natura invidus sit, malevult. Oculis autem quisque suis, Summæ Potestatis Divinæ præstantiam videat præ Summa Principum Potestate apud Isaiam, Jeremiam, Daniele, dummodo tantisper legat, quæ ab hisce sacris vatibus orè prædicuntur fatidico de nominatissimæ Urbis Babylonis everfione, ac de *delatione* Summi Imperii in Persas ac Medos, Cyro duce ipsorum celeberrimo: quem Deus ipse fatetur, adversus Balthaffarem concitare; signaque Cyri copiis efferre, ipsumque ad pugnam attollere (1). Luce clarius apud eloquentissimos hosce sacros vates visitur Dei, si loqui ita fas est, invidia, ex eo utique concitata; quod Urbs ista florentissima Dei Summæque Divinæ Potestatis oblita, Reginam sese

(1) If. c. 13. v. 1. 3. 4.

fese in animo nuncuparat (1) : *Dixisti : in sempiternum ero domina : . . . . . dicis in corde tuo : Ego sum , & non est præter me amplius : non sedebo vidua , & ignorabo sterilitatem .* Constat præterea ex Daniele , Deum Babylonis Regem e Regno expulisse propter ipsius superbiam , & ut sciret , quod *dominetur excelsus super Regnum hominum & cuicumque voluerit , det illud* (2) . Ipsemet porro Daniel , Deum , ait , Regnum Regi restitutum , postquam cognovisset , *Potestatem esse cælestem* (3) . Demum ex eodem patet , reipsa Deum ipsi Regnum restituisse , cum Rex in bonam jam rediisset frugem , sanamque induisset mentem , Deoque bene *Altissimo* dixisset hisce verbis (4) : *quia Potestas ejus Potestas sempiterna & Regnum ejus in generationem & generationem .* Quæ sacrarum litterarum testimonia falli nescia , maxime Herodoti auctoritas exornabit : apud quem perlego , Regem Aprietem (5) ea fuisse persuasionem ,

H 4

pud

(1) If. c. 47. v. 7. 8.

(2) Dan. cap. 4. v. 21. &amp; 29.

(3) Dan. c. 4. v. 23.

(4) Dan. c. 4. v. 31.

(5) Herod. Lib. II. c. 169.

μηδ' αν θεον μιν μηδενα δυνασαι παυσαι τ βασι-  
 ληνης, *ne Deum quidem quemquam posse sibi*  
*adimere Regnum.* Adeo sibi videbatur, ad-  
 dit Herodotus ibidem, sibi illud in sta-  
 bili positum esse: & tamen *tunc congres-*  
*sus, praelio victus est.* Nolo autem pluri-  
 bus, rem notissimam impeditiorem red-  
 dere.

§. VII. Verum ne a proposito umquam di-  
 vager, ex hisce, quæ hætenus contra Hor-  
 nium disputavi, prono alveo fluit, quod  
 ab initio probandum mihi proposui hoc-  
 ce libello; Summam Potestatem *primario*  
 esse a Deo, a quo præcipue sine ulla *cu-*  
*mlatione* aut *confusione* in Principes de-  
 rivatur. Exinde namque potissimum erui-  
 tur, quod huic rei confirmandæ apprime  
 factum puto, Deum omnis ordinis esse  
 Principium quam eminentissimum. Non  
 piget, Justiniani Imperatoris adnectere hic  
 quoque verba celebrari meritissima (1):  
*Maxima quidem in hominibus sunt dona*  
*Dei a superna collata clementia; Sacerdo-*  
*tium & Imperium; & illud quidem di-*  
*vinis ministrans, hoc autem humanis præ-*  
*sidens ac diligentiam exhibens: ex uno*  
 (om-

(1) Nov. VI. ad Epiphan. Archiepisc. & Patriarch.  
 Constantinopol.

( omnium autem maxime notatu digna sunt verba quæ sequuntur ) *eademque principio utraque procedentia, humanam exornant vitam.* Quare alibi idem professus est Imperator, Summam Potestatem Civilem & Ecclesiasticam amice conspire, *unamque debere pariter concurrentia consonantiam rectis sententiis facere.* Quæ verissima Justiniani verba, quam vellem hodie summa cum Religione custodiri!

*De Summæ Potestatis Cumulatione circa  
Sacra cum Summa Potestate Civili  
apud veteres. Hujusce cumulationis ra-  
tio redditur potissima, quæ Auctoris con-  
gruat sententiæ, quam propugnat. Pe-  
tri Jannonii sententia elevatur.*

§. I. **F**uit hoc in more positum, insti-  
tutoque majorum, ut qui publi-  
cæ præessent rei, iidem illi Sacra cura-  
rent. Quamobrem dubium haud est, ve-  
teres Summæ Potestati Civili Potesta-  
tem quoque circa Sacra cumulasse. *Qui  
rerum potiebantur*, Tullius (1) inquit,  
*iidem auguria tenebant, ut enim sapere,  
sic divinare, regale ducebatur.* Quare Vir-  
gilius (2):

„ Rex Anius, Rex idem hominum,  
„ Phœbique Sacerdos.

Homerus autem suos Heroas virosque  
Principes exhibet persæpe sacra Diis  
facientes. Herodotus quoque (3) in-  
ter reliqua decora, Regibus Spartiatis  
tri-

(1) Cic. De Divinat. Lib. I.

(2) Virg. Lib III. Æn. v. 80.

(3) Herod. Hist. Lib. VI. cap. 56.

tribuisse etiam tradit, *duo Sacerdotia Jovis Lacedæmonis & Jovis Cælestis*. Illud etiam moris, Athenienses quampluresque Græciæ Civitates Plato (1) & Thucidides; Ægyptios Plutarchus (2); Æthiopes Diodorus (3) habuisse testantur: & Dyonisius inter Regum munia, præcipue sacrorum curam recenset atque Sacrificiorum. Ita in Ægypto Mercurius Trismegistus; in Judæa Hasomonæi ex Machabeis oriundi sacra curarunt. Imperatores tandem Romani, ab Augusti ætate (quod inter Imperii arcana diutius habuere) Majestatem Principis Pontificia auctoritate ac Religionis cura muniverunt (4). Itaque Imperator Julianus (5) agebat: *Qui, quod ad Deos spectat, Pontifex videor esse maximus; & quamquam honore isto sum indignus, esse tamen dignus studeo, idque quotidianis a Diis precibus impetrare contendo*. Antiquissima ve-

TO

(1) Plat. in Dial. Reg., & Thucid. Hist.

(2) Vid. Grot. De Imp. Sum. Potest. Cap. II. n. 4.

(3) Diod. Sic. Bibl. Hist. Lib. IV.

(4) Dio Lib. LIII. & Serv. ad Lib. III. Æn. v. 30. Vid. Pagi Critic. ad Baron. an. 312. a. n. 17. usque ad 23.

(5) Ex Jul. Imp. Fragm. Pag. 293. edit. Ezech. Spanhem.

ro Sabinorum Gens, per Numam Pompiliū, alterum Romanorum Regem post Romulū, illud moris Romanis tradidit, quem facile a Romanis acceptum, ad Imperii everſionem uſque, tenaciores retinere.

§. II. Minime injucundum fore cenſeo lectoribus meis, quoniam de Numa præter opinionem ſermo incidit, rem, qua de agimus, ipſius Numæ inſtitutis confirmare. Ad Regni ſaſtigium Pompilius inclyta ejus juſtitia religioneque evectus, omnium primum rem, multitudini imperitæ in officio continendæ, efficaciffimam, Deorum metum, injiciendum ratus. Quamobrem ſimulatis cum Dea Ægeria. nocturnis congreſſibus, ut aliquo miraculi commento ad imperitos animos rudelque facilius Religio deſcenderet, ſacra, cujus plurima ipſe obibat (1), cœpit, quæ Diis eſſent, accepiſſima, inſtituere, ac Sacerdotes cuique Deorum præficere. Maxime vero, ne in bellicoſa Civitate, ubi plures Romuli, quam Numæ ſimiles Reges futuros præſentiebat, Sacra Regiæ vitis deſererentur; Flaminem, Jovi aſſiduū Sacerdotem, creavit, cui Sa-  
cro-

(1) Liv. Lib. I. Cap. XIX. & XX.



crorum cura, Regibus ad bellum euntibus, demandaretur (2). Quod Numæ institutum, diutius, donec Resp. stetit, ipsaque funditus eversa, donec discussa omni erroris caligine, de tenebrarum profundo, Romanorum superstitio in sapientiæ lucem ac veritatis emerfit; Christiana, inquam, Religio donec excepta palam fuit ab Imperatoribus, perennavit.

§. III. Antiquissimi hujusce instituti tot rationes redduntur, quot sunt eruditorum una ac politicorum capita. Minime autem omnium spernenda illa est, quam Petrus (1) nobis exposuit Janonius, in Historiæ nostratis opera suo elaboratissimo. Quam nimirum Janonius reddidit rationem, ex fine petita est, quem veteres Gentes Religioni Sacrisque præstituere. Religionis nempe instituto utebantur Gentes vetustissimæ pro Reip. salute atque incolumitate, neque, uti apud nos, alium Religio apud illos spectabat nobiliorem finem, animarum scilicet salutem, æternæque beatitudinis possessionem. Itaque apud Romanos aliasque

(1) Liv. Lib. I. Cap. XXX.

(2) Hist. Civil. Lib. I. Cap. XL

que Gentes Romanis vetustiores, res etiam divinæ atque ipsa Religio Juris Publici speciem constituiebant, quod *Sacrum* Quintiliano (1) audit atque Justiniano (2); quodque civilis omnino moderabatur Potestas. Quare licet sub Imperatoribus plurima Sacerdotum eaque distincta existerent Collegia, quorum fidei Religionis cura committeretur; Pontificatu tamen Maximo, ipsi Imperatores aucti etiam censebantur, adeoque nihil a quoquam, iis inconsultis, sanciri de rebus divinis sacrisque poterat; omnia autem ab Imperatoribus, qui Reip. non minus quam Religioni præerant, constituiebantur. Hinc Jurisprudentia Ulpiano (3) definitur, *divinarum atque humanarum rerum notitia*; ipsique Jurisconsulti de *Jure Sacro* plura scripserunt. Itaque Servius Sulpitius scripsit de *Sacris detestandis*; Trebatius de *Religionibus*; Capito de *jure Pontificio* ac de *Jure Sacrificiorum*. Cicero quoque tradit (4) illud moris olim apud Romanos obtinuisse, ut ad eximios Jurisconsultos P. Crassum, T. Coruncanium & Scipionem

(1) Quintil. Lib. IV. Cap. II.

(2) L. 24. pr. Cod. De SS. Eccles.

(3) L. 10. §. 2. D. De Just. & Jure.

(4) Cic. De Orat. Lib. III. C. XXXIII.

nem de omnibus divinis atque humanis rebus referretur. Tum in ipsum denique Pontificum collegium Jurisconsulti cooptabantur, eorumque erat & Religionibus Deorum immortalium, & Summae Reipublicae praesse: quod ex Cicerone etiam patet (1).

§. IV. Apud Christicolas vero, quibus Religio, non rei communis incolumitatem spectat praesentisque tantum vitae beatitudinem, at praestantiorum quemdam respicit finem, vitam nempe æternam duraturam, ipsiusque Dei tamquam proprii immutabilisque boni fruitionem; Sacerdotium eò nobiliter praestantiusque habetur Imperio, quò res divinae humanis merito anteferuntur, & quò anima corpore, cui tam arcto alligata nodo est, fugacibusque bonis, est praestantior. Quamobrem sacra apud Christianos, ex ipsiusmet Jannonii sententia, non perinde ad Civilem Potestatem hodie pertinent, ut apud Romanos olim: ea vero ex ipsiusmet Christi Servatoris nostri instituto, juris sunt Ecclesiastici, quod a civili nunc Potestate amplius directe non pendet. Civilis itaque Potestatis nunc tantum est, fidem

(1) Cic. pro Domo sua Cap. I.

fidem, mores ac disciplinam, sive τὴν το-  
 λητικὴν; uti Chrysostomi utar propriori (1)  
 vocabulo, tueri (2): nihil autem juris circa  
 res divinas, eadem sancire nunc valet; quæ  
 ex novæ cooptatæ Religionis instituto, ad  
*Cæsarem* omnino non pertinent. Contra  
 autem hæc, cum Potestatis *Spiritualis* sit,  
 res tantum curare divinas, nihil propte-  
 rea circa res humanas, quæ ad Principes,  
 Potestatum Summarum facta jam secre-  
 tione, arctiori vinculo pertinent, moliri  
 Sacerdotes debent. Facit ad rem (3) Horatii  
 illud:

„ Sunt certi denique fines,  
 „ Quos ultra citroque nequit  
 consistere rectum . . . .

§. V. Quamquam vero illa, quam  
 de hujusmodi majorum Gentium consuetu-  
 dine ac instituto Jannonius attulit rationem,  
 videri queat verisimilior: est tamen quod  
 huic opinioni maxime posse incommoda-  
 re video. Veteres etenim, non rei tan-  
 tum communis incolumitatem, religioni  
 præstituisse censendum; verum etiam non-  
 nullam instituta religione alterius quoque  
 vitæ

(1) Lib. IV. De Sacerd. Cap. V.

(2) Petr. De Marca De Conc. Sac. & Imp.  
 Lib. II.

(3) Satyr. I. v. 106.

vitæ mihi rationem videntur respexisse. Quod inde quidem infero, quod non minus ac nos, veteres etiam Gentes alterius vitæ feliciter vel misere transigendæ, vicissitudinem verebantur. Ex Senecâ profecto (1) patet ac Tullio *consensus hominum aut timentium aut colentium inferos*. Hinc actiones suas ad Religionis præscriptum quisque veterum componebat, non tantum uti justus Sanctusque in Civitate ageret, pravæ cogitationis nullam veritus pœnam; verum etiam uti recte honesteque vivendo, aliquam sibi alterius vitæ spem bene feliciterque transigendæ compararet, tranquille interea ac pacate curtum hujusce vitæ ævum transigens ac brevissimum. Et quamvis veterum Religio multis involuta erroribus, nihil præferret, quod omnino sanctum foret; ac pleraque superstitionem, virtutemque (2) fucis ac cerussa obductam, redolerent: facta tamen etiam erat moribus ad justitiam honestatemque componendis, non solum communis utilitatis causa, verum ipsius quoque amo-

I

re

(1) Senec. Epist. 117. & Tul. in prim. Thuscul.

(2) Jul. Firm. Mater. De Error. Profan. Relig.

re virtutis, quam in altera vita coronaturos procul dubio Deos sperabant. Hinc etiam veteres in agnoscendo unico rerum omnium moderatore, præsertim philosophi, mire consenserunt, *ut quivis arbitretur*, apposite inquit Minucius Felix (1), *aut nunc Christianos philosophos esse, aut philosophos fuisse jam tum Christianos*. Quare de Animæ humanæ etiam immortalitate non minus, quam nobis ( absit verbo invidia ) persuasum erat veteribus: unde Macrobius (2) vetustioris sapientiæ diligentissimus certe investigator, clare scribit, *obtinnisse jam non minus de incorporelitate Animæ, quam de ejus immortalitate sententiam*. Hinc peccatorum facinorumque, honestatis justitiæque cæterarumque virtutum notio, ne ipsos quidem latebat. Quamobrem veteribus saltem sapientioribus pura puta- que Religio ( quatenus rationi naturæ- que lumini concessum ) summæ venerationi fuit: pura nempe Dei cognitio, ejus- que *relationis*, quæ homini cum Deo est;

(1) Min. Felix in *Octavio* Pag. 155. edit. in 8. Lugd. Batav.

(2) Macrobi. in *Somn. Scipion*, Lib. I. Cap. XIV.

est ; & proprius sincerusque Dei cultus, in quo pietatem poni, verissime affirmarunt (1). Præclarum est Simplicii illud in Epictet. Religionis erga Deos immortales præcipuum illud scito esse, rectas de iis habere opiniones, ut sentias & esse eos & bene justeque administrare universa. Egre- gie etiam Cicero (2): Nisi constet Deum esse ejusque vi atque numine omnia facta esse & servari, quæ potest esse Pietas, quæ Sanctitas, quæ Religio? Hæc enim omnia pure & caste tribuenda Deorum numini ita sunt, si animadvertatur ab iis, & si est aliquid a Diis immortalibus humano generi tributum. Hinc divina illa Pauli sententia ; accedentem ad Deum, oportet credere, & quia est, & quia in- quirentibus se remunerator sit (3).

§. VI. Jam vero non aliunde, quam ex præconcepta, Religionis ope, alterius vitæ beatitudine seu miseria, repetenda sunt, quæ de poenis malorum, bonorum- que præmiis, veteres animo secum repu- tarunt. Hinc Virgilius, cujus in Poëma-

I 2

ti

(1) Conf. Euseb. Lib. I. Præpar. Evang. Cap. I.

(2) Cic. Lib. I. De Nat. Deor. Cap. I.

(3) Ad Hebr. Cap. II. v. 6.

tibus historia quædam veterum Romanorum religionis elucet, nominatim *Æneid. VI. malorum pœnas, amplumque Elysium enarrat*. Quamobrem sic inquit (1).

- „ Hic locus est, partes ubi se via
- „ findit in ambas:
- „ Dexterâ, quæ Ditis magni sub
- „ moenia tendit;
- „ Hac iter Elysium nobis; at
- „ læva malorum
- „ Exercent pœnas, & ad impia
- „ Tartara mittit.

Qui divinus Poëta, postquam longo recensuit ordine, & qui auro patriam vendidit; legesque qui pretio fixit atque refixit; qui natæ thalamum invasit, ac vetitos hymeneos; eosque tandem omnes, qui immane ausi fuere nefas, ausoque positos: jam tandem ad læta loca *Æneam* deducit (2),

- „ . . . . . Et amena vireta
- „ Fortunatorum nemorum, se-
- „ desque beatas.

Age autem, audiamus tantisper, quinam fortunatis sedibus degant (3).

„ Hic

(1) Lib. VI. v. 540. & seq.

(2) Lib. VI. v. 638. & seq.

(3) Lib. VI. v. 660. & seq.



- „ Hic manus , ob Patriam pu-  
 „ gnando vulnera passi ;  
 „ Quique Sacerdotes casti , dum  
 „ vita manebat :  
 „ Quique pii vates & Phœbo di-  
 „ gna locuti :  
 „ Inventas aut qui vitam exco-  
 „ luere per artes :  
 „ Quique sui memores alios fece-  
 „ re merendo &c.

Cætera prætereo consulto , ne , dum eam  
 per singula , sim fortasse longior , in re  
 alioquin lippis ac tonsoribus notissima .  
 Neque regerat aliquis , quod tota illa in-  
 ferorum doctrina , quam veteres animo ab  
 unguiculis imbibebant , sit Poëtarum com-  
 mentum imperitæ multitudini factum ter-  
 riculamento , uti opinatur Strabo Geo-  
 graphus (1) & Diodorus Siculus (2) ; quo-  
 rum verba lubens etiam prætereo . Fieri  
 enim non potest , ut , sicuti in cæteris ,  
 eadem quoque Poëtis audendi facultas , in  
 Religionis rebus concessa olim fuerit . Fa-  
 teor autem & in hisce etiam rebus , quam-

I 3

plu-

(1) Strab. Lib. I. Geogr. pag 35.

(2) Diod. Sicul. Lib. II. Bibliot. prop. finem.

plurima per *aures* fuisse Poëtas prolocutos.

§. VII. Ex quibus inferitur, non omnino verum esse, quod Jannohius veluti ex tripode afferuit, veterum Religionis finem ultimum fuisse Reip. tantum salutem atque incolumitatem: veteres namque aliquo etiam pacto, alterius securitatem vitæ, Religionis instituto spectarunt. Alioquin & Christiana, quam profitemur, Religio, rei communis salutem incolumitatemque spectat. Quod ex Just. Martyre apparet (1), qui hisce verbis Antoninum alloquitur: ἀρχοὶ θυμῶν καὶ συμμάχοι πρὸς εἰρήνην ἐσμεν πάντων πολλῶν ἀνθρώπων &c. *ad Pacem vero (publicam) conservandam, vobis plus quam homines cuncti adjutores sumus & opitulatores; qui videlicet docemus, nullum apud Deum rectum esse posse, aut maleficum & avarum & insidiatorem, aut etiam virtutis studiosum virum; atque unumquemque ad sempiternam vel pœnam, vel salutem pro factorum suorum meritis contendere.* Quapropter

(1) Apolog. II. Pro Christ. ad Anton. Imp. Pag. 59. ex interpr. Joan. Langi edit. Colon. an. 1686. in fol.

pter ea nunc in animo mihi surgit sententia , quô magis mihimet constem , ut affirmem , veteres Gentes id propterea Summos Imperantes Pontificatu Maximo auctos censuisse, quod in animum , ipsa suadente natura, induxissent, Potestatem Summam Civilem a Deo manare, adeoque potiori jure eandem Divina curare debere , quam Humana . Ecquis enim præterea, antequam Christiana a Gentibus adscisceretur Religio, Divina se curandi facultatem a Deo accepisse jactare verius poterat , quam Principem ? Simulati hinc illi cum Diis Deabusque congressus (veluti Numæ cum Ægeria), quarum monitu Sacerdotes Sacraque sese instituere , multitudini persuadere conati sunt, profanarum Religionum Institutores . Pernotum etiam est, cum nescio quo Angelo , Muhammediis , qui Turcharum Religionem primus instituit, colloquium . Cujus divini congressus colloquique cum Diis simulati commentum , non aliundè repetam , quam ex insita Populorum persuasionem, quod Summa Principum Potestas a Deo potissimum derivetur . Quæ quidem persuasio, maximam Regum institutis conciliavit semper auctoritatem .

Quod exemplo Minois & Lycurgi Eaci  
ac Radamanthi magis confirmatur.

C A P. IX.

*De populi declaratione pluribus differitur.  
Eam haud ipsam Summam Potestatem  
afficere, verum Summæ Potestatis ha-  
bendæ modum, demonstratur. Plures  
hujusmodi exponuntur modi. Bodinus,  
Hotomannus, ac Puffendorpius refellun-  
tur. Sexti Empirici causarum efficien-  
tium partitio proponitur, eaque confir-  
mandæ Auctoris sententiæ accommodatur.*

§. I. **E**X antea dictis fatis, arbitror,  
apparet, Deum Regibus sum-  
mam conferre *primario* Potestatem; Popu-  
lum vero *secundario*, per *declarationem*  
nempe ac *consalutationem*, quæ *ratihabi-*  
*tionis* species quædam est. Quæ quidem  
*declaratio* ubinam ponatur, rei modo,  
quam tracto, ordo postulat, ut disqui-  
ram.

§. II. Cum persuasum Populo sit,  
Summam Potestatem a Domino omnium  
Principibus conferri, sortesque in subje-  
ctum proprium Summæ Potestatis eligen-  
dum,

dum, a Deo præcipue temperari, ut ille, quem Deus jubet, Imperium sortiatur : Comitibus habitis de eligendo Rege, duo quisque Populus electo jam Regi pollicetur, *honorem* videlicet ac *reverentiam*, ex quorum conjugio satam olim Majestatem, philosopha potius, quam poetica sententia, Ovidius (1) affirmavit. Quæ quidem hoc vel alio præstanda modo, unusquisque porro Populus, Principe jam constituto, *expresso*, vel *tacito* saltem consensu declarat; cum Princeps nempe antea ostenderit, quibus ejus *Majestas* obsequentissimis signis factisque colatur. Ad hujusmodi *declarationem* primum deduxerim, quæcumque Princeps simul cum ipso Populo sanxerit de Imperii (2) *insignibus*, aut de ejusdem *delatione* vel per *novam electionem*, vel per *successionem*, & hujusmodi similibus; quæ non ad ipsam Summam Potestatem, at ad *habendi modum* pertinent, quæque propterea pro studiorum diversitate, diversissima apud Gentes obrinuisse inveniuntur. Ita

ex

(1) Fastor. Lib. V. v. 25.

(2) Sistam vero hic elegantissimum Alexandri ab Alexandro de vetustiorum Regum insignibus fragmentum. Quod quidem *Diadema*, *Armeniorum Reges*,

ex Dione (1) patet, *sceptrum aureum*,  
co-

ges, nisi a Romanis Regibus assumere non poterant.  
..... Persici Reges observarunt ex Myrrha &  
labizo odorata, capiti insigne Regium ferre, palam-  
que picturatam & auro distinctam induere. Numidis  
Regibus Sceptrum in sinistra, & candida in fronte  
victa, insigne est Regale habitum. Macedonum Re-  
gum chlamys caesia & crepidæ ac diadema; Assyrio-  
rum vero tiara diademate obvoluta & tunica purpu-  
rea, & partim alba, quam nisi Rex induere nemo  
poterat. Sardis quoque curru vehi, & rectam ferre  
tiam solis Regibus dabatur. Apud Siculos purpu-  
rea vestis, argeus baculus, & purpura gemmis  
extructa cum diademate. Phœnicibus, Syris, & Ci-  
licibus, chlamys cum crepidis, & candicans diade-  
ma. Ægyptiis autem Regibus, nunc leonis, nunc  
tauri, aut draconis efficti imaginem, aut ignem, ar-  
boremve effictam supra caput efferre, principatus &  
Regii dominatus insignia fuisse. Nonnumquam Dia-  
dema aspidis imagine distinctum, Ægyptiorum Re-  
gum spectatissimum insigne fuit. Sathis duplex Dia-  
dema amplissimum decus Regium dicunt esse, quippe  
quorum Reges Magni, & Regum Reges habeban-  
tur. .... Darii Diadema fuit purpureum albo di-  
stinctum, quod mox Alexander usurpavit ferre. Sy-  
rii quoque stolam & Sceptrum pro Regio Diademate  
habuerunt. .... Batavi & Germani Regem, quem  
delegere, attollere humeris, & scuto exceptum sub-  
collare per vices pro Regio fastigio observant. Ro-  
manis autem Regibus diadema, trabea, & purpu-  
reus amictus, non quadrangulare, sed semicirculare, in-  
signia Regii dominatus fuisse. Alexand. ab Alex.  
Lib. I. Genial. Dier. Cap. XXVIII. Pag. 220.  
Tom. I. edit. in 8. Lugd. Batav. 1683.

(1) Dion. Lib. II. Histor.

coronam auream, *fellamque Regiam*,  
 σκηπτρον τετι χρυσεον και σερανον τον τε διφρον  
 τον βασιλικον, Cleopatraz Reginz nomina-  
 tissimaz insignia fuisse: quare idem ait  
 Dion, ea Cæsari misisse, quasi Regnum  
 cum iis tradentem; quæ traditionis spe-  
 cies *Symbolica* a Jurisconsultis nuncupa-  
 tur. Ex Dionys. autem Halicarnas. (1)  
 constat, quod Romani sceptræ & Diade-  
 mata dono sociis Regibus mittebant,  
 quando eis Regiam confirmabant Pote-  
 statem, βασιλειωτες αυτοις τας εξουιας. Ita  
 quoque apud Langobardos *Hasta* olim  
 Regium fuit insigne, quod expresso i-  
 pfius Populi consensu Regibus defereba-  
 tur. *Langobardi*, inquit Sigonius (2)  
*continuo Alboinum ipsum, Regem Italiae*  
*lætis acclamationibus salutarunt, eique ha-*  
*stam, insigne Regium, porrexerunt.* Ex  
 eodem vero Sigonio patet (3), Agilulfo,  
 IV. Langobardorum Regi, *coronam fer-*  
*ream* impositam fuisse, a *Theodelinda*  
 Regina institutam, auream illam quidem,  
 verum interiore circulo ferreo intextam;  
 un-

(1) Lib. III. Antiq. Rom. p. 196.

(2) Sig. Lib. I. de Reg. Ital. Pag. 16. Tom. II.  
 ejusd. edit.

(3) Idem Lib. I. De Reg. Ital. Pag. 52. Tom. II.

unde postea *ferrea corona* nomen, Italico Langobardorum in Regno enituit (1). Hac corona, veluti proprio Regum insigni, omnes Italix Reges ad Fridericum usque II. inaugurari solitos fuisse, idem abunde Sigonius testatur. Hac sine dubio corona, devicto captoque *Desiderio* postremo Langobardorum Rege, redimittus Carolus Magnus & Lotharius (2) postea, ceterique deinceps Imperatores. Qui vero Princeps obnoxius non fiat Populo per hujusmodi *expressam declarationem*, infra exemplis quamplurimis ostendetur. Nunc vero ea, ad quæ sum aggressus, pergam.

§. III. Persæpe Populus haud *expresse* declarat, quo nomine Summa Potestas in Civitate prodeat insignita, quibusque decentibus Insignibus fastigium suum exprimat: tamen nihilominus probat consensu, rataque habet, quæ constitutus jam Princeps

(1) Non præterea hic, quod de Elephantibus, animalibus homini proximis, scribit Plinius Lib. VIII. Hist. Nat. §. I. pag. 435. Nam quod ad docilitatem attinet, Regem adorant, genus submitunt, coronas porrigunt. Idemque Plinius scribit, Apes Regibus domos in sui venerationem compositas, exædificare Plin. l. p. 595. v. 35.

(2) Sigon. Lib. IV. de Reg. Ital. Pag. 229. & idem Pag. 177. ibidem.



ceps assumpsit insignia. Ex veteri Historia exempla facile eruuntur, quibus evincitur, Reges sæpe per se titulos ac Imperii insignia, Populis probantibus sive non repugnantibus, sibi adrogasse. Ita ex Josepho (1) constat, quod Aristobulus Hyrcani filius, *διαδεμα πρωτος επιτιθεται*, *primus diadema sibi imposuit*. Agathocles autem Siciliæ Tyrannus ultro se *Regem* nominavit, quod potentia suæ præter eum titulum, nihil deesse videret (2). Quare, ut obiter hæc dicam, falsus animi est Samuel Puffendorfius (3); qui ait, Populum eundem, qui in unum, Imperium in se confert, eo ipso tribuere ipsi Jus, nomen & Regis titulum gerendi exprimendique Regiam celsitudinem insignibus decentibus. Populus namque Imperium, quod non habet, conferre numquam in aliquem potest; & Jus Regis titulum gerendi, ferendique decentia Insignia, non a Populo tamquam a causa efficiente, Principes hauriunt: sæpe enim ut dictum est, sine Populi consensu, nomen

(1) Lib. XIII. Histor. Cap. XIX.

(2) Diod. Sic. Lib. XX. Cap. IV.

(3) Lib. VII. Cap. III. de Gener. Sum. Imp. Civ. §. 9.

men & Insigne assumunt , quod postea Populus ipse , rebus ipsis ac factis confirmat. Ita postquam se Romulus cætero habitu ( nempe *Trabea* ac *Sede Regia* , quod in Servio Tullio clare Livius indicat ) augustiorem fecerat , insignia quoque Romanis Regibus propria fecit *duodecim Lictores* : quem morem ab Etruscis finitimis , unde *Toga prætexta* desumpta est , duxisse , Livius idem enarrat (1). Præsensit nimirum Romulus , jura , quibus fit , ut dissociata multitudo in Populi unius corpus coalescat , tum demum sancta generi hominum agresti , futura , si Princeps venerabilem Imperii insignibus se faciat. Itaque Populo inconsulto ( quod jure facere poterat , cum Deus Principibus simul cum Imperio , insignia sibi constituendi facultatem concefferit ) , insignia sibi constituit ; Populus autem postea , eadem se rata habere rebus ipsis ac factis , tacito nempe consensu , declaravit.

§. IV. Quæ de Summi Imperii insignibus dixi , eadem quoque sine erroris periculo , de modo Imperii habendi asseri generatim queunt.

Aliud

(1) Lib. I. Cap. XVIII.

Aliud nempe est, ut Grotius inquit (1), *de re* quærere, aliud *de modo habendi*. Constituta itaque ex ordinatione Dei, Summa Potestate, potuit subjectum istud Summæ Potestatis proprium, nempe Princeps non coactus, at volens lubensque, multa cum Populo de regiminis *modo* sive *forma* pacisci ac stipulari, ut Populus nimirum intelligeret, in quò tandem Potestas isthæc poneretur: eaque Pacta, quæ Summam Potestatem semper consequuntur, quæque eandem, ut summa sit, nullatenus afficiunt, Leges uniuscujusque Populi *fundamentales* appellare. Quamobrem Populi *declaratio* in eo poni potuit, ut Populus *ex post facto*, *vel eodem ad summum actu*, *expresse* declararet, contentum se fore, dum hocce vel illo modo Princeps imperium temperaret, quomodo se illud temperare lubens promiserit. Pluribus autem modis Summum se Imperium moderari Princeps polliceri potuit, Populo non repugnante, vel *jure* nempe *Proprietatis pleno*, vel *jure usufructuario*, vel *jure temporario*, vel demum *precario*, non secus

(2) Grot. Lib. I. de J. B. & P. Cap. III. §. XI. n. I.

cus ac cæteræ haberi possunt res, quas Jurisconsulti vocant *incorporales* (1). Quocunque autem modo Summum habeatur vel possideatur Imperium, Summum tamen semper erit, legibusque solutum, quibus tenetur Populus; eo quod illud non a Populo, at a Deo Principibus, qui vere Principes sunt, tribuatur.

§. V. Attingam autem pauca de quatuor hisce Summam Potestatem habendi modis, ne alicui fortasse a me hæc temere asseri videantur. I. Haud dubium itaque primum est, Reges nonnullos *pleno proprietatis jure* quædam Imperia possidere. Hujusmodi certe sunt Imperia, quæ quis justo sibi comparavit bello; aut ea, quæ ex voluntaria alicujus Populi *deditione*, aliquis sibi acquisivit: veluti cum Populus quispiam, majoris mali vitandi causa, ita se in alicujus ditionem dedit, ut nihil excipiat. Ita Campani apud Llvium, & Collatini (2) apud eundem; *Populum, urbem, agros, delubra Deum, divina humanaque omnia*, in Populi

(1) Grot. Lib. I. de J. B. & P. Cap. III. §. XI. n. 1.

(2) Liv. Lib. VII. Cap. XXXI. & Lib. I. Cap. XXXVIII.

puli Romani ditionem dedunt. Hic profecto Campani & Collatini Summam Populi Romani Potestatem non constituunt, at se a Pop. Romano regi malle, ut majora evitent mala, declarant. Hanc ditionem, *subjectionem publicam perfectamque* Grotius appellat (1); eamque ad *originarium* ex consensu acquirendi Juris in personas *modum*, ipse quoque doctissimus vir ibidem recenset. Clarissimus autem Hotomannus (2) hoc quidem argumento negat, posse Summa Imperia esse in *pleno proprietatis jure*, sive in Summi Imperantis *Patrimonio*, quod liberi homines in *commercio*, sicuti ceteræ res, esse nequeant. At animadvertisse Hotomannum oportebat, non alio quidem sensu quædam Imperia dici in *pleno* esse *proprietatis Jure*, quam jus perpetuum Populum regendi, quæ Populus, sine ulla exceptione, esse Summum penes Imperantem. Quo sensu rectissime dicitur, Populum aliquem sive per *testamentum*, sive per *donationem*, sive per *pactum* a

K

Sum-

(1) Grot. Lib. II. de J. B. & P. Cap. V. §. XXXI. idemque Cap. V. ibidem §. I. & XXVI.

(2) Hotom. Lib. Quæst. illustr. Quæst. I. Tom. I. in fol. pag. 146. edit. 1599.

Summis Imperantibus, qui pleno jure regnant, alienari. Quo sensu legenda sunt quæ apud Veteres de ejusmodi alienationibus forte leguntur. Sic Attalus (1) Eumenis filius, Pop. Rom. bonorum suorum Regnique *heredem* fecit; & ex altera Ciceronis oratione in Rullum, plane (2) constat, eundem Populum, mortuo Nicomede Rege, *hereditatem crevisse*, Regnum Bythyniæ. Tacitus etiam (3) agrorum meminit, qui Regis Apionis quondam habiti, Populo etiam Romano una cum Regno relictæ; ac idem Cicero De Lege Agraria (4): *Quis ignorat, Regnum Ægypti, testamento Regis Alexandrini, Populi Romani esse factum?* Quare & Mithridates apud Justinum (5) de Paphlagonia ita loquitur: *Quæ non vi, non armis, sed adoptione testamenti, hereditaria Patri suo obvenisset.* II. Ad eundem quoque referam *habendi modum*, Imperia, quæ Reges nonnulli jure obtinent *usufructu*.

(1) Val. Maxim. Lib. V. Cap. II. Flor. Lib. II. Cap. XX.

(2) Cic. Orat. II. in Rul. Cap. XV.

(3) Tacit. Annal. XII. Cap. XVIII.

(4) Cic. Orat. II. Cap. XVI.

(5) Just. Lib. XXXVIII. Cap. V.

*Electuario*, quales sunt ut plurimum qui primi eliguntur, quique electis legitimo ordine succedunt. Ita Regnum Poloniæ *electivum* est, jureque tantum Reges moderantur *usufructuario*. III. Quamplures Bodinum (1) secuti sibi persuasere, haud posse Summum appellari Imperium, quod perpetuum non sit. Ita, quoniam *ad tempus Dictaturæ sumebantur*, ut Tacitus inquit (2), negant plurimi cum Bodino, *Dictatori Romano* Summum fuisse Imperium, primis etiam temporibus, cum ad Populum adhuc provocatio non esset. Quamobrem negant Summa Imperia eo quidem haberi posse *modo*, ut sint *temporaria*, nec Populo subsint. Verum enimvero Sapientioribus placuit, Grotio præsertim (3), Dictatorem Romanum, & Annemonas apud Cnidios, jure licet *temporario*, Summum tamen Imperium habuisse: eadem namque Dictatoribus ante Decemviros facultas erat, quæ cuivis Regi, qui Rex sit optimo plenoque Jure. Quare Dictatoris edictum pro numi-

K. 2 ne

(1) Bodin. Lib. I. De Rep. Cap. VIII.

(2) Tacit. Lib. I. An. Cap. I.

(3) Grot. Loco sup. adducto.

ne observatum inquit (1) Livius: eique, qui apud Judæos extra ordinem, sive ad tempus Rector Populi. a Deo constituebatur, Summa Potestas competeat (2). Quare Bodino primum; deinde cæteris, illud quidem reputandum animo erat, quod tempus facultatem non minuit; neque duratio rerum naturam immutat. IV. Ad *habendi* denique *modum* pertinent illa quoque Summa Imperia, quæ accipiuntur quovis tempore *revocabilia*, unde *precaria* a Juris publici audiunt Scriptoribus; cum *precarium* vere sit ex Jurisconsultorum sententia, quod utendum datur, quamdiu dantis collibitum animo fuerit (3). In hunc censum referri possunt Regna Græcorum antiquissima (4); ac Vandalorum Regnum in Africa, Gothorumque in Hispania, ceu Mariana (5) testantur & Procopius: qui de  
He-

(1) Lib. II. cap. XVIII.

(2) Deuteronom. XVII. 12.

(3) L. I. D. *De Precario*.

(4) Conf. Jul. Pollucem & Ezechiel. Spanhem. observat. ad Orat. I. Jul. Imp. Pag. 128. & sequit. alias edit. Leg. etiam Dissertat. nostram, *De Regum Juribus apud Lacedæm. & Athenienses*, in hujusce libelli calce.

(5) Mar. Lib. XVI. Cap. XVII. Procop. Vandalic. Lib. I. Cap. IX.



Herulis eadem quoque narrat non minus, quam de Langobardis Paulus Warnafredi (1). Tum ex Sigonio clare patet, priorum saltem Langobardorum Regum, *precarium* fuisse Regnum: obtruncato etenim Clephone, altero ipsorum, secundum Alboinum, Rege, decem annos XXX. Duces regnarunt; eorundemque postea, plurium dominatu contempto, ad Regnum res rediit (2).

§. VI. Quibus omnibus conficitur, posse quidem Regem, cui Summa Potestas a Deo collata sit, simul cum Populo de *modo habendi* multa pacisci; quæ tamen pacta cum Summam Potestatem perpetuo consequantur, nequit ab hisce pactis, quæ *Leges fundamentales* Puffendorfius appellat, summum imperandi arbitrium pendere. Quicumque etenim ille sit Summæ Potestatis habendæ modus, a Deo tamen est, non a Populo, ut sit Summa & *independens*, legibusque, quæ universum Populum viritim ligant, soluta. Quæ cum ita sint, non est, cur amplius

K 3

Puf-

(1) Procop. Goth. II. Cap. XIV. & XV. & Paul. Warnaf. De Lang. C. 4. & 6.

(2) Sigon. De Reg. Ital. Lib. I. Tom. II. ejusd. edit. pag. 22.

Puffendorfius clamat (1), omnes, posita hac sententiâ, convelli conventiones; & *leges fundamentales*, quæ inter Regem & subditos circa Imperii administrationem ineuntur, everti. Quæ ut facilius cuiuspiam persuadeantur, ita modo lubet, rem, qua de ago, illustriorem reddere & clariorem. Paterfamilias, qui aliquid suæ Familiæ se facturum pollicetur, quod ad Familiæ gubernationem pertineat, non eo ipso desinet, in sua familia, jus summum, quantum ipsa Familia fert, habere. Quo exemplo id probatur, non desinere Imperium esse Summum, etiamsi is, qui imperaturus est, promittit aliqua subditis aut ipsi Deo: promittit namque non coactus, at volens lubensque, ex rationis præscripto, quod libertatem auget, non minuit. Ita apud Persas Summo Rex utebatur imperio, & tamquam Dei adorabatur imago (2), neque mutabatur (3) nisi morte; Rex, inquam, erat, uti loquitur (4) Valerius Maximus, qui Persarum Proceres hisce verbis alloquebatur: *ne vide-*

(1) Lib. VII. De J. N. & G. Cap. III. §. III.

(2) Plutarch. in Themist. Pag. 125.

(3) Justin. Lib. X. Cap. I.

(4) Valer. Maxim. Lib. IX. Cap. V. n. 2.

*derer meo tantummodo usus consilio, vos contraxi. Caterum mementote, parendum vobis magis esse, quam suadendum: Hujusmodi tamen Rex* *αυτοκρατης και αυτευθυν* *⊗* *erat, & jurabat tamen cum Regnum adiret* (1), *legesque certa quadam forma datas nefas illi erat* (2) *mutare. Quæ de Æthiopum quoque Regibus tradit Diodorus* (3); *idemque de Ægyptiorum etiam Regibus scribit, eos* (4) *Summo Imperio usos, tametsi ad multarum rerum obligationem fuerint devicti. Similibusque exemplis scater omnis Historia. Ita Trajanus caput suum, domum suam, si scienter fefellisset, Deorum iræ consecravit* (5); *idemque cum pugionem ( hoc factum æmulatur Athalaricus Gothorum Rex apud Cassiodorum, uti inferius ) Præfeto Prætorio tradidisset: hoc pro me utere, inquit, si recte impero; si male contra me* (6). *Imperator etiam Adrianus*

K 4

ju-

(1) Xenoph. in Cyroped.

(2) Plutarch. in Artaxerf. Pag. 1024 & seq.

(3) Diod. Sicul. Lib. III. Pag. 102. Cap. V.

(4) Idem lib. I. Pag. 44.

(5) Plin. in Panegyr. Cap. LXIV.

(6) Plin. Panegyr. Cap. LXVII. n. 8. & Cassiod. Var. VIII. 13.

juravit, numquam se Senatorem, nisi ex Senatus sententia puniturum (1), & Imperator Anastasius juravit, se Concilii Chalcedonensis decreta servaturum (2). Quæ omnia, ad *habendi modum* recte referuntur. Quàmobrem bene doctissimus Grotius *Summitatem Imperii ab habendi plenitudine* distinguit (3).

§. VII. Commemorabo postremo hic insignem Sexti Empirici veteris Philosophi caussarum efficientium partitionem, ut inde largiorem, sententia, quam pro virili aggressus sum propugnare, accipiat lucem. Quum tres sint, inquit, modi, quibus efficientes causæ quidquam agunt (4): tria item sunt ejuscemodi caussarum genera intelligenda. Quàmobrem aliæ sunt *Synecticæ*, aliæ *Syneticæ*, aliæ *Synergæ*. Τῶν δὲ τῶν αἰτιῶν, Sextus Empiricus ait, οἱ μὲν πλείους (dogmaticorum nempe) ἡγούνται, τὰ μὲν συνεκτικά εἶναι, τὰ δὲ συναιτια, τὰ δὲ συνεργα. Causæ autem efficientes *Synecticæ* sunt ex, quæ ipsæ  
per

(1) Spartian. in ejus Vita Cap. VII.

(2) Zonaras Lib. XIV. Cap. III. Confer Casiod. X. 16. 17.

(3) Lib. I. de J. B. & P. Cap. III. §. XIV.

(4) Sext. Empiric. Hypoth. Pyrr. Lib. III. Cap. II.

per se, nullis aliis adiumentis, effectum procreant, eæque sunt procul dubio *primæ & immediata*. *Synetice* vero, quæ parē cum aliis vim ad aliquid efficiendum præstant; quæque propterea *concaussa* rectissime appellantur. *Synergæ* tandem, quæ nonnihil afferunt quidem auxilii, at quæ nec integra sunt effectus *caussa*, neque præcise *concaussa*. Utar rei explanandæ paulo difficiliori, eodem exemplo, quo usus olim est magnus nostras Philosophus, isque acutissimus (1). Agant, ex. g. apposite ille inquit, Romani suis tantum copiis adversus Cathaginenses bellum, debellentque, Romani αἰτίοις erunt συνεργητικοί, *caussa* nempe *per se sola*, totum effectum completens. Pares illis Latini vires præstent: uterque αἰτίοις erit συνεργητικοί, *concaussa*, vel *æque causa*. Copias demum auxiliares Latini mittant, non eas tamen Romanis pares, αἰτίοις dicentur συνεργητός, *caussa* nempe *auxiliatrix*. Itaque quarum rerum aliquis solus *caussa* est, earum *caussa* est *Synectica*; quarum ex *medietate* *caussa* est, est *caussa* *Sy-*

(1) Anton. Gen. Elem. Metaphys. Tom. III. Part. III. in append. ad Cap. IV. §. II.

*Synatia*: *Synerga* postremo earum, in quibus non primas partes agit, at subsidio tantum venit. Qua posita causarum efficientium summa partitione, facile quisque intelliget, Populum, cum nonnihil, circa Summæ Potestatis habendæ *modum*, conferat, esse propterea, causam *Synergam*: Deum autem, licet causa *Synectica* esse nequeat, esse tamen Summæ Potestatis causam *Synetiam*, eamque, quæ primas agat partes in constituenda Summa Civili Potestate. Restat igitur, ut concludam omnia pauculis: Deum *primario* Summam Principibus conferre Potestatem; Populum vero *secundario*, iis, quibus dictum est, *modis*. Quæ nemo quidem, dummodo non sit caudex, aut plumbeus, confidenter negaverit.

*Scholia quadam, quibus eorum argumenta, Vasquii, Hotomanni, Junii Bruti &c. solvuntur, qui Summam Potestatem esse contendunt penes Populum. Auctoris sententia roboratur magis. Grotius etiam in pluribus refutatur.*

§. I. **D**Uobus potissimum pugnant argumentis, qui Populorum liberati æquo justius indulgent, ut Summam ostendant Potestatem, in unaquaque Civitate; & in quavis regiminis forma, esse penes Populum; quem universum singulis contendunt Principibus præstare. Primum autem sic se habet. I. Is profecto, a quo aliquis constituitur, est constituto superior: quare, cum unusquisque Princeps a Populo constituatur, Populus qui Principem constituendo jubet, Principi antecellit. II. Omne regimen eorum, qui reguntur, non qui regunt, causa, est comparatum: itaque, cum finis sit omnium nobilissimus, illi qui reguntur, Populus nempe, ei præstant, qui regit. Hoc præsertim argumento abutitur Vasquius

squius (1) : Quam vero frigida sint hujusmodi argumenta ac evanida , ex Scholiis, quæ sequuntur, luce clarius patebit.

## SCHOLION PRIMUM.

§. I. **P**rimum illud argumentum ; si-  
ve *πρωτον* illud *ψευδος*, quo vi-  
ri alioquin doctissimi (2) in transversum  
acti, omnia Populo in Reges ac Princi-  
pes, permiserunt, licet prima quidem  
fronte alicujus momenti nonnullis videri  
queat ; tantisper tamen si perpendatur,  
nullius est ponderis, neque hujusmodi,  
quod Populum Principi a se constituto,  
præstare ostendat. Age, alteram pau-  
lisper perpendamus prioris argumenti par-  
tem, qua ponitur, unumquemque Prin-  
ci-

(1) Vasc. Lib. I. Cont. illust. 18.

(2) Hoc potissimum argumento conati sunt Monarchomachi, Franc. Hotomannus, Steph. Junius Brutus (sub cujus nomine alii Hub. Languetum, alii Geor. Buchanan. alii alios latitare contendunt) Jo: Milton, pluresque conati, inquam, sunt ostendere, *Majestatem Realem* esse penes Populum, *Majestatem vero Personalem* esse penes Principem. Leg. Jo: Franc. Bud. Hist. Jur. Nat. & Gent. §. LII.



cipem a Populo constitui. Bene intelli-  
 get hîc, quicumque neutri conspirat par-  
 ti, Monarchomacos in ea versari falla-  
 cia, quam scholæ nuncupant *petitionem*  
*principii*, veteres autem *pistilli* versatio-  
 nem. Equidem hætenus pluribus evin-  
 cere conatus sum rationibus, Potestatem  
 Summam Deum Principibus tribuere,  
 adeoque Deum Principes constituere per  
 Populi *consalutationem ac designationem*,  
 qua fit, ut, Deus ipse Summam Princi-  
 pibus tribuat Potestatem. Quod nisi  
 verum esset, quî Principes juribus non-  
 nullis augerentur, quibus Populus usum  
 numquam fuisse clare intelligitur? Ne-  
 mo sane e Populo jus vitæ & necis in  
 se habet; quod Deus pro singulari ho-  
 minum *possessione*, a qua se numquam  
 abdicavit, sibi retinuit. Summi autem  
 Imperantes eo quoque jure aucti censentur,  
 quod sine dubio carerent, nisi il-  
 lud a Deo, a quo cætera manant, ac-  
 cepissent. Populus ergo non constituit  
 Principem, eum vero constituit Deus,  
 electioque ac suffragatio, accedenti dum-  
 taxat hominum opera, ut inquit The-  
 mistius (1), perficitur. Unde bene Zie-  
 gle

(1) Them. Orat. XVI.

glerus ait (1) : *in multitudine seu civitate est solum potestas deputandi, seu eligendi Personam Personasve a quibus regatur*. Quamobrem nec illud verum est, quod Grotius (2) putat, extincta nempe Domu Regnatrice, Imperium ad Populum redire : redit namque eligendi tantum potestas ac designandi alium aliosve, a quibus regatur, non ipsa imperandi facultas.

§. II. Deinde *absolute* verum non est, quod Populus sibi Principem perpetuo constituat, ita ut eum jubeat : sapenumero enim accidit, ut constituat sibi Principem *obediendo* tantum. Quod ex veteri etiam Historia facile pluribus confirmatur. Primum, cum Populus aliquis in salutis discrimen adductus, alio pacto, quo se defendat, haud inveniat, fieri tunc potest, ut omne imperandi Jus a se ipso abdicet, alique tradat, sub cujus fide securus vivat. Ex Justino quidem constat, Phryges (3), quò discordiis mederentur intestinis, Regem sibi creasse ;  
Ve-

(1) Ziegl. in not. ad Grot. Lib. I. Cap. III. §. VII. n. 3.

(2) Grot. loco cit. paulo inferius.

(3) Justin: XL. XVII.

Veientes quoque (1) annuæ ambitionis ac discordiarum tædio, Regi se obnoxios reddidisse; Athenis demum Bello Peloponnesiaco, Rempublicam a Populo translata in Senatum (2). Superius autem, quæ ad rem etiam facit, Populi Collatini deditioem ex Livio memoravimus; simillimaque apud eundem Rerum Romanarum scriptorem mellitissimum, Campanorum deditio (3) legitur, qui necessitate coacti, Populo Romano se in hunc modum subjecerunt: *Populum Campanum, Urbemque Capuam, agros, delubra Deum, divina humanaque omnia, in vestram, P.C. ditionem dedimus*. Num itaque Populus Campanus, Romano Populo, cui se dedit, quemque sibi Principem constituit, antecessit? Fabulæ. Secundo: quid obstat, quominus & uni homini potentiori, maximo ac valido, uti supra apud Æthyopes obtinuisse observatum est, Populus aliquis se dedat? Tertio accidere potest, uti Paterfamilias, latifundia possidens, advenas in suas terras sub una obediendi-

le-

(1) Liv. Lib. V. Cap. I.

(2) Justin. Lib. V. c. II.

(3) Liv. Lib. VII. Cap. XXXI.

lege recipiat. Quod exemplo non caret. Ita de servis Germanorum apud Tacitum (1) memoriæ proditum est, *suam quemque sedem, suos penates regere. Frumenti modum dominus, aut pecoris, aut vestis, ut colono, injungit, & servus balteus paret*. Hi fortasse sunt servi illi, quos Romani Prudentes *adscriptitios*, seu glebæ addictos nuncuparunt; Gentem nempe, uti Aristoteles (2) inquit, *natura servos*, scilicet ad servitutem ipsa natura aptos. Neque dubium est, quin plures Populi eo sint ingenio, ut regi potius, quam regere rectius norint. Ita de Cappadoces sensisse Strabo (3) testatur & Justinus: quippe qui oblatam a Romanis libertatem respuerunt, agentes, se vivere sine Rege haud posse.

§. III. Ponamus autem tantisper, quod sane verum non est, Populum sibi Principem constituere: neque inde necessario inferetur, constituentem esse constituto majorem. Quod Senecæ verbis evincitur: *quædam*, inquit (4), *initium ab aliis trahunt*

(1) Tacit. De Morib. Germ. Cap. XXV.

(2) Aristot. Polit. Lib. II.

(3) Strab. Lib. XII. pag. 544. & Justin. Lib. XXXVIII. C. II.

(4) Senec. Lib. III. De Benef. Cap. XXIX.

*bunt, & tamen initiis suis majora sunt. Nulla non res principia sua magno gradu transit. Semina omnium rerum caussa sunt, & tamen minimæ partes sunt eorum, quæ gignunt. Adspice Rhenum, adspice Euphratem, omnes denique inelytos annes, quid sunt, si illos illic, unde effluunt, aestimes? Eo itaque Populis constituentibus, Principes præstant; quod, etsi Populi eos designent, Potestatem autem ac Potestatis incrementum tribuit Deus. Quod si vera umquam proposita regula esse potest, vera dumtaxat erit in ea quidem constitutione, cujus effectus perpetuo pendet a voluntate constituentis, ut Grotius inquit (3); non etiam in ea, quæ ab initio est voluntatis, postea vero effectum habet necessitatis. Ita, quamvis mulier virum sibi constituat, viro tamen perpetuo subest, eique paret perpetuo, nec umquam marito antecellit, nec ei*

L do.

(3) Grot. Lib. I. Cap. III. §. VIII. n. 18. Hanc vero, quam Grotius tradit exceptionem, reprobare videtur doctissimus Tesmarus ad Grot. hoc loco; qui scribit, neque id universaliter esse verum. Quam enim cliens quidam humilis nobilem sibi constituit advocatum, servus dominum, discipulus Præceptorem, constituens profecto non est constituto major.

dominatur nunquam. Servus quoque, licet domino alicui ultro se in servitutem addixit, insanus tamen esset, si domino se se superiorem jactaret, eo quod ipse sibi Dominum constituerit. Potius qui Dominum sibi constituit, voluntati suæ videtur valedicere; ac sicuti appellari amplius non potest liber, qui alterius jam dominio obnoxius, haud libera vivendi amplius vivit consuetudine, ita neque Domino is superior potest intelligi, cui necessario servit.

§. IV. In hac ipsa autem Grotii exceptione, res postulat, ut paulisper etiam subsistamus. Verum itaque Grotius censet, quod constituens constituto sit major, cum constitutionis effectus a constituentis voluntate perpetuo pendet, non item, cum effectus rationem habet necessitatis. Quamobrem Grotius putat, Summam Potestatem Civilem, jam sponte a Populo primum constitutam, necessario tamen postea, etiamsi Populus nolit, Populo imperare. Quis tandem, quæso, fieret isthuc, nisi, quod prædico, verum esset, Populum in Summæ Potestatis constitutione non agere, nisi ut Causam *Synergam*; Deum vero *primas agere*.  
par-

*partes*, Principibusque Imperium; quod Summum sit ac prorsus ἀνυπερβυον, conferre? Profecto, quid majus est, aliquam personam ad Majestatis culmen tergeminosque honores evehere, quam eandem deponere; quod fieri facile potest per *actum negativum*. Quod si ergo necessitatis est, ex Grotii sententia, Principibus a Populo constitutis, ipsummet postea Populum obtemperare; illa certe parendi necessitas a Dei pendeat ordinatione, adeoque nec Populus, verum Deus Summam constituet Potestatem; subjectumque illud proprium, persona una pluresque, cui vel queis Summa Potestas tribuitur, ἡ πρώτη ἀρχή evadet ex Dei ordinatione, uti apud Galenum appellatur (1). Quare bene militibus Valentinianus olim Imperator respondit; Imperii collationem, veluti eorum beneficium, importune eidem exprobrantibus: *Ut me* (me scilicet potius quam alium, in quo mera ponitur designatio) *ad imperandum vobis eligeretis, in vestra sumum erat potestate, o milites: at postquam me elegistis, quod petitis in meo est arbitrio, non vestro. Vobis tamquam sub-*

L 2 di-

(1) Lib. VI. De Plac. Hippocr. & Platon.

*ditis competit parere, mibi quæ faciendæ sunt, cogitare* (1). Nec dissimilia, quamvis plusculum emollita, ab eodem Valentiniano militibus dicta, Ammianus refert Marcellinus (2).

### SCHOLION ALTERUM.

§. I. **D**Epulso jam futile priori argumento, quod Achilleum putant Monarchomachi, ad alterum aggrediar, non infeliciori fortasse exitu opugnandum. Argumentum alterum ex finis præstantia petitum, id concludit, Populum nempe, qui regitur, Principe nobiliorem ac superiorem esse, qui id propterea constituitur, ut Populum gubernet, Populique regimini vacet. Quod argumentum non id probat, nisi fallor, quod oppositæ sententiæ putant patroni: at contra ostendit perspicue, omne regimen ac Imperium respicere per se utilitatem eorum, qui reguntur, non ejus eorumve, qui regunt; sive ut complectar omnia paucis, illud probat, quod nemo negat, fru-

(1) Theodoret. Lib. IV. Cap. VI.

(2) Amm. Marcel. Lib. XXVI. Cap. VI.



fruendæ justitiæ causâ, Reges fuisse constitutos. Quod ultro concedimus. Omnis namque vetus historia id confirmat, omnesque tunc Poëtæ, cum Philosophi Scriptores. Ne longior sim, paucis me expediam exemplis. Primum ex Herodoto (1) arcessam, qui dum Dejocis narrat, filii Phraortis, privati primum hominis, deinde Regis, incorruptam justitiam, artemque, qua Rex tandem apud Medos ex Populi consensu evaserat, sic inquit: *ὁ δ' ἐγὼ δοκέω; ut mihi videretur, maxime Dejocis amici, ἐλεγον, dicebant: Nequaquam præsentis modo viventes hanc nostram regionem possumus habitare; age, constituamus nobis ipsis Regem, ut sic regio nostra bonis legibus administraretur, & nos ad opera eamus, neque præ impunitate scelerum excidamus.* Itaque Medi, Dejocem, convocato concilio, Regem crearunt, ut *Justitia* nempe, almaque *Pace* fruerentur. Hesiodus quoque ante Herodotum in sua Theogonia (1) cecinerat, Reges a Jove nutriri, (unde & Διοτρεφεῖς eos appellat v. 82.) Populosque ad ipsos respicere,

L 3

qui

(1) Herod. lib. I. Cap. 69. & 97.

(1) Hesiod. Theog. v. 82. & seq.

qui rectis Jus discernant judiciis. Quare Tullius etiam scripsit (1): *Mibi quidem non apud Medos solum, ut ait Herodotus, sed etiam apud majores nostros, justitiæ fruendæ causâ, videntur olim bene morati Reges constituti. Nam cum premeretur inops multitudo ab iis, qui majores opes habebant: ad unum aliquem confugiebant, virtute præstantem, qui cum prohiberet injuria tenuiores, æquitate constituenda summos cum infimis pari jure retinebat. Hinc Justinus Martyr, isque Philosophus insignis, Antoninum (2) alloquens, Imperatores appellat *φύλακες δικαιοσύνης*, justitiæ custodes. David quoque Rex fausta quæque ac felicia Salomoni ejus filio ominaturus, Psalmum pepigit, quod ita exorditur: *Deus judicium tuum Regi da & justitiam tuam filio Regis, ut judicet Populum in justitia & pauperes tuos in judicio*: licet Justinus idem (3) Psalmum hunc dictum fuisse asserat de Christo. Extat tandem D. Nervæ edictum apud Pli-*

(1) Cic. Lib. II. De Offic. Cap. XII.

(2) Just. Mart. Apol. II. ad Anton. Pag. 53. ex interp. Jo: Langi edit. Colon. in Fol. an. 1686.

(3) Idem Dialog. cum Tryphon. Jud. Pag. 251. ejusd. edit.

Plinium (1), quod me hîc juvat appo-  
nere : *Hoc sibi*, ( ita se enim habet )  
*quisque civium meorum spondere potest*,  
*me securitatem omnium quieti meæ pratu-*  
*lisse*. Cui congruit Alexandri illud apud  
Arrianum (2) : *Pro vobis vigilare me*,  
*certo scio*, *ut ipsi nimirum placide quie-*  
*teque dormiatis*. Nonnihil, quod spectat  
ad hanc quoque rem, de Magistratu  
principi, sive de principe Reipublicæ cu-  
stode, scribit etiam Plato (3); qui est  
omnino legendus.

§. II. Ad id vero rediens, unde pro-  
fectus sum, non minus absurdum est, pro-  
fiteri, regimen omne ob utilitatem eo-  
rum, qui reguntur, comparatum fuisse,  
ac deinde rectorem iis subicere, quos  
oportet regi; quam asserere animum id  
propterea homini datum, ut gubernatoris  
vice fungatur, illum vero corpori, quod  
gubernat & animat, ob finis præstantiam  
credere obnoxium. Nulli vero dubium  
esse potest, quin animus corpori, cui re-  
gendo destinatur, valde antecellat. Quam

L 4 re.

(1) Plin. Lib. X. Ep. 66.

(2) Arrian. Lib. 7. p. m. 458.

(3) Plat. De Rep. Lib. I.

recte autem comparatio isthæc procedat, ex eodem Justino patet, qui hocce modo ratiocinatur: *καὶ ὡς συγκρίνεται ὁ ἀνθρώπος ἐκ ψυχῆς καὶ σώματος, ὅτος καὶ ἡ βασιλεὺς συγκρίνεται ἐκ τοῦ βασιλέως καὶ τῶν βασιλευμένων* (1); Et sicut homo ex anima & corpore constituitur, ita Regnum ex Rege & iis, qui reguntur, coaugmentatur. Quare Tacitus, Remp. Romanam unum imperii corpus appellat, unius animo regendum. Est itaque Regnum corpus, aliquod *morale* perfectum, quod non minus, quam *physicum* animo, innata quadam subjectione, quæ ex ipsa regiminis natura, fluit, Summo Imperanti subest, licet ipse Summus Imperans, Principem non agnoscat, qui de se iudicet, nisi Deum. Utilitas autem ipsa eorum, qui reguntur, huiusce subjectionis causa est; quippe quæ ipsis Rectoribus Summum Jus ac Potestatem, omnia pro Populi commodo agendi tribuit: non secus ac Pupilli utilitas, qui ob lubricum ætatis se tueri nequit, causa est, cur Tutela sit Jus ac Potestas in Pupillum (2). Neque regerat quis-

(1) Quæst. & Resp. ad Orth. q. 138. p. 437. ej. edit.

(2) Lib. I. Inst. Civil. Tit. XIII. §. I.

quispiam, Tutorem persæpe, si rem pupillarem vexet ac male administret, a tutela removeri. Hæc etenim in Tutore recte procedunt, qui superiorem habet, vel *immediatum* ac *proximum*, ipsum nempe Magistratum, vel *primum* eumque *remotior*, videlicet Principem: Minime autem recte sese res habet in Summis Imperantibus, sive *Status Publici* tutoribus. Cum enim caussarum progressus in infinitum repugnet, uti Aristoteli placuit, in aliqua demum aut persona aut coetu est consistendum, qui quæve omnibus præsit; præstantiorem autem ipse ac superiorem, præter Deum, habeat præterea neminem. Hinc est, quod supra monuimus, Deum Principum peccata vindicanda sibi reliquisse (1); omnesque omnis ævi Gentes illud sibi etiam habuisse persuasum, nequaquam Populo licere adversus Principes furere, Deumque dumtaxat de Principibus judicare. Achilles, cum Regi esset iratus, & ab eo dissideret, hastam & clypeum abiecit, ac Heroum res gestas psalterio cecinit ac cithara. *Sapienter ille*

(1) Conf. Jerem. XXV. v. 12.

*le quidem*, apposite Julianus (1) inquit;  
*nam adversus Regem inimice se gerere ac*  
*laceffere, contumax nimium videbatur &*  
*petulans*. Hinc Deo a Veteribus commit-  
 ti solebat ultio. *Cleopatra*, Justinus scri-  
 bit (2), *mandata violatis numinibus ultio-*  
*ne sui, decedit*. Chryses apud Home-  
 rum (3) ab Agamemnone contumeliose  
 dimissus, Apollini ad obstrepentis maris  
 littus supplicat,

Τισειαν Δαναοι εμα δακρυα σοισι Βελεσται  
 „ Pendant pœnas Danaï ob meas  
 „ lacrymas tuis sagittis.

Quare Seneca Thyeste prope finem;

. . . Vindices aderunt Dei:  
 „ His puniendum vota te tradunt mea.

idemque in *Orestia*, v. 255.

. . . Forſan vindex Deus  
 „ Exiſtet aliquis, lætus & veniet dies.  
 La-

(1) Julian. Orat. II. Pag. 50. ejusd. edit.

(2) Justin. Lib. XXXIX. Cap. III.

(3) Hom. Iliad. I. v. 42. Conf. Sophoclem in  
*Electra* v. 172.

Lactantius (1) : *cum tam nefanda pe-  
simur, ne verbo quidem reluctamur, sed  
Deo remittimus ultionem.*

§. III. Cur autem Populi legantur in-  
terdum puniti ob Regum peccata (2)?  
Lege sis genuinam hujusce rei rationem  
apud Justinum Martyrem eumque Philo-  
sophum eximium (3) & apud Grotium,  
qui eam inde sine dubio adscivit, ac pro  
sua usus porro est. Supplicio nimirum  
omnium maximo Reges afficiuntur, cum  
subditis urbantur, qui simul cum Regi-  
bus magnum illud *morale* corpus effor-  
mant, quod *Regnum* appellavimus paulo  
superius. Proprius itaque loquendo, non  
Populi quidem puniuntur, cum ob Re-  
gum facinora eosdem Deus divexat, at  
Reges potius suorum scelerum in mem-  
bris suis, nempe subditis, poenas luunt.  
David itaque supplex Deum exoravit, ne  
Populum acerba peste consumeret, quovis  
alio contentus supplicio. Cave itaque exi-  
sti-

(1) Lactant. Lib. V. Cap. XX.

(2) Reg. XIV. c. 16.

(3) Quæst. & Respons. ad Orthodox. pag. 138,  
eiusd. edit. Conf. Grot. Lib. I. De J. B. & P.  
Cap. III. §. 8. n. 16.

stimes , id propterea Populos aliquando punitos, quod in Regem talia peccantem, statim non animadverterint, eosque tamquam superiores, minime deposuerint.

§. IV. Denique , quô prorsus propositum Monarchomacorum ruat argumentum, operæ pretium esse me facturum opinor, priorem ipsius argumenti propositionem paucis amplius ludificari. Profecto verum omnino, sive ut scholæ loquuntur, *universaliter* non est , omne Regimen eorum causa , qui reguntur , institui . I. Regimen namque dominicum per se ac *primario* non servorum , at Domini causa comparatum est; *secundario* autem ob servientium quoque utilitatem. II. Regimen maritale , mutux utilitatis commodique causa, comparatur quotidie . III. Imperium bellicis partum sudoribus , ob victoris tantummodo utilitatem partum censetur : IV. Quædam regimina utilitatem respiciunt tam ejus , qui regit , quam qui regitur , sive utilitatem commodumque reciprocum . Ita superius de Populis quibusdam dictum est imbecillioribus, veluti de Collatino & Campano, qui cum sibi non sufficerent , sibimet tuendis potentiorẽ Populum , uti Roma-



manum, imposuerunt . Ubi utilitas mutua . Quam rem pulchre vidit Aristoteles (1) : ἐστὶ δὲ, inquit ille, ἀρχὴ ἢ μὲν τῆς ἀρχοντος χάρις, ἢ δὲ τῆς ἀρχομένου &c. Imperium aliud est ob utilitatem Imperantis, aliud ob utilitatem ejus, cui imperatur . Non est itaque, cur tantopere adversus Summos Imperantes, contortulis hisce conclusiunculis furibundus præcipue Vasquius debacchetur . Quod argumentum, ut quæ sentio, aperte dicam, adeo deforme est, ut nulla arte, nulla cerussa, nullo fucari possit purpurisso . At inferius fortasse de eodem argumento pluribus apriusque differam .

GAP.

(1) Aristor. Lib. VII. De Rep. Cap. XIV.

*Reliqua exponuntur momenta, quibus magis evincitur; Potestatem Summam Civilem non a Populo, verum a Deo derivandam. Ea ex omni Jure, omnigenaque Historia repetuntur. Barbeyracius refellitur.*

§. I. **F**Utilibus jam vero depulsis argumentis, quibus Monarchomachi cum ratione insanire mihi videntur; reliqua nunc exponam, quæ superant, momenta, quibus facile mihi persuadeo, Potestatem Summam *primario* a Deo derivare, eamque Populo antecellere. Idem illi putarunt, publicæ tranquillitatis perniciēs, perjuri, Monarchomachi videlicet, quos antea nominavi, posse Populum ex falso principio, quod Regibus præstet, Principes intra potestatis limites, si ea abutantur aliquando, coercere, iisque resistere in infinitum, ac in infinitum insultare. Quæ quam sint absurda, nunc ostendendum aggrediar: simulque eorum refutabo sententiam, qui putant, nisi Populo, Magistratibus saltem, qui inter Partes Summi Imperii *Potentia-*

*tiales* a Grotio & Gronovio (1) recensentur, id licere semperque licuisse. Quæ ut accuratissime exequar, ad omnia Jura, oculos animumque convertam; ut inde clarissime ostendam, quod velim, Summam Potestatem a Deo pendere, qui unus propterea Principibus a recta administrationis via aberrantibus, queat resistere. Jura, inquam, hîc omnia, Naturale nempe, ac Divinum positivum, tum Vetus, cum Novum, sive Christianum; Humanum denique, illudque sive Civile sive Ecclesiasticum, præsto mihi erunt. Quæ quidem Jura, cum Deus (2) mortalibus impertitus fuerit: facile inde manifestum fiet, Principes nonnisi a Deo, qui sanctam rectam eorum personam auctoritatemque hisce juribus tuetur, Potestatem Summam recipere. Christianorum denique veterum consuetudo, magis, quæ proposui, roborabit.

§. II. Et sane ex Jure quidem Naturali

(1) Grot. Lib. I. Cap. III. §. XVII. n. 1. conf. Gronov. in not. ibidem 89.

(2) Deus est omnium Jurium auctor *indirecte*, quatenus est auctor Juris Naturalis, a quo si aliquid detrahas, aut addas, statim Jus Civile efficiat. Quæ nisi fallor, Ulpiani sententia est. Item *indirecte* auctor etiam est Juris Ecclesiastici.

rali primum constat, quod si qua ex tali causa, aut alioquin, quia Summum habenti Imperium ita lubet, injuria nobis inferatur, eam tolerandam potius esse, quam vi resistendum. Qua quidem in specie aliter profecto Jus Naturæ procedit, quam in injuriarum persecutione adversus privatos, quibus laceffit, licet a se per vim, ut Tullius inquit (1), nisi per disceptationem fieri queat, injuriam propulsare. Contra hæc, quoniam Deus societatem civilem publicæ contutandæ beatitudini, uti supra diximus, ordinavit, Rectoresque præfecit, qui publicæ rei moderandæ, ac publicæ procurandæ tranquillitati, vigilarent: statim hinc Civilis Societatis Rectori, qui a Deo est, jus quoddam majus ac supereminens in Cives Civiumque bona nascitur. Quod Summum Jus id efficit, ut Summus Civitatis Rector, civibus eorumque bonis publicæ procurandæ rei, ex arbitrio primum utatur, parumque privatorum incommoda curet, rerum summæ profuturus. Idem porro Jus efficit secundo, nisi  
fal-

(1) Lib. I. De Offic. Cap. XL

fallor, ut si aliquando rem publicam curans, nonnullis Civibus eorumque bonis pro lubricine abutatur cum ipsorummet Civium pernicio, minime tamen privatis, Summo liceat Civitatis moderatori resistere. Eo enim ipso temporis articulo, quo civibus abutitur ad perniciem, est tamen Princeps, ejusque opera, rerum summa administratur: quo deficiente jam ruit publica res, ipseque statim Civitatis intervertitur finis præstantissimus, quem Deus ordinavit, tranquillitas nempe publica, omnibusque Pax optatissima. Facit ad rem nobilis Dionis Cassii sententia (1):

φύσει δὲ ἀναγκαιὰ τινὰ καὶ σωτηρία τῷ μὲν ἀρχεῖν ἐν τοῖς ἀνθρώποις, τῷ δὲ ἀρχεῖσθαι τίτληται

*Natura autem id necessarium & hominibus salutare, ut alii quidem imperent, alii vero pareant.* Jus itaque illud, quod, ipsa natura duce, impertitus nobis Deus est, vetat promiscuam illam resistendi licentiam Summo Civitatis moderatori, sine quo Civitas, dissociata erit multitudo ac confusa turba, nemo ubi audit neminem,

M

αὐτοῦ

(1) Dion. Cass. Lib. XLI. pag. 189. edit. H. Steph.

αὐτὰ δ' οὐδεν' οὐδεις οὐδενος, ut Euripides (1). ait. Quamobrem recte Grotius contra Vasquium (2) asseruit, quod, etiam si ponatur, Imperia omnia parentium, haud imperantium spectare utilitatem, ac si ponatur etiam, aliquando Summum Imperantem privati cujusdam hominis utilitati non prospicere, eumque, licet innocentem ex lubricine pessumdare, non desinit esse Princeps *ipso facto*: non enim, inquit, *statim res deficit, cujus utilitas aliqua in parte deficit*. Itaque numquam impetrare a me ipse potui, ut clarissimo Barbeyracio assentirer, qui (3) in Scholiis præsertim Gallicis; quæ Latinis sunt prolixiora, ad Grotium, distinguit inter *injurias dubias & tolerabiles, manifestas & intolerabiles*; affirmatque posse quidem a singulis Civibus, quibus intoleranda sit ac manifesta injuria illata, Summo resisti Imperanti. Singuli enim Cives, ait, Reipublicæ incolumitatem exoptant propter semetipsos, adeoque debet quisque,

to-

(1) Euripid. Cyclop. v. 120.

(2) Lib. II. de J. B. & P. Cap. I. §. 9. n. 2.

(3) Barbeyrac. ad Grot. Lib. I. Cap. IV. §. II. n. 1. & eundem Lib. II. Cap. I. n. 1.

toti etiam Reipublicæ suam antepone-  
 salutem : neque ulla porro utilitas Rei-  
 publicæ, si innocens nihil tale commeri-  
 tus, a Principe male se haberi patiatur,  
 pro certo erit umquam reditura. Quæ  
 nemo non videt, si penitus animo reci-  
 piantur, quot seditionibus locum sint fa-  
 cile præbitura. Itaque nihil puto fuisse  
 umquam dictum majori cum periculo,  
 aut minus vere. Illud primum desipere  
 est, debere quemquam toti Reipublicæ  
 salutem suam præferre, adeoque cuiuspiam  
 resistendi jus competere. Non tantum  
 enim nostri causa, incolumem Rempu-  
 blicam exoptare debemus, verum etiam  
 & aliorum causâ, qui simul nobis sin-  
 gulis sunt quid profecto majus atque præ-  
 stantius. Deinde neque illud est verum,  
 quod clarissimus ponit Barbeyracius, uti-  
 litatem publicam, sublato promiscuo re-  
 sistendi jure, dubiam etiam, imo dubiam  
 magis evadere. Sublato etenim hoc jure  
 certum est, ipsam Remp. non interire,  
 cui integrum caput adhuc manet : illo  
 autem jure permissio, dubitari nequit,  
 quin uno vel altero ad summum die,  
 distrahatur ac pereat.

§. III. Quid tunc autem, si summus

M 2

Ci.

Civitatis Rector *manifestas*, ac *intolerandas* Civibus inferre injurias pergat? Licet tunc saltem illi, qui obstinate operam dat, ut cives miseros perdat, resistere? Ne tunc quidem licet. Resistendi enim Jus ex æqualitate oritur, quæ inter Principem subditosque nulla intercedit. Itaque enixe tunc Deus exorandus erit, ut Principi bonam mentem duit: neque enim *facienda sunt mala*, ut *veniant bona*, quod bene Apostolus monet. Itaque modeste ferendum. Quæ quidem confirmari magis lubet, Scriptorum quoque aliorum, quos superius missos feci, mirabili consensu eoque perspicuo; quem nonnisi a *Jure illo*, quod a *Natura ipsa arripuimus, hausimus, expressimus*, ortum traxisse, censendum est. Repetam hic vero primum Augustini dictum illud celeberrimum apud Gratianum (1): *Generale pactum est societatis humanæ Regibus obedire*. Afferam deinde (neque elegantioribus ingeniis, quibus vetera maxime sapiunt, fastidium me creaturum suspicor) nonnulla Sophoclis effata, quæ ad rem mi-

(1) Dist. VIII. Can. 2.



mihi magis facere videntur: quorum primum ita se habet (1).

„ Αλλ' ον πολις σσειε τδε χρη κλυειν

„ Και σμικρα και δικαια, η ταναυτια.

„ Quem Urbs præfecit, hic audiendus est

„ De parvis, justis, & injustis

Et idem v. 989. clarius ibidem.

„ Κρατ' δ' οτω κρατος μελει

„ Παρὰ βχτον υδαμη πελει.

„ Auctoritas non est violanda

„ Eorum, qui Imperium tenent.

Ratio est, quam ob similem fere causam tradit Plautus (2):

„ Indigna digna habenda sunt, herus  
„ quæ facit;

ut consistat nempe dominica potestas, servique heros debito prosequantur obsequio. In eamdem sententiam Sophocles (3) alibi, Principem inducit Creontem ita loquentem:

M 3

υβρις,

(1) Sophocl. in Antigone v. 676.

(2) Plaut. Captiv. II. I. 6.

(3) Sophocl. in Oedip. v. 922.

υβρις, ἀλλ' ἀνεκτα;

„ Est contumelia, sed ferenda tamen.

Quamobrem Plato, omnesque porro, qui Poëtas secuti sunt Philosophi, alii que prorsus orationis Scriptores, una omnes voce idem Jus contutati etiam sunt. Et Plato quidem in Apologia (1) Socratis: Το δ' αἰσχροῦ ἐστὶν οἶδεναι, καὶ τοῦ ἀπειθεῖν τῷ βελτίοντι, καὶ θεῷ καὶ ἀνθρώπῳ, ὅτι κακὸν καὶ αἰσχρὸν εἶναι οἶδεναι: hoc unum certo novi inferre cuicumque injuriam, aut rebellem esse ei, qui nobis superior præsit, seu Deo seu homini, illud vero nefarium & turpe esse (2). Seneca autem ita scribit (3): Judex est, qui ledere videtur? plus illius credas sententiæ, quam tuæ. Rex est? Si nocentem punit, cede justitiæ; si innocentem, cede & for-

(1) Plat. p. m. 29.

(2) Apposite observandum est, Græcas Gentes tanto cum obsequio Reges olim suos coluisse, ut nihil sibi adversus eos permiserint. Reges tamen apud eas, non erant, uti apud nos, summo aucti plenoque Jure. Vid. Diss. nostram in hujusce libelli calce. Adeo verum est, Reges tamquam Deo oriundos suspicere, subditos debere! neque illud adrogari sibi resistendi Jus, quod Dei ordinationi opponi luculenter ex super. constat.

(3) Sen. De Ira Lib. II. Cap. XXX.

*& fortuna. Idem alibi (1): agebant gratias, & quorum liberi occisi, & quorum bona ablata erant. Apud Plinium vero extat Senatusconsultum hujusmodi (2): voluntati Principis sui, cui in nulla re fas putaret repugnare, in hac quoque re obscurum fuisse Pallantem. Apud Thuanum tandem Renandius ita loquitur (3): Regibus parere, etiam iniqua imperantibus, vox Dei jubet, eosque, qui potestatibus a Deo constitutis minime obediunt, Dei voluntati resistere, extra dubium est. Neque ob aliam rationem principalibus cautum fuit constitutionibus (4), sacrilegum esse, qui de principali judicio disputaverit. Unde etiam veteri Romano jure obtinuerat, ut res judicata pro veritate haberetur; & cum Prætor, cognita causa, per errorem, vel etiam ambitiose juberet, hereditatem, ut ex fideicommissio, restitui, etiam publice interesse censeretur restitui, propter rerum judicatarum auctoritatem (5):*

M 4 Cui

(1) Idem de Tranquill. Cap. XIV.

(2) Plin. Lib. VIII. Ep. VI.

(3) Thuan. Lib. XXIV. conf. Amm., Marcel. Lib. XX. Cap. V.

(4) L. 3. C. De Crim. Sacrileg.

(5) L. 65. §. 2. ff. ad Sc. Trebell.

Cui Mæciani sententiæ apposite addi etiam potest celeberrima illa Ulpiani (1) lex, cui est initium, *Barbarius Philippus*.

§. IV. Sequitur hinc, omnes olim pe-  
razque Gentes censuisse, Civibus non li-  
cere Principi obistere etiam injuste a-  
genti: quippe & dum ita agit, summum  
ei rerum arbitrium Deus tribuit, obse-  
quii tantummodo gloria subditis reli-  
cta (2). Quod ita quidem intelligendum  
puto, ut a civibus jus sit omnino ser-  
vandum, non resistendi necessitas, ac  
si resistent, sine dubio contra Dei volun-  
tatem peccent: a Regibus autem minime  
jus

(1) L. 3. ff. De offic. Prætor.

(2) Itaque videmus, quod licet aliquando Reges  
si quid delinquerent, apud nonnullas Gentes suo-  
rum facinorum pœnas luerint, eædem tamen ausæ  
non sunt Regibus suis manus inferre impias violen-  
tasque. Testatur sane Plinius Lib. VI. Hist. Nat.  
§. 24. v. 10. ex edit. Hard. Tom. I. in fol. pag.  
324. *Incolas Tapobranenses, Regem, si quid de-  
linquat, morte mulctari, nullo interimente, averfanti-  
bus cunctis & commercia etiam sermonis negantibus.*  
Cæterum clarissime Dupinus ostendit, quod Reges,  
si quid peccent, a nemine præter Deum tempora-  
li pœna plecti possunt. Leg. Dup. Diss. De An-  
tiq. Eccles. Discipl. VII. Cap. II. §. 2. & eundem  
Dans *Traité de la Puissance Eccles. & Temporel.*  
Art. II. Sec. Preuve Pag. 92.

jus est pro lubricine Civium bonis abuti, ipsisque civibus injurias inferre manifestas. Quod si faciant, Deum vindicem fore aliquando: impune autem facturos certum est ratione Populi, qui cum minime sit Principis βασιλεως, ipsis resistere nequit. Omnia itaque veterum Scriptorum, quæ attulimus, testimonia, de Regum more ac facti impunitate, non autem juris, intelligenda arbitror; quemadmodum intelligenda etiam Memmii Tribuni Plebis verba apud (1) Sallustium; *impune quidvis facere, id est Regem esse*, bene censet clariss. Barbeyracius (2). Neque secus intelligenda est Ulpiani lex (3), qua sapientissimus hicce Jurisconsultus, Principem legibus solum pronuntiat: quatenus nempe deficiat vis coactiva, quæ Principem legibus compescat. Quamobrem recte etiam doctissimus P. De Marca (4) lege Julia Majestatis eum teneri de-

(1) Sallust. De Bell. Jugurth. Cap. XXXI. in fin.

(2) Barbeyr. ad Grot. Lib. I. C. IV. n. 2.

(3) L. 31. ff. De Leg.

(4) P. De Marca De Conc. Sac. & Imp. Lib. I. Cap. X. Quamvis autem civilibus legibus solutos se Principes intellexerint, Imperii tamen dignum

decernit, qui Principem legibus facit obnoxium, eo sensu, ut si in leges impingat, poenis legum queat coerceri: cum alioquin ex Æschyli sententia, quam alibi retulimus,

„ Rex est suo utens jure, nulli  
„ obnoxius.

Quæ enim aliter illius dignitas five Majestas constabit, qui summo fungitur imperio, nisi omnibus soluta legibus, libera quoque sit promiscua a subditis resistendi licentia? Hinc apud Aristotelem extat, quod  
*ἡ ἀρχὴ ἐχὼν ἐκταλῆναι, καὶ δὲ ἀντιπληγῆναι,*  
*si Principatum (alii Magistratum) gerens,*  
*aliquem verberavit, reverberandus non est* (1). Quare jure civili apud Romanos  
re-

gnum Majestate putarunt, legibus vivere. Quod Divi Severus & Antoninus sæpe rescripserunt. Quare Paulus L. 23. D. De Leg. 3. *decet tantæ Majestati, eas servare leges, quibus ipse solutus esse videtur*. Ipse autem Imperator Alexander L. 3. C. De Testam. rescripsit; *nihil tam proprium imperiū esse, quam legibus vivere*. Scite Paternulus: *Princeps imperio maximus, major est exemplo*. Conf. Senec. Lib. 1. de Clem. Cap. 1.

(1) Aristot. Ethic. ad Nicom. C. 2.

receptum, quod si miles (1) Centurioni se castigare volenti resistit; si vitem (idest baculum, uti Gronovius censet, quo Centuriones uti in signum dignitatis solebant) tenuit, militiam mutat; si ex industria fregit; vel manum Centurioni intulit, capite punitur. Ubi male satis Pererius (2) putat, resistere posse militem, si Tribunus atrocius castiget: quævis enim atrocitas militi, qui obnoxius est, jus nequit tribuere, quod Centurioni jure resistat. Adscita enim hac licentia, jam amplius militum disciplina non constat.

§. V. Quo posito temperamento de Regum jure ac de non resistendi necessitate ratione Populi, facilius Lex Hebræa intelligetur, quæ nostræ confirmandæ sententiæ videtur apposite facta. Verum enim vero ex Reg. Lib. I. apparet, quod magno animorum motu Hebræos Regem petentes Samuel hisce verbis (3) alloquitur. *Hoc erit jus Regis, qui imperaturus est vobis: filios vestros tollet & ponet*

(1) L. 13. §. 4. ff. De Re Milit.

(2) Tit. C. De Re Milit. n. 36. arg. L. 5. C. De Jure Fisci.

(3) Reg. I. Cap. VIII. V. XI.

net in curribus suis, facietque sibi equi-  
 tes & præcursores quadrigarum suarum.  
 Et constituet sibi Tribunos & Centuriones  
 • & aratores agrorum suorum & messorum  
 segetum & fabros armorum & currum  
 suorum. Filias quoque vestras faciet sibi  
 unguentarias & focarias & pacificas. Agros  
 quoque vestros & vineas & oliveta opti-  
 ma tollet & dabit servis suis. Sed & se-  
 getes vestras & vinearum redditus addeci-  
 mabit, ut det Eunuchis & famulis suis.  
 Servos etiam vestros, ancillas & juvenes  
 optimos & asinos auferet & ponet in ope-  
 re suo. Greges quoque vestros addécimabit,  
 vosque eritis ei servi: & clamabitis in  
 die illa a facie Regis vestri, quem ele-  
 gistis vos, & non exaudiet vos Dominus  
 in die illa, quia petistis vobis Regem.  
 Noluit autem Populus audire vocem Sa-  
 muelis, sed dixerunt. Nequaquam: Rex  
 enim erit super nos. Et erimus nos quo-  
 que sicut omnes Gentes, & judicabit nos  
 Rex noster; & egredietur ante nos & pu-  
 gnabit bella nostra pro nobis. . . . Dixit  
 autem Dominus ad Samuelem: audi vocem  
 eorum, & constitue super eos Regem. Ex  
 omni autem veteri Jure Sacro vix novi  
 quidquam validius aut luculentius argu-  
 men-



mentum ad faciendam non resistendi obligationem illam, quam posui; quæ id propterea inter Regis jura hoc loco statuitur. Et re quidem vera ex hoc loco patet; quod si Rex summa abutatur potestate, subditisque agros per summam injuriam, vineas & oliveta abstulerit optima, tamen jure faciet; quatenus nempe hoc Regis factum, aliquem juris effectum contineat, idest patiendi necessitatem ex parte Populi, sive non resistendi obligationem. Quamobrem in compertis est apud doctores (1) homines, Samuelem hinc haud loqui de jure vero, (quasi Regis apud Hebræos fuerit, subditos opprimere, eosque omnibus fortunis evertere), quod longe aliud fuisse constat (2) aliunde; neque nudum hic Regum indigitari factum. *Hebræa vox, inquit Calmet, sonans jus vel judicium, significat etiam morem, usum, consuetudinem. Juxta hunc sensum, Jus Regium illud dicitur, quod sibi permissum Rex arbitraturus esset, quodque factururus foret*

(1) Vid. Calmet ad h. L. Com. Litt. in Lib. I. Reg. Cap. 8. 2. 11. & Grot. Lib. I. Cap. IV. §. III.

(2) Deut. XVII. 14. & seq.

foret impune . Quare clarissimus Claud. Salmasius etiam scribit (1), *non de facto nudo, ut quibusdam placet, jus illud accipiendum.*

§. VI. Præsto autem est ratio, qua factum est, ut jus illud apud Hebræos obtineret, quod modo adducto Samuelis loco, exposuimus. Itaque nemo dubitat, Hebræos reliquarum Gentium Orientalium morem, administrationis Judicum pertæsos, adoptasse: apud Gentes autem Orientis, ut tum res erant, subditi erant vere servi, quibus non licebat resistere Dominis; quippe ratione Principis haud longe a Romanorum Servis distabant, apud quos servi erant *απρωτοιο*, videlicet sine persona. Quamobrem non erant possidendo, cum essent res, ac non secus ac reliqui animantes, alienationi ac commercio, *generatim* erant obnoxii. Apud Orientales vero Principibus suis ita Populi fuerunt obnoxii, tamquam heris mancipia. Ita primum apud Ægyptios obtinuisse ex Genesi (2) patet: De Persis  
autem

(1) Cl. Salmas. Cap. II. Defens. Reg. pag. 24.

(2) Gen. 47.

autem testatur Herodotus (1), cum Cambyfes Rex *Satrapas* consuluisset, utrum sororem suam uxorem recte duceret, illos respondisse; nullam se quidem legem nosse incesta illa connubia permittentem, unam tamen sibi præsto esse, quæ Persarum Regibus liberam daret facultatem, omnia gerendi pro arbitrio. Hinc apud easdem Gentes, viri quique Principes, Regis servos se appellabant, nec meliorem, quam servorum subibant conditionem. Quare Aristoteles (2) scribit, quod *Στρατηγοὶ καὶ Σατράπαι δέσποιναι τῆς μεγάλης Βασιλείας*: *Satrapæ toti Imperio præfecti*, ipsique Regis fratres, *servi magni Regis* appellabantur. Licet autem inter Orientales, nulla Gens præter Hebræam, liberior fuerit; quam tamen subjectionem Regibus suis præstitit, eam vero *servitutis* nomine indigitat scriptura. *Numquid non vos servi Saul?* Goliath Israelitas objurgat (3). Item Syriam, Moabitidem, & Idumæam Davidi legimus (4) serviisse.

Ne

(1) Herod. Lib. III. Cap. XXXI.

(2) Arist. De Mundo.

(3) I. Reg. XVII. 8. 9.

(4) Lib. II. Reg. VIII. 6. & 2. & 4.

Ne itaque mirum cui sit, cur ex veteri jure Sacro, non licuerit Populo Regibus resistere, quibus non secus ac reliquæ gentes, Judæa quoque gens serviebat. Ex sublimiori namque consilio Deus voluit, ut adscito ab Hebræis regio Imperio, unde quaque Regia defenderetur Majestas; ne alioquin Sacram eorum personam Populus quovis obtentu impeteret quam solidissime. Hujusmodi autem Regum facinora, quibus Populi rebus personisque, Reges impune abutuntur, vindicanda sibi Deus reliquit, quippe quæ honestate ac justitia destituantur. Apposite Augustinus apud Gratianum (1). *Secundum catholicam fidem, & sanam doctrinam, & intelligentibus perspicuam veritatem, nec naturæ Dei nocere potest quisquam, nec natura Dei nocere injuste cuiquam, vel nocere injuste (scilicet impune) patitur quemquam.* Ceterum gravis isthæc inter eruditos lis de genuino expositi Samuelis Textus sensu, licet sub judicibus diutius perennaverit, non video tamen, quâ tandem

(1) Grat. Caus. XI. q. III. Can. 47.

dem alia finire via possit (1). Alioquin absolute alibi Deus iusserat, mortis supplicio damnari eos, qui aut Summo Pontifici, aut ei, qui extra ordinem Populi Rector constituebatur, uti Grotius (2) putat; aut consistorii seu confessus magni Iudicibus, resisterent, uti censet Seldenus (3).

§. VII. Ad Jus quoque Sacrum vetus de non resistendo Principibus referam, quæ alibi de Regum persona leguntur, habita sacra testata, ex vi mandatorum divinorum, etiam cum in certissimo ac gravissimo vitæ discrimine versarentur (4).

N qui

(1) Vid. apud Tesmarum doctiorum opiniones de hocce Samuelis Textu. Tesm. ad Grot. Lib. I. Cap. IV. §. III. edit. in fol. MDCXLVI. Francf. ad Mœnum.

(2) Grot. Lib. I. cap. IV. §. III. n. 1.

(3) Selden. in Prolegom. *De Uxore Hebr.*

(4) Non levis quibusdam se offert dubitatio, an lex de non resistendo, subditos in gravissimo etiam ac certissimo obliget discrimine? Quæ dubitatio inde ortum trahere videtur, quod leges omnes etiam divinæ, quæ sunt generaliter prolatæ, tacitam habent summæ necessitatis exceptionem. Quam sententiam probari etiam video doctissimo Heinec. Lib. I. de I. N. & G. Cap. VI. in not. ad §. 159. Itaque, licet absolute Deus sanxerit, a Iudæis Sabbathum coli debere; Hasamonæorum tamen temporibus a sapientibus desinitum, summæ aliquando necessitatis speciem excipiendam. Quare cui non

qui eorum Personam reveriti, manus Regibus violentas inferre dubitarunt. Profecto David in hujusmodi constitutus periculo, Saulis personæ pepercit (1), non ex sublimiori quidem consilio, uti cum multis Barbeyracius (2) putat; at ex officii, quod

dictum; *periculum animæ impellit Sabbathum* ? Sive, ut Casaubonus Exercitat. I. ad Baron. 12. 17. p. 66. vertit, *solvit necessitatem servandi Sabbathi* ? Unde Judæus ille apud Synesium neglectæ legis de Sabbatho causam hanc reddit Maccabæor. Lib. I. C. 9 1043. & 44.) : *συνεπὶ τῆς ψυχῆς* *luxur deusur*, *in certissimum vitæ periculum adducti sumus*. Hanc exceptionem ipse Christus probavit Matth. XII. 4. ubi rotunde affirmat, Sabbathum propter hominem, non hominem propter Sabbathum fuisse factum: quæ exceptio recepta etiam fuit in interpretanda lege de non edendis panibus propositionis, uti constat ex I. Sam. XXIII. 6. Quæ exceptio non ea ratione obtinuit, quod Deo Jus fortasse non sit ad certam mortem nos obstringere; at potius quod illud est nonnullarum legum ingenium, ut credi vix possit, ex tam rigida latas voluntate. Utcumque autem ista sese habeant, verum tamen est, leges naturæ, aut divinas, nullibi calum necessitatis excipere; neque umquam fieri potest, ut necessitas jus alicui contra naturæ leges impertiatur: quod Henricus Cocceii ad Grotium contendit. Ex Jure autem naturæ est, ut Jus necessariæ etiam defensionis numquam competat subditis, sive singulis, sive pluribus; quod antea demonstratum clarius.

(1) Lib. I. Reg. Cap. XXIV. v. 10. 11.

(2) In not. Gallicis ad Lib. I. De I. B. & P. C. IV. §. VII. n. 6.

quod assero, necessitate. Ipse porro David apertis inquit (1) verbis, infontem neminem futurum, qui manus Regi intulerit. Ubi observare non gravor, quod licet David, Rex jam a Deo declaratus fuisset, adeoque Sauli jam foret æqualis, veritus tamen est, Sauli manus inferre violentas: quanto igitur minus privato homini id licebit? David vero pulchre norat, quod in Lege Veteri scriptum erat: *Diis nempe (2) non maledices & principi in populo tuo non maledices*. Quare Optatus Milevitanus hæc Davidi verba (3) tribuit: *Volebam hostem vincere, sed prius est divina præcepta servare*: Josephus autem de Davide (4) scripsit: *Sed statim pœnitentia ductus injustum facinus esse dixit*, Φονευσεν τον εαυτη δεσποτην, *dominum suum occidere*, ἔδε τον υτο τη θεῃ Βασιλειᾳ ἀξιωθεντα, *eumque qui a Deo Rex constitutus est*. Hinc legitur (5), Davidem pœnitentia etiam tactum, quod Saulis

N 2

ve.

- (1) Lib. I. Reg. Cap. XXVI. v. 9.
- (2) Exod. XXII. v. 28.
- (3) Lib. II.
- (4) Joseph. Lib. VI. Cap. XIII. §. 4.
- (5) Lib. I. Reg. Cap. XXIV. v. 6.

vestem conscidisset. Hæc autem, quam  
 assero ex Jure veteri, non resistendi ne-  
 cessitas, non tantum Regum Personas ab  
 omni liberavit impetu, verum etiam om-  
 ni exemit calumniarum periculo. Itaque  
 non manu tantum, at ne voce quidem  
 Regum personas lædendas, Veteres existi-  
 marunt. Hinc vetus illud; *Diis non ma-  
 ledices*: cui congruit Problematum scrip-  
 tor, quæ Aristoteli vulgo tribuuntur:  
 κακηγορων τ' αρχοντα, εις την πολιν υβριζει,  
*qui Principi maledicit, in Civitatem est  
 injurius*. Quamobrem Romanis legibus  
 etiam cautum, ut Tribuni Plebis ασυλοι,  
 idest inviolabiles sanctique essent, & apud  
 Essenos, Reges pro sanctis habiti. Unde  
 apud Homerum non immerito Heros  
 ille (1).

. . . . . Περι γαρ διε ποιμενι λαων  
 Μη τι παθῃ.

Pro populi pastore timebat,  
 Ne quid pateretur.

#### §. VIII. De Jure quidem veteri Sa- cro

(1) Iliad. V. v. 566. & seq.



cro hætenus: ad novum modo deveniam,  
 quod veteri profecto clarius est ac per-  
 fectius. Primum autem sistam hic Petri  
 Apostolorum & Ecclesiæ Principis sen-  
 tentiam nobiliorem, quæ ita se habet (1).  
*Regem honorate: servi, subditi estote cum  
 omni timore dominis, non solum bonis &  
 æquis, sed etiam duris. Hoc enim cedit  
 gratiæ, si quis propter conscientiam Dei,  
 suffert molestiam, injuste afflictus. Quæ  
 enim gloria est si peccantes & colaphis cæ-  
 si subsistitis. Sed si bene agentes, & ta-  
 men male habiti, subsistitis, hoc cedit vo-  
 bis gratiæ apud Deum. Cujus præcepti  
 memoriam, quam vellem, subditi quo-  
 tidie recolerent! Opportune autem hic  
 adnotandum est, ad subiectionem perfe-  
 ctam subditos Apostolum adhortari,  
 etiamsi eorum domini iniqui sint ac du-  
 riusculi. Quod confirmat auctor consti-  
 tutionum, quæ vulgo Clementi tribuun-  
 tur, cujus hæc sunt verba: *Servus Deum  
 timens, simul bene heri suo velit, καὶ  
 ἀσεβῆς, καὶ πονηρὸς υπάρχῃ, quamvis impius  
 quamvis injustus existat* (2). Duas hujusce*

N 3

præ-

(1) Epist. I. C. II. v. 17. 18.

(2) Lib. IV. Cap. XII.

præcepti rationes Petrus reddit. Primam, propter *Dei conscientiam*; quatenus nempe subditorum quisque, licet male habitus, heris ac Principibus suis minime debeat resistere, ob eam fiduciam, quam in Deo collocare debet, ipsum videlicet aliquando fore injuriarum vindicem, qui iustus est, quique neminem infontem lædi sinit a quoquam impune: quippe pollicitus; *mibi vindictam, ego rependam*. Quæ ratio mirifice nostræ quadrat sententiæ. Altera vero ex merito petita est, quod sane illustrius evadit, si afflictis rebus, subditi tamen haud norint Principibus oblistere propter voluntatem Dei, cujus ordinatio est, ut alibi vidimus, omnis potestas, quæ homines resque humanas moderatur. Neque illud prætereundum quod idem Apostolus subditos adhortatur, ut ne Reges solum suspiciant honorentque cum timore, verum etiam, ut si quando eos affligerent immerito, nullam tamen sibi resistendi facultatem permittant, at æquo potius animo injurias ferant. Cui Petri præcepto mire congruunt profani etiam scriptores. *Ferenda Regum ingenia*, inquit Ta-

Tacitus (1) : idemque alibi : *Bonps Imperatores voto expetendos , qualescumque tolerandos* (2). Antea Livius : *Ut parentum sævitiam , sic Patriæ , patiendò ac ferendo leniendam esse* (3).

§. IX. Principes autem procul dubio sunt rei tutores publicæ , civiumque singulorum parentes . Quamobrem sicuti ipsa suadente natura receptum est , ut Patris imperia quisque vereatur ; Paterque amandus *si æquus est , si non , ferendus* , ut P. Syrus ( 4 ) inquit : ita non secus ferendi Reges si fortasse fuerint iniqui . Apposite de Lysimaco Justinus (5) : *Magno animo Regis , veluti parentis , contumeliam tulit . Quo vergunt etiam Demosthenis verba* (6) : *Quisquis ad Remp. accesserit , modo bonus civis esse velit , cum sic erga omnes cives affectum esse decere , ut liberos erga parentes ; ut eos quidem quam æquissimos experiri optet , sed qualescumque fuerint , ferat æque animo . De*

N 4

paren-

(1) Lib. XII. Annal. Cap. II.

(2) Histor. IV. C. VIII.

(3) Liv. lib. XXVII. Cap. XXXIV.

(4) P. Syr. v. 28.

(5) Just. Lib. XV. cap. III.

(6) Demosth. Ep. III. prop. fin.

parentibus autem Terentius noster (1),  
 „ Nam matris ferre injurias me ,  
 Parmeno, pietas jubet.

Et alibi adolescens ille apud eundem ,  
 ad rem uxoriam, a qua longe abhorre-  
 bat, Patris imperio adactus , postquam  
 de patre multa imprudens effutiverat ,  
 se tandem Patri adversari non posse af-  
 firmat hisce verbis (2): *Tum patris pu-  
 dor , qui me tam leni passus est animo  
 usque adhuc , quæ meo cunque animo li-  
 bitum est facere , cine ego ut adverser ?  
 hei mihi ! incertum est quid agam .* Quam-  
 obrem Plato (3): *irascantibus parentibus  
 æquum est liberos cedere ;* & Cicero Ora-  
 tione pro Cluentio Cap. VI. *non modo  
 reicere homines parentum injurias , sed  
 etiam æquo animo ferre oportet .* Quare  
 adolescens ille apud Ælianum (4) , Ze-  
 nonis auditor, rogatus ecquid didicisset ,  
 illud unum se didicisse asseruit, *οργὴν πατρός  
 φέρειν* , iram patris ferre.

§. X.

(1) Terent. Hecyr. Sc. III. act. I. v. 21.

(2) Terent. And. Act. I. Sc. V.

(3) Plat. De Legib. IV. p. m. 717. Conf. Quin-  
 til. Declm. 17. & eundem Declam. 310.

(4) Ælian. var. Hist. IX. 33.

§. X. Petro nunc vere comitem addamus Paulum, qui subditorum officia late describens: *Qui obsistit, inquit, potestati, Dei ordinationi obsistit: tum vero, qui obsistunt, sibi ipsis condemnationem accipient* (1). Mox addit insuper: *Dei enim minister est qui potestate fungitur tuo bono*. Deinde: *quapropter necesse est subici, non solum propter iram, sed & propter conscientiam*. Perspicua sunt hæc Pauli verba, quò non resistendi ostendatur necessitas. Ait enim subditos minime posse aut debere Summis resistere Potestatibus, tum propter *condemnationem*, cum propter *conscientiam*: nempe tum ex formidine majoris mali, supplicii nimirum poenæque præsentis, cum ex ipso intimo sensu officii nostri, quo Principibus parere a Deo jubemur, iisque nos male habentibus modeste etiam auscultare, nec audacter resistere, violentasque inferre manus. Officium vero cum minime intelligatur, nisi existat Jus, cum quo comparetur hominis actio; hinc Paulus dixerat, officium illud manare ex ipsa ordinatione,

(1) Ad Rom. XIII, 2. & seq.

natione Dei, qui summam Potestatem Civilem jussit ob utilitatem communem, quæ licet aliquando cesset, in summa tamen perpetuo constat. Quare addit Principem esse Dei ministrum, qui potestate nostro fungitur bono. Repetam hic quod pluribus sum alibi prosecutus, Apostolum nempe Principem appellare Dei ministrum, non eo quidem sensu, quo Grotius (1) putat, nempe per *approbationem* dumtaxat subsequenter, at per antecedentem *jussionem*. Summa enim Potestas Dei *ordinatio* appellatur a Paulo, non *approbatio*. Et re quidem vera utitur Paulus voce *τάττειν*, quæ ut græcæ Linguae periti norunt, plus significat quam probare. Probamus enim quæ ab alio gesta & constituta, ordinamus vero quæ nullum præter nos auctorem habent, cujusque nos principium sumus. Ita quidem Princeps a Deo tamquam omnis ordinis principio pendet, opisque humana Summam tantum Potestatem fovet. At legenda sunt quæ superius hac de re.

§. XI. Jus tandem Ecclesiasticum resistendi

(1) Lib. I. Cap. IV. §. IV. n. i.

stendi vetat licentiam Summis Potestatibus, ac generatim cavit, debere minores majoribus obedientiam præstare, ut Dei voluntas fervetur (1). Aliquando autem ac veluti perfunctorie, cavit etiam de necessitate, qua subditi tenentur, Principibus non resistere. Ita clamat Augustinus apud Gratianum (2): *qui resistit potestati, Dei ordinationi resistit*, ubi, ut alibi dictum est, præceptorum collisionem excipit, affirmatque ea tantum in specie non teneri subditos Principibus obtemperare, si isti jubeant, quod est contra Dei legem. Neque tamen hac etiam in specie ipsis resistendi licentiam permittit: ait enim pari eos debere potius intra carceres obtrudi necemque subire, quam peccare in eum, qui gehennam minatur. Quod repetit Augustinus idem alibi apud Gratianum tum dist. 9. c. 1. cum caus. 11. q. 3. can. 98. quorum canonum liceat hic nonnullas exhibere lacinias. Ex canone 98. habetur: *Julianus exstitit infidelis Imperator. Nonne exstitit apostata,*  
ini-

(1) Grät. Dist. XCIII.

(2) Caus. XI. Quæst. III. c. 97.

iniquus, idololatra? Milites Christiani  
 servierunt imperatori infideli. Ubi venie-  
 batur ad caussam Christi non agnoscebant  
 nisi illum, qui in Cælo erat. Quando  
 volebat ut idola colerent, ut thurificarent,  
 præponebant illi Deum. Quando autem  
 dicebat, producite aciem, ite contra illam  
 Gentem, statim obtemperabant. Distingue-  
 bant dominum æternum a Domino tempo-  
 rali: Et tamen subditi erant propter Domi-  
 num æternum etiam domino temporali (1).  
 Quare mox (2) Isidorus apud eundem:  
 Si is qui præest, prohibet vobis, quod a  
 Domino præceptum est, vel rursus imperat  
 fieri, quod Dominus prohibet, execrabilis  
 sit omnibus, qui diligunt Deum. At al-  
 teram Canonis I. Dist. IX. §. I. laciniam  
 hic quoque inferendam censeo; quippe  
 quæ ad rem meam magnopere facit. Ea  
 vero est huiusmodi. Quicumque ergo le-  
 gibus Imperatorum, quæ pro rei veritate  
 feruntur, obtemperare non vult, acquirit  
 grande supplicium. Quicumque vero legi-  
 bus

(1) Conf. Can. 92. & 94. Caus. XI. quæst. III.  
 ubi Ambrosius eodem Juliani Imperatoris utitur  
 exemplo.

(2) Caus. XI. Q. III. Can. 101. §. I.



*bus Imperatorum, quæ contra veritatem Dei feruntur, obtemperare non vult, acquirit grande præmium . . . . . Rex Nabuchodonosor, cum servus esset Idolorum, constituit sacrilegam legem ut simulacrum (1) adoraretur: sed ejus impiæ constitutioni, qui obedire noluerunt, pie fideliterque fecerunt &c. Ex quibus manifestum est, sublata tantum collisionis specie, teneri perpetuo subditos Principibus obtemperare: illa autem posita, iis subditi non parent, at neque inde resistendi sibi obtentum quærere possunt. Quod juvatur etiam Can. 18. Concilii Chalcedonensis & Can. 4. Concilii Trullani. Tum luce clarius Concilium Toletanum IV. C. 75. cavit, dira verborum imprecatione æternis suppliciis condemnandum, quicumque in Principem infidelis extiterit, quod Concilio postea Toletano V. magis cautum (2).*

§. XII. Jus porro Canonicum non ab-

*solv-*

(1) Daniel. 3.

(2) Jampridem vero can. Apostol. 83. *Quisquis Imperatorem aut Magistratum contumelia affecerit, supplicium luit; & quidem si Clericus, deponitur; si Laicus a communione removetur.*

*solus* tantum vetat resistendi licentiam; verum etiam jubet subditos, licet injuste a Principibus tractentur, numquam tamen iis resistere, at Christi potius exemplo, quod urget (1) Petrus, sese ad patientiam componere. Quare Cyprianus apud Gratianum (2) inquit: *Dominus noster ipse Jesus Christus Rex & Juden & Deus noster usque ad passionis diem servavit honorem Pontificibus & Sacerdotibus, quamvis illi nec timorem Dei, nec agnitionem Christi servassent . . . quae omnia ab eo ideo facta sunt humiliter atque patienter, ut nos humilitatis ac patientiae haberemus exemplum*. Unde Gregorius I. apud eundem (3) Jo: Episcopo Ravennati in memoriam revocat, morem ecclesiasticum esse, modeste ac patienter ferre injustam etiam correptionem. Idemque alibi apud Gratianum (4): *Sententia Pastoris, sive justa fuerit, sive injusta, timenda est*. Urbanus autem I. ibidem (5): *Valde est timenda sententia Epi-*

(1) Petr. Ep. I. C. II. v. 17. & 18.

(2) Dist. XCIII. Can. 25.

(3) Dist. C. Can. 8.

(4) Caus. XI. q. III. Can. I.

(5) Caus. XI. q. III. Can. 17.

*Episcopi, licet injuste liget.* Qui quidem Canones licet de Ecclesiæ Pastorum sententiis caveant; cum Princeps tamen Pastor etiam sit ac Episcopus in iis, quæ extra Ecclesiam sunt, & ad Civitatem spectant, valent quoque de non resistendi necessitate, quæ subditos obliget non minus, quam Clericos, quos spectant canones superius adducti. Quo pulchre autem intelligatur, quam bene Ecclesiæ Pastores cum Principibus comparentur, Constantini Imperatoris ad Patres Nicænos nobile effatum hic appingam (1): *Vos in iis, quæ intra Ecclesiam; ego in iis, quæ extra geruntur, Episcopus a Deo sum constitutus.* Quare Imperatori etiam Marciano acclamatum est a Patribus Concilii Chalcedonensis sect. 6. τῷ ἱερεὶ, τῷ βασιλεὶ, *Sacerdoti, Imperatori.* Omnis deinde profitetur antiquitas, Principes nihil esse præterea, quam Populorum Pastores, λαῶν ποιμένες, uti plerumque eos appellat Homerus. Itaque Xenophon in-  
ter

(1) Euseb. in vita Constant. Lib. IV. Cap. XXIV. Conf. Petr. De Marca De Conc. Sac. & Imp. Lib. II. Cap. X. §. VII. ibique Fimianum.

ter alia Cyri effata etiam illud meminit memorabile, quo (1) *similia perhibuerit esse boni Pastoris, & boni Regis opera*, ως λεγοι παραπλησια εργα ειναι νομιως αγαθα κ. βασιλευς αγαθα. Ipse olim Deus (2) Davidem iussit Populum *pascere*. At ex Jure Canonico hac de re satis. Consuetudinem modo Christianorum veterum, quæ ad Jus quoque Ecclesiasticum *non scriptum* pertinet, paullo attentius inspiciamus. Demum & nonnulla ex Jure subnectemus Civili, quæ opportunissima fortasse Lectoribus videri queant.

§. XIII. Veterum Christianorum consuetudinem jam inde a rei christianæ primordiis auspicabor; quibus fiebat, ut persæpe omnium pessimis Imperium Romanum tenentibus, numquam tamen recentiores Christiani una cum reliquis, qui Reip. causa illis sese omni conatu opposuerunt, resisterent. Contra hæc perpetuo in iis, quæ ad Reip. salutem pertinebant morem illis gessere: quippe

(1) Xenoph. Cyrop. Lib. VIII. Pag. 450. edit. Londini in 8<sup>o</sup>.

(2) Lib. II. Reg. Cap. V. v. 2.

sciebant, quod bene Augustinus inquit, *se subditos esse propter Dominum æternum domino etiam temporali*. Quamobrem ex Tertulliano ad Scapulam patet, quod, cum in Septimium Severum Imperatorem valde sanguinarium, arma in Syria Pescennius Niger, in Gallia vero & Britannia Clodius Albinus, insuper in M. Antoninum Avidius Cassius, sumpsisset: noluerunt tamen Christiani eorum se conatibus adungere, iisque amice conjurare, qui sumptis armis, Remp. restitutos jactabant. *Circa Imperatoris majestatem infamamur*, Tertullianus inquit; *tamen nunquam Albiniani vel Nigriani vel Cassiani inveniri potuerunt Christiani*. Quæ consuetudo ex nullo præterea Christianorum facto constabit magis, quam ex Legionis Thebææ facinore omnium maxime memorabili, quæ, ut patet ex Actis, milites complectebatur sexies mille sexcentum sexaginta sex; Christianos omnes. Hi autem universi, qui penes se armorum vim tenebant, compellenti Maximiano Cæsari exercitum, ut Diis sacra faceret, obtemperare primum noluerunt, aliò arripientes iter: volentes deinde lubentesque ( tantum abest ut repugnarint)

O

passi

passi sunt, decimum quemque potius apparitoribus interfici, uti iusserat Imperator, quam sacra Diis Idolisque facere. Valens quoque Imperator crudeliter nimium impieque sæviit adversus eos, qui contra Arianorum sententiam Filium Patri *ὁμοουσιον* professi erant, Catholicis Nicænis consentientes: nemo tamen ullus, licet plurimi fuerint, armis semetipsum adversus Imperatoriam sævitiam rueri cogitavit; at Christi exemplo, eò usque patientiam porrexit, ut crudelitati æquo animo cederet. Quod quidem minime factum est, ut nonnulli putant, ex virium defectu: apertis namque verbis idem Tertullianus (1) prædicat: *Cui bello non idonei; non prompti fuissetus etiam copiis impares, qui tam lubenter trucidamur, si non apud istam disciplinam magis occidi liceret, quam occidere?* Quod repetit etiam Cyprianus (2) ad Demetrianum; egregieque Cyrillus Johannis locum de Petri gladio, in eandem exponit sententiam (3).

## §. XIV.

(1) Tertul. Apolog. Cap. XXXVII.

(2) Pag. 192. edit. Fell.

(3) Constat hinc, quod pluribus ostendit Dupin-  
nus,

§. XIV. Cui confirmandæ magis veteri Christianorum consuetudini, quam tantopere laudo, afferam hic quoque Nanzianzeni testimonium, quo clarissime ostenditur, Christianos, quos omnis ferme Imperatoris Juliani exercitus complectebatur, unis lacrymis pessimum defectorem repressisse. Namque *solum hoc*, Nanzianzenus (1) ait, *contra persecutorem erat remedium*, τὸ το μόνον ἔχοντων κατὰ δυνάμιν φάρμακον. Itaque Ambrosius hujusmodi veterum facta imitatus, ipsiusque Christi æmulatus exemplum, noluit, cum tamen posset, Maximî copiis abuti adversus Valentinianum Juniores Imperatorem, jam tandem Arianum, Ecclesiæque hostem infensissimum. Idemque, qui subditorum officia bene callebat, Mediolanensis Populi satis jam satis concitati motu impetuque adversus eundem noluit abuti: quinimo,

nus, non licere Christianis, neque etiam sub Religionis obtentu, vi armisque, Regibus, si sua potestate abutantur, resistere. Conf. Dupin. Dissert. VII. Cap. II. §. 3. & le Traité de la Puissance Eccl. Art. II. Treisième Preuve Pag. 104. & quatrième Preuve pag. 122. edit. in 8.

(1) Nanz. Orat. I. in Julian. Pag. 94. A.

nimmo, coactus, inquebat, repugnare non novi. (1): dolere potero, potero flere, potero gemere: adversus arma, milites Gothos quoque, lacrymæ meæ arma sunt. Talia enim sunt munimenta sacerdotis: aliter nec debeo, nec possum resistere. Quare apud Gratianum paulo ante eodem loco, & Ep. 33. ad Marcellinam sororem: si patrimonium petitur invadite; si corpus, occurrat. Vultis in vincula rapere? vultis in mortem? voluptati est mihi non ego me vallabo circumfusione Populorum, nec altaria tenebo vitam obsecrans, sed pro altaribus gratius immolabor. Quæ veterum Ecclesiæ Patrum effata, qui Christo & Apostolis virisque Apostolicis proximiores, eorum præscripta & intelligebant melius & perfectius implebant, luce clarius testantur propositum meum.

§. XV: Jus tandem Civile, huic de non resistendo Principibus sententiæ, veniat suppetias. Constat primum, ex l. 12. C. De Leg., Imperatoria Majestate nihil præterea inter mortales sanctius esse, neque

(1) Ambros. Orat. contra Auxentium Conf. Grat. Caus. XXIII. q. VIII. c. 21.



que venerabilius: quippe quæ Deorum in Terris imaginem præferat (1). Quamobrem eodem jure cautum est, proximum (2) sacrilegio esse censendum læsæ Majestatis crimen. Hinc apud Romanos florente Republica, ad præscriptum XII. Tabularum, vel Legis Corneliæ de injuriis, maledicta in Magistratum jaculata, vindicabantur. Unius postea Imperio obfirmato, læsæ Majestatis crimine tenebantur, quicumque dixissent scripsissentque, quod infamiam Imperatori crearet aut flagitium. *Crimen*, Paulus inquit (3), *Majestatis non solum facto, sed verbis impiis & maledictis maxime exacerbatur*. Quare Arnobius: *Majestatis sunt apud vos rei, qui de vestris Regibus secus obmurmuraverint* (4). Quæ licet scripta sint generatim, ita tamen accipienda sunt, ut nemini, Summæ Potestati resistere, liceat, neque verbis neque factis, quamvis Summa Potestate sua, Majestas abutatur. Alioquin opus hand

O 3 erat

(1) Sen. De Clem., Lib. I. Cap. I. *Ego ex omnibus mortalibus*, inquit Nero, *placui electusque sum, qui in Terris Deorum vice fungerer*.

(2) L. I. ff. ad Jul. Majest.

(3) Paul. Lib. 5. sentent. tit. 29. ad L. Jul. Majest.

(4) Arnob. Lib. IV. adv. Gent.

erat hujusmodi legibus : quippe certum est, non licere neque in privatum quemque maledicta gratis evomere, tantum abest, ut fieri illud possit in Principem. Quamobrem Charondas (1) apud Tullium non jussit solum, subditos Magistratibus obtemperare ; verum etiam præscripsit, ut eos diligenter colerentque. Cultus autem perfectus in eo profecto positus est, ut sive Magistratus bene, sive male agant, subditi tamen debito eos prosequi teneantur obsequio, eosque nedum amare, sed timere. Unde Zaleucus Locrensiū legislator nominatissimus; αἰδεῖσθαι, χρῆναι τὰς ἀρχάς.

§. XVI. Accedit præterea ad nostram tutandam sententiam, Jus Wisigothicum ac Langobardicum, quod æque ac Jus Romanorum, Principum cavit securitati. Lippis ac tonsoribus nota est Lex Wisigothica de non criminando Principe, nec maledicendo illi, quæ sic se habet : *sicut* (2) *in persona Principis omnibus prohibetur*.

(1) Cic. De Leg. Lib. III. Cap. II.

(2) L. VIII. Tit. I. Lib. II. Leg. Comentariorum ad h. L. clarissimi Fr. Lindebrogii in Ottonis Thesaur. Jur. Civ. Tom. IV.

*hibemus aut commovere nequitiam cogitationis aut manus iniicere ultionis, ita etiam nullum patimur in eum, aut notam ponere criminis, aut verba congerere maledictionis. Ex quibus verbis facile infertur, adeo fuisse Wisigothis Personam Principis sanctam, ut non solum nefas putarent, criminis notam Principi inurere, eumque maledictis laceßere; verum etiam ne de Principe quidem nequiter cogitare, cum tamen cogitationis poenam in foro externo nemo patiatur. Verba autem illa, aut notam ponere criminis, clare ostendunt, nemini apud Gothos licuisse Principem criminari, si male ei agere videretur, adeoque multo minus ipsi resistere. Congruit Wisigothorum Juri Lex etiam Langobardica, quæ est hujusmodi (1): Si quis contra animam Regis (Rotaris Rex sanxit) cogitaverit, aut consiliatus fuerit, animæ suæ incurrat periculum, & res ejus infiscentur. Neque longius hinc abit Cicero pro Rege Dejota-*

O 4.

(1) Leg. Lang. Lib. I. Tit. I. L. I. Leg. Ludov. Muratorium Rer. Italic. Scriptor. Tom. I. in fol. P. II.

jotaro . Quod si clarissimi Imperatores Theodosius, Arcadius & Honorius, celeberrima illa constitutione, quæ una extat in Codice, sub Titulo, *si quis Imperatori maledixerit*, noluerint eos, qui pudoris modestiæque nescii, improbo petulantique maledicto, nomina sua lacefferint, obtrectatoresque suorum temporum fuerint, poenæ subjugari: illud quidem non ex eo utique processit, quod impune a quovis tantum facinus admitti posse censuerint, at ex consilio solito sublimiori. Quod alibi nostræ congruenter sententiæ exponemus (1).

§. XVII. Illud modo paucis perpendendum restat, utrum scilicet, Magistratibus saltem inferioribus fas umquam sit, eorum resistere injuriis, qui Summum Imperium tenent? Nam nisi privatis id liceat, quod ultro concedunt nonnulli; teneri tamen Magistratus, sunt qui putant, etiam sub peccati poena. In quo turpiter non minus, quam qui privatis resistendi licentiam sinunt, hallucinantur.

Age

(1) Leg. Commentariolum nostrum ad L. un. C. *si quis Imp. maledixerit*, in hujusce libelli calce.

Age autem amoliamur hanc quoque sententiam paucis . Perspicuum est ex Petro (1) Apostolorum choryptheo, subiectos nos esse debere aliter Regi, aliter Magistratibus, Regi quidem, *ὡς υπερεχοντι Supereminenti*, Magistratibus autem tamquam missis a Rege, *Δι αυτου επιπομπηοις*, sive tamquam ejus legatis, qui potestatem suam omnem a Rege derivant. Quamobrem & Magistratus Regi subditi sunt non minus, quam privati, ac respectu Regis a privatis non abeunt longule. Unde Augustinus (2) ad Johan. de Pilato recte pronanciavit: *talem quippe Deus dederat illi potestatem, ut esset etiam ipse sub Caesaris potestate*. Itaque Regi absolute ab omnibus obtemperandum est, Magistratibus vero non nisi cum exceptione, nempe, nisi aliud jusserit Imperator ut alibi idem inquebat Augustinus. Præterea Paulus Apostolus (3) ubi ait Potestatem Summam a Deo esse, ibidem de-

(1) Pet. Ep. I. 12. v. 13.

(2) Aug. ad Johan. Tom. IX. edit. Antwerp. pag. 369.

(3) Ad Rom. XIII. 1. & seq.

cernit, *omnem animam* Supremis Potestatibus subicii debere, adeoque ipsos etiam Magistratus inferiores. Demum nunquam apud Hebræos, inferiores Magistratus, quorum plerique fortes fuere atque piissimi, Regibus suis apertam ullam vim opposuere. Ipsemet Samuel (1) coram proceribus & Populo, Saulem Summa jam Potestate abutentem, summa perpetuo veneratione est prosecutus. Quod Procerum præcipue ac Magistratuum inferiorum debitum officium est, Neque vero, si aliquando apud eosdem, inferiores Magistratus illud sibi juris usurparunt, ut Regibus resisterent, factum id est, sine Dei mandato *speciali*. Quamobrem apud scriptores etiam profanos, si quid adversus Reges aperta vi factum a populo aut Magistratibus fuisse, legitur; illud quidem non in humani facinoris approbationem, sed in divinæ Providentiæ id permittentis testimonium, narratur. Sicut ad divinam quoque Providentiam plerumque refertur; Reges a summo fortunæ apice in humilem conditionem dejectos.

Ita

(1) Lib. I. Reg. C. XV. v. 30.

Ita Imperator Valentinianus post quindecim annos in tristem servitutem ac inhonoratam a Sapore Persarum Rege reductus; ac Cyrus ipse, ( nisi falsum est, quod nonnulli posterorum memoriæ prodidere ) qui per annos triginta Persarum Rex felicissimus extitit, quique longius super Scythas Imperium proferre jam cogitarat, a Foemina tandem, Thamyri videlicet ( proh dedecus ! ) subactus, truncatur. Quæ nonnisi permittente Deo, qui Regna Regesque moderatur, facta fuisse recte Lipsius (1) affirmat.

§. XVIII. Quibus omnibus hætenus hinc inde perpensis, res modo postulat, ut longiusculam veluti navigationem emensus, me tandem in portum recipiam, atque longiori huic præ cæteris capitulo finem faciam. Paucis itaque me sic colligam. Nefas omnino est ex Dei consilio, vel privatis, vel Populo, vel Magistratibus inferioribus, Principibus quoque modo resistere: Summa namque Potestas

(1) Lipsius in Monit. & Exmpl. Politic. Monit. II. Tcm. IV. Oper. in Fol. edit. Antwerp. 1637.

rio a Deo derivare, *secundario* autem a Populo. Quod repetere modo non gravior, ut magis mihi met constem, magisque proposita sententia, quam pro virili aggressus sum hocce tueri libello, constet lectoribus meis; quos quam vellem sibi omnes in animum eandem imbibere! Jam vero tempus est, ut reliqua pergam, quæ hunc absolvant; meque alteri faciant libello, quem meditor, paratiorem.

## C A P. XII.

*Ex Superioribus Corollaria: quæ Principes subditis, subditos Principibus maxime devinciant. Ea vero clarissimorum Auctorum sententiis roborantur.*

§. I. **Q**Uoniam virili hætenus animo præsentique adversus Summorum Imperantium solito audaciores perduelles, causam dixi, Summamque eorum Potestatem, Summam hætenus servavi, neque *υπαθουνην πολει* (1) *Civitati obnoxiam*: operæ quoque pretium nunc

(1) Verba sunt Æschyli *Persis* v. 213. p. 135. edit H. Sieph.



nunc ompium maximum facturum mihi esse videor, ne omni saltem fructu vacuus hicce mihi primus forte excidat libellus, nonnulla hic observatu dignissima lectoribus meis sistere, quæ ex superioribus pleno, uti ajunt, alveo, fluunt.

§. II. Primum itaque corollarium illud esto. Cum non sit Potestas nisi à Deo, Regesque Homero cæterisque omnium ætatum Gentiumque scriptoribus habiti sint Διόγενες & Διωτρεφεις, Deo nati Deique alumni; hinc cujuscumque Civitatis populares, Summum Principum suorum Imperium, veluti Dei ipsius institutionem quamdam, summa cum Religione venerentur, eique pareant obsequentissime obtemperentque in loco. Facit hic aureum illud Ciceronis carmen: *Justa Imperia sunt; iisque cives modeste ac sine recusatione parento* (1).

§. III. Esto alterum. Quoniam Principum Potestas, ex Dei ordinatione, Summa est, nempe hujusmodi, ut ejus actus alterius Juri non subsint (2); procul dubio falluntur, eorumque reiicienda opinio

(1) Cic. Lib. III. De Leg. §. III.

(2) Grot. Lib. I. Cap. III. §. VII. n. 1,

nio est, qui ubique & sine ulla exceptione Summam Regiamque Potestatem Populo subiici putant. Falsos hinc animi se tandem agnoscant. Deo igitur O. M. præstantissimum illud Reges coercendi puniendique, si oporteat, arbitrium, permittant. Quare Populo non licet, uti nonnulli putant vecordes, etiamsi Reges Imperio suo abutantur, illos nec coercere, nec ullo adfligere malo. Memorabile est hic insigne illud M. Antonini Philosophi dictum: *Nemo, nisi solus Deus, iudex Principis esse potest* (1). Unusquisque autem Populus, dum res ita ferat, Regem suum eo affetur pacto, quo in Argiva Tragedia, Supplicibus, Fœminas illas peregrinas Regem allocutas, Aeschylus testatur (2).

„ Σὺ τοι τοῖς σὺ δὲ τὸ δημῖον

„ Πρυτανὶς ἀκριτῶς ὦν

„ Κρατύνεις βωμῶν ἐστὶν χθονός

„ Μονοψήφοις νευμάτι σέθεν.

„ Tu res Populi tuque Civitas

„ tota es,

„ Non

(1) Xiphllin. in ejus Vita pag. 271.

(2) Aeschyl. supplic. Pag. 320. edit. H. Steph. v. 375. & seq.

„ Non judiciis subditus ullis;

„ Regni folio fultus ut ara,

„ Unoque regens cuncta arbitrio.

Insignis est apud Gregorium Turonensem locus, ubi is Episcopus Francorum Regem hisce alloquitur verbis (1): *Si quis de nobis, o Rex, justitia tramites transcendere voluerit, a te corripi potest. Si vero tu excesseris, quis te corripiet? Loquimur enim tibi, sed si volueris audis: si autem nolueris, quis te condemnabit, nisi is, qui se pronuntiavit esse justitiam?* Vitigis quoque Rex apud Cassiodorum (2): *Causa Regia potestatis supernis est applicanda judiciis, quandoquidem illa e caelo petita est, & soli caelo debet innocentiam.* Et apud eundem Rex vere ait: *alteri subdi non possumus, quia iudices non habemus.*

§. IV. Esto & tertium. Quoniam Summa Potestas a Deo est, diligat Principem Populus tamquam a Deo caelitus missum, qui singulos sospitet, publicamque tranquillitatem procuret. Pius itaque adversus

(1) Lib. Histor. Cap. XIX. col. 223. edit. Ruinart.

(2) Cassiodor. Var. Lib. X. 31.

fus Principem esto; eumque non diligit  
 modo, at venerabundus amet secundum  
 Deum, veluti Dei imaginem, Patriæ-  
 que Parentem. Apposite Seneca<sup>(1)</sup>: *Prin-*  
*cipes Regesque & quicunque alio nomine*  
*sunt tutores status publici, non est mirum*  
*amari ultra privatas etiam necessitudines.*  
*Nam si sanis hominibus publica privatis*  
*potiora sunt, sequitur, ut is quoque carior*  
*sit, in quem se Respublica convertit.*  
 Unusquisque autem e Populo, quo bene  
 adversus Principem debito respondeat ob-  
 sequio, verset quotidie animo secum He-  
 bræorum illud: *Nisi Potestas publica es-*  
*set, alter alterum vivum deglutiret.* Qua-  
 re apud Chrysostomum legimus<sup>(2)</sup> iisdem  
 fere verbis: τῶν πόλεων τοὺς ἀρχοντας ἀν-  
 ἀνελθῆς, θείων ἀλογῶν ἀλογώτερον βιωσόμεθα  
 βίον, δακνόντες ἀλλήλους καὶ κτεθιόντες: *Nisi*  
*Civitatum rectores essent, feriolem feris*  
*viveremus vitam, non mordentes tantum,*  
*sed & vorantes nos mutuo.*

P

§. V.

(1) Senec. Lib. I. De Clem. Cap. IV.

(2) Chrysost. De Stat. Tom. VI. Pag. 502. E-  
dit. Savil.

§. V. Quartum tandem illud fit. Quoniam Reges a Deo Populis regundis administri constituuntur; nihil antiquius nihilque jucundius Principes habeant recta Populorum gubernatione, eorumque, quoad fieri potuerit, tranquillitate. Reminiscentur perpetuo aureum dictum illud Chrysostomi, Principum animis inscribendum, *homines*, quibus imperant, *esse Animal Deo carissimum* (1); neque *inhonoratam vilemque Dei possessionem*, *κα τιμον, εδ' ευτελες τα θεα κτημα*, uti Simplicius, Platonis vestigia secutus, eos (2) appellat. Quare ne uno quidem temporis articulo memoria excidat, summi Imperantis felicitatem numeris omnibus absolutam haud esse, nisi etiam subditi felices sint. *Sint, quibus imperes*, aiebat ille apud Plutarchum (3); & Cicero in  
reci-

(1) Chrysost. Serm. De Eleemofyn. Tom. VI. pag. 927. ejusd. edit.

(2) Simplic. Pag. 239. edit. Lugd. Batav. Salmatii. Plato antea in Phæd. pag. 62. Tom. I. edit. H. Steph. homines esse scripserat, *εν των κτηματων τοις θεοις*. Diserte, etiam Philo Judæus de somniis Pag. 581. edit. Paris. *Ζων το θεοφιλεστων*, hominem appellat.

(3) Sulla apud Plutarch. in ejus Vita Pag. 471.

recitato modo carmine , *justa imperia sunt*: inde enim fit; ut subditi, modeste ac sine recusatione pareant. Inscribebat hæc Deus, qui solus hoc potest, eorum præsertim animo, quibus res Christiana commissa est; eisque mentem divini humanique intelligentem Juris, duit!

§. VI. Jam vero , si quando pravis abrepti affectibus , iisque transversum acti, rectam minime ineant viam, qua publicam felicitatem tranquillitatemque, Principes procurent; pluribus superiori capite ostensum est, non licere subditis, Populo nimirum, aut Magistratibus, illis ullo pacto resistere. Nunc vero paucis inquam, illud inter minus frequentia habendum esse, quodque, ut bene Tacitus (1) ait, *meliorum interventu pensatur*. Deinde nec mihi tempero, iterum paucis asserere, nemini licere, iis resistere, qui Deum judicem habent. Itaque ea in specie luctuosissima, æquo animo incommoda toleranda, Deusque O. M. enixe exorandus, ut Principum mentem illustret, Populis præsertim Christianis,

P 2

qui-

(1) Tacit. Histor. Lib. IV. Cap. LXXIV.

quibus Servator noster patientiam persæpe indixit, veluti maxime proprium æternæ tranquillitatis comparandæ viaticum.

### C A P. XIII.

*De Summæ Regiæque Potestatis origine, ac progressu, sive de Juribus Principis. Quorum divisio per summa Capita primi est hujusce libelli clausula, alteriusque proponitur veluti argumentum maxime proprium. Herodoti atque Thucydidis de Summæ Potestatis Juribus sententiæ sugillantur. Dionysii Halicarnassensis ea de re, ac Aristotelis divisiones ostenduntur perfectiores. Omnium summam eam esse demonstratur, quam Grotius tradit. Eam vero Auctor sequitur, quam Puffendorfius ac Heinecius tradidere. Jura demum Principis omnia, Tabulis Decemviralibus conduntur.*

§. I. **Q**uemadmodum summa Principum Potestas ex Dei ordinatione ortum duxerit, satis explicatum arbitror superioribus: verum venio modo ad

ad id, quod superius etiam promisi, ac de Summæ Potestatis Civilis progressu, sive de Majestatis Juribus paullo altius repetito principio, nunc disseram. Summi itaque Imperii primordia hic tantisper commeditari in antecessum me juvat; ipsius porro progressum, sive Majestatis Jura pluribus ac perspicue congruenterque postea enarrare. Ipsa vero ordinis lex, nisi fallor, a me flagitat, ut propositum modo argumentum hoc capite pertractem. Quemadmodum enim de Summæ Regiæque Potestatis origine hæcenus disputavi; ita nunc de Summæ Potestatis Juribus, res postulat, ut disquiram. Quæ quidem Jura cum sint Summæ Potestatis, ut cum Scholæ loquar Philosophis, *partes integrantes*; non immerito ab eodem genuino fonte derivabuntur, a quo Summam ipsam Potestatem derivandam contendimus. Verum, cum illa Majestatis Jura, de quibus infra differemus, non continuo sese cum ipsa Summa Potestate explicarint, at tractu temporis Civitates ipsas bene constitutas sint consecuta; lubet, inquam, super Summi Imperii origine prima, paucis in antecessum philosophari.



§. II. Nemo unus sane dubitat, quin homines omni nexu soluti, vivere potius exleges adamarint, quam uni vel alteri, natura sibi æqualibus parere, iisque se, quanti quanti essent, mancipare. Pervidit rem istam, civilium rerum hominumque prudentissimus, Xenophon, qui in aureo Cyropediæ limine, (1) celeberrimi sui Cyri Persarum Principis, memoriam posteritati commendaturus, postquam multa sese de brutis animantibus hominibusque animo versasse testatur: statuit tandem, ea esse hominem natura, ut facilius illi sit, aliis omnibus animantibus, quam hominibus, imperare. Qui itaque factum jam tandem est, ut homines primævæ libertatis fere immemores, in Civitatem lubenter coiverint, ac unus vel plurium se Imperio reddiderint obnoxios? Id sane factum ea ratione, qua superius a nobis (2) dictum est pluribus; nunc vero paucis repetatur. Plebs nempe, hominumque multitudo primum dis-

fo.

(1) Xenoph. Cyrop. Lib. I. Pag. 1. 2. 3. 4. edit. Londini in 8. an. 1773.

(2) Conf. Cap. V.

fociata, cui non erat consilium, non ratio, non discrimen, non diligentia (1), ferarum vitam per lustra horridaque latibula cum viveret; facile passa est in unum se congregari locum a præstantiori aliquo feliciorisque ingenii viro; qui, Deo volente propitioque propiusque afflante, inter barbaram illam ferocioremque hominum gregem, floruit quam opportune. Neque enim cuivis demandanda illa erat tam difficilis in illo barbaro posito hominum gubernatio. Quamobrem quali quali Civili Societati instituendæ, ac institutæ deinceps retinendæ, aliquo opus erat governatore prudentissimo, qui Societati illi, quam instituerat, sapienter præesset, Socios Cives in officio contineret, degenerisque naturæ vitiosos motus cohiberet, mores aliquando dissolutos vi compesceret, ne remotis frænis vaga facile natura profliret, statimque ἀναρχία τὴν ἀταξίαν pareret. Conveniunt itaque sapientes, divinius quidpiam ac præstantius esse debuisse, cui tantum a Deo

P 4

mu-

(1) Conf. Cicero. Pro Plancio.

minus crederetur. Id quod graviter Platon (1) contendit; docetque insuper, id propterea Deum humano olim generi nonnullos præstantissimi animi singularisque virtutis viros, Heroas nempe, elargitum fuisse (2). Quæ licet vetustate nimia sint perobscura, veluti quæ magno ex intervallo loci cerni vix queant: ea tamen sic olim, temporibus nempe vetustioribus, accidisse, constans omnium scriptorum vox testatur.

§. III. Testatur apposite Imperator Julianus (3), Regem non facere, neque fecisse olim Imperii insignia: verum singularem virtutis præstantiam, quæ a Deo est. Dehinc ait: quamquam illorum erant nonnulli non obscuris parentibus orti, verum ob singularem præstantemque virtutem honore illos cultuque veteres divi non prosequabantur, Deorumque esse filios existimabant. Quamobrem paullo superius idem ait Imperator, veteres ingenii

(1) Plat. Lib. IV. De Leg. Vid. ibi Serranum.

(2) Conf. Franc. Balduini lcti Præfata De Jure Civili. Tom I. Jurisprudentiæ Rom. & Atticæ.

(3) Orat. II. Pag. 82. ex recens. Ezech. Spanhem.

genii quadam usos sollertia, Herculem Jovis filium prodidisse, necnon Ledaë liberos, atque Minoë[m] etiam ac Rhadamanthum Gnoſſium, *τὴς αὐτῆς ἀξιώσεως*, eadem fama & gloria celebrasse. Quod si aliquando autem, ut apud Tacitum legitur (1), insignis nobilitas, aut magna Patrum merita, Principis dignationem adolescentulis pepererit: id ea ratione obtinuit, quam bene tradit Polybius (2); subditi nempe ea in specie persuasum habent: *talibus viris*, virtute nempe insignibus, *prognatos & a talibus educatos*, animis quoque & voluntatibus *pares parentibus futuros*. Quam, nisi me fallit memoria, rationem refricat etiam Grotius, cum de Regnis loquitur hæreditariis. Redeo jam nunc ad propositum meum. Ipsemet Xenophon, quem modo memoravi, Cyro, inquit ibidem, Gentes etiam remotissimas auscultasse, quæ bene noverant, ne fore quidem ut ipsum umquam viderent. Adeo nempe virtutis  
ejus

(1) Tacit. De Morib. German. Cap. XIII.

(2) Polyb. Histor. Lib. VI. Cap. V.

eius omnium præstantissimæ opinio , re-  
 motiorum Gentium lingua moribusque  
 dissimilium, animos perculerat , ut nihi-  
 lominus obedire ei voluerint , *καὶ μὴδενα  
 ἐπιχειρεῖν αὐτῷ* , & nemo adversus ipsum  
 quidquam moliretur . Quin tam ingens  
 omnibus ingenti virtute sua ac præstan-  
 tissima, gratificandi Sibi desiderium iniecit,  
*ὡς αἱ τῇ αὐτῇ γυναικὶ ἀξίαν κυβερνασθαι* ,  
 ut semper ipsius arbitrio regi cuperent .  
 Cicero quoque , omnes vetustiores Gen-  
 tes Regibus quondam paruisse scribit ea  
 quidem ratione; *Quod genus Imperii pri-  
 mum ad homines justissimos & sapientissi-  
 mos deferrebatur* (1) .

§. IV. Quæ ostendunt manifesto , ex  
 singulari olim virtutis præstantia , quæ  
 a Deo est omni procul dubio , Dei vo-  
 luntatem vetustiores Gentes coniecisse ,  
 virisque propterea præstantissimis , tam-  
 quam Dei Ministris , facile postea obtem-  
 perasse. Virtus namque ipsa, sydus veluti  
 fulgentissimum, oculorum aciem , miro splen-

(1) Cic. Lib. III. De Leg. Cap. II. ex edit.  
 Ernesti.

splendore suo, rudium hominum agrestiumque animos adeo perstrinxit, ut præstantissimo viro illi, Deoque per sapientiam cognato, facile auscultarent, ac volentes lubentesque semetipsos ejus addicerent arbitrio primum, Imperio deinde. Ita namque natura comparatum sentiebant homines illi, ut ut rudes agrestesque, *communique omnium lege nullo peritura tempore, ut præstantiores inferioribus perpetuo præessent* (1). Quare Democritus apud Stobæum (2): *Φύσει, inquit, το ἀρχεῖν οἰκητῶν τῷ κρείττονι*; *Natura evenit, ut quod melius est, imperet*. Unde Aristoteles (3): *Quosdam homines, scribit, natura esse servos, idest ad servitutum aptos, uti Grotius putat*. Natura autem id necessarium hominibusque saluti est, ut *alii quidem imperent, alii vero pareant*; quæ nobilis est Dionis Cassii sententia (4).

## §. V.

(1) Dionysius apud Gravin. Lib. sing. De Rom. Imp. Cap. I.

(2) Serm. XLVII. P. 323.

(3) Arist. Lib. II. Politic.

(4) Dion. Cass. Lib. XLI, pag. 189. Edit. H. Steph.

§. V. Hanc profecto, quam prædico, singularem virtutis præstantiam, nonnulli olim Populi adeo venerabundi suspexerunt, ut satis habuere præstantioribus, quibus regerentur, obtemperare viris, quam exleges vivere, omnique nexu solutos. Quod Cappadoces præstitisse Strabo (1) testatur; qui oblata a Romanis libertati, vitam sub Rege prætulerunt. Itaque Plinius (2) Reges innumeros, scribit, Gentes olim *honore artium* coluisse, *ut Hieron, Attalus*, qui in ostentatione *has præferebant, opum immortalitatem sibi per illas prorogari arbitrantur*. Jam vero, cum ipsa Entis alicujus perfectio ac præstantia sit procul dubio, justa obsequii ab inferioribus exigendi causa (3); facile hinc quisque intelliget, cur homines adhuc rudes & sylvestres, præstantiores illos, quos dixi, viros, omni primum fuerint obsequio ac reverentia prosequuti, deinde etiam muneribus. Præstantiores  
autem

(1) Strab. Lib. XII. p. 544. & Justin. XXXVIII. Cap. II.

(2) Plin. Hist. Nat. Lib. XIV. in princ.

(3) Leg. Amiral. Dissert. De Jure Dei in res creatas.

autem hujusmodi viri , primævi fuerunt Reges , qui non bene constitutis adhuc Civitatibus, *manu omnia*, ut de Romanis Regibus tradit Pomponius (1) , gubernabant. Itaque Reges hujusmodi , quibus ultro sese homines virtutis præstantia permoti addixerunt olim, *Pastores* potius fuisse, quam *Dominos* , ex eadem vetustiorum Gentium patet Historia. Quamobrem animi falsus non est , qui censet , æquiores potius fuisse arbitros , juri dicundo litibusque aptiores finiendis , quæ forte fortuna inter paganos , qui vicatim degebant , intendebantur. Quod Dejocis exemplo , ex incorrupta iustitia arbitri primum apud Medos , deinde etiam Regis, mire confirmatur (2). Quare neque ullo primum Jure certo hujusmodi arbitros fruitos olim fuisse constat, neque ulla exegisse tributa, nisi quæ Patrem Pastoremque decerent. Et re quidem vera apud Persas sub Cyro atque Cambyse nihil fuisse adhuc circa tributa institutum, narrat

(1) Pomp. L. 2. ff. De Orig. Jur.

(2) Herodot. Lib. I. Cap. 96. & 97.



narrat Herodotus (1): iisdem vero temporibus munera obtinuisse voluntaria . Quare idem addit ibidem; Δια δε ταυτων την επιταξιν τα φαρκα, η παραπλησια ταυτη αλλα, *ob hanc tributi ordinationem & alia huiusmodi*, Darium, ex Persarum sententia, fuisse institutorem, Cambysem autem dominum, Cyrum vero patrem.

§. VI. Quoniam vero, tum ante, cum post bene constitutas Civitates, injustum erat, quin aliquando etiam periculofum, Reges aliena curare, nihil autem otii in re propria impendere, sine ullo certo Jure, nullaque, ut ita dicam, mercede: statim obtinuit, ut nedum munera afferrentur pro servientium arbitrio; verum ex Populi totius, qui se regi ac in utramvis aurem dormire mallet, consensu sponse neque publica factum est, ut Summis hisce Civitatis arbitris certa constituerentur tributa ab unoquoque necessario præstanda, quibus præstitis, optata continuo pararetur Civitati tranquillitas. Profecto idem ille, quem modo dixi, Dejoces Phra-

(1) Herod. Lib. III. Cap. LXXXIX.

Phraortis filius, apud Medos arbiter constitutus, noluit, quoniam e re sua haud sibi esse videbatur, rebus suis posthabitis, ubi præsiciens prius judicabat, litibus dirimendis amplius præesse. Quare Medigliscentibus in diem, audacia, rapinis, sceleribus, quibus publica Pax in bellum quotidie vertebatur intestinum, convocato totius Populi concilio, de communi rerum statu colloqui mutuo coeperunt. Itaque Dejocem, quem, ex incorrupta iustitia Dei ope florentem, singularique virtutis præstantia, suspexerant, dominatuque Regio dignissimum putarant, magis eum reveriti, publicis constitutis impensis, ejusque rerum omnium summa arbitrio permissa, Regem (1) salutarunt. Ita namque aliquando censuerunt futurum, ut ipsorum Regio bonis administraretur legibus. At lubet, de Regum modo juribus differere, nonnulla deinde sequenti capite

(1) Præter Herodot. confer etiam Georg. Hornii *Arcam Noë*; sive *Histor. Imper. & Regnor. a condito Orbe ad nostra tempora*, Pag. 101. Dejoces hic est, qui Cap. I. Lib. *Judith* alio nomine dicitur *Arphaxad*.

te generatim, circa Summæ Regum Potestatis Jura, disfluavianda addere temperamenta.

§. VII. Videamus itaque modo, quibus præcipue limitibus Summa Regiaque Potestas coercetur; quibusque, Civitate perfecte constituta, propriis fruatur Juribus. Ita namque omnis auferetur de Juribus Principis præjudicata aliqua opinio, quæ alicujus animum hoc tempore fortasse irrepit; simulque omnibus notum fiet, nihil Principi posse Juris denegari, quod ad eum pertinuerit, veluti Populorum suorum Pastorem, Patriæ Civitatisque Parentem, tranquillitatis etiam publicæ, quâ internæ, quâ externæ, Tutorem. Omne Jus, quod Principi tribuetur præter tres hæc causas, non Jus erit, verum injuria. Licet enim, vero Summa Potestas a Deo sit, Summæque Potestatis Jura in infinitum recte a quoquam porrigerentur: eadem tamen, ut nunc sunt humana, adamussim sunt metienda ex ordinatione Dei, qui Principes constituit Pastores, Parentes, Tutores demum Reipublicæ tutandæ, augendæ, amplificandæque.

§. VIII.

§. VIII. Fugit fortasse eruditissimi Grotii diligentiam per insignis Herodoti locus, ubi Regum Jura apud Lacedæmonios enarrat. Grotius namque (1) moralem facultatem gubernandi Civitatem describens, quæ Potestatis Civilis vocabulo solet ab aliis nuncupari, Thucididis primum, Aristotelis deinde ac Dionysii Halicarnassensis auctoritatibus utitur, Herodotum vero ne meminit quidem. Hicce autem de Regum Juribus apud Lacones sic loquitur (2): *Hæc autem decora Regibus Spartiata tribuerunt: duo Sacerdotia, Jovis Lacedæmonis & Jovis Cælestis, & Jus belli in quamcunque libuerit regionem efferendi, ut id nulli Spartiatarum prohibere fas sit; sin piaculari crimine teneatur. Ut in militando primi eant Reges, abeant postremi. Centum delecti viri eis in militia custodes adsint. In profectionibus ad bellum utantur ovibus quotcunque libuerit: quarum immolatarum omnium pelles ac terga accipiant ipsi. Bellica hæc. Alia sunt, quæ Pacis tempore eis tribuntur.*

(1) Lib. I. De J. B. & P. Cap. III. §. VI.  
 (2) Herodot. Lib. VI. Cap. 56.

tur : ut quoties aliquod publicum Sacrificium fit, primi in cœna Reges discumbant, & iis primis dari portes incipiant, unicuique eorum dupla omnia, quam cateris convivis: libaminumque initia penes illos sint, & immolatarum ovium coria singulis quoque Kalendis & septimis diebus ingressi Mensis, singula pecora perfecta utrique e publico dentur in Apollinis; (1) & farine me-

(1) Non abs re autem fore puto, paucis hocce in loco Græcas hæc mensuras, quas memorat Herodotus, illustrare. Genuinas vero harum mensurarum notiones Clarissimus mihi suppeditat Bartholom. Beverinius.

Incipiam a *Medimno* & *Chenice* Aridorum Mensuris: Laconici deinde *Quartarii*, & *Cotyle*, quæ fluidorum mensuræ fuerunt, notiones subnectam. *Medimni* sæpe meminit Tullius in Verrinis. Verrem, ait Tullius, frumenti pretium auxisse, *medimnumque*, qui prius ex lege 12. Sextertiis venibat, 15. *H. S.* vendidisse. Idem vero superaddit: (conf. Tull. Act. 2. in Ver.) *est enim Modius lege H. S. duobus*. Unde patet, quod si *Modius* duobus venibat *H. S.* *Medimnus*, qui venibat 12. constabat sex modiis. Bene itaque Suidas scribit, *Medimnum esse mensuram sex modiorum*. Consentit etiam Budæus Lib. V. de *Asse*. Quinimo id clare patet ex Cornel. Nep. in vita Pomp. Attici, ubi scribit Pomponium uniuersos Athenienses frumento donasse; *ita ut singulis sex modii tritici darentur, qui modus mensuræ medimnus Athenis appellatur*. Quamobrem *Medimnus* Atticus æqualis fuit

*medimnus* & *vini Laconicus quartarius*: &

Q 2

in

fuit Romano & Siculo, quem item sex Modios complexum fuisse, patet ex Cicerone in Verr. V. ubi 36. *medimnos* interpretatur modios 216. Idemque 90000. *medimnos*, 540000. modiorum exponit. Quis autem ignorat, quod  $36 \times 6 = 216$ . &  $90000 \times 6 = 540000$ ?

Veniam modo ad Chænicem, qui de fluidis etiam accipi solet. Contentiunt Beverinius, & Einschmidius, Chænicem vulgo diurnum hominis cibum significasse: at inter ipsos circa mensuræ modum non convenit. Illenamque asserit, Chænicem fuisse quartam modii partem, ac proinde sextarios quatuor continuisse; hic autem octo Chænicos in modio fuisse ac propterea sextarios duos. At observandum est duorum generum *Medimnos* aliquando Athenis obtinuisse; majorem unum sextariorum 96.; minorem alterum sextariorum 72. Ex quo factum forte est, ut hæc Einschmidio cum Beverinio non convenirent. Cæterum neuter dubitat, Chænicem victum unius hominis diurnum præstituisse. Quamobrem Chænix *μεσημεριος* & *μεσημεριος τροφη* a Græcis olim dicebatur.

♦ Mensuras nunc fluidorum accurate perpendam *Cotylam* nempe & *Quartarium*. Quas ut bene quilibet noscat, *Sextarium* antea definiendum reor. Memorat Livius Lib. 7. *vini Sextarium* itemque Tullius *Sextarium aquæ*. Fuit itaque *Sextarius* mensura unciarum aquæ vinique 20; ita vero dictus, quod esset sexta pars Congii, quem Plinius hisce verbis, cum quinque congii *austeri musti*, memorat Lib. 14. Cap. 9. hist. Nat. *Sextarius* itaque erat sexta pars Congii communi omnium sententia; Congius vero quarta pars Urnæ, octava pars Amphoræ. Quamobrem Congius, ut obiter hæc notem,

com-

*in omnibus certaminibus primaria, sunt exem-  
pra*

complectebatur *Sextarius* sex, uncias nempe vini vel aquæ 120. *Urna* vero uncias 480.: *Amphoræ* demum capacitas erat unciarum 960. *Sextarium* porro, sicut *Assem*, in partes duodecim dividebant, quarum singulæ dicebantur *Cyathi*; capiebatque *Cyathus* vini & aquæ unciam, &  $\frac{2}{3}$ : *Sextans* capiebat duos *Cyathos*; *Quadrans* live *Quartarius* tres, nempe quartam partem *Sextarii*, sive quinque uncias. *Triens* quatuor *Cyathos*. *Quincunx* quinque *Cyathos*: *Hemina* sive *Cotyla* sex *Cyathos*; *septunx* septem *Cyathos*; *Bes* octo *Cyathos*; *Dodrans* novem *Cyathos*; *Dextans* decem *Cyathos*; *Deunx* undecim *Cyathos*; *Cyathus* denique unius potionis mensura erat, & complectebatur aquæ vinique unciam &  $\frac{1}{4}$ . Capiant hinc lusem illa *Martialis* Lib. 8. Epig. 51.

„ *Quincunces* & sex *Cyathos* *Bessens*que *bi-*  
*barnus*.

Et item illa;

„ Porro ego *Sextantes*, tu potas *Cinna* deun-  
ces.

Quibus positis facile constabit, quid *Cotyla* fuerit & *Quartarius*. *Cotyla* nempe (*Heminam* eam appellat *Galenus* Lib. de Pond. & Mens.) certe fuit *Sextarii* dimidium, nempe continebat aquæ vinique uncias decem, & quatuor *acetabulis* constabat. *Quartarius* vero erat quarta pars *Sextarii*, nempe uncias aquæ vinique 5. continebat. *Acetabulum* vero, ut nihil obscuri reliquum sit circa *Mensuras* fluidorum, erat teste *Plinio* Lib. 21. Cap. 34. *Hemina* quarta pars, complectebatur scilicet uncias aquæ vinique 2  $\frac{2}{3}$ . Procul autem omni dubio, *Sextarii Romani*, *Attici* & *Hebraici* capacitatem eandem fuisse, asserit *Beverinius* et *Villalpandus*; licet

re-

pra loca , & penes illos sit constituere Proxenos , quos ex Civibus velint , & utrique binos eligere Pythios . Sunt autem Pythii , qui Delphos ad consulenda oracula mittuntur , quique publice cum Regibus pascuntur . Regibus ad cœnam non euntibus domum mittantur bini farinae chænices & vini cotyla : praesentibus dupla dentur omnia . Eadem ratione a privatis quoque invitari ad cœnam , honorentur . Vaticinia , quæ contigerunt , ab illis custodiantur : sed simul ea noscant Pythii . Reges soli de his solis judicent . De Virgine , ad quam tota hæreditas devenerit , quem habere eam oporteat , si Pater eam nondum desponderit : nec non de viis publicis : & si quis adoptivum filium facere velit , coram Regibus id fieri ; eosque quoque consultantibus assidere senioribus , qui sunt duo de triginta : Si eo non accesserint , eorum

Q 3

ma-

repugnet Alcazarius . Hinc Herodoti verbis maxima lux affulget , simulque Reges Lacedæmonios parer parce nimium se habuisse , ac maxima floruisse modestia . Quorum exemplum utinam imitemur ! Conf. Bever. *Syntagma de Ponderib. & Mens. Antiquor.* edit. in 8. an. 1719. & Jo. Caspar. Einschmidium , *de Ponderib. & Mens. veter. Rom. Græcor. Hebræor.* edit. in 8. Argentorati 1737. Item clariss. Cumberland.



*maxime propinqui seu decora Regum obtineant, duos calculos ponendi, tertium pro seipsis. Viventibus hæc Regibus a Rep. Spartiatum tribuuntur &c.*

§. XI. Reges autem hujusmodi apud Lacedæmones, sicuti & apud Athenienses, Reges non erant pleno jure; Imperii nempe *summitatem* una cum ejus *plenitudine* non habebant. Eorum ergo Magistratus erat præcipuus, qui publicis alebatur impensis, quique de iis rebus curam gerebat, quas, uti amplissimo Senatorum ordini apud Romanos olim, Respublica iis demandaverat. Quod clare profecto patet ex Herodoti verbis: ταυτα μὲν ζῶσι τοῖσι βασιλεῦσι &c. *hæc viventibus Regibus a Rep. Spartiarum tribuuntur.* Clarius autem ex Julio Polluce (1) constat: hic enim Regis officium apud Athenienses describens hisce verbis, οὗτος ο βασιλεὺς ποιεῖ, inquit; *Sed Rex mysteriis præest cum curatoribus eorum, Bacchi festis & certaminum lampadis. Et patria administrat sacrificia. Dicuntur autem apud illud dies seu actiones impietatis, sacrilegii, controversæ, Sed & generibus & sacris omnibus,*

(1) Jul. Poll. Lib. VIII. Cap. IX. §. 93.

bus, ille jus dicit. Et cadis actiones in  
 Arcopagum inducit, coronaque deposita  
 simul cum ipsis judicat. Contendentibus  
 porro interdicit a Mysteriis & aliis legi-  
 timis abstinere; judicat & inanimatorum  
 causas. Hujus porro conjugem Reginam  
 vocant. Hujusmodi autem Rex, cujus  
 munia exponit Pollux in suo Onomasti-  
 co, non erat is, quem Regem hodie  
 appellamus pleno jure, nempe penes quem  
 Summa est Potestas ac indivisa. Summa  
 namque Potestas apud Lacones & Athe-  
 nienſes penes Populum erat: quem vero  
 Regem vocabant, Magistratus erat pro-  
 cul dubio, hocce nomine præditus, qui  
 sacra præcipue curaret. Non solum au-  
 tem ex Polluce, verum etiam ex pluri-  
 bus Aristophanis locis apparet, Regem  
 apud Athenienſes atque Lacones, Magi-  
 stratus nomen fuisse, qui Mysteriis præerat  
 & Sacrificiis (1). Cæterum apud Roma-  
 nos etiam Rex extitit *sacrificulus*: quod  
 nemo unus ignorat.

§. XII. Horum itaque Regum Potestas

Q. 4

Sum-

(1) De officio Regis in Sacris Leg. Sigon. Lib.  
 IV. De Rep. Athen. Cap. ult. & Dissertat. no-  
 stram ad Herodoti locum, in hujusce libelli  
 calce.

Summa non erat: quippe cujus actus totius Populi suberant arbitrio, irritique persæpe volente Populo aut Ephoris, aut Populi ordine ampliori, ut Arcopagus Athenis, Senatus Romæ, reddebantur. Eorum sane Jura angustis erant limitata cancellis, neque ad Justii Imperii imaginem Juriumque Majestatis recte poterunt revocari. Quare, licet Herodoti ac Pollucis auctoritas multum de Juribus Principis tractationem adjuvet, quam forte fortuna instituere in animum induxi meum: aliunde tamen, ex scriptoribus nempe, qui pulchre Summæ Potestatis Jura callebant, proprias repetam ac nativas Majestatis Jurium notiones. At nec ipsi quidem Politici scriptores, juriumque Principis callentissimi, conveniunt mutuo interesse: alii quippe aliis breviores, alii vero magis, quam oportebat, diffusi. Quas itaque posuerunt de Principum Juribus partitiones, hujusmodi non sunt, ut nihil iis addi, demi ab iis nihil possit: uno verbo non sunt summæ.

§. XIII. Et sane, quam Summæ Potestatis Civilis Jurium nobis partitionem tradidit jam inde a suis temporibus Thucydides; ea vero omnium manca & imperfe-

fecta est. Thucidides itaque (1) de Del-  
 phiensibus loquens, Populis quidem libe-  
 ris, eos appellat *αὐτονομῆς*, καὶ *αὐτοπείλεις*,  
*καὶ αὐτοδίκης*, καὶ *αὐτῶν καὶ τῆς γῆς τῶν ἐκῶτων*,  
*κατὰ τὰ πᾶσι* : *suis nempe utentes legi-*  
*bus, suis vectigalibus* ( alii vertunt Ma-  
 gistratus, uti videre est apud Scholia-  
 sten ) *suisque judiciis, in decidendis con-*  
*troversis, tum eorum, qui in Urbe habi-*  
*tant, tum eorum, quos in sua ditione*  
*habent, idque patrio instituto.* Quibus ver-  
 bis Thucidides ait, Civitatem, quæ vere  
 Civitas sit, hoc est, penes quam Sum-  
 ma sit Potestas, jûribus hisce frui. I.  
 Ferendarum Legum. II. Vectigalia impo-  
 nendi. III. Instituendi Judicia sive pri-  
 vata sive publica, Magistratuum ope.  
 Deest, ut cuique patet politicarum re-  
 rum prudenti, partitioni huic, Jus de  
 foederibus, de Bello inferendo, de Indu-  
 ciis, quæ simul cum pluribus aliis ad  
 Summam pertinent Potestatem. Thu-  
 cidide diligentius ac perfectius Summæ  
 Potestatis Jura complexus est Dionysius  
 Halicarnassensis : ad eam quippe retu-  
 lit

(1) Thucid. Histor. Lib. V. Cap. XVIII. Tom.  
 I. in Fol. ex recens. Ducheri. Amstelæd. 1735.

lit (1). I. Jus Magistratuum creandorum. II. Jus Legum condendarum & tollendarum. III. Jus de Bello Paceque decernendi. IV. Alibi (2) addit Judicia. V. Alibi denique (3) Sacrocrum curationem adjicit, Comitiorumque convocationem. Quæ satis sit ex Historicis collegisse.

§. XIV. Philosophi porro, qui Politicorum callentissimi, Majestatis jura summa cum diligentia sunt persecuti; ii vero, mea quidem sententia, duo cæteris antecellunt: Aristoteles, qui priscis floruit temporibus rerum politicarum scientia singulari, magnusque vir post renatas litteras Ugo Grotius, qui aliquando ipso Aristotele acutior, ingeniique perspicuitate ac nativa elegantia amabilior, rem ipsam & melius putat, & rectius dividit. Aristoteles itaque, tria, inquit (4), ad Summam Reip. administrandæ Potestatem pertinere. I. Consultationem nempe de rebus communibus. II. Curam legendorum Magistratuum. III. Judicia. Ad res autem retulit communes, ne divisio man-

(1) Lib. IV. Cap. XX.

(2) Lib. VII. cap. XXXVI.

(3) Lib. II. cap. XIV.

(4) Lib. IV. Politicor. cap. XIV.

manca foret, deliberationem de Bello, Pace, Fœderibus sancendis rumpendisque, de Legibus, insuper de Morte, Exilio, Publicatione & Rêpetundis, sive ut Grotius (1) interpretatur, Judicia publica: antea enim in prima partitionis parte judiciorum nomine, privata dumtaxat intellexisse idem autumat Grotius. At neque hæc Aristotelis partitio, omnibus numeris absoluta visa est viris doctis. Quare una Grotii divisio iis arrisit, quæque una propterea se mihi, si recte video, etiam probat.

§. XV. Nimirum, qui Summa Potestate pollet (2) Civitatemque regit, eam partim per se, partim aliorum opera regit vicaria. Quando autem regit per se, aut circa universalia versatur, aut circa singularia. Versatur quidem circa universalia condendo Leges, easque, si res ita tulerit, abrogando, tam circa Sacra (quatenus nempe apud Christianos etiam, Summæ Regiæque Potestatis est, Fidem tueri, Discipli-

nam-

(1) Grot. Lib. I. De J. B. & P. cap. III. §. VI. n. 1.

(2) Grot. Lib. I. De J. B. & P. cap. III. §. VI. n. 2.

namque moderari (1)), quam circa Pro-  
fa.

(1) Non est itaque, cur tantopere debbacchentur in adnotationibus ad hunc Grotii locum, doctissimus Tefmarus, ipseque Gronovius, adversus Summum Romanum Pontificem, adversus nempe totius Sacerdotii culmen: Cooptata quippe nova Christi Religione, desiit Sacerdotium in persona Principis, adeoque Principibus ipsis volentibus, sacra facta sunt Juris Pontificii. Memoranda sunt Constantini Magni verba, quibus, narrante Eusebio in ejus vita Lib. 4. Cap. 24 ita allocutus est Patres Nicænos: *Vos in iis, que intra Ecclesiam* (sive in spiritualibus) *ego in iis, que extra geruntur, Episcopus a Deo sum constitutus.* Et Imperator Valentinianus rogatus ab Hellepontii Episcopis atque Bithyniæ, ut habendæ Synodi daret veniam, *sibi, qui unus, respondit, erat e numero laicorum non licere, se ejusmodi negotiis interponere;* uti refert Sozomenus Lib. 6. Histor. Cap. 7. Quamobrem Sacra hodie, ex Christi instituto Deique ordinatione, juris sunt Pontificii, neque a Regia Potestate pendent, nisi *indirecte*. Plura extant in Justiniani Codice, quibus probari potest facillime, Principes, cooptata Christi Religione, Sacra, Fidem, Disciplinamque Ecclesiæ tuitos tantum fuisse. Legendus est hac de re clariss. Petrus de Marca De Junc. Sac & Imp. Lib. II. Quæ autem sint temperamenta circa Jus Summarum Potestatum adhibenda *circa sacra*, legis apud clarissimum virum, quem summa veneratione prosequor, quod homo est vere antiquus, Franciscum Confortium in *Antigroio*, Libro, qui est quantivis pretii ob multivagam omnigenamque eruditionem. Legi etiam potest Dissertatio nostra ad Can. 4. Dist. 99. qui ita infit: *Universalis autem nec etiam Romanus Pontifex appellatur.* Quam fortasse in hujusce libelli calce edimus cum reliquis.

fana . Singularia autem, circa quæ versatur, sunt aut directe publica, aut privata quidem, sed quatenus ad publicum ordinantur. Directe publica sunt actiones, ut Pacis, Belli, Foederum sanciendoꝝ; aut res, ut Vectigalia, quæque his sunt similia, in quibus continetur Imperium eminens, quod Summa Potestas Civilis habet in Cives & res civium Reipublicæ bono. Privata porro sunt res inter singulos controversæ, quas publicæ tranquillitatis interest, publica auctoritate finire. Quæ quidem omnia, cum a Principe expediri nequeant sine regulis arteque ulla; bene dehinc Aristoteli Ars illa, qua (1) Princeps versatur circa universalia, dicitur ἀρχιτεκτονική, sive *Architectalis*; qua vero versatur circa directe publica, eidem est πολιτική ac βουλευτική, idest *Civilis* ac *Consultatrix*; qua tandem privata moderatur, ab eodem magni nominis ingenique Philosopho, appellatur δικάσιμη, nempe *judicialis*. Hæc autem ad primam pertinent divisionis partem, quam Grotius tradit. Ad alteram vero quod spectat, recte idem ait noster Auctor; quæ Sum-

(1) Aristotel. Ethic. ad Nicom. VI. 8.



Summa Potestas Civilis aliorum opera expedit, ea aut per Magistratus, aut per alios Reipublicæ curatores, veluti Legatos, expediri. Quæ quidem Summæ Potestatis Civilis partitio omnia completens Majestatis Jura, adæquata visa est viris doctis, omnibusque numeris absoluta. At lubet, secundum hanc divisionem, paulo acutius, clariusque, Majestatis Jura, de quibus altero tractaturi erimus libello, si Deus nobis hæc otia fecerit, cum clarissimo Puffendorffio ac doctissimo Heinecio, diligentius perpendere.

§. XVI. Puffendorffius itaque ac Heinecius (1) ex duplicis constitutæ Civitatis fine, Majestatis Jura definienda censent; eaque propterea, a Scholæ Philosophis mutuatis vocibus, in *Immanentia* dividunt & *Transcuntia*. Cum enim duplex sit Civitatis finis, securitas nimirum Civium a Civibus, quam vocant *internam*, & eorundem securitas ab exteris, quam *externam* securitatem appellant: Ju-  
ra

(1) Puff. Lib. VII. De J. N. & G. Cap. IV. §. III. & Hein. Lib. II. De J. N. & G. Cap. VII. De Sum. Potestat. §. 135. & seq.

ra hinc, quæ Summis competunt Imperantibus utrique tuendæ securitati; ea vero, si ad *internam* spectant securitatem, *interna* vocant & *Immanentia*, si *externam* tranquillitatem respiciant, puta Civium ab hostibus, *externa* appellant ac *Transcuntia*. Utraque porro diligentissime definiunt ac dilucide. Cum securitas etenim *interna* in *externa* *justitia* ponatur, neque *justitia externa*, sive actionum *externarum* conformatio cum aliqua certa norma & evidenti, sine *lege*, quæ norma sit Civibus, concipi umquam possit: primum hinc ad Summæ Potestatis Civilis Jura revocant *Immanentia*, Summum Jus ac Potestas *ferendi leges*, easque postea, ut collibitum fuerit, *modificandi*, sive ut cum Jurisconsultis loquar Romanis, Jus *leges rogandi*, *obrogandi*, *derogandi*, *abrogandi*que (1). Hoc præcipuum Regiæ Potestatis Jus ex Civitatis fine oritur præstantiori, *interna* nempe Civium securitate, quam sine *legibus* nemo umquam consequetur. Hinc vere scripsit Paterculus (2), Summas Potestates adeo constitu-

tas

(1) Ulpian. *Fragm.* I. 3.(2) Vell. Paterc. *Histor.* II. 80.

tas, ut data legibus vi, judiciis auctoritate, cultus agris, sacris honos, securitas hominibus, certa rerum suarum possessio cuique constaret.

§. XVII. Cum homines autem animalia sint contumacia & refractaria, fatis non est Leges tantum tulisse, quod Cives a Civibus securi reddantur: necesse est insuper, ut penes Summam Regiamque Potestatem sit *Jus Leges etiam interpretandi exequendique* pro Suprema Jurisdictione. Demum quo ad Leges attinet, necesse quoque est, eas Poenae sanctione fulciri, quae plerumque earum observationi facinorosos adigit, qui vivunt in diem, quique Justitiam non respectant, nisi Poenae formidine coerceantur. Quamobrem & *Jus infligendi Poenas* ad Summam pertinet Potestatem. Ad Jura quoque *Immanentia* revocantur; *Jus Imperii eminentis*; *Jus tributa & vectigalia Portoriaque exigendi*; *Jus regundorum commerciorum tutandorumque*; *Jus circa Pondera, Mensuras Publicas, Pecuniamque cudendam*; *Jus Annonae*; *Jus in Artes, Litteras, Academiasque, ac reliqua omnia, quae ad decus pertinent Civitatis*; *Jus, pro ut nunc sunt humana, Religionem tuendi*; *Jus de-*  
ni-

nique *Administras constituendi ac Magistratus*, qui de *Civium actionibus* cognoscant, quique *Jus exequendi leges* exercent. *Jura hæc sunt immanentia.*

§. XVIII. Ex *Civium* porro *externa securitate*, *Jura* manant *transcuntia*; quæ multo sunt pauciora. I. *Jus Fœdera percutiendi*. II. *Legatos mittendi*. III. *Bellum indicendi gerendique*. IV. *Pacem, bello gesto, vel adhuc dum geritur, faciendi firmandique*. Quæ quidem *Jura* *securitatem* parturiunt *externam*. Nisi etenim *Jus* esset *feriendi Fœdus*; nulla umquam *harmonia* *Civitates* *potentiores* *inter* *ac* *impotentiores* *existeret* *umquam*. *Dempta* *deinde* *facultate* *mittendi Legatos*, *ne* *fœdera* *quidem* *ulla* *percutientur*. *Demum* *si* *vel* *uno* *temporis* *articulo* *cesset* *Jus*  *belli* *ac* *Pacis*, *jam* *continuo* *externa* *securitas* *intervertitur*, *neque* *ullum* *resistendi* *hostibus* *suppetet* *medium*. *Hæc* *quidem* *Jura* *tum* *Immanentia* *scilicet*, *cum* *Transcuntia*, *in* *unius* *Summi* *Imperantis*, *qui* *Dux* *est*, *ut* *alibi* *pluribus*, *&* *Populi* *parens* *&* *altor*, *sunt* *proprietate*. *Jus* *namque* *in* *finem*, *quod* *sine* *dubio*, *ad* *Summum* *pertinet* *Imperantem*, *ita* *quidem*, *cum* *Juribus* *in* *media*, *ipsum*

R

per

per se ac natura sua conjunctum est, ut nequeat divelli, quin subito Civitas ipsa intereat. Adeo autem verum est, ea Jura esse in Summi Imperantis proprietate, eumque dumtaxat afficere; ut is nemini de hisce Juribus, rationem reddat, nisi uni Deo, a quo Summam Potestatem accepit; neque eadem Jura, cum vere sint, uti ajunt, *incommunicabilia* (1), alicui possit impertiri.

§. XIX. At vela contrahamus, Majestatisque Jura Decemvirali condamus carmine: quod sit Jurium Principis contractus veluti Codex; Principumque de Juribus documentum in illustriori positum monumento.

## TAB.

(1) Falluntur igitur Jurisprudentes semibarbari, qui Lib. II. Feudorum. 56. nonnulla legentes de *Juribus Regalibus*, quæ cum Feudis copulantur, *Regalia* dividunt in *majora & minora*, quæ *Vassallis* queant *dependenter* communicari. Prudentes hosce, qui tamquam quoque Plautini, diversissima Jura sæpe miscuerunt, refellit jam clar. Thomasius *Ad Huberi De Jure Civitatis*. T. 3. 6. p. 91. & seq.

## T A B. I.

*Regia Potestas.*

PRINCIPES . IOVE . PROGNATOS  
 ALVMNOSQVE  
 VTI . DEI . CVNCTA  
 SOSPITANTIS . EFFIGIEM  
 COLITO  
 NI . FAXIS . SACER . ESTO  
 PRINCIPVM . IVRA . VNIVERSI  
 ORDINE . INSERTA  
 NE . LAEDITO . QVAE SANCTA  
 SVNTO  
 SI . LAESERIS . CAPITAL . ESTO  
 EOS . OMNI . IVRIS . VINCULO  
 SOLVTOS . HABETO  
 QVI . SECVS . IVDICASSIT  
 MAIESTATIS . TENETOR  
 EORVMVE . SI . PRIVATORVM  
 VITAM . BONA . INVASERINT  
 CLEPSEINT  
 INIVSTA . LICET . IMPERIA  
 MODESTE . TOLERATO  
 DEOQVE . VLTIONEM  
 REMITTITO  
 NEVE . IIS . QVACVNQVE . DE  
 R 2 CAVS.

CAVSSA . RESISTITO  
SECVS . FVSTE . FERITOR.

T A B. II.

*Jura Principum Immanentia.*

VTI QVAEGVNQVE EX CIVITA-  
TIS VSV MAIESTATE DIVINARVM  
HVMANARVM PVBLICARVM PRI-  
VATARVMQVE RERVMSSE PRIN-  
CEPS CENSEBIT EA EI AGERE  
SVMMA SIET POTESTAS

QVAEVE POSTREMO IS IVSSE-  
RIT EA RATA SIENT IVRA QVAE  
INTERPRETARI EXEQUI POENAE-  
QVE SANCTIONE MVNIRE POS-  
SIET

VTIQUE PRO EMINENTI IMPE-  
RIO QVAECVNQVE REIP. BONO  
ACTA DECRETA IMPERATA A  
PRINCIPE FVERINT BENE IVSSA  
RATAQVE HABEANTVR

VTIQUE COMMERCIA PONDE-  
RA MENSVRAS REGAT ARGEN-  
TVM SIGNET PECVNIAM CVDERE  
FACIAT

VTI.

VTIQUE TRIBVTA VECTIGALIA  
PORTORIA CONSTITVENDO AERA-  
RIO

HABITA PERPETVO IMPERII TV-  
ENDI RATIONE IMPONERE EI LI-  
CEAT VTI SEMPER REIP. LICVIT  
TVTORIBVS

VTIQUE PVBLICVS PARENS AN-  
NONAM ADMINISTRARE FACIAT  
ARTES LITTERAS SCHOLAS ACA-  
DEMIAS RELIGIONEM PRAECIPVE  
PROVEHAT TVEATVRQVE

VTIQUE QVIBVS MAGISTRATVM  
POTESTATEM IMPERIVM CVRA-  
TIONEMVE CVIVS REI COMMISE-  
RIT QVIBVSVE EXTRA ORDINEM  
DEMANDAVERIT EORVM RATIO  
POTISSIMVM HABEATVR.

T A B. III.

*Jura Transcuntia.*

FOEDVSQVE CVM QVIBVS VO-  
LET FERIRE LICEAT LEGATOS  
PROINDE MITTERE COLLIBITVM  
VTI FVERIT QVIBVSVE VOLET  
VTIQUE CVM EX VOLVNTATE

R 3 IVS.



IVSSV MANDATVVE EIVS BELLVM  
INDICETVR EAS IN GENTES VE-  
LVTI HOSTES PVBLICOS AETER-  
NA AVCTORITAS SIET

NEVE CVI EA DE RE SIET IV-  
DICATIO NEVE QVIS POSITIS LO-  
RICIS ET GALEIS PACEM APVD  
SE COMPONI SINAT

ARMORVMQVE IVS BELLIQUE  
PACISQVE PENES VNVM PRINCI-  
PEM ESTO.

*Explicit Codex Jurium Principis.*

C A P. XIV.

*Temperamenta circa Summæ Potestatis Ju-  
ra proponuntur. Fidelia Monita deinde,  
eaque vetustissima, Principibus in memo-  
riam revocantur.*

§. I. **P** Rius quam manum de tabu-  
la, ac priori huic libello finem imponam,  
non abs re fore puto, nonnulla hic tan-  
dem percurrere, quæ Summæ Potestatis  
Principum considerari possunt necessaria  
veluti temperamenta: monita deinde quæ-  
dam Principibus in memoriam revocare,  
quæ

quæ prudentiores Politici, sapientissimis alioquin Imperatoribus, suggesserunt, ut ea præ oculis perpetuo haberent, feliciter regnaturi.

§. II. Posita jam vero Principis Jurium partitione luculentissima, superest, ut promissi memor, justa hîc eaque maxime utilia appingam temperamenta. Certum itaque primo est, quò usque Majestatis Jura progrediantur, ex Dei ordinatione opus esse, ut Bonus Princeps omnino se præbeat, bonum veluti pastorem æquumque parentem; qui Summa Potestate, quam a Deo accepit precario, Summisque Juribus numquam abutatur. Cyri dictum sane memorabile, idem recolit Xenophon; quò *παρχπλεσι ερχειναι νομεις αγαθι και Βασιλεως αγαθι*, *Similia esse perhibuerit boni Pastoris & boni Regis opera* (1). Debere namque bonum Pastorem, ajebat, cum felicitatem jumentis comparaverit, ita deinde illis uti, ut felicitas illis minime intervertatur: itemque bonum Regem, cum felicitatem Civitatibus, quas moderatur, pepererit, iis-

R 4

dem

(1) Xenoph. Lib. VIII, Cyrop. Pag. 450. ejusd. edit.

dem uti duntaxat debere, non abuti. Hinc est, quod antiquissimi Populorum Rectores, temporibus Græcorum heroicis ποιμῆνες audiebant, *Pastores* nempe; ipsique Ecclesiæ Præsules ποιῆται in Sacris Litteris comparantur, dicunturque Ecclesiam ποιμαίνειν (1). Quare ipsemet Christus, Rex Regum, Summusque Ecclesiæ Præfectus, Paulo vocatur (2) ὁ ποιμὴν ὁ μέγας, *magnus* videlicet *Pastor*; ipseque Cyrus, cui recitatam modo Xenophon tribuit sententiam, *Pastor Domini* ab Isaia appellatur (3). Quare Plinius Panegyri. in Trajan. in prin. Discernatur, ait, orationibus nostris diversitas temporum . . . . . Non enim de Tyranno, sed de cive; non de Domino, sed de Parente loquimur. Quæ cum ita sint, facile patet, Reges etiam nunc debere, ut olim, ad Pastorum instar nihil per contumeliam facere, neque Summa ubique uti Potestate; neque iræ habenas permittere (4), quasi contumaci cuidam Equo, qui sine fræno atque auriga, præcipiti cum impetu fertur.

(1) Vid. Act. XX. v. 28. & I. Petr. v. 2.

(2) Ad Hebræos XIII. v. 20.

(3) Isai. Cap. XI. v. 28.

(4) Conf. Julian. Orat. II. Pag. 50. edit. cit.

tur. Quamobrem præcipua boni Principis gloria ea sit, quæ boni etiam Pastoris, sui Gregis felicitatem comparare, nec ullum umquam subditorum vexare immerito; omnes sine discrimine legibus cogere servandis; nimis autem severum non esse (1); verum ut Ulysses Homero, πατερ sit perpetuo πατερ, mitis nempe, quique omnes dissuavianda semper clementia devinciat. Itaque Plinius ibidem; *Unum ille se ex nobis, & hoc magis excellit, atque eminet, quod unum ex nobis putat, nec minus hominem se, quam hominibus præesse meminit.* Quæ cum, quem pluries laudavi, Cyrus præstitisset, merito Xenophon ait (2): Τις δε αλλος κατὰς πατέρα ἀρχὴν, ὑπὸ τῶν ἀρχομένων πατρὶ καλεσμένον ἀπεθάνει, ἢ Κύρῳ; *Quis alius cum Imperium aliorum evertisset, sic diem obiit supremum, ut a subiectis sibi Pater appellaretur, præter Cyrum?*

§. VIII. Rex præterea justissimus futurus Imperioque dignissimus, sit ο λογος, seu ipsamet recta ratio, quod Justinus inquit (3): nulla namque insuper via effi-

(1) Conf. Julian. *Cæsares*. Pag. 314. ejusd. edit.

(2) Lib. VIII. Pag. 448. ejusd. edit.

(3) Just. Apolog. II. Pag. 59. ejusd. edit.

effici potest , ut Principum mens , divi-  
næ auræ particula , hominum procuret  
tranquillitatem , quam si pravis affectibus  
superior , pura existat , ac uti Aristoteles  
ait , *ανευ ορεξεως νος* . Profecto Summa Re-  
giaque Potestas Θεμιστος , sive Summæ  
Universi Legis , vices gerit , quam λογον ,  
Dei nempe *intelligentiam* dicunt Platoni-  
ci , & *personaliter Dei Filium* , Divinæ Lit-  
teræ Scholæque Theologi . Neque ob aliam  
causam Reges perpetuo , Homero Hesio-  
doque , cæterisque , Διογενεις ac Διωτρεφεις ,  
*Deo natos* , *Deique alumnos* appellatos  
putarim . Quamobrem pulchre idem Ju-  
lianus Imperator (1) , Principem ipsum ne-

(1) Jul. Imper. Orat. II. Pag. 89. & 90. ejusd.  
edit. Itaque Nero apud Senecam Lib. I. De Clem.  
Cap. I. vere dixit : „ Ego ex omnibus mortalibus  
„ placui , electusque sum , qui in Terris Deorum  
„ vice fungerer : ego vitæ necisque gentibus arbi-  
„ ter . Qualem quisque sortem , statumque habeat ,  
„ in manu mea positum est . Quid cuique morta-  
„ lium fortuna datum velit , meo ore pronunciat .  
„ Ex nostro responso lætitiæ causas , populi urbef-  
„ que concipiunt . Nulla pars umquam , nisi vo-  
„ lente propitioque me , floret , Hæc tot millia  
„ gladiatorum , quæ pax mea comprimit , ad nu-  
„ tum meum stringentur : quas nationes funditus  
„ excidi , quas transportari , quibus libertatem dari ,  
„ quibus eripi , quos reges mancipia fieri , quo-  
„ rum-

neque in manibus gladium gerere ad cuiusquam civium perniciem oportere ; inquit ; neque aculeum ullum in ejus animis hærere : Siquidem & in Apum genere , Regi aculeum a natura denegatum videmus . Ipse porro summus rerum omnium Moderator ac Rector , cujus interpretem ac vere Ministrum , bonum esse Principem decet , summa dumtaxat clementia homines moderatur ac regit . Nihil autem præstantissimo viro dignius , qualem Principem esse decet , placabilitate atque clementia ; jam inde Cicero obfer-

„ rumque capitî regium circumdari decus oporteat ,  
 „ quæ ruant urbes , quæ oriantur , mea jurisdictio  
 „ est . In hac tanta facultate rerum , non ira me  
 „ ad iniqua supplicia compulit , non juvenilis im-  
 „ petus , non temeritas hominum & contumacia ,  
 „ quæ sæpe tranquillissimis pectoribus patientiam  
 „ extorsit : non ipsa ostentandæ per terrores poten-  
 „ tiæ dira , sed frequens magnis imperiis , gloria  
 „ conditum , imo constrictum apud me ferrum est .  
 „ Summa parsimonia etiam vilissimi sanguinis : ne-  
 „ mo non , cui alia desint , hominis nomine apud  
 „ me gratus est . Severitatem abditam , clemen-  
 „ tiam in prociectu habeo . Sic me custodio tam-  
 „ quam legibus , quas ex situ ac tenebris in lucem  
 „ evocare , rationem redditurus sim . . . . .  
 „ Hodie Diis immortalibus , si a me rationem re-  
 „ petant , annumerare genus humanum , paratus  
 „ sum .

servavit, cum de officiis, filio Ciceroni, singularia documenta suggessit.

§. III. Monita Principibus in memoriam revocanda, ex Antiquis Scriptoribus, uti reliqua, me collegisse juvat. Primum omnium apud Philostratum (1) Apollonius fatetur, Regnare rerum humanarum maximam quidem esse, doceri autem non posse: Βασιλεῖα γὰρ μέγιστον μὲν τῶν κατ' ἀνθρώπους, αἰδιδάκτων δὲ. Principes autem rebus ipsis ac factis rem adeo difficilem addiscent, Imperiumque firmare, si quædam præstiterint: alioquin eorum res nunquam in tuto collocabitur. Ea vero sunt. I. Ingentibus divitiis, quæ Ærario accumulatae servantur, ne gaudeant Principes dumtaxat: iis autem, miseris subditis succurrendis, iisque, qui multa possident, ut securi possideant opes fortunasque, utantur. Secus enim, quid hujusmodi divitiarum arenæ distabunt undique congestæ? Caveant vero potissimum, quod Apollonius ibidem observat, ne eas hauriant divitias a Subditis misere ob gravio-

(1) Philostrat. Vit. Apoll. Tyan. Lib. V. Cap. XXXVI. Pag. 220. ex vers. Olearii. Tom. I. in fol. 1709.

viora tributa solvenda *lamentatis*: Κιβδη-  
 λον γὰρ ὁ χρυσὸς καὶ μέλας ἦν, *Sublestum*  
*enim est aurum atrumque, si ex lacrymis*  
*veniat*, ἐκ δακρυῶν ἦκη. II. Animo secum  
 quotidie reputent, ut bene regnent,  
 Principatum non rem quidem esse per se  
 hæreditariam, at virtutis præmium, καὶ  
 κληρονομίαν, ἀλλ' ἀρετῆς αἶθλον, uti ait ibi-  
 dem Philostratus. Itaque filiorum in edu-  
 cationem incumbant præcipue, ut boni  
 Principes evadant Imperioque dignissimi.  
 III. Quamquam Legibus Princeps solutus  
 sit; ipse tamen legem dominam agnoscat  
 minime umquam violandam. Memorabi-  
 le illud est Athalarici Regis apud Caf-  
 siodorum (1): *Bonus Princeps ille est, cui*  
*licet pro justitia loqui; & contra tyran-*  
*nicae feritatis indicium audire nolle consti-*  
*tuta veterum sanctionum. Renovamus cer-*  
*te dictum illud celeberrimum Trajani: Su-*  
*me dicationem, si bonus fuero pro Rep. &*  
*me, si malus pro Rep. in me.* Hinc Si-  
 donius Apollinaris (2).

„ Cui

(1) Cassiodor. Var. Lib. VIII.

(2) Sidon. Apollin. Panegy. Majorian. in fin.  
 Conf. Niceph. Lib. 3. Cap. 23. & Plin. in Pa-  
 neg. c. 328.



„ . . . . . Cui teste Senatu  
 „ In se etiam tractum commiserat Ulpius ensem.

Ita qui Princeps leges ipse, quas tulit, colit, in ferendis postea legibus erit moderatior. IV. Cum ex superioribus Princeps sit Populi pastor ac parens, qui bono exemplo subditos debet ad virtutem justitiamque animare: ipse itaque magis quam antea Deum colat ac vereatur, *Σεὺς θεράπων*, inquit ibidem Imperatori Apollonius, *μᾶλλον ἢ πρότερον*. Pietate enim Principis erga Deum mire Populi mores componuntur; qui quicquid agit non ratione tantum, quam illustrioribus agit exemplis incitatus. V. Cum Princeps sit publicus Reip. parens, miserabilium Personarum potissimam curam gerat, easque tueatur, ne in desperationem actæ, omnino pereant; vel ne omnino destitutæ publicis curis, pessimi Civitati alantur Cives, imo pestiferi. Apposite Plinius Panneg. in Trajan. edit. cit. pag. 322. *Pauperibus educandis una ratio est, bonus Princeps*. Paullo ante dixerat, tantum omnes uni Imperatori debere, quantum parentibus suis quisque deberet. Mox: *Recte Casar, quod spem Romani nominis sumptibus*

*bus tuis suscipis. Nullum est enim magno Principe immortalitatemque merituro impendii genus dignius, quam quod erogatur in posteros. Non sunt hic prætereunda clarissimi Theodorici Italiæ Regis verba apud eundem Cassiodorum: Bene (1), inquit, Principalis clementia suscipit, quos pietas paterna destituit: quia sub parente publico, genitoris minime sentiri debet amissio. Hinc enim Principes dicuntur esse nati Reip. bono ac Imperatorem ad salutem publicam genitum legimus. Quamobrem Paulus (2) Reip. salutem tueri, nulli magis, ait, convenire, neque alium sufficere ei rei, quam Casarem. Seneca autem Principes Regesque status publici tutores vocat (3). Ammianus vero Marcellinus a salute Principis, veluti filo, statum rerum orbis pendere scribit, nihilque esse præterea Imperium, quam æternæ salutis curam. Quamobrem Christiani veteres pro Magistratibus etiam Principibusque orabant Paganis (4). VI. Nulla*

(1) Cassiodor. Var. Lib. IV. Tom. I. in fol. edit. Venet. 1729.

(2) L. 3 D. De offic. Præf. vigil.

(3) Sen. Lib. II. De Tranquil. Cap. VIII.

(4) Conf. Tertull. in Apolog. & Arnob. & Martin. in Genethliaco.

Nulla denique magis res firmabit Imperium, benevolentiamque subditorum conciliabit, quam si Princeps pro eorumdem merito, virtutisque studio, honores iis ac privilegia irroget. Quæ Cyrum Summa cum religione ac diligentia præstitisse Xenophon sæpe narrat, præcipue vero postremo Cyropædiæ Libro; quem utinam unum Summi Principes perlegerent, ac in succum sanguinemque converterent! Quæ omnia, si unusquisque præstiterit Princeps, uti Cyrus Persa, qui permultos quidem homines, permultas Civitates, permultas Gentes sibi obsequentes habuit; tum vero ejusdem Xenophontis (1) verbis locus erit; quod *imperare hominibus neque in impossibilem sit neque difficilem factu numero, modo quis perite id agat*; *ἢν τις ἐπισχεύῃς τὸ το πρᾶτῃ*. Quæ postrema potissimum verba animo sibi Principes alte scribant, neque ullo umquam tempore eorum excidant memoria.

§. VI. Ne magis autem quam oporteat priori huic excrescat moles; expositam paulo superius Principis Jurium tractationem; altero prosequar libello. Satis modo sit


(1) Xenoph. Cyrop. Lib. I. in princ. ejusd. Edit. in 8.

fit in Summæ Potestatis originem divi-  
nam hætenus vacasse. Equidem scio ar-  
gumenti dignitatem ingenii mei vires  
tenuissimas potius occupasse; tantum ab-  
est; ut ab iisdem aliquid ornamenti ac-  
ceperit. Ea vero culpa ingenii sit; haud  
voluntatis erga Principes obsequentissimæ.  
At excusationes non minus, quam quæ-  
relæ, ne tum quidem grata, cum fortas-  
se erunt necessaria. Itaque, utcumque  
fese res habeat; juvabit tamen & me  
quoque cum cæteris, Summæ Principum  
Potestati ac securitati, adversus impios  
Monarchomacos, pro virili consuluisse.  
Cæterum nobilitate ac magnitudine eo-  
rum, qui idem illud argumentum tracta-  
runt, me interea consolor. Forte res ipsa,  
quæ profecto illustrior est, non opella,  
cui virtus venusque scribentis culpa nul-  
la est, nullumque pretium; nominis mi-  
hi nonnihil, cujus fama in obscuro ad-  
huc est, pariet celebritatis. Nihil enim  
præterea studeo; nullumque jam inde a  
puero studiis meis meditationibusque sco-  
pum proposui nobiliorem.

F I N I S.

S

COM.



## COMMENTARIOLUM

I N

*L. un. C. si quis Imp. maledixerit,*

IMPP.

Theodosius, Arcadius, &amp; Honorius

A. A. A.

*Rufino Pr. Pr.*

*Si quis modestiæ nescius & pudoris ignarus, improbo petulantique maledicto nomina nostra crediderit laceffenda, ac temulentia turbulentus obtrektor temporum nostrorum fuerit, eum pœna nolumus subjugari, neque durum aliquid nec asperum volumus sustinere. Quoniam si ex levitate processerit, contemnendum est: si ex insania, miseratione dignissimum: si ab injuria, remittendum. Unde integris omnibus hoc ad nostram scientiam referatur, ut ex personis hominum dicta pensemus, & utrum pratermitti*

S 2

an

*an exquiri debeant, censeamus. Dat. VI.  
Id. Aug. Constantinop. Theod. A. III.  
C. Abundatio Coss.*

# §. I.



Am vero, cum probi ejusque ingenui viri sit stare promissis: quod superius antea promissimus præstare modo aggrediamur. Cum pro virili nempe hætenus parte ostenderimus, vel ostendere saltem superiori conati simus libello, Summam Potestatem, qua Principes fulgent, a D. O. M., tamquam a fonte rivulum, manare; eidem nunc porro sententiæ magis inhærentes confirmandæ, celeberrimam Imperatoris Theodosii constitutionem aggredimur commentari. Ipsam etenim apprime factam censemus, quæ expositam modo nostram magis firmet sententiam. At inquiramus modo in Constitutionis originem primam; quænam causa, quive auctor constitutioni fuerit.

§. II. Sozomeno (1) auctore facile addu-

(1) Sozom. Hist. Ecclesiast. Lib. VII, Cap. XXV. p. 317. edit. Valefii Cantabrig. in Fol. Tom. II, simul cum Eusebio &c.

ducor, ut credam, Divum Ambrosium  
Mediolani Episcopum, sanctitate florē-  
tem, Imperatori primum Theodosio, hu-  
jusce Constitutionis, humanitatis clemen-  
tiæque plenissimæ, sanctionem suasisse.  
Forte namque nescio quis non mediocris  
fortunæ vir, religione autem paganus,  
Gratianum convitiis laceraverat, illudque  
addiderat sanè injuriosum, quod non pa-  
trissaret; & τὸ πατρὸς ἀναξίον ἀπεκχλεῖ,  
idem scribit Sozomenus. Continuo mi-  
sellus hicce Majestatis accusatur; vocatus-  
que in judicium capitis damnatur. Qui  
cum ad supplicium duceretur, Ambrosius  
pro illo intercessurus ad Aulam celeriter  
perrexit, neque prius ab incepto destitit,  
neque Gratiani & Aulicorum ejus obe-  
rationibus cessit, quam extorta ab Im-  
peratore indulgentia, qua ὁ ἐπὶ θανάτῳ ἀγο-  
μενός, *mortis addictus*, liberaretur. Cujus  
voti compos jam factus, auctor postea  
Imperatori fuit, qui hanc legem ferret;  
qua cavit, ne quis aliquando ob linguæ  
lubricum invaliditudinemque, atrociorē  
capitis sententiam subiret. Ea itaque  
caussa; hicce auctor constitutioni fuit (1).

S 3

§. III.

(1) Hæc opinio Franc. Balduino ad LL. Majest.  
fe



§. III. Neque vero hanc unam, suadente Ambrosio, humanissimam tulit Imperator Theodosius Constitutionem: verum, quamplures etiam humanitatis ac benignitatis plenissimas. Inter quas eminet profecto illa, (quam idem memorat ibidem Sozomenus pag. 316.), qua XXX. dies, non X. tantummodo, uti Tiberius jusserat, a lata de vita hominis sententia, constituit expectandas, prius quam licitor eam exequeretur. Eo scilicet consilio, ut interjecti temporis spatium Imperatoris iram leniret, & immunito jam furore, locus miserationi ac poenitentiae relinqueretur. Quæ Constitutio benignitatis plena, inter Divales etiam nunc extat, imo præfulget (1). Ne cui vero sit mirum, cur facillime Ambrosius hujusmodi humanissimas Constitutiones a Theodosio A. fuerit consecutus, sciat, tam humano fuisse Theodosium ingenio, mansuetoque animo ac leni, ut ple-

se etiam probavit. Qui tamen non bene sibi constat: alibi namque, *comment. ad LL. Constant. Lib. 2.* opinatur Anthiochenos ob cujusdam tributi novi indictionem tumultuantes, occasionem huic legi præbuisse.

(1) L. 20. De Penis.

plerumque Antonini Pii verba (1) protulerit: *Quam vellem etiam morte obitos postliminio ad vitam revocare!*

§. IV. Hæc autem tam humanarum Theodosii Constitutionum ratio, ab humanissimo Augusti ingenio petita, una profecto non est, quæ de hujusmodi tam eximia sanctione, quæ omnium animos in admirationem rapit, reddi queat. Præcipua quidem ratio, cur Theodosius Imp. iis, qui Imperatori maledixerint, eorumve famæ labem inferre veriti non fuerint, ignoscendum putarit, alia quidem, nisi fallor, est ab iis, quæ in ipsa Constitutione adducuntur (2). Ea vero ab altiori repetenda principio, quod cum nostra exposita hætenus sententia, congruat feliciter. Et re quidem ipsa, cum Principes sint Dei cuncta sospitantis in Terris effigies, ut cum Xiphilino alibi

S 4

no-

(1) Ita scribit de Antonino Pio, in vita *Avidii Cassii Imp. C. XI. Volcar. Gallic.*

(2) Extat & alia ratio, quam apud Xiphilinum reddit Titus: *Nemo me injuria afficere vel insequi contumelia potest; propterea quod nihil ago, quod reprehendi mereatur. Ea vero, quæ falso de me dicuntur; prorsus negligo.* Eodem pacto Julianum Agamemnoni injuriolo Poetæ ignovisse, testatur Libanius Ep. VI.

notavimus ; Summamque Potestatem a Deo acceperint, *Jovisque sint alumni, Joveque prognati, Deorum Sanguis*, uti eos Horatius appellat (1) ; necesse est eos, Divinam Majestatem in terris etiam æmulari , quæ summa nonnisi clementia, hominum genus moderatur ac regit ; neque statim hominum facinora punit ; neque continuo rubente dextera Sacras jaculatur arces urbesque , ut terreat Gentes easque perdat , earum scelera expiaturus. Quod si fieret, statim deserta Tellus hominibus , priscam indueret faciem eamque luctuosam ; neque amplius quis esset , qui supplex aris honores imponeret . Quare Seneca (2) non debere , inquit , Principem omnes punire suorum temporum obtrectatores : *nam si omnes convitiatores supplicio afficeret, quibus imperaret, non haberet.*

§. V. Rectissime itaque putavit Theodosius , neminem modestiæ nescium pudorisque ignarum , si improbo petulanti-que maledicto Principum nomina aliquando laceffierit, poenæ subjugari debere, durumque aliquid asperumque sustinere .

Non

(1) Lib. IV. Od. I.

(2) Sen. Lib. I. De Clem.

Non enim censuit quidquam præterea æquare magis Principem Deo, quam Clementiam. Apposite Claudianus (1):

... *Sola Deos æquat Clementia nobis.*

Libanius vero: Οὐκ (2) δοικεναὶ βελεται θεοῖς; ἀφ' αἵς τιμωρίας χαιρετω μᾶλλον ἢ λαμβανῶν; *Qui cum vellet* (Theodosius nempe) *similis esse Diis, gaudebat magis dimittere, quam sumere pœnas.* Ad rem quoque facit quod alibi ex Juliano recitavimus. Principem vero ipsum, inquit, in (3) manibus gladium gerere ad cuiusquam Civium perniciem non oportere, etiamsi extrema quæque perpetraverit, neque aculeum ullum in animis ejus hædere. Siquidem in Apum etiam genere Regi videmus aculeum a natura esse denegatum: οὐκ καὶ τῶν μελιττων ὁρῶμεν τὴν βεσιλευσαν κηθραν ὑπο τῇ φυτεῳς πληκτρῶν γενομένην. ἀλλὰ καὶ εἰς μελιττας βλέπτεον: *Nihil autem est, quod apes intueamur; verum ipsummet potius Deorum Moderatorem*

ac

(1) Claud. Lib. IV. Consul. Honor. v. 277.

(2) Liban. Orat. ad Theodos. Conf. Philon. Jud. De off. Jud. Pag. 459.

(3) Jul. Orat. II. ex recens. Spanhem. pag. 89. & 90.

ac Regem, cuius interpetrem ac Ministrum æmulatoremque bonum esse Principem decet. Quamobrem bene Antoninus Pius: *Non enim quidquam (1) est, quod Imperatorem Romanum melius commendet Gentibus, quam clementia*: ipseque Justinianus (2); *Nihil tam peculiare est Imperialis Majestatis, quam humanitas, per quam solum, Dei servatur imitatio*. Quam eximiam ac prope divinam virtutem, Principumque maxime propriam, humanitatem nempe atque Clementiam, id propterea ipsi Romani Imperatores ubique (3) Codicis in semetipsis perpetuo commendarunt.

§. VI. Ex qua Theodosii humanissima Constitutione recte quis deducet, Principes procul dubio per Clementiam humanitatemque ipsi Deo æquiparari, a quo Summam consequuntur Potestatem: male autem inde quispiam inferet, scelera

(1) Volcat. Gallic. in Avid. Cass. Cap. XI.

(2) L. fin. Cod. De Donat. inter vir. & uxor.

(3) Vid. L. 29. 34. C. De Apellat. L. 3. C. De quadr. præscript. L. 15. & 16. C. De oper. Publ. L. un. C. De Cad. toll. L. 7. & 5. C. De Bonis quæ lib. L. 5. C. De Legat. L. 13. C. De fufceptor. præp. & arcariis. &c.

in Principem admissa perpetuo esse remittenda ; nec maledicta in Principem , *Majestatis crimina* umquam censerī . Explorati namque Juris est non solum Romani , verum omnium etiam Gentium , Majestatis crimen , ut Pauli verbis utar (1) , *non solum facto , sed verbis impiis & maledictis maxime exacerbari* . Quare Deus olim jussit (2) : *Principi populi tui non maledices* ; ubi aliquid præcipi speciale , Summarum præcipue Potestatum facta mentione , Grotius putat . Unde Nicéphoras Gregoras (3) : Ο πάλαιος νόμος διαγορεύει , καὶ ὁ μέγας Ἀποστόλος Παῦλος , ὅτι τὸ ἀρχόντα τὴ λαὸς σὺ ἢ ἐρεῖς κακῶς . Καὶ , ὅτι ἡ Βασιλεὺς τιμᾷτε . *Antiqua lex jubet & magnus Apostolus Paulus , ut ne Principi populi tui maledicas ; itemque , Regem bonorate* . Itaque Zaleucus quoque edixit , αἰδεῖσθαι χρὴ τὴν ἀρχόντας , uti alibi dictum est . Charondas tandem suis in legibus scivit , uti Cicero testatur (4) debere subditos non obedire tantum Principibus ,

sed

(1) Paul. sentent. Lib. 5. tit. 29. ad L. Jul. Majest.

(2) Exod. cap. 22.

(3) Histor. Rom. Lib. IX. p. 134.

(4) Lib. III. De Leg. Cap. II.

sed etiam eos colere ac diligere: qui cultus præsertim verbis exhibetur; cuius enim perfectione ac felicitate delectamur, cum quoque verbis celebremus oportet.

§. VII. Jam vero, ut quomodo sese primum Romæ res ipsa habuerit, Rom. Antiquitatum amatoribus notum fiat: libera quidem Republica, maledicta in Magistratum jaculata, ad præscriptum XII. Tabularum (1) vel Legis Corneliæ de injuriis, vindicabantur. In legibus autem Decemviralibus Tab. VII. *de delictis* cavetur. *Si qui pipulo ocentasit, carmenve condisit, quod infamiam faxit flagitiumve alteri, fuisse ferito.* Postquam vero Romanorum libertas ruit, translato in unius dominationem Imperio, Majestatis tenebantur, quicumque Imperatoribus per summum nefas audaciamque maledixerint, malumve adversus eos scripserint carmen, quod ex Paulo constat. Accedit ad hæc, quod cum Imperatoria Majestate nihil sanctius aut venerabilius inter mortales hisce temporibus haberetur (2), utpote quæ in Ter-  
ris

(1) Conf. Cic. De LL. Lib. III. Cap. III. & Tab. VII. XII. Tabul. apud Oron. Thesaur. Tom. III. & apud Gravin. De Orig. Jur. Civ. &c.

(2) L. 12. C. De Leg.

ris Dei vices fungatur (1) : Sacrilegio proximum læsæ Majestatis crimen habitum est , sive factis sive verbis admissum (2) . Ac non secus , qui in Deum blasphemus est , mortis (3) damnatur ; ita qui Imperatori maledixerit . Hinc Arnobius (4) . *Majestatis sunt apud vos rei , qui de vestris Regibus secus obmurmura-verint* . Ipsa autem vetus Historia quamplura suppeditat exempla , quibus luce clarius patet , Principes non facinoræ tantum , verum maledicta etiam gravioribus poenis vindicasse . Faciunt hic , quæ Jo: Chrysof. dicit in Orat. *περι σιωπης* .

§. VIII. Quod ad Rem Romanam vero pertinet , operæ pretium esse censeo , paucis hic etiam observare , Imperatores Romanos , minime illud Jus sibi statim ab oppressa publica libertate , at sensim adrogasse : ita ut nonnisi vergente ad occasum Imperio , atrociores in eos statuerint poenas , qui improbis maledictis ac petulantibus , Principum nomina lacessiverint . Augustus sane per omnia Summa Potesta-

(1) Sen. Lib. I. De Clem. Cap. I.

(2) L. 1. D. ad L. Jul. Majest.

(3) Levit. cap. 24. & Novel. 77. §. 1.

(4) Lib. IV. adv. Genç.



state non abutebatur : præsertim vero in hac specie, in qua versamur, si quid ore tenus in contumeliam ejus proferretur, numquam in quemquam durius animadvertisse, novimus. Quamobrem Seneca (1) : *Sub Divo Augusto nondum hominibus verba sua periculosa erant, jam molesta. Facta arguebantur*, Tacitus (2) inquit, *dicta impune erant*. Quæ licet Tiberio displicerent, ac maledicta non minus quam facta atrociter vindicaret; opportune Tiberio conquerenti, quod quamplures male de illo opinarentur, hisce verbis Augustus rescriptit : *Ætati tuæ, mi Tiberi, noli in hac re indulgere & nimium indignari, quemquam esse, qui de me male loquatur. Satis est enim, si hoc habemus, ne quis nobis malefacere possit* (3). Quamobrem idem Augustus Apulejam Variliam sororis suæ neptem, eo quod probrosis sermonibus ipsum D. Augustum ac Tiberium matremque ejus inluserit; noluit eo nomine majestatis teneri, liberavitque.

Apu.

(1) Lib. III. De Ben. cap. 27.

(2) Lib. I. Annal. Cap. 72.

(3) Tacit. Lib. I. Cap. 72. & Sveton. Lib. II. Cap. 51. Conf. La Dissertat. de M. Bayle sur les Libelles Diffamatoires, à l'occasion d'un passage de Tacite &c. dans le Dictionnaire Tom. Quatriem.

Apulejam crimine majestatis : quod ex Tacito etiam constat (1). Hinc Svetonii non minus (2) quam ejusdem Taciti verba lucem arcessunt : quorum ille Tiberium Cæsarem inducit , convitia adversus se & famosa de se ac suis carmina contemnentem ; *quod in Civitate libera , liberæ linguæ mentesque liberæ esse debeant* ; hic vero ex persona Æmilii Probi ; *rara temporum felicitas , ubi sentire quæ velis , & quæ sentis , dicere possis*.

§. IX. Repetam hic , quod superius modo dicebam , non recte quemquam hinc , vel ex allata Theodosii Constitutione , inferre , maledicta adversus Principem impune futura ; adeoque posse quempiam sanctissimæ Principum famæ , flagitium pro lubricine inferre. Quæ , inquam , nemo inde sanus inferet. Ipsi namque Divi Imperatores , cum pro sui animi magnitudine , noluerunt aliquem Imperialis nominis conviciatorem poenæ subjugari ; recte statuerunt tamen , cum exempli scilicet necessitas id postularet (3), debere pensare Principem ex hominum per-

(1) Tacit. Lib. II. Annal. Cap. 50.

(2) Svet. de eod. cap. 28. & Tacit. Histor. Lib. I. Cap. I.

(3) Anton. Perez. Praelat. in lib. 9. C. 7.

personis, utrum dicta permitti aut exquiri debeant (1). Alioquin *salutaris rigor vincit* aliquando *inanem speciem clementiae*, ut Tullius (2) inquit. Est itaque in Clementia quoque modus adhibendus. Non enim recte Summa Principis benignitas obtreſtatorum audaciam foveat; quorum, si ita loqui fas est, magna est ubique natio: neque enim ipsis anſa præbenda est magis magisque conviciandi, cum impune se tantum crimen admittere ſenſerint. Itaque puto Clementiam debere aliquando Juris duritiem temperare, non ipsum Jus inſudere. Appoſite de Theodoſio, Arcadio & Honorio, ſcribit Q. Aur. Symmachus, eos *juris duritiem pro clementia ſua decretis moderatioribus temperaſſe*.

§. X. Non ingratum tandem fore legentibus puto, auctores hîc per tranſennam adnotare, qui humaniſſimæ hujusce Conſtitutionis faciunt mentionem, eamque veluti commentantur. Hi vero ſunt. Zonaras & Theod. Baſſamon, in *Canones Apoſtolorum & Nomocan. Photii*. Har-

me.

(1) Conf. verba ſin. d. l. un. C. ſi quis Imp. maled.

(2) Apud Marcell. Lib. 29. Cap. 27.

menopulus Lib. 7. tit. 14. Michael Attaliata in *Synopsi Juris* ad Michael. Ducam & Imp. Tit. 69. Matthias Blastaras Archimonachus in *Collectaneis*, quæ ms. extant in Biblioth. Reg. Gall. Nihil autem præterea superaddam, ut Constitutionis ipsius verba, quæ per se clara sunt, intelligantur, iis, quæ pluribus commentatur Frid. Lindembrog. Com. in L. un. C. *Si quis Imp. maled.* Qui Commentarius extat apud Everard. Ottonem The-saur. Jur. Rom. Tom. IV. Hunc, si lubet, Lector benevolus consulat: mihi vero satis modo sit, paucis hanc veluti legem commentando, sententiam meam de Summa Principum Potestate a Deo derivanda, confirmasse. Verba nunc ipsius legis haud moror.

**F I N I S.**

**T**

**DE**



## DE REGUM JURIBUS

A P U D

LACEDÆMONIOS ET ATHE-  
NIENSES.

## DISSERTATIO

Q U A

Herodotus illustrantur &amp; Thucidides.

§. I.



Uce clarius ostendisse superiori  
me arbitror libello, Regiæ Po-  
testatis originem progressumque  
vere esse divinum, Deumque ipsum Re-  
ges jubere per Populum; qui profecto cum  
non sit causa omnino bruta ac necessa-  
ria, quæ seipsum *modificare* nequeat, ut  
cum Scholis loquar, potest aliquo etiam  
pacto Summam ipsam afficere Potestatem.  
Dehinc porro consecimus, eum, qui Re-

T 2

gem

gem dicit, illud intelligere proprium Regiæ Potestatis subjectum, cui suprema est in Regno potestas ac *αὐξτεῦθῡν*, nullique præterea, quam Deo obnoxia; cui adeo soli suorum actuum reddere cogitur rationem. Quamobrem Regem eum esse pluribus supra adductis rationibus asseruimus, qui legibus est solutus; cui quod lubet, licet; qui leges fert, non accipit; qui omnes judicat, ipse autem a nemine judicatur. Quæ Regiæ Potestatis jura ac *δικαιώματα* omnes omnino Gentes, quibus regius placuit dominatus, Regibus suis æquo olim animo tribuisse, jamdudum clarissimus monstravit Cl. Salmasius (1). Ita quidem Assyrios, Medos, Persas, Judæos, Græcos, Romanos, Christianos demum sensisse ex iis, quæ superius eodem sparsim notavimus libello, quispiam facile colliget. Regem itaque Israelitæ hisce verbis a Deo per Samuelem petiisse constat: *Constitue supra nos Regem ut judicet nos, sicut & universæ habent nationes*. Quare in Eccles. (2) ita Rex

(1) Salmas. Def. Reg. Cap. II. pag. 23.

(2) Eccles. Cap. VIII.

Rex sapientia; quam a Deo infusam acceperat, clarissimus, Regis hæc διειρηματα exponit. Ergo os Regis observa & præcepta juramenti Dei. Ne festines recedere a facie ejus, neque permaneas ab opere malo, quia omne quod voluerit, faciet, nec dicere ei quisquam potest, quare ita facis? Ex consensu ergo patet omnium Gentium, Reges, summo plenoque jure subjectis sibi populis perpetuo imperasse; Potestateque immoderata nec circumscripta. Quare Virgilius;

. . . . Regem non sic Ægyptus & ingens  
Lydia nec populi Parthorum & Medus  
Hydaspes  
Observant . . . . .

Quam antiquissimam omnium Gentium, eamque mire consentientem opinionem de Regum suorum plena Summaque Potestate, a jure Gentium, vel potius jure ipso Naturali ortum traxisse, quis perfricta fronte negaverit?

§. II. Quæ cum ita sint, facile omnes, quibus nota sunt, quæ de Regibus Atheniensibus Lacedæmonibusque fida antiquarum rerum custos servavit historia, intelli-



gent, hujusmodi Reges haud plena liber-  
rimaque rerum omnium potestate, Rem-  
publicam administrasse, adeoque vere Re-  
ges non fuisse. Profecto Lycurgus, qui  
Reges primum instituit, noluit Regibus  
Spartanis *παμβασιλειαν* tribuere, ne duo in-  
de maxima certe incommoda Rei crea-  
rentur publicæ, Tyrannis nempe a Re-  
gibus, invidia autem a Populo. Quare  
Xenophon noluisse testatur (1) Lycurgum,  
neque Regibus tyrannicum factum adsci-  
scere, neque Civibus invidiam adversus  
Summam Potestatem injicere. Procul au-  
tem omni dubio horum Regum Potestas  
& legibus finiebatur, quas idem ab ini-  
tio tulit Legislator longe sapientissimus.  
Itaque Aristoteles (2) recte scripsit, Re-  
gnum in Laconum Republica maxime  
obtinuisse secundum Leges, *μαλιστα των  
κατα νομον*: Xenophon autem (3) auctor  
est eodem Libro, Lacedæmonios, ne Re-  
ges

(1) Lib. De Rep. Lacedæm.

(2) Lib. III. Politic. Cap. IV.

(3) Lib. De Rep. Lacedæm. Hinc quoque patet,  
Ephoros vicissim quotis mensibus jurato Regibus  
promisisse, se Regnum iis leges servantibus conser-  
vaturos. Meminit mutui hujusce sacramenti Nico-  
laus *De moribus Gentium* apud Stobæum.

ges hocce institutum violarent umquam, quotis mensibus sollemne a Regibus Sacramentum exegisse; quo jurabant palam, coramque Ephoris, Regnum se secundum leges administraturos.

§. III. Quam sententiam de moderata ac circumscripta Regum apud Lacædæmonios Potestate, duobus maxime perspicuis argumentis confirmabo, quæ a Senatus atque Ephorum institutione deducuntur. Utraque paucis exponam. Auctor est Plutarchus (1) amplissimum Senatorum ordinem, id propterea (2) Lycurgum instituisse, ut hinc Regum obsisteret Tyrannidi, illinc Plebis dominationi factioni-

T 4

bus-

(1) Plut. in *Lycurgo*.

(2) Senatus dicebatur Lacædæmoniis peculiari nomine *γερυσια*. Luculenter id præ aliis testatur Pausanias in *Laconicis*: *Ἡ μὲν δὲ, inquit, γερυσια συνέδριον Λακεδαιμονίων κυριότητας & πολιτείας*; id est, *Gerusia Lacædæm. est confessus penes quem præcipua est Reip. auctoritas vel supremus Reip. confessus*. Apud Hesychium *γερυσια* dicitur etiam *συνήμα γερουσιῶν*: *γερουσίαι* autem ipsi Senatores. Patet nominis ratio; quæ eadem omnino est ac in latino sermone. Rem Tullii verbis exponamus, qui Lib. *De Senectute* utrumque nomen Latinum & Græcum comparavit, dein porro confecit: *Consilium ratio & sententia nisi esset in senibus, non summum consilium majores nostri Senatum appellassent*.

busque, ut ita æqua lance libratis publicis rebus, a neutra parte Respublica miferetur. Quamobrem eleganter Plato (1) Regum *tumido Imperio* conjunctam fuisse scribit *σωφρονα δυναμιν*, *moderatam senum potentiam*. Erat itaque *Senatus* apud Spartiatas, ordo quasi intermedius inter Reges & Populum, quos ita utrinque coërebat, ut Respublica bene sibi constaret, nec solveretur umquam. Quorum Senatorum auctoritatem Demosthenes respexit, cum eos *κυρις & δεσποτας της πολιτειας*, *civitatis dominos* appellavit (2): itemque Polybius (3), cum *δι ων η μετα ων παντα τα κατὰ την πολιτειαν χειριζεται*, *per ipsos & cum ipsis omnia circa civitatem administrari*, memoriæ prodidit. Imo nec ullus dubitandi relinquitur locus, Senatores ante Ephoros institutos, Rempubl. fere totam liberrime administrasse (4). Aristoteles quidem testatur (5) Lacedæmones Senatores *ανδρους*, a reddendis ni-  
mi-

(1) Plat. Lib. III. de Legib.

(2) Demost. adv. *Leptinem*.

(3) Polyb. Lib. VI.

(4) Conf. Plutarc. in *Agide & Cleomene*.

(5) Politic. II.

mirum rationibus *immunes* fuisse. Quod sapienter ille primum carpit; mox, quæ sentit, hisce aperit verbis: Διόπερ σελ-  
τιον αυτοις μη ἀνδρῶν εἶναι; ὡν δ' εἴτι: qua-  
re præstaret, minime reddendarum ratio-  
num *immunes* esse: nunc autem sunt. Ex  
quibus colligitur, Regum apud Lacedæ-  
monios Potestatem Summam non fuisse,  
nec infinitam.

§. IV. Cum Senatorum præ Regibus  
Lacedæmone Potestas Summa evasisset ac  
immoderata; opportune Ephoros Lacedæ-  
mones jusserunt, quibus Publica libertas  
maximæ esset curæ. Quem Magistratum  
ἐφορος ἐκαλεον, apposite inquit Suidas, δια-  
το ἐφορον τὰ τῆς πόλεως πράγματα; Ephoros  
appellarunt, quod Reip. negotia inspicere-  
rent (1). Ephoros Lycurgum etiam insti-  
tuisse ferunt. Herodotus namque (2), præ-  
ter cætera id quoque Lycurgum in confor-  
manda sua Rep. præstitisse, scripsit. Non ea  
vero tantum Ephoris provincia demanda-  
ta

(1) Suid. in Lexico. Hinc ἐφορον ἀπὸ τῶν ἐν  
Σπάρτῃ ἐφορον; Inspicere, ab Ephoris vel inspecto-  
ribus (lingua Romana Censoribus) Sparta, inquit  
Hesychius.

(2) Lib. I. Histor.

ta, ut Reip. inspicerent negotia; verum id sibi etiam dare debebant negotii, ut freni instar Regum jam luxuriantem potentiam coërcerent. Quæ Platonis (1) ac Plutarci-luculentissima sententia est. Quam obrem recte Cicero scripsit (2) ita Regibus oppositos Ephoros fuisse, uti Consulibus Tribuni.

§.V. Hinc I. Reges apud Laconas ad obedientiam omnium Legum diligentius, quam pri-

(1) Plat. Lib. III. De Legib. & Plutar. in Vita Licurgi.

(2) Cic. De Leg. Lib. III. Valerius Maximus, qui una cum pluribus, Aristotele præsertim, Ephoros putavit a Regibus institutos, eandem Ephorum institutioni causam præstituit. Quod ex memorabili deducitur Theopompi Regis factis, quod idem Auctor. Lib. IV. *Dictorum & Factorum Memorabilium* enarrat Aristoteles autem Lib. V. Politic. Cap. XI *Theopompo*, inquit Val. Max. *Spartanorum Regi moderationis testimonium reddamus. Nam cum primus instituisset ut Ephori Lacedæmonie crearentur, ita futuri Regiæ Potestati oppositi, quemadmodum Romæ Consulari Imperio Tribuni Plebis sunt objecti: atqui illi uxor dixisset, id egisse illum, ut filiis minorem potestatem relinqueret; relinquam, inquit, sed diuturniorem. Optime quidem. Ea enim tuta est potentia, quæ viribus suis modum imponit. Extat etiam hæc historia apud Plutarchum in eo Libello, qui inscribitur, In Principe requiri doctrinam.*

privati erudiebantur : nihil enim iis indulgebatur, si delinqueret umquam. Quod plane nos docet disertissimus Orator Iſocrates . Suadet enim æmulari ac imitari Lacedæmoniorum Reges hac de cauſſa : Εἰς τοὺς γὰρ ἀδικοῦν μὲν ἥττον ἐξέειν, ἢ τοῖς ἰδιωταῖς : *Illis enim, Regibus nempe, minus delinquere licet, quam privatis.* Hinc II. legitur apud Plutarchum (1), Archidamum Regem ab Ephoris pecunia mulctatum, quod uxorem puſillam duxerat, hanc rationem reddentibus; quod tali uxore non Reges, ſed. Regunculos gigneret . Hinc III. Reges apud Laconas extra bellum, Summam Potestatem cum Imperii plenitudine non habebant : poterant enim ab Ephoris in carcerem conjici (2). Ita Pauſanias ab Ephoris in carcerem eſt conjectus : Ephoris enim Regem ita tractare licet; ἐξέει δὲ τοῖς Εφοροῖς τὸ βασιλεῖα δρᾶναι, τῆστο, ibidem inquit graviffimus auctor Thucydides (3), . Patet autem ex eodem Thu.

(1) Plut. in Vit. Ageſil. Idemque Lib. qui inſcribitur περὶ παιδων ἀγωγῆς, *De liberorum Educatione.*

(2) Conf. Thucid. Hiſt. Lib. I. p. 84. §. 131. Tom. I. in fol. edit. Ducher.

(3) Conf. Nep. in Vita Pauſ. §. III.

Thucid. (1) Reges in bello apud Lacedæmonios Summam habuisse Potestatem : βασιλεως γαρ αγοντι, υπ' εκεινου παντα αρχετη, η τοις μεν πολεμαρχοις αυτος φραζει το δεον : *Quum enim Rex exercitum ducit, omnia ab illo reguntur, & ipse quidem Polemarchis indicat ea, quæ sunt facienda.* Quamobrem solis Regibus licebat bello inducias dare. Itaque apud Plinium scriptum invenio (2), Regem Lysandrum, obsidentibus Athenarum mœnia Lacedæmoniis, cum Sophocles tragici cothurni facile princeps supremum diem obiisset, pacem funeri dedisse; sive ut Solinus teste Harduino scribit, *inducias bello dedisse, usque dum congruæ supremis talibus exsequiæ ducerentur.* Ex quibus deducitur quam vere Herodotus (3) scripserit, alia fuisse εμπολεμια, alia ειρηναϊα, quæ Regibus Lacones tribuerunt. Profecto Regum potestas, etsi perpetuo Reip. subesset, Senatoribus etiam atque Ephoris; militiae  
ta-

(1) Hist. Lib. V. §. 66. pag. 457. cit. edit. in fol.

(2) Plin. Lib. VII. Hist. Nat. §. XXX. edit. in fol. Io. Harduin. Paris. an. 1741.

(3) Hist. Lib. VI.

tamen liberior erat (1) & amplior, domi autem angustioribus circumscripta cancellis. Age autem omnia singillatim eorum jura perenseamus.

§. VI. Ad Regiam Potestatem domi præcipue pertinuit, I. Cura Sacrorum, quorum omnium, teste Aristotele, arbiter erat & moderator Rex. Itaque Herodotus omnia quæ ad Deorum cultum pertinerent, Regibus Lacedæmonios commisisse scribit. Regum erant, inquit ille, duo Sacerdotia, Jovis nempe Lacedæmonis, Jovisque cœlestis (2). Quamobrem singulis Neomeniis, seu Kalendis, & septimo quoque die mensis ineuntis, victimam perfectam, quæ ex publico dabatur, Jovi utrique in æde Apollinis Reges immolasse, cum farinæ medimno & vini Laconico quartario, idem testatur Herodotus. Xenophon autem addit, quod Reges omnia sacrificia pro salute Reip. suscepta Diis obtulerint; quod Diis oriundi, Deos facilius placarent. Quamplura etiam sacrificia

(1) Hinc militiæ centum delecti viri perpetuo Regibus custodes aderant. Conf. Herod. Cap. alibi add.

(2) Jamdudum clariss. Meursius observavit apud unum Herodotum, Jovem hunc Lacedæmonem legi. Conf. Valckenarium ad Herod. edit. in fol. Amstelod. 1763.



ficia belli caussa a solis Regibus offerri Diis solebant. Cum Reges autem præcipue Sacerdotium curarent; hinc fiebat, ut Jus Regibus esset per se quosdam Magistratus & Sacerdotes creandi. Hujusmodi fuerunt *Proxeni* & *Pythii*; quorum munia clare Sigonius exponit, & Cragius.

§. VII. Neque ad Reges solum Lacedæmonios Sacrorum cura pertinuit; verum apud Athenienses quoque ac Romanos Regi Sacrificulo maximæ sacra curæ fuerunt. Omnis quidem Atheniensium Religio tribus potissimum in rebus posita Sigonio (1) videtur, in *Sacrificiis* nempe, in *Pompis*, & in *Ludis*. *Sacrificia*, quæ illi *Συνας* dixerunt, sollempnis cum victimarum oblatione, votorum pro Rep. susceptio fuit; eorumque alia *patria*, alia *ἐπίδητα*, sive *εἰσθητήρια* fuere. *Pompas* dixerunt ornatam virorum mulierumque turbam, quam cum rebus ad Sacra pertinentibus ad *Mysteria* in *Eleusinem* & *Dionysia* & *Panathenaea*, longo comitatus agmine cum magna carimonia mittebant. *Ludi* tandem, quos

(1) Carol. Sigon. Lib. 4. De Rep. Ath. Cap. 7. apud Gronov. antiq. Græc. Tom. V. Conf. Jo. Meurs. *Eleusinia* apud Gron. Tom. VII.

quos illi *αἰωνίαι* appellarunt, publica fue-  
re spectacula in Deorum honorem edita  
magnisque sumptibus apparata. Quorum  
alii *Scenici*, sive *musici* ac *Dyonisiaci* di-  
cti; alii vero *Gymnici*, qui in curriculo  
per athletas committebantur. Quæ om-  
nia non iidem homines Sacerdotesque  
procurarunt. Rex namque, quod ex Pol-  
lucis atque Harpocratonis monumentis  
constat, *Mysteria Lenææ*, & *Ludos*, qui  
in *Lampade* dicti sunt, nempe *Panathe-  
nææ*, *Hephestia*, & *Promethea*, insuper  
sacra *Patria* procuravit (1). Hinc Sacer-  
dotibus omnibus jus dicebat; ad Myste-  
ria vero Curatores a Populo creatos, duo  
ex *Eumolpidis*, unum ex *Cerycibus* ad-  
sci.

(1) Tria procul dubio, ubi semper lampadis usus  
erat, festa Athenienses habuere, *αἰωνία*, *ἡραϊκά*,  
*ἑρμιακά*, Minervæ, Vulcano, Prometheo. Suidas  
ait, *Ἰστὺν* scriptum reliquisse. quod cum Athenien-  
ses Sacra Vulcano facerent, lampadem excogitave-  
runt, ob cuius rei memoriam perpetuos illi ludos, in  
quibus usus semper esset Lampadis &c. Gratiam au-  
tem quæ referrent prudentissimæ artium inventrici  
Palladi, itemque Prometheo primo etiam multarum  
artium inter homines propagatori; sanxere ut pa-  
riter in Minervæ ac Promethei Sacris, eadem lam-  
pade Posteriores uterentur. Conf. Polluc. in *Onom.* &  
Meursium in *Græciæ Fætiata*.

sciscebat. Regina item uxor ejus quibusdam arcanis operam dabat; quod testatur Demosthenes (1).

§. VII. Apud Romanos etiam ex ætis Regibus, qui sacra a solis Regibus consueta perageret, Sacrorum Rex appellabatur. Omnibus autem ille Sacris præerat, & nulli cedebat præterquam Pontifici Maximo, post quem in sacris Epulis accumbebat. *Regem Sacrificulum* inquit Livius (2), *creant: id Sacerdotium Pontifici subjecere, ne additus nomini bonos, aliquid libertati, cujus tunc prima erat cura, officeret.* Id autem propterea Regio nomine decorarunt, ut par ei inesset in eo munere obeundo auctoritas. Aliam hujusce nominis minime aspernandam rationem reddit Dionys. Halicarnas. (3) Quoniam Reges multorum magnorumque bonorum Reip. auctores extitisse credebantur, propterea, ut quantisper urbs staret, Regii Imperii no-

(1) Leg. Orat. Contra *Neeram*.

(2) Lib. II. Conf. Harduin. ad Plin. Hist. Nat. Lib. XI. 6. 71.

(3) Antiq. Roman, Lib. V. pag. 278. edit. in fol. Lips. 1691.

nomen conservaretur, jufferunt Pontifices & Augures designare unum e Senioribus quam maxime idoneum, qui præter cultus divini curam nulli alii præesset muneri. Is autem ab omnibus militaribus & civilibus muneribus immunis *Sacrorum Rex*; ἱερῶν Βασιλεὺς καλεσμένος, appellatus fuit. Primus, qui hunc honorem Romæ accepit, fuit Manius Papius vir patricius, ἐκ τῶν πατρικίων ἀνὴρ ἡσυχασφίλος, quietis amantissimus (3).

§. VII. Redeo jam nunc ad Jura Regum Lacedæmonum. Cum, ante Ephoros præsertim institutos, Rex esset summus Reip. Magistratus; Jus Regis erat novas sancire leges (si quid novi faciendum) veteribusque derogare. Præterea quarumdam caussarum judicia, præcipue quæ ad Sacra spectarent, ad Regem solummodo pertinebant. Itaque Reges de  
V pro

(3) Conf. Alex. ab Alex. Lib. III. Genial. Dier. Tom. I. in 8. pag. 846. Regis Sacrorum Meminit Tullius in Orat. De Arusp. Resp. & pro Dom. Sua. Item Plinius Hist. Nat. lib. XI. §. 71. E. Postumio Albino, Rege Sacrorum, inquit, cor in extis Aruspices inspicere, cæpisse. Gellius etiam Noct. Attic. Lib. X. Cap. XV. Regem hunc sacrificulum memorat; alique passim.

Proxenis & Pythiis judicabant. Ad eos etiam pertinuit de Virgine judicare, ad quam tota hereditas devenisset, præsertim si Pater eam nondum desponderat. De viis publicis iidem cognoscebant, nec non de adoptionibus; si quis adoptivus filius fieri vellet. Reges tandem varicina custodiebant: Reges Athenis quoque de eade causâs, quas ex præcognitione aut ex occasione rei obvii, præoccupare poterant, in Senatum Ariopagiticum inducere solebant. Ubi vero reos ante Tribunal stitissent, deposita corona ipsis cum Ariopagitis affidebant, sententiam pro ratione criminis primum dicturi. Tum vero rerum incorporalium causas, verbi gratia de damno ab obice in via publica dato; de ruina ex tigno communi, maceriis, ædibus ruinam minantibus, & hujusmodi, audire solebant, ac deinde quis earum nomine teneretur, iudicio declarare. Regum item apud Laconas Jus erat; Legatos sive hostium sive amicorum audire, iisdem respondere, postea dimittere (1). Hæc vero omnia domi:

(1) Conf. Xenoph. De Rep. Laced.

mi : militiæ vero Summa Regibus erat potestas plenumque Imperium, uti ex Thucid. supra notavimus. Itaque non solum Regis potissimum auctoritas in bello incoeptando intercedebat; verum etiam coeptum ejus prorsus consilio gerebatur.

§. IX. Venio nunc ad honores, quibus Reges adhuc viventes prosequabantur Lacedæmonii. Iterum ajo Reges militiæ augustiores fuisse, quam domi; honores nempe domi tenues, militiæ autem magis effusi. Conf. Xenoph. Quod Reip. maxime congruebat, in qua Summa Potestas penes Populum. In plerisque autem Regibus honos habebatur præ privatis. I. Omnia, quæ publice facienda essent, a Rege auspicabantur. Bono se enim omnia a Regibus omnia auspicari censebant; eo quod Reges tamquam Summi Sacerdotes auspicia moderabantur. II. Proëdria, sive supremus confessus, uti constat ex Herod. lib. VI. tum in libationibus cum in certaminibus, Regibus semper honoris causa cedebatur. III. Regibus omnes, exceptis Ephoris, quorum munus id non ferebat, quocumque in cœtu assurgebant. IV. Regibus etiam publicis impensis propriæ Regiæ sive Domus, ubi per-

petuo ad illud honoris fastigium evecti habitarent, erant jam inde a primis temporibus destinatae (1) V. Non solum autem Regia in qua habitarent, verum publicum iis constitutum erat Tabernaculum, ubi seorsim cum suis cibum caperent. Itaque scribit Herodotus, si Reges ad coenam non venirent, αλφίτων δύο χοινίκας εκατέρῃ κὶ οἶνῳ ποτὺλῳ, idest, *binos farinae chœnicias utrique ac vini Sextarium*, domum mitti (2). VI. Illud etiam Regibus, siue publice cibum sumentibus, siue ad privatorum convivia invitatis, honoris

m2-

(1) Conf. Xenoph. De Rep. Lacedæm. Qui mos obtinuit etiam Romæ. Regia namque proprie dicta Pontificum erat in *Sacra Via* non procul a Vestâ. Bene autem observat clarissimus Gronovius (\*) post exactos Reges, Reges quoque Sacrorum, qui regio in sacris officio fungebantur juxta Vestam habitasse: quas Ædes postea Vestalibus donasse Augustum, tradit Dion Lib. LIV. Vid. Fest. in Voc. *Sacram viam*. Neque Regia tantum Romæ Regi destinata Sacrificio, verum plura etiam *Sacraria* Sacerdotibus Collinis, Saliiis & Palatinis. Quod innuisse mihi videtur Gellius.

(\*) Gronov. ad Gellii Lib. IV. Noct. Atticæ. Cap. V. verba illa; *in Sacrario, in Regia hastas Martias movisse*.

(2) De Chœnice ac Sextario vide adnot. ad Cap. XIII. §. VIII.

maxime dabant Lacedæmones ; quod duplo plus Regibus offerrent in cœna, quam aliis. Quamobrem idem scribit Herodotus ; παρεσι διπλασια παντα δίδοθαι , Regibus nempe *præsentibus omnia duplicia dari* : non quod ipsi duplum vorarent , inquit Xenophon ; sed ut inde aliquem honorarent, si ita ipsis videretur. VII. Libaminum quoque primitias oviumque immolatarum pelles Regum fuisse , idem enarrat Herodotus eodem loco. VIII. Xenophon vero auctor est , Lycurgum præter cætera Regibus permisisse , ut singulis scrophis parturientibus singulos capere possent porcellos, ne sacrificia Regii muneris impedirentur umquam.

§. X. Hæc viventibus decora Regibus Spartiatæ tribuerunt . Paucis nunc quos honores mortuis præstarunt, perensemus. I. Reges post mortem, Xenophon inquit, tamquam Heroas veneratione summa summoque obsequio Lacones prosequerantur. II. Mors Regis ita enunciabatur, ut Equites per universam Laconicam missi, Regem diem supremum obiisse vulgarent. At præstat Alexandri ab Alex. verbis Regium funus exsequiarumque pompam explicare



re (1). Apud Spartanos, inquit ille, erat constitutum, ut Rege defuncto, Equites obitum Regis enunciantes cursitent, fœminæque trinibus passis & libero conquestu, tinnitu ollas pulsent aneas, quibus nec nocte nec die quies. Tunc audito Regis obitu, in omnem formam luctus concedi permissum erat; mulieresque proxima affinitate, in veste candida & capite aperro, ritu Romano ejulantes, funus celebrare. Addit Herodotus Laconas de more majorum Regis mortem ita quidem honestasse, ut exclamare non dubitarent, ultimum Regem jam mortuum omnium fuisse optimum. III. Quod si bello Rex obiisset, ejus simulacrum conformabant ac in toro efferebant bene strato. IV. Quo tempore autem Regis funus fiebat decem dierum justitium indicebant; qui dies erant omnes nefasti. Itemque (2) mortuo Rege tribus diebus nihil vendi poterat; forum vero paleis sternebatur. V. Sacer item locus Religiosusque fuit La-

(1) Lib. III. Gen. Dier. Cap. VII. Tom. I. Pag. 618.

(2) Conf. Heraclid. *De Politicis*; & Cragium Lib. II. De Rep. Lacedæm. Cap. II.

Lacedæmone peculiaris, in quo Reges (1) sepelirentur. Quo defuncti autem Regis memoria perennaret, illud honoris ei post humationem successor tribuebat, ut quemvis Spartiatarum Regi vel Reip. debito obstrictum, ære alieno redimeret.

§. XI. Maximam hinc puto lucem capiunt verba Herodoti, quæ extant lib. VI. Cap. 56. quæque a nobis alio in loco ex parte descripta sunt (2): Verba item Thucidid. qua extant §. V. hujusce Disfertat. Quæ monuisse oportuit, ne indotiores ista apud Thucididem perlegentes, aliquid sibi illis exemplis adversus Sanctas Regum, qui pleno jure regnant, personas, permetterent umquam. Ad illa nunc acriter animum intenderem de Regibus Laconum ex instituto scribens: quænam Familia (3); quod successionis Jus; quæ puerilis educatio;

(1) Pausan. Lib. III.

(2) Cap. XIII. §. VIII.

(3) Familia Regia post recuperatam a Doribus Peloponesum, reliquis posthabitis, fuit Heraclidarum, sive ex divina Herculis stirpe oriundorum. Ex Pausania autem discimus Regiam Laced. Familiam ante Heraclidas, triplicem subiisse mutationem. Vide Nicol. Cragium de Rep. Lacedæm.

tio ; quæ corporis externa species . At  
 Dissertatiunculæ quem proposui finem , ea  
 nunc pertractare me prohibet . Satis ita-  
 que sit paucis modo monstrasse , præcipuum  
 eumque antiquissimum Lacedæmoniorum  
 Magistratum fuisse , cui Regium nomen  
 dabatur ; eumque haud fuisse *τοῦ ἀναπεί-  
 ουον* , nec potestate præditum infinita , ut  
 reliqui Reges , qui Regnum pleno sum-  
 moque Jure moderantur . Pluribus ita-  
 que voti compos lectores non distineo ;  
 quorum æquanimitas scribentis velim adau-  
 geat industriam .

FINIS.

XYIII

✓

59

AD1

1453498





11326

